


182. Oc. 907.25. *

W2839.
3

স্বাভাৱিক কলা

BR 452
88-190



Princed & Published by

শ্রীদীনেশচন্দ্র সেন বি. এ.

প্রণীত

(দুইখানি হাফটোন ছবি এবং শ্রীযুক্ত নবীন্দ্রনাথ ঠাকুর-কৃত
ভূগিকার সহিত) *R. A. B. Choudhury*

—১৪৭—

“যাবৎ স্যাস্যন্তি গিরয়ঃ সরিতশ্চ সঙ্গীতলী ।

সাবদ্রাসায়ণকথা স্তীকিণু প্রচরিষ্যতি ॥”

দ্বিতীয় সংস্করণ

কলিকাতা

৬৫ নং কলেজ ষ্ট্রীট, ভাট্টাচার্য্য এণ্ড সন্সএর পুস্তকালয় হইতে

শ্রীদেবেন্দ্র নাথ ভাট্টাচার্য্য কর্তৃক প্রকাশিত

১৩১৪

মূল্য ১১০ টাকা মাত্র

W2839
3

52/18
10R-80



কলিকাতা

২৫ নং বাঘবাগান ষ্ট্রীট, ভাবতমিহিব যন্ত্রে সাংখ্যাল এণ্ড কোম্পানি
দ্বারা মুদ্রিত।

২৫/১৮
১০৪-৮০

স্বনামধন্য, পবোপকাৰী, মাতৃভাষাৰূপা

বায়ু বাহাদুৰ


শ্ৰীযুক্ত হৰিবল্লভ বসুৰ নামে

শ্ৰদ্ধা ও কৃতজ্ঞতাৰ চিহ্ন স্বৰূপ

এই পুস্তক

উৎসৰ্গ কৰা হইল

ভূমিকা ।



বাগ্যষণ মহাভারতকে যখন ভগৱত অগ্ৰাণ্ণ কাবোন সহিত তুলনা কৰিয়া শ্ৰেণীবদ্ধ কৰা হয় নাই তখন তাহাদেৱ নাম ছিদা ইতিহাস । এখন বিদেশীয় সাহিত্যভাণ্ডাৰে যাচাই কৰিয়া তাহাদেৱ নাম দেওয়া হইয়াছে এপিক্ । আমবা “এপিক্” শব্দেৰ বাংলা নামকৰণ কৰিয়াছি মহাকাব্য । এখন আমবা বাগ্যষণ মহাভারতকে মহাকাব্যই বনিয়া থাকি ।

মহাকাব্য নামটি ভাবই হইয়াছে । নামেৰ মনোই যেন তাহাৰ সংজ্ঞাটি পাওয়া যায় । ইহাকে আমবা কোনো বিদেশী শব্দেৰ অনুবাদ বনিয়া এখন যদি না স্বীকাৰ কৰি তাহাতে সন্দিগ্ধ হয় না ।

অনুবাদ বনিয়া স্বীকাৰ কৰিলে পরদেশীয় অনধিকাৰেৰ “এপিক্” শব্দেৰ লক্ষণেৰ সহিত আগাগোড়া না মিলাইলৈ মহাকাব্যনামবাবাকে কৈয়িক দিতে হয় । এৰা অবাধাচিত্তেৰ মনো থাকা অনাবশ্যক বনিয়া মনে কৰি ।

মহাকাব্য বৰিতে কি বুঝি আমবা তাহাৰ আৱোচনা কৰিলে প্রস্তুত আছি কিন্তু এপিকেৰ সঙ্গে তাহাকে আগাগোড়া মিলাইয়া দিব এমন পণ কৰিলে পাৰি না । কেমন কৰিয়াই বা কৰিব ? প্যাৰাডাইন্ নষ্টকেও তা সাধাৰণে এপিক্ বনে, তা যদি হয় তবে

রামায়ণ মহাভারত এপিক্ নহে—উভয়ের এক পংক্তিতে স্থান হইতেই পারে না।

মোটামুটি কাব্যকে দুই ভাগ করা যাক। কোনো কাব্য বা একলা কবির কথা, কোনো কাব্য বা বৃহৎসম্প্রদায়ের কথা।

একলা কবির কথা বলিতে এমন বুঝার না যে তাহা আর কোনো লোকের অধিগম্য নহে, তেমন হইলে তাহাকে পাগলামি বলা যাইত। তাহার অর্থ এই যে, কবির মধ্যে সেই ক্ষমতাটি আছে, বাহ্যতে তাহার নিজের স্বথছঃখ, নিজের কল্পনা, নিজের জীবনের অভিজ্ঞতার ভিতর দিয়া বিশ্বমানবের চিরন্তন হৃদয়বেগ ও জীবনের মর্মকথা আপনি বাজিয়া উঠে।

এই যেমন এক শ্রেণীর কবি হইল তেমনি আর এক শ্রেণীর কবি আছে, বাহার রচনার ভিতর দিয়া একটি সমগ্র দেশ একটি সমগ্র যুগ আপনার হৃদয়কে আপনার অভিজ্ঞতাকে ব্যক্ত করিয়া তাহাকে মানবের চিরন্তন সামগ্রী করিয়া তোলে।

এই দ্বিতীয় শ্রেণীর কবিকে মহাকবি বলা যায়। সমগ্র দেশের সমগ্র জাতির সরস্বতী ইহাদিগকে আশ্রয় করিতে পারেন—ইহারা যাহা রচনা করেন তাহাকে কোনো ব্যক্তিবিশেষের রচনা বণিয়া মনে হয় না। মনে হয় যেন তাহা বৃহৎ বনস্পতির মত দেশের ভূতল জঠর হইতে উদ্ভূত হইয়া সেই দেশকেই আশ্রয়চ্ছায়া দান করিয়াছে। কালিদাসের শকুন্তলা, কুমারসম্ভবে বিশেষভাবে কালিদাসের নিপুণ হস্তের পরিচয় পাই—কিন্তু রামায়ণ মহাভারতকে মনে হয় যেন জাহ্নবী ও হিমাচলের গ্রাঘ তাহারা ভারতেরই, ব্যাস বাণীকি উপনক্ষ মাত্র।

বস্তুত ব্যাস বাণীকি ত কাহারো নাম ছিল না। ও ত একটা উদ্দেশ্যে নামকরণ মাত্র। এত বড় বৃহৎ দুইটি গ্রন্থ, আমাদের সমস্ত ভারতবর্ষ জোড়া দুইটি কাব্য গ্রন্থের নিজের রচয়িতা কবিদের নাম হারাইয়া বসিয়া আছে, কবি আপন কাব্যের এতই অন্তরালে পড়িয়া গেছে।

আমাদের দেশে যেমন রামায়ণ মহাভারত, প্রাচীন গ্রীসে ও রোমে তেমনি ইনিয়ড্ এনীড্ ছিল। তাহারা সমস্ত গ্রীস ও রোমের হৃদপদাসম্ভব ও হৃদপদাবাসী ছিল। কবি হোমর ও ভার্জিল আপন আপন দেশকালের কণ্ঠে ভাষা দান করিয়া-
ছিলেন। সেই বাক্য উৎসের মত স্ব স্ব দেশের নিগূঢ় অন্তস্তন হইতে উৎসারিত হইয়া চিরকাল ধরিয়া গ্রন্থকে প্রাণিত করিয়াছে।

আধুনিক কোনো কাব্যের মধ্যেই এমন বাণকতা দেখা যায় না। মিল্টনের প্যারাডাইস্ লস্টের ভাষায় গান্ধীর্ষ্য, ডম্বের মাহাত্ম্য, রসের গভীরতা যতই থাক না কেন তথাপি তাহা দেশের ধন নহে, — তাহা দ্যাউজেরির আদরের সামগ্রী।

অতএব এত গুটি কয়েক মাত্র প্রাচীন কাব্যকে এক কোঠায় ফেলিয়া এক নাম দিতে হইলে মহাকাব্য ছাড়া আর কি নাম দেওয়া নাইতে পারে? ইহারা প্রাচীনকালের দেবদৈত্যের জায় মহাকাব্য ছিলেন — ইহাদের জাতি এখন নুপু হইয়া গেছে।

প্রাচীন আর্য্য সভ্যতার এক বায়া যুরোপে এবং এক দ্বারা ভারতে প্রবাহিত হইয়াছে। যুরোপের দ্বারা দুই মহাকাব্য এবং

ভারতের ধারা ছুই মহাকাব্যে আপনার কথা ও সঙ্গীতকে রক্ষা করিয়াছে।

আমরা বিদেশী, আমরা নিশ্চয় বলিতে পারি না গ্রীস ও রোম তাহার সমস্ত প্রকৃতিকে তাহার ছুই কাব্যে প্রকাশ করিতে পারিয়াছে কি না, কিন্তু ইহা নিশ্চয় যে ভারতবর্ষ রামায়ণ মহাভারতে আপনাকে আর কিছুই বাকি রাখে নাই।

এইজন্যই, শতাব্দীর পর শতাব্দী বাইতেছে কিন্তু রামায়ণ মহাভারতের স্রোত ভারতবর্ষে আর লেশমাত্র শুষ্ক হইতেছে না। প্রতিদিন গ্রামে গ্রামে ঘরে ঘরে তাহা পঠিত হইতেছে—মুন্সীর দোকান হইতে রাজার প্রাসাদ পর্য্যন্ত সর্বত্রই তাহার সমান সমাদর। ধন্য সেই কবিযুগলকে, কালের মহাপ্রান্তরের মধ্যে যাহাদের নাম হারাইয়া গেছে, কিন্তু যাহাদের বাণী বহু কোটি নরনারীর দ্বারে দ্বারে আজিও অজপ্রধারায় শক্তি ও শান্তি বহন করিতেছে, শত শত প্রাচীন শতাব্দীর পলি-মৃত্তিকা অহরহ আনয়ন করিয়া ভারতবর্ষের চিত্তভূমিকে আজিও উর্বরা করিয়া রাখিতেছে।

এমন অবস্থায় রামায়ণ মহাভারতকে কেবলমাত্র মহাকাব্য বলিলে চলিবে না, তাহা ইতিহাসও বটে; ঘটনাবলীর ইতিহাস নহে, কারণ সেরূপ ইতিহাস সময় বিশেষকে অবলম্বন করিয়া থাকে—রামায়ণ মহাভারত ভারতবর্ষের চিরকালের ইতিহাস। অল্প ইতিহাস কালে কালে কতই পরিবর্তিত হইল, কিন্তু এ পরিবর্তন হয় নাই। ভারতবর্ষের যাহা সাধনা, যাহা

আরাধনা, যাহা সংকল্প তাহারই ইতিহাস এই দুই বিপুল কাব্য-
হর্ম্যের মধ্যে চিরকালের সিংহাসনে বিরাজমান।

এই কারণে, রামায়ণ মহাভারতের যে সমালোচনা তাহা অল্প
কাব্য সমালোচনার আদর্শ হইতে স্বতন্ত্র। রামের চরিত্র উচ্চ
কিনীচ, লক্ষণের চরিত্র আবার ভাল লাগে কি মন্দ লাগে এই
আলোচনাই যথেষ্ট নহে। স্তম্ভ হইয়া শ্রদ্ধার সহিত বিচার করিতে
হইবে সমস্ত ভারতবর্ষ অনেক সহস্র বৎসর ইহাদিগকে কিরূপ
ভাবে গ্রহণ করিয়াছে। আমি যত বড় সমালোচকই হই না
কেন একটি সমগ্র প্রাচীন দেশের ইতিহাস প্রবাহিত সমস্ত কালের
বিচারের নিকট যদি আমার শির নত না হয় তবে সেই উদ্ধৃত্য
লজ্জারই বিষয়।

রামায়ণে ভারতবর্ষ কি বলিতেছে, রামায়ণে ভারতবর্ষ কোন্
আদর্শকে মহৎ বলিয়া স্বীকার করিয়াছে ইহাই বর্তমান ক্ষেত্রে
আমাদের সবিনয়ে বিচার করিবার বিষয়।

বীররসপ্রধান কাব্যকেই এপিক বলে এইরূপ সাধারণের ধারণা,
তাহার কারণ যে দেশে যে কালে বীররসের গৌরব প্রাধান্য
পাইয়াছে সে দেশে সে কালে স্বভাবতই এপিক বীররসপ্রধান
হইয়া পড়িয়াছে। রামায়ণেও যুদ্ধব্যাপার নথেষ্ট আছে, রামের
বাহুবলও সামান্য নহে, কিন্তু তথাপি রামায়ণে যে রস সর্বাঙ্গোপেক্ষ
প্রাধান্য লাভ করিয়াছে তাহা বীররস নহে। তাহাতে বাহু-
বলের গৌরব ঘোষিত হয় নাই—যুদ্ধঘটনাই তাহার মুখ্য বর্ণনার
বিষয় নহে।

দেবতার অবতারলীলা লইয়াই যে একাব্য রচিত তাহাও নহে। কবি বাণীকির কাছে রাম অবতার ছিলােন না, তিনি মানুষই ছিলােন পণ্ডিতবা ইহার প্রমাণ করিলােন। এই ভূমিকা পণ্ডিত্যের অবকাশ নাই; এখানে এইটুকু সংক্ষেপে বলিতেছি যে কবি যদি রামায়ণে নরচরিত্র বর্ণনা না করিয়া দেবচরিত্র বর্ণনা করিতেন, তবে তাহাতে রামায়ণেব গৌরব হ্রাস হইত—সুতরাং তাহা কাব্যংশে ক্ষতিগ্রস্ত হইত। মানুষ বলিলাই রামচরিত্র মহিমান্বিত।

আদিকাণ্ডের প্রথম সর্গে বাণীকি তাঁহার কাব্যের উপযুক্ত নাগক সন্ধান করিয়া যখন বহু গুণেব উল্লেখ করিয়া নারদকে জিজ্ঞাসা করিলেন—

“সমগ্রা রূপিণী লক্ষ্মীঃ কমেকং সংপ্রিতা নরং।”

কোন্ একটি মাত্র নরকে আশ্রয় করিয়া সমগ্রা লক্ষ্মীকণ গ্রহণ করিয়াছেন?—তখন নারদ কহিলেন—

“দেবেষপি ন পশ্যামি কশ্চিদেতি গুণৈর্যুতং।

আয়তাং তু গুণৈবেতির্যো যুক্তো নরচক্রমাঃ ॥”

এত গুণযুক্ত পুরুষ ত দেবতাদের মধ্যেও দেখি না, তবে সে নরচক্রমার মধ্যে এই সকল গুণ আছে তাঁহার কথা শুন।

রামায়ণ সেই নরচক্রমাবহঁ কথা, দেবতার কথা নহে। রামায়ণে দেবতা নিজেকে খবঁ করিয়া মানুষ করেন নাই, মানুষই নিজগুণে দেবতা হইবা উঠিয়াছেন।

মানুষেরই চরম আদর্শ স্থাপনাব জন্য ভারতের কবি মহাকাব্য রচনা করিয়াছেন। এবং সে দিন হইতে আজ পর্য্যন্ত মানুষের এই

আদর্শ চরিত্রবর্ণনা ভারতের পাঠকমণ্ডলী পবনপ্রাণের সহিত পাঠ
করিয়া আসিতেছে।

বাঁমাংগের প্রাণান বিশেষত্ব এই যে তাহা ঘরের কথাকেই
অত্যন্ত বৃহৎ করিয়া দেখাইয়াছে। পিতাপুত্র, ভ্রাতায় ভ্রাতায়,
স্বামী স্ত্রীতে যে ধর্মের বন্ধন, সে প্রীতি ভক্তিও সমস্ত বাঁমাংগ
তাহাকে এত মহৎ করিয়া তুলিয়াছে যে তাহা অতি সহজেই মহা-
কাব্যের উপযুক্ত হইয়াছে। দেশজর, শত্রুবিনাশ, ছুই প্রবল বিরোধী
পক্ষের প্রচণ্ড আঘাত সংঘাত এই সমস্ত বাঁপানই সাধারণ
মহাকাব্যের মধ্যে আন্দোলন ও উদ্দীপনান সঞ্চাল করিয়া থাকে।
কিন্তু বাঁমাংগের মহিমা রামদাবণের নুহকে আশ্রয় করিয়া নাটক-
সে যুদ্ধ ঘটনা রাম ও সীতান দাম্পত্য প্রীতিকেই উজ্জ্বল করিয়া
দেখাইবার উপলক্ষ মাত্র। পিতার প্রতি পুত্রের বশ্যতা, ভ্রাতার
জন্তু ভ্রাতার আত্মত্যাগ, পতি পত্নীর মধ্যে পরস্পরের প্রতি নির্ভী ও
প্রজার প্রতি রাজার কর্তব্য কতদূর পর্য্যন্ত মাইতে পারে বাঁমাংগ
তাহাই দেখাইয়াছে। এই রূপ ব্যক্তি বিশেষের প্রাধান্য ঘরের
সম্পর্কগুলি কোনো দেশের মহাকাব্যে এমন ভাবে বর্ণনীয় বিষয়
বদিয়া গণ্য হয় নাই।

ইহাতে কেবল কবির পরিচয় হয় না ভারতবর্ষের পরিচয় হয়।
গৃহ ও গৃহধর্ম যে ভারতবর্ষের পক্ষে কতখানি টহা হইতে তাহা
বুঝা মাইবে। আমাদের দেশে গাইস্থা আশ্রমের যে অত্যন্ত উচ্চ-
স্থান ছিল এই কাব্য তাহা সপ্রমাণ করিতেছে। গৃহাশ্রম আমাদের
নিজের স্বপ্নের জন্তু সুবিধার জন্তু ছিল না—গৃহাশ্রম সমস্ত সমাজকে

ধারণ করিয়া রাখিত ও মানুষকে যথার্থভাবে মানুষ করিয়া তুলিত। গৃহাশ্রম ভারতবর্ষীয় আৰ্য্য সমাজের ভিত্তি। রামায়ণ সেই গৃহাশ্রমের কাব্য। এই গৃহাশ্রম-ধর্মকেই রামায়ণ বিসদৃশ অবস্থার মধ্যে ফেলিয়া বনবাস দুঃখেব মধ্যে বিশেষ গৌরব দান করিয়াছে। কৈকেয়ী মন্ত্রার কুচক্রান্তের কঠিন আঘাতে অযোধ্যার রাজগৃহকে বিশ্লিষ্ট করিয়া দিয়া তৎসঙ্গেও এই গৃহধর্মের দুর্ভেদ্য দৃঢ়তা রামায়ণ ঘোষণা করিয়াছে। বাহুবল নহে, জিগীষা নহে, রাষ্ট্রগৌরব নহে, ষাণ্ডরসাম্পদ গৃহধর্মকেই রামায়ণ করণার অশ্রুজলে অভিযুক্ত করিয়া তাহাকে স্মৃগহং বীর্যের উপরে প্রতিষ্ঠিত করিয়াছে।

শ্রদ্ধাহীন পাঠকেরা বলিতে পারেন এমন অবস্থায় চরিত্রবর্ণনা অতিশয়োক্তিতে পরিণত হইয়া উঠে। যথাবথের সীমা কোন্‌খানে এবং কল্পনার কোন্‌ সীমা লঙ্ঘন করিলে কাব্যকলা অতিশয়ে গিয়া পৌঁছে এ কথাই তাহার সীমাংসা হইতে পারে না। বিদেশী যে সমালোচক বলিয়াছেন যে রামায়ণে চরিত্রবর্ণনা অতিপ্রাকৃত হইয়াছে তাহাকে এই কথা বলিব যে, প্রকৃতিভেদে একের কাছে যাহা অতিপ্রাকৃত, অন্নের কাছে তাহাই প্রাকৃত। ভারতবর্ষ রামায়ণের মধ্যে অতিপ্রাকৃতের আতিশয়া দেখে নাই।

যেখানে যে আদর্শ প্রচলিত তাহাকে অতিমাত্রায় ছাড়াইয়া গেলে সেখানকার লোকের কাছে তাহা গ্রাহ্যই হয় না। আমাদের প্রতিপক্ষে আমরা যতসংখ্যক শব্দতরঙ্গের আঘাত উপলব্ধি করিতে পারি তাহার সীমা আছে, সেই সীমার উপনের সপ্তকে

স্বর চড়াইলে আমাদের কর্ণ তাহাকে গ্রহণই করে না। কাব্যে চরিত্র এবং ভাব উদ্ভাবনসম্বন্ধেও সে কথা খাটে।

এ যদি সত্য হয় তবে এ কথা সহস্র বৎসর ধরিয়া প্রমাণ হইয়া গেছে যে রামায়ণ কথা ভারতবর্ষের কাছে কোনো অংশে অতি-মাত্র হয় নাই। এই রামায়ণ কথা হইতে ভাবতবর্ষের আত্ম-বুদ্ধবনিতা আপামর সাধারণ কেবল যে শিক্ষা পাইয়াছে তাহা নহে—আনন্দ পাইয়াছে, কেবল যে ইহাকে শিরোনাম্য করিয়াছে তাহা নহে—ইহাকে হৃদয়ের মধ্যে রাখিয়াছে, ইহা যে কেবল তাহাদের ধর্মশাস্ত্র তাহা নহে—ইহা তাঁহাদের কাব্য।

রাম যে একই কালে আমাদের কাছে দেবতা এবং মানুষ, রামায়ণ যে একই কালে আমাদের কাছে ভক্তি এবং শ্রীতি পাইয়াছে ইহা কখনই সম্ভব হইত না যদি এই মহাপ্রভুর কবিত্ব ভারতবর্ষের পক্ষে কেবল অদূর কল্পলোকের মামুলী হইত, যদি তাহা আমাদের সংসার-সীমার মধ্যেও ধরা না দিত।

এমন গ্রন্থকে যদি অন্তর্দেশী সমালোচক তাঁহাদের কাব্য-বিচারের আদর্শ অনুসারে অপ্রাকৃত বলেন তবে তাঁহাদের দেশের সহিত তুলনাগ ভারতবর্ষের একটি বিশেষত্ব আরো পরিস্ফুট হইয়া উঠে। রামায়ণে ভারতবর্ষ যাহা চায় তাহা পাইয়াছে।

রামায়ণ—এবং মহাভারতকেও আমি বিশেষত এই ভাবে দেখি। ইহার সরল অমূল্য পুঙ্খনে ভারতবর্ষের সহস্র বৎসরের স্থাপিত স্পন্দিত হইয়া আসিয়াছে।

সুহৃদর শ্রীযুক্ত দীনেশচন্দ্র সেন মহাশয় যখন তাঁহার এত

রামায়ণ চরিত্র সমালোচনার একটি ভূমিকা লিখিয়া দিতে আমাকে অনুরোধ করেন তখন আমার অস্বাস্থ্য ও অনবকাশ সত্ত্বেও তাঁহার কথা আমি অমান্য করিতে পারি নাই। কবিকথাকে ভক্তের ভাষায় আবৃত্তি করিয়া তিনি আপন ভক্তির চরিতার্থতা সাধন করিয়াছেন। এইরূপ পূজার আবেগমিশ্রিত ব্যাখ্যাই আমার মতে প্রকৃত সমালোচনা—এই উপায়েই এক হৃদয়ের ভক্তি আর এক হৃদয়ে সঞ্চারিত হয়। অথবা যেখানে পাঠকের হৃদয়েও ভক্তি আছে সেখানে পূজাকারকের ভক্তির হিলোল-তরঙ্গ জাগাইয়া তোলে। আমাদের আজকালকার সমালোচনা বাজারদর যাচাই করা—কারণ সাহিত্য এখন হাটের জিনিষ। পাছে ঠকিতে হয় বলিয়া চতুর বাচনদারের আশ্রয় গ্রহণ করিতে সকলে উৎসুক। এরূপ যাচাই ব্যাপারের উপযোগিতা অবশ্য আছে কিন্তু তবু বলিব যথার্থ সমালোচনা পূজা—সমালোচক পূজারি পুরোহিত—তিনি নিজের অথবা সর্বসাধারণের ভক্তি বিগলিত বিশ্বয়কে ব্যক্ত করেন মাত্র।

ভক্ত দীনেশচন্দ্র সেই পূজামন্দিরের প্রাঙ্গণে দাঁড়াইয়া আরতি আরম্ভ করিয়াছেন। আমাকে হঠাৎ তিনি ঘণ্টা নাড়িবার ভার দিলেন। একপার্শ্বে দাঁড়াইয়া আমি সেই কার্যে প্রবৃত্ত হইয়াছি। আমি অধিক আড়ম্বর করিয়া তাঁহার পূজা আচ্ছন্ন করিতে কুণ্ঠিত। আমি কেবল এই কথাটুকু মাত্র জানাইতে চাহি যে, বাঙ্গালীর রামচরিত্র কথাকে পাঠকগণ কেবলমাত্র করিব কাব্য বলিয়া দেখিবেন না, তাহাকে ভারতবর্ষের রামায়ণ বলিয়া জানিবেন। তাহা হইলে রামায়ণের দ্বারা ভারতবর্ষকে ও

ভারতবর্ষের দ্বারা রামায়ণকে যথার্থ ভাবে বুঝিতে পারিবেন। ইহা স্মরণ রাখিবেন যে, কোন ঐতিহাসিক গৌরবকাহিনী নহে পরন্তু পরিপূর্ণ মানবের আদর্শ চরিত্র ভারতবর্ষ গুণিতে চাহিয়াছি, এবং আজ পর্যন্ত তাহা অশ্রান্ত আনন্দের সহিত গুনিয়া আসিতেছে। এ কথা বলে নাই যে বড় বাড়াবাড়ি হইতেছে—এ কথা বলে নাই যে এ কেবল কাব্যকথা মাত্র। ভারতবাসীর ধর্মের লোক এত সত্য নহে—রাম লক্ষ্মণ সীতা তাঁহার যত সত্য।

পরিপূর্ণতার প্রতি ভারতবর্ষের একটি প্রাণের আকাঙ্ক্ষা আছে। ইহাকে সে বাস্তবসংগত অতীত বলিয়া গ্রহণ করে নাই, অবিশ্বাস করে নাই। ইহাকেই সে যথার্থ সত্য বলিয়া স্বীকার করিয়াছে এবং ইহাতেই সে আনন্দ পাইয়াছে। সেই পরিপূর্ণতার আকাঙ্ক্ষাকেই উদ্বোধিত ও তৃপ্ত করিয়া রামায়ণের কবি ভারতবর্ষের ভক্ত হৃদয়কে চিরদিনের জন্য কিনিয়া রাখিয়াছেন।

যে জাতি খণ্ড-সত্যকে প্রাদাণ্য দেন, যাহারা বাস্তব-সংগত অনুসরণে ক্লান্তি বোধ করেন না, কাব্যকে যাহারা প্রকৃতির দর্পণ-মাত্র বদেন, তাহারা জগতে অনেক কাজ করিতেছেন—তাহারা বিশেষ ভাবে গুরু হইয়াছেন—মানবজাতি তাহাদের কাছে শ্রদ্ধা। অতীতকে, যাহারা বলিয়াছেন “ভূমৈব স্মৃৎ। ভূমাজ্জৈব বিজিজ্ঞাসিতব্যঃ” যাহারা পরিপূর্ণ পরিণামের মধ্যে সমস্ত খণ্ডতার স্মৃতি, সমস্ত বিরোধের শাস্তি উপলব্ধি করিবার জন্য সাধনা করিয়াছেন তাহাদেরও ঋণ কোনোকালে পরিশোধ হইবার নহে। তাহাদের পরিচয় বিলুপ্ত হইলে তাহাদের উপদেশ বিস্মৃত হইলে মানবসভা ও

আপন ধূলিধূত্ৰসমাকীর্ণ কারখানা-ঘরের জনতা মধ্যে নিঃশ্বাস-
কলুষিত বদ্ধ আকাশে পলে পলে পীড়িত হইরা ক্লশ হইরা মরিতে
থাকিবে। রাগায়ণ সেই অথও অমৃতপিপাসুদেরই চিরপরিচয়
বহন করিতেছে। ইহাতে যে সৌভ্রাত, যে সত্যপরতা, সে পাতি-
ব্রতা, যে প্রভুভক্তি বর্ণিত হইয়াছে তাহার প্রতি যদি সরল শ্রদ্ধা ও
অস্তুরের ভক্তি রক্ষা করিতে পারি তবে আমাদের কারখানাঘরের
বাতায়ন মধ্যে মহাসমুদ্রের নির্মলবায়ু প্রবেশের পথ পাইবে।

ব্রহ্মচর্যাশ্রম, বোলপুর।
৫ই পৌষ, ১৩১০। } শ্রীরবীন্দ্রনাথ ঠাকুর।

গ্রন্থকারের নিবেদন ।



“রামচন্দ্র” শীর্ষক গ্রন্থটি অপরগুলির স্থায়ী ঠিক চরিত্র-চিত্রণ নহে । রামায়ণ মহাভারতের বৃত্তান্ত আজকালকার বঙ্গীয় পাঠকগণের আর তেমন পরিজ্ঞাত নহে, এই জন্য “রামচন্দ্র” শীর্ষক সন্দর্ভটিতে রামায়ণের আখ্যায়িকা অনেকটা জুড়িয়া দিয়াছি, ঠিক রামচরিত্রের আদোচনা বলিয়া যাহারা ইহা পাঠ করিবেন, তাহারা অনেক স্থান বুঝা পল্লবিত মনে করিতে পারেন । রামায়ণানভিজ্ঞপাঠকগণ ধৈর্য্যসহকারে এই আখ্যায়িকাটি পাঠ করিলে রামায়ণের মূল বৃত্তান্ত অবগত হইবেন এবং কৃতিবাসী রামায়ণের সঙ্গে মূলের কোন্ কোন্ স্থানে অনেকা তাহারও একটা আভাষ পাইবেন ।

গ্রন্থগুলির কোন কোনটিতে একই কথার পুনরাবৃত্তি দৃষ্ট হইবে । ছুই ব্যক্তির উত্তর প্রত্যুত্তরে তাহাদের উভয়ের চরিত্র অনেক সময় ছুই দিক্ হইতে ফুটিয়া উঠিয়াছে এজন্য প্রত্যেকের চরিত্রের বিকাশ দেখাইবার নিমিত্ত একই কথার পুনরাবৃত্তি অপরিহার্য্য বোধ হইয়াছে ।

এই পুস্তকে যে সকল শ্লোকের অনুবাদ প্রদত্ত হইয়াছে, তাহা কোন কোন স্থানে ঠিক আক্ষরিক না হইলেও সর্বত্রই মূলানুযায়ী—কোথায়ও মূলের অভিপ্রায়-বিরোধী নহে । অনেক স্থলে আমি গোরেসিওর সংস্করণ অবলম্বন করিয়া অনুবাদ দিয়াছি, তাহা প্রচলিত বাণীকির রামায়ণের বাঙ্গালা বা বোধের সংস্করণ-গুলিতে পাওয়া যাইবে না ।

প্রবন্ধগুলির মধ্যে দশরথ এবং রামচন্দ্রের অনেকাংশ “বঙ্গ-ভাষায়” এবং অপরগুলি “বঙ্গদর্শনে” প্রকাশিত হইয়াছিল। এবার অনেকগুলি প্রবন্ধ আগুন পরিশোধিত ও পরিবর্দ্ধিত করা হইয়াছে।

ভক্তিভাজন স্মৃৎ শ্রীযুক্ত রবীন্দ্রনাথ ঠাকুর মহাশয় অসুস্থাবস্থা সত্ত্বেও আমার অনুরোধে ভূমিকাটি লিখিয়া দিয়াছেন ; এই সুন্দর ভূমিকাটিতে স্বল্পকথার মহাকাব্যের সূক্ষ্ম তাৎপর্য্য ও সারি কথা লিখিত হইয়াছে। পুস্তকখানি একরূপ গৌরবজনক আভরণ পরিয়া বাহির হওয়াতে আমার চক্ষে ইহার সর্ব্বপ্রকার দৈন্ত্য বুচিয়া গিয়াছে। এখানে কৃতজ্ঞতার সহিত উল্লেখ করিতেছি শ্রদ্ধাস্পদ স্মৃৎ কবিবর শ্রীযুক্ত বরদাচরণ মিত্র সি. এস. মহোদয়ের অবিরত উৎসাহ না পাইলে পুস্তকখানি প্রকাশিত হইত কি না সন্দেহ।

শ্রীযুক্ত শীতলচন্দ্র বন্দ্যোপাধ্যায় নামক একটি তরুণবয়স্ক যুবক এই পুস্তকখানির ভণ্ড ছবি খানি ছবি আঁকিয়া দিয়াছেন। ইনি কোথায়ও চিত্রবিদ্যা শিক্ষা করেন নাই। এ সম্বন্ধে ইহার এই প্রথম হাতেখড়ি বলিলেও অত্যাক্তি হইবে না, —হাফটোন্ ছবি ছবিখানি দেখিয়া পাঠকগণ ইহার উদ্যমের গুণাগুণের বিচার করিবেন।

পরিণেয়ে গভীর কৃতজ্ঞতার সহিত জানাইতেছি, কটকের প্রসিদ্ধ উকীল শ্রীযুক্ত রায় হরিবল্লভ বসু বাহাদুর এই পুস্তকের মুদ্রাঙ্কণ ব্যয়ের সাহায্য করিয়া আমাকে বিশেষরূপ উপকৃত করিয়াছেন।

কলিকাতা, ১৭ নং গ্রাণপুকুর লেন, } শ্রীদীনেশচন্দ্র সেন।
১২ই বৈশাখ, ১৩১১ সন।

বিষয়-সূচী ।


বিষয়	পৃষ্ঠা
দশরথ	১—২৫
রামচন্দ্র	২৭—১০৫
ভরত	১০৭—১২২
লক্ষ্মণ	১২৩—১৪৭
কৌশল্যা	১৪৯—১৬৬
সীতা	১৬৭—১৯২
হনুমান্	১৯৩—২২১

—৮৪৮—

চিত্র-সূচী ।

চিত্রকূটে রাম, লক্ষ্মণ ও সীতা	১২৮
অশোক-বনে সীতা	১৮৪

102839.
3



রামায়ণী কথা ।

দশরথ ।

বাল্মীকি লিখিয়াছেন, মহারাজা দশরথ লোকবিশ্রুত মহর্ষিকল্প উজ্জ্বল চরিত্রবান্ ছিলেন ;—

“ন ঘেষ্টো বিদ্যাতে তত্ত্ব স তু ঘেষ্টি ন কখন”

‘এ জগতে তাঁহাব কেহ শত্রু ছিল না, তিনিও কাহারও শত্রু ছিলেন না ।’ তিনি এতদূর পরাক্রান্ত ছিলেন যে, ইন্দ্র অশ্বরগণের সহিত যুদ্ধকালে তাঁহাব সাহায্য প্রার্থনা করিতেন । তিনি জিতেন্দ্রিয় এবং প্রজাবৎসল ছিলেন ; প্রজাগণ তাঁহাকে মাগ্ধাৎ—
“পিতামহ ইবাপরঃ”—দ্বিতীয় প্রজাপতির স্থায় সম্মান করিত ।

অযোধ্যাকাণ্ডের ১০৭ শ্লোকে বামচন্দ্র ভরতকে বলিয়াছিলেন ;

“জাতঃ পুত্রো দশরথাৎ কৈকেয়াৎ রাজ্যসন্তমাৎ ।

পুরা জাতঃ পিতা নঃ স মাতরং তে সমুদ্বহন্ ।

মাতামহে সমাশ্রোষীজ্যাক্ষাশুকমমুত্তমম্ ।”

রাজা দশরথ কৈকেয়ীকে বিবাহ করিবার সময় তৎপিতা অশ্বপতির নিকট প্রতিক্রান্ত ছিলেন, তিনি কৈকেয়ীজাত পুত্রকে রাজ্য প্রদান করিবেন ।

৫৫৭ ১৪১

০১ ১-৪৫

রামায়ণী কথা ।

RE 850

ইহার অর্থ এমন নহে যে, এই প্রতিশ্রুতি অনুসারে রাজ্য ভরতেরই প্রাপ্য ছিল। কোশল্যা প্রধানা রাজমহিষী ছিলেন, তাঁহার সন্তানই রাজ্যের একমাত্র উত্তরাধিকারী; কৈকেয়ী নন্দ-বিবাহের দ্বী, তথাপি উক্ত প্রতিশ্রুতি দ্বারা তাঁহার সন্তানগণও রাজ্যের অধিকার পাইলেন। অপরাপর মহিষীগণের গর্ভজাত পুত্রের সিংহাসনে দাবীই ছিল না। কৈকেয়ীর পুত্রগণের সেই-রূপ দাবী মাথ হইবে, এইরূপ প্রতিজ্ঞাবদ্ধ হইয়া তিনি তাঁহার পাণিগ্রহণ করেন।

কিন্তু অগ্র-মহিষীর জ্যেষ্ঠ পুত্রের দাবী অগ্রাহ্য করিয়া, কৈকেয়ীর পুত্রকে সিংহাসনে অভিষিক্ত করিবেন,— এই প্রতিশ্রুতির এ অর্থ নহে। প্রধানা মহিষী অপুত্রক হইলে কিংবা কৈকেয়ীর পুত্র জ্যেষ্ঠ হইলে, তাহাব সিংহাসনের দাবী অগ্রাহ্য হইবে না—ইহার এই অর্থ।

দশরথ এরূপ প্রতিশ্রুতিই বা কেন করিলেন? কৈকেয়ী স্ত্রীদ্বয়ী এবং তরুণবয়স্কা ছিলেন—সুতরাং রূপজ মোহবশতঃই কি দশরথ এরূপ প্রতিজ্ঞাবদ্ধ হইয়াছিলেন? বাণীকি লিখিয়াছেন, দশরথ ‘জিতেন্দ্রিয়’ ছিলেন, এ কথা অত্যাক্তি বা ব্যঙ্গোক্তি নহে। আমার বোধ হয়, দশরথের অপুত্রকতা নিবন্ধনই তিনি এইরূপ প্রতিশ্রুতি কবিয়াছিলেন। তিনি বহুবিবাহ করিয়াছিলেন, ইহা তৎকালের রাজপদ্ধতি অনুযায়ী,—কিন্তু কতকপরিমাণে উহা পুত্র-লাভের ঐকান্তিকী ইচ্ছাবশতঃও হইতে পারে। এই পুত্রলাভার্থেই তিনি “অগ্নিষ্টোম,” “অশ্বমেধ” প্রভৃতি বিবিধ যজ্ঞের অনুষ্ঠান

করিয়াছিলেন, তাহাও আমরা দেখিতে পাইয়াছি । কিন্তু কৈকেয়ী যে তাঁহাব প্রিয়তমা মহিষী হইয়া উঠিয়াছিলেন, সে বিষয়ে সন্দেহ নাই । ভরত বলিয়াছিলেন,—

“রাজা ভবতি ভূমিষ্ঠম্ ইহাখ্যায় নিবেশনে”

রাজা অনেক সময় অথবা কৈকেয়ীর গৃহেই বাস করিয়া থাকেন ;—

“সব্ধস্তরুণীং ভাৰ্যাং প্রাপেভ্যোহপি গরীয়সীম্”

উক্তিও বাল্মীকিই দশরথের প্রতি প্রয়োগ করিয়াছিলেন ; সুতরাং বৃদ্ধ রাজা যে তরুণীর প্রতি কিছু অতিরিক্ত মাত্রায় আসক্ত হইয়া পড়িয়াছিলেন,—সে বিষয়ে সন্দেহ নাই । তবে কৈকেয়ী যে অত্যন্ত স্বামিসেবাপরায়ণা ছিলেন, তাহার বৃত্তান্তও আমরা অবগত আছি ; দেবাসুরযুদ্ধে শরাহত ও পীড়িত দশরথের উৎকট পরিচর্যা-দ্বারা তিনি দুইটা বরলাভ করিয়াছিলেন । এই দুই বর দশরথ স্বতঃপ্রবৃত্ত হইয়া তাঁহাকে দিয়াছিলেন । কৈকেয়ী তাহা সঞ্চিত রাখিয়াছিলেন । তিনি স্বামিসেবার কোন পুরস্কার প্রত্যাশা করেন নাই ; সেই বরের কথা তিনি সম্পূর্ণ ভুলিয়া গিয়াছিলেন । কুজার অভিসন্ধির ব্যাপার না ঘটিলে এবং তৎকর্তৃক তাহা স্মৃতিপথে পুনরায় উজ্জীবিত না হইলে, কৈকেয়ী সেই বরের কথা কখনও মনে করিতেন কি না সন্দেহ । ঈদৃশী গুণবতী রমণীর প্রতি অমুরাগ কতকটা স্বাভাবিক, এবং তজ্জন্তু আমরা দশরথকে যতটা অভিযোগ দিয়া থাকি, তিনি ততদূর দোষী কি না তাহাও বিবেচ্য ।

কিন্তু এই অমুরাগবশতঃ তিনি বাহিরে কোশল্যার প্রতি মর্যাদা প্রদর্শন করিতে ক্রটি দেখাইয়াছেন বলিয়া বোধ হয় না ।

বহুদ্রী থাকিলে কোন একটির প্রতি স্বাভাবিক ভাবেই স্নেহ একটু বেশী হইতে পারে, কিন্তু তৎবশবর্তী হইয়া তিনি জ্যেষ্ঠা মহিষীর প্রতি বাহ্যে অবহেলা দেখাইয়াছেন বলিয়া বোধ হয় না । যজ্ঞের চরু ভাগ করিবার সময় আগরা দেখিতে পাই, কৌশল্যাকে তিনি চরুর অর্দ্ধেক ভাগ বন্টন করিয়া দিয়া, অপর ছুই মহিষীর জন্য অর্দ্ধেক ভাগ রাখিতেছেন, জ্যেষ্ঠা মহিষীর অধিকাংশ প্রাপ্য, তাহা তিনি ভুলিয়া যান নাই । বনযাত্রাকালে রাম, লক্ষ্মণকে কৌশল্যার রক্ষণাবেক্ষণের জন্য নিযুক্ত করিয়া যাইতে চাহিলে, লক্ষ্মণ প্রত্যুত্তরে বলিয়াছিলেন, “কৌশল্যা স্বীয় অধীন ব্যক্তিগণকে সহস্র সহস্র গ্রাম দান করিয়াছেন, তিনি আমাদিগের স্থায় সহস্র সহস্র ব্যক্তির ভরণ পোষণের ভার গ্রহণ করিতে পারেন, তিনি নিজের কিম্বা মাতা স্নমিত্রার উদরার্নের জন্য অপরের নিকট প্রার্থী হইবেন না । তাঁহার ভারগ্রহণের কোন চিন্তা আমাদের করিতে হইবে না ।” সুতরাং কৌশল্যা স্বামীর চিত্তে একাধিপত্য স্থাপিত না করিতে পারিলেও যে অগ্রমহিষীর উচিত বাহ্যসম্পদ ও সম্মানাদি প্রাপ্ত হইয়াছিলেন, তৎসম্বন্ধে সন্দেহ নাই ।

দশরথ, কৈকেয়ীর প্রতি অনুরক্ত ছিলেন এবং কৈকেয়ীও এপর্যন্ত পারিবারিক শান্তি নষ্ট করিতে প্রকাশ্যভাবে কোন চেষ্টা পান নাই । কৌশল্যার প্রতি কৈকেয়ী কিছু কুব্যবহার করিতেন, কিন্তু তাহা ধর্মভীরু দেবভাবাপন্ন কৌশল্যা স্বামীর কর্ণে তুলিতেন না, সুতরাং কৈকেয়ীর প্রতি দশরথের অতি-অনুরাগের জন্য কোন অশান্তির উদ্ভব হয় নাই ।

কৈকেয়ীর প্রতি দশরথের যেরূপ একটু স্বাভাবিক অমুরাগ ছিল, পুত্রগণের মধ্যে রামচন্দ্রের প্রতিও তাঁহার সেইরূপ মেহাধিক্যের পরিচয় পাওয়া যায় ।—

“তেষামপি মহাতেজা রামো রতিকরঃ পিতুঃ”

‘তাহাদিগের (পুত্রগণের) মধ্যে রামই রাজার বিশেষ প্রীতিভাজন ছিলেন ।’ যখন বিশ্বামিত্র, রামচন্দ্রকে তাড়কাবধের জন্ত লইয়া যাইতে চাহিলেন, তখন—

“উনষোড়শবর্ষো মে রামো রাজীবলোচনঃ”

বলিয়া রাজা নিতান্ত উদ্বিগ্ন হইয়া অসম্মতি জ্ঞাপন করিয়াছিলেন এবং স্বয়ং রাক্ষসবধকল্পে যাইতে অনুজ্ঞা প্রার্থনা করিয়াছিলেন ; কিন্তু বিশ্বামিত্রের নিকট তিনি সত্যবদ্ধ ছিলেন, সত্যের কথা স্মরণ করিয়া তিনি শেষে আর কোন আপত্তি করেন নাই । সত্যসন্ধ মহারাজ দশরথ সত্যের জন্ত প্রাণপ্রিয় কাকপক্ষধর বালক পুত্রদ্বয়কে ভীষণ রাক্ষসযুদ্ধে প্রেরণ করিতে সম্মত হইলেন । এই সত্যপালনের জন্তই তিনি স্বীয় প্রাণ বিসর্জন করিয়াছিলেন, তাহা সকলেই অবগত আছেন ।

অভিষেক-ব্যাপারে দশরথের অতিরিক্ত আগ্রহ কতক পরিমাণে বিস্ময়জনক বলিয়া বোধ হয় । অভিষেকের প্রাক্কালে এইরূপ আভাষ পাওয়া যায় যে, তিনি স্বীয় আশ্রয়মুখ্য পুত্রভ্রাতা যাইয়াছিলেন ; তাঁহার শরীর জীর্ণ হইয়া পড়িয়াছিল এবং কতকগুলি প্রাকৃতিক দুর্লক্ষণ তাঁহার অন্তঃকরণে ভয়ের সঞ্চার করিয়াছিল ; তজ্জন্ত তিনি জ্যেষ্ঠ পুত্রকে সিংহাসনে

স্থাপিত করিবার জন্য আগ্রহান্বিত হইয়াছিলেন, তাহা স্বাভাবিক ।—

“বিপ্রোয়িতশ্চ ভরতো যাবদেব পুরাদিতঃ ।

তাবদেবাভিষেকস্তপ্রাপ্তকালো মতো মম ॥”

ভরত অযোধ্যা হইতে দূরে থাকিতে থাকিতেই অভিষেক সম্পন্ন হইয়া যায়, ইহাই আমার অভিপ্রায়—এই কথার সমর্থন-জন্ত রাজা বলিয়াছিলেন— “যদিও ভরত ধর্মশীল, জিতেন্দ্রিয় ও সর্বদা জ্যেষ্ঠের হৃদ্যানুবর্তী, কিন্তু ধর্মনিষ্ঠ সাধুব্যক্তিরও চিত্ত-বিচলিত হইতে পারে,” এইরূপ আশঙ্কা দশরথের কেন হইয়াছিল, তাহার কারণ বিশদরূপে বুঝিতে পারা যায় না । ভরত এবং শত্রুঘ্ন মাতুলালয়ে বাস করিতেছিলেন, সেখানে মাতুল অশ্বপতি-কর্তৃক পুত্রস্নেহে পালিত হইয়াও—

“তত্রাপি নিবসন্তো তো তপ্যমাণৌ চ কামতঃ ।

ভ্রাতরৌ স্মরতাং বীরৌ বৃদ্ধং দশরথং নৃপম্ ॥”

“মাতুলালয়ের বিবিধ ভোগসম্ভারে পরিতুষ্ট হইয়াও তাঁহারা সর্বদা ভ্রাতৃদ্বয় ও বৃদ্ধ পিতাকে স্মরণ করিতেন ।” পিতৃবৎসল এবং ভ্রাতৃবৎসল ভরতের প্রতি রাজার আশঙ্কার কোনও কারণ পাওয়া যায় না । এদিকে জনকরাজাকে ও অশ্বপতিকে তিনি অভিষেকোৎসবে নিমন্ত্রণ করিলেন না ; শুভব্যাপার শেষ হইলে তাঁহারা গুনিয়া সুখী হইবেন, এই কথা বলিলেন । এইভাবে স্বরান্বিত ও সশঙ্ক হইয়া তিনি অভিষেকের উদ্যোগে প্রবৃত্ত হইলেন ; যেন কোন অমঙ্গলের ছায়া তাঁহার সম্মুখে পতিত হইয়াছিল ; ভাবী

অনর্থের পূর্বাভাস যেন অলঙ্কিতভাবে তাঁহার মনের উপর ক্রিয়া করিতেছিল ; কোন অশুভ গ্রাহের তাড়নায় যেন তিনি রামাভিষেকের অচিস্তিতপূর্ব বিষয়রাশি স্বয়ং আশঙ্কা দ্বারা আকর্ষণ করিয়া আনিলেন । ভরতকে আনিয়া এবং আত্মীয়গণকে আগম্ভণ করিয়া এই ব্যাপারে প্রবৃত্ত হইলে, এরূপ অনর্থ ঘটবার সম্ভাবনা থাকিত না ; ভরত উপস্থিত থাকিলে কৈকেয়ীর যড়যন্ত্র ব্যর্থ হইত ।

কৈকেয়ী যে এইরূপ অনর্থের সূচনা করিবেন, তাহা দশরথ কখনও চিন্তা করেন নাই ; কৈকেয়ী, দশরথকে বারংবার বলিয়াছেন, তাঁহার নিকট ভরত এবং রাম এককণ্ঠে প্রীতিভাজন । * রামচন্দ্রের ধর্মশীলতার কত প্রশংসা কৈকেয়ী বহুবার রাজার নিকট করিয়াছেন । † মহারা, কৈকেয়ীকে উত্তেজিত করিবার অভিপ্রায়ে যখন ক্রুদ্ধস্বরে রামের অভিযেক সংবাদ তাঁহাকে জ্ঞাপন করিল, তখন প্রফুল্লমনে কৈকেয়ী স্বীয় কণ্ঠবিলম্বিত বহুমূল্য হার মহারাকে উপহার দিলেন এবং মহারার ক্রোধ ও আশঙ্কার কিছুমাত্র কারণ বুঝিতে না পারিয়া বলিলেন—

“রামে বা ভরতে বাহুং বিশেষং নোপলক্ষয়ে ।

যথা বৈ ভরতো মাশ্রুস্তথা ভূয়োহপি রাখবঃ ।

কৌশল্যাতোহতিরিক্তং চ মম শুভ্রায়তে বহু ।

রাজ্যং যদি হি রামস্ত ভরতস্তাপি তত্তদা ।”

“রাম এবং ভরতে আমি কিছু মাত্র প্রভেদ দেখি না, ভরত

* অযোধ্যাকাণ্ড, ১২ অধ্যায়, ১৭ শ্লোক ।

† অযোধ্যাকাণ্ড, ১২ অধ্যায়, ২১ শ্লোক ।

এবং রাম আমার নিকট তুল্যরূপ ; কৌশল্যা হইতেও রাম আমার প্রতি অধিকতর শ্রদ্ধা প্রদর্শন করিয়া থাকেন । রাজ্য রামের হইলেই ভরতের হইল ।”

যিনি রাজার গোচরে এবং তাঁহার অগোচরে রামের প্রতি এইরূপ সরল স্নেহভাবাপন্ন, তাঁহাকে দিয়া রাজা কেনই বা আশঙ্কা করিবেন ! এই দেবভাবাপন্ন সুখ-শান্তিময় পরিবারে এক বিকৃতান্তী দাসীর কুটিল হৃদয়ের বিষ প্রবেশ করিয়া, সমস্ত অনর্থের উৎপত্তি করিয়াছিল ।

অভিষেকের সমস্ত অনুষ্ঠান করিয়া রাজা প্রফুল্লমনে কৈকেয়ীর গৃহে গমন করিলেন ; তখন সম্রাটকাল উপস্থিত—কৈকেয়ীর প্রাসাদের পার্শ্বে বিচিত্র লতাগৃহ ও চিত্রশালার প্রাচীরবাহী সপুষ্পবল্লরীর উপর অস্তোন্মুখ সূর্য্যের কিরণ আসিয়া পড়িয়াছিল । কৈকেয়ী—“প্রিয়াহঁ” প্রিয় কথার যোগ্যা, স্মরণ—“প্রিয়মাখ্যাভুং” তাঁহাকে রামাভিষেকের প্রিয় সংবাদ দেওয়ার জন্য রাজা আগ্রহান্বিত হইলেন ।

কৈকেয়ী ক্রোধাগারে ছিলেন, রাজা তাঁহাকে শয়নগৃহে না পাইয়া ও তাঁহার ক্রোধের সংবাদ শুনিয়া উৎকণ্ঠিত হইলেন । ক্রোধাগারে প্রবেশ করিয়া তিনি যে দৃশ্য দেখিলেন, তাহাতে তাঁহার প্রাণ আতঙ্কিত হইল । কৈকেয়ী তাঁহার সমস্ত ভূষণ ছুড়িয়া ফেলিয়াছেন, চিত্রগুলি স্থানচ্যুত হইয়াছে, পুষ্পমালাগুলি হস্তিদন্ত-নির্ম্মিত খট্টার পার্শ্বে ছিন্ন হইয়া পড়িয়া আছে । অসংযত কেশপাশে মানিনী ভুলুষ্ঠিতা লতার ছায় পড়িয়া রহিয়াছেন ।

রাজা আদরে তাঁহার কেশরাজি স্পর্শ করিয়া বলিলেন—“কেহ কি তোমাকে অপমান করিয়াছে ? তোমার শরীর অসুস্থ হইয়া থাকিলে রাজবৈদ্যগণ এখনই তোমার চিকিৎসায় নিযুক্ত হইবেন, কোন দরিদ্র ব্যক্তিকে কি ধনাঢ্য করিতে হইবে ?—

“অহং হি মদীয়াম্ চ মর্কে তব বশামুগাঃ”

আমি এবং আমার যাহা কিছু, সকলই তোমার অধীন ; তুমি যাহা চাহ বল, আমি এখনই তোমাকে তাহা প্রদান করিয়া তোমার প্রীতি উৎপাদন করি ।—

“যাবদাবর্ততে চক্রং তাবতী মে বসুন্ধরা ।”

“সূর্য্যমণ্ডল বসুন্ধরা মে পর্য্যন্ত আলোকিত করেন, সেই সমস্ত রাজ্যই আমার অধিকারভুক্ত”—সুতরাং জগতে তোমার অপ্রাপ্য কিছুই নাই ।

তখন সুষোণ বুঝিয়া কৈকেয়ী ছুই বর চাহিলেন । রাজা তাহা দিতে প্রতিক্ষিত হইলেন । “আমি রামাপেক্ষা জগতে কাহাকেও অধিক ভালবাসি না, সেই রামের শপথ, আমি প্রতিক্ষিত হইলাম, তুমি যাহা চাহিবে দিব ।”

কৈকেয়ী কি চাহিবেন ? হঠাৎ “গাগরমৈঁচা মাণিকের” একটা কণ্ঠী কিম্বা অপর কোন মূল্যবান অলঙ্কার, রমণীগণ ইহাই লইয়া আবদার করিয়া থাকেন ; আজ এই শুভদিনে কৈকেয়ীকে তাহা অদেয় হইবে না । রাজা বিম্বস্তুগনে অকুতোভয়ে প্রতিক্ষিত হইয়া পড়িলেন ।

তখন কৈকেয়ী নিশ্চলভাবে ধীরে ধীরে তাঁহাকে ছুইটি ঘোর

অপ্রিয় কথা শুনাইলেন—ভবতের অভিষেক ও চতুর্দশ বৎসরের
জন্ত রামের বনবাস, এই দুই বব ।

রাজা কিছুকাল কৈকেয়ীর কথা বুঝিতে পারিলেন না, উহা
কি দিবাস্বপ্ন না চিত্তমোহ ? তাঁহার সর্বশরীর হিম হইয়া পড়িল ।
যে সুন্দরীর কেশপাশ সাদবে ধারণ করিয়া তিনি কত স্নেহমধুর
কথা বলিতেছিলেন, তাঁহাব সেই কুক্ষিত কেশরাজি তাঁহার নিকট
মৃত্যুর বাণ্ডবা বলিয়া বোধ হইল ; রূপসী কৈকেয়ী তাঁহার নিকট
ভয়ঙ্করী বলিয়া প্রতীয়মানা হইলেন । ব্যথিত ও বিকৃত দৃষ্টিতে তিনি
কৈকেয়ীর দিকে চাহিয়া ভীত হইলেন—“ব্যাঘ্রীং দৃষ্ট্বা যথা মৃগঃ”

“মৃগ যেকপ ব্যাঘ্রীর প্রতি ভীতভাবে দৃষ্টি করে, রাজা
কৈকেয়ীকে দেখিয়া তদ্রূপ আতঙ্কিত হইলেন ।”

“নৃশংসে, রাম তোমাকে সর্বদা জননীতুলা স্নেহ ও গুণাধা
করিয়া আসিয়াছেন, তাহার এই ঘোর অনিষ্ট তুমি কেন কামনা
করিতেছ ? আমি কৌশল্যা, স্মিত্রা এমন কি অযোধ্যার
অধিষ্ঠিত রাজলক্ষ্মীকেও বিদায় দিতে পারি, কিন্তু রাম ভিন্ন আমি
জীবনধারণ করিতে পারিব না ।

“তিষ্ঠেন্নোকো বিনা সূর্য্যং শস্ত্রং বাঃসলিলং বিনা ।”

‘সূর্য্য ভিন্ন জগৎ ও জল ভিন্ন শস্ত্র বাঁচিতে পারে’,—কিন্তু রামকে
ছাড়িয়া আমি জীবনধারণ করিতে অসমর্থ । এই সকল কথা
বলিয়া কখনও রাজা ক্রুদ্ধস্বরে কৈকেয়ীকে গঞ্জনা করিলেন,
কখনও ক্রুতাজলি হইয়া কৈকেয়ীর পদে পতিত হইলেন ।” কিন্তু
কৈকেয়ীর হৃদয় কিছুমাত্র আত্ম হইল না ; তিনি ক্রুদ্ধস্বরে বলিলেন,

—“মহারাজা শৈব্য সত্য-রক্ষার জন্য স্বীয় মাংস শ্বেদন পক্ষীকে প্রদান করিয়াছিলেন, সত্যবদ্ধ হইয়া অলঙ্কৃত হাঁহার চক্ষু উৎপাটন করিয়াছিলেন, সমুদ্র সত্যবদ্ধ থাকিতে বেলাভূমি আক্রমণ করেন না ; তুমি যদি সত্যরক্ষা না কর, তবে এখনই আমি বিয় ভক্ষণ করিয়া প্রাণত্যাগ করিব ।” মহারাজ দশরথ ক্রমেই বিহ্বল হইয়া পড়িলেন ; অভিষেকোৎসবে আমন্ত্রিত হইয়া নানা দিগ্দেশ হইতে রাজগণ আগত হইয়াছেন ; বহু বৃদ্ধ গুণবান্ ও সজ্জনগণ একত্র হইয়াছেন, তাঁহাদিগকে লইয়া কল্যাণে মহতী সভার অধিবেশন হইবে, তিনি সেই সভায় উপস্থিত হইবেন কিরূপে ? আর জগতে তিনি কাহাকেও মুখ দেখাইতে পারিবেন না ;—মানী-ব্যক্তির অপমান মৃত্যুতুল্য ; মহামান্য রাজা দশরথের যে সম্মান পৰ্ব্বতের স্থায় উচ্চ ও অটুট ছিল, আজ তাহা ভুলুপ্ত হইবে । এক দিকে এই ঘোর লজ্জা,—অপর দিকে চির-স্নেহময়, অক্ষুণ্ণ ভৃত্যের স্থায় বশ্য, প্রিয়তম জ্যেষ্ঠ পুত্রের ইন্দীবরসুন্দর মুখখানি মনে পড়িয়া, দশরথের হৃদয় বিদীর্ণ হইতে লাগিল । নক্ষত্রমালিনী নিশা জ্যোৎস্না-সম্পদ বিভূষিতা হইয়া শোভা পাইতেছিল ; রাজা অশ্রু-সিক্ত দৃষ্টি গগনে নিবিষ্ট করিয়া কৃতাজলিপূর্বক বলিলেন,—

“ন প্রভাতং ত্র্যেছ্যামি নিশে নক্ষত্রজুর্জিতে”

“হে নক্ষত্রময়ী শরীরি, আমি তোমার প্রভাত ইচ্ছা করি না” । প্রভাত যেন এই লজ্জা ও শোকের দৃশ্য জগৎ সম্মুখে উন্মোচন না করে, সজলনেত্রে বৃদ্ধ দশরথ রাজা ইহাই সকাতির প্রার্থনা করিলেন । কখনও পুণ্যাস্তে পতিত যমার্তির ন্যায় তিনি কৈকেয়ীর

পদতলে পতিত হইলেন ; গীত শব্দে লুপ্ত হইয়া যুগ যেরূপ মৃত্যু-
মুখে পতিত হয়, আজ দশরথের অবস্থা সেইরূপ । “কুণ্ডলধর
স্বপকারগণ যাহার মহার্ঘ আহাৰ্য্যের পরিবেশন করেন, তিনি
কিরূপে কষায়, কটু ও তিক্ত বস্তু ফল খাইয়া বনে বনে বিচরণ
করিবেন ! রাজকুমারের অভিষেকোজ্জ্বল চিরস্মৃথোচিত-মূর্তি
কল্পনার চক্ষে ভিখারী সাজাইয়া দশবথ মুহমান হইলেন, তাঁহার
হৃদয়ে শোক বিদ্ধ হইল ।

এই প্রলাপ ও বিলাপ করিতে করিতে রজনী প্রভাত হইল ;
বন্দিরা স্নমধুর গান ধরিল ; মুমূৰ্ছ ব্যক্তির কর্ণে যেরূপ মিষ্ট সংগীত
পৌছিয়াও পৌছে না, হতভাগ্য দশরথের আজ সেই অবস্থা ।

তখন বশিষ্ঠ অভিষেকের সমস্ত আয়োজন প্রস্তুত করিয়া দ্বার-
দেশে দণ্ডায়মান ; রামাভিষেকের হর্ষে অযোধ্যাপুরীর নিজা শীঘ্র
শীঘ্র ছুটিয়া গিয়াছে, রাজপ্রাসাদ হইতে বিশাল কলরব শ্রুত
হইতেছে । বশিষ্ঠের আদেশে স্নমন্ত্র, রাজাকে সভাগৃহে আহ্বান
করিবার জন্ত তৎসকাশে উপস্থিত হইলেন ; সংজ্ঞাহীন রাজা তখন
কৈকেয়ীর প্রতি ধারাকুল চক্ষু আবদ্ধ করিয়া বলিতেছিলেন ;—

“ধর্মবন্ধে বন্ধোহস্মি নষ্টা চ মম চেতনা

জ্যেষ্ঠং পুত্রং প্রিয়ং রামং জষ্টমিচ্ছামি ধার্মিকং ।”

‘আমি ধর্মবন্ধে আবদ্ধ, আমার চেতনা নষ্ট হইয়াছে, আমি
আমার ধর্মবৎসল জ্যেষ্ঠ পুত্র প্রিয় রামচন্দ্রকে একবার দেখিতে
ইচ্ছা করি ।’

এই সময়ে স্নমন্ত্র আসিয়া বলিলেন, ভগবান্ বশিষ্ঠ,—স্নমন্ত্র,

বামদেব, জাবালি প্রভৃতি ব্রাহ্মণগণের সঙ্গে উপস্থিত হইয়াছেন, মহারাজ, রামের অভিষেকের আদেশ প্রদান করুন । শুষ্কমুখে, দীননয়নে রাজা স্মৃত্তের প্রতি চাহিয়া রহিলেন । স্মৃত্ত, দশরথের এই করুণমূর্তি দেখিয়া, কৃতাজলি হইয়া সকাঁতরে তাঁহার আদেশ জানিতে দাঁড়াইয়া রহিলেন, তখন কৈকেয়ী বলিলেন,—

“স্মৃত্ত রাজা রজনীং রামহর্ষসমুৎস্বকঃ ।

এজ্ঞাগরপরিশ্রান্তো নিদ্রাবশমুপাগতঃ ।”

“স্মৃত্ত, রাজা বামাভিষেকের হর্ষে কাণ্ড রাতি আনন্দে জাগরণ করিয়াছেন, এজন্ত বড় নিদ্রাতুর ও পরিশ্রান্ত হইয়া পড়িয়াছেন—
“তুমি রামকে শীঘ্র লইয়া আইস ।” কৃতাজলিবদ্ধ স্মৃত্ত বলিলেন—

“অশ্রুত্বা রাজবচনং কথং গচ্ছামি ভামিনি”

“রাজি, আমি রাজার অভিপ্রায় না জানিয়া কিরূপে যাইব ?”
তখন দশরথ বলিলেন—“স্মৃত্ত, আমি সুন্দর রামচন্দ্রকে দেখিতে ইচ্ছা করি, তুমি তাহাকে শীঘ্র লইয়া আইস ।”

এই সময় হইতে মহারাজ দশরথের শোকোচ্ছ্বাস আর ভাষায় প্রকাশিত হয় নাই, নীরবে নেত্রজলে আগুত হইয়া তিনি কখনও সংজ্ঞাশূন্য হইয়া পড়িয়াছেন, কখনও সকাঁতর অর্ধশূন্যদৃষ্টিতে চতুর্দিক নিরীক্ষণ করিয়াছেন । যখন রাম আসিয়া প্রণাম করিয়া দাঁড়াইলেন, তখন ‘রাম’—এই কথাটি মাত্র উচ্চারণ করিয়া, দীনভাবে অধোমুখে কাদিতে লাগিলেন, রামের মুখের দিকে চাহিতে পারিলেন না এবং আর কোন কথা বলিতে পারিলেন না । যখন রাম বনবাসের প্রতিশ্রুতি পালনে স্বীকৃত হইয়া, কৈকেয়ীকে

আশ্বাসিত করিতেছিলেন, তখন দশরথ মৌন এবং বিমূঢ়ভাবে সকলই শুনিতেছিলেন, তাঁহার দিকে চাহিয়া রাম, কৈকেয়ীকে বলিলেন, “দেবি, তুমি উঁহাকে আশ্বাস প্রদান কর, উনি কেন অধোগুণে অশ্রু-বিসর্জন করিতেছেন।” যখন রাম বলিলেন, “পিতা প্রত্যক্ষ দেবতা, আমি তাঁহার আদেশে বিষ ভক্ষণ করিতে পারি, সমুদ্রে প্রাণ বিসর্জন করিতে পারি”, তখন সেই বিষমিশ্রিত অমৃততুল্য স্নেহ মধুর অথচ মর্গচ্ছেদী বাক্য শুনিয়া, শোকাতুর রাজা সংজ্ঞাশূন্য হইয়া পড়িলেন। রামকে বনে যাইবার জন্ত ত্বষাষিত করিয়া কৈকেয়ী বলিলেন, “রাম, তুমি ইঁহার নিকটে শীঘ্র শীঘ্র বিদায় লইয়া যে পর্য্যন্ত বনগমন না করিবে, সে পর্য্যন্ত ইনি স্নান ভোজন কিছুই করিবেন না।” এই কথা শুনিয়া উচ্চৈঃস্বরে কাঁদিতে কাঁদিতে মহারাজ দশরথ শয্যা হইতে ভূতলে পড়িয়া অজ্ঞান হইয়া রহিলেন; মহিষীগণের আর্ক্ত-শব্দ তাঁহার কর্ণে প্রবেশ করিতেছিল, তাঁহারা যখন চীৎকার করিয়া বলিতেছিলেন,—

“অনাথস্ত জনস্তাত্ত দুর্বলস্ত তপশ্বিনঃ ।

যো গতিঃ শরণং চাসীৎ স নাথঃ ক য় গচ্ছতি ॥”

অনাথ ও দুর্বল ব্যক্তির একমাত্র আশ্রয় ও গতি—রামচন্দ্র আজ কোথায় যাইতেছেন—তখন সেই—“ক য় গচ্ছতি” শব্দের প্রতিধ্বনি রাজার হৃদয়-তন্ত্রী হইতে উথিত হইতেছিল। রাজা ‘বুদ্ধিশূন্য’ বদিয়া যখন তাঁহারা কাঁদিতেছিলেন, তখন দশরথের মুখমণ্ডল নয়নজলে প্লাবিত হইতেছিল।

রামচন্দ্র মাতার নিকটে বিদায় লইলেন; সীতা ও লক্ষ্মণ সঙ্গী

হইলেন, তখন তিনি বিদায় লইবার জন্য পিতৃসকাশে উপস্থিত হইলেন ; স্ময়জ রাজাকে তাঁহার আগমন সংবাদ জানাইলেন :--

“স সত্যবাক্য ধর্মাত্মা গান্ধীর্ষ্যং সাগরোপমঃ ।

আকাশ ইব নিম্পঙ্কো নরেন্দ্রঃ প্রভাবাচ তম্ ॥”

‘সেই সত্যবাক্য ধর্মাত্মা সাগরসদৃশ গান্ধীর এবং আকাশের
ছায় নিষ্কলঙ্ক রাজা দশরথ স্ময়জকে বলিলেন,—“আমার সমস্ত
মহিষীবর্গকে লইয়া আইস, আমি তাঁহাদিগের সঙ্গে একত্র হইয়া
রামচন্দ্রকে দর্শন করিব ।” সমস্ত রাজমহিষী উপস্থিত হইলেন,
তখন রামচন্দ্র গৃহে প্রবেশ করিলেন—রাজা দূর হইতে কুতাজনি-
বদ্ধ রামকে আসিতে দেখিয়া, শোকাবেগে আসন হইতে উঠিয়া
তাঁহাকে আলিঙ্গন করিতে ছুটিলেন, এবং অজ্ঞান হইয়া পড়িলেন,
তখন মহিষীগণ তাঁহাকে ঘিরিয়া দাঁড়াইলেন, রাম, লক্ষ্মণ ও সীতাকে
বনগমনোদ্যত দেখিয়া তাঁহারা শোকাক্ত হইয়া কঁাদিতে লাগিলেন ।
ভূষণধ্বনিমিশ্রিত “হাহা রাম-ধ্বনি” প্রাসাদ প্রতিধ্বনিত করিল ।
মহিষীগণ রামলক্ষ্মণ ও সীতাকে বাহুবদ্ধ করিয়া, বিবৎসা ধেমুরায়া
কঁাদিতে লাগিলেন । অশ্রুচক্ষু রাজার সংজ্ঞালাভ হইলে, রামচন্দ্র,
সীতা ও লক্ষ্মণের সঙ্গে বনে লাইবার অনুমতি প্রার্থনা করিলেন ।
রাজা কঁাদিতে কঁাদিতে রামচন্দ্রকে বলিলেন,—“ভস্মাগিতুণ্য ছয়
দ্রী দ্বারা চালিত হইয়া আমি অশক্ত হইয়া পড়িয়াছি, আমি বরদানে
মোহিত, তুমি আমাকে নিগৃহীত করিয়া রাজ্য অধিকার কর ।”
রাম বনগমনের দৃঢ় সংকল্প বিজ্ঞাপিত করিলে, রাজা পুনর্বার
বলিলেন—“তাত, তুমি বনে গমন কর, শীঘ্র প্রত্যাবর্তন করিও,

আমি তোমাকে সত্যব্রষ্ট হইতে বলিতে পারিতেছি না—তোমার পথ ভয়শূন্য হউক । আমার একটি প্রার্থনা, তুমি আজ অযোধ্যায় থাকিয়া যাও, আমি এবং তোমার মাতা একদিন তোমার চন্দ্র-মুখখানি ভাল করিয়া দেখিয়া লইব এবং তোমার সঙ্গে একত্র বসিয়া আহার করিব ।”

রামচন্দ্র “অদ্যই বনে যাইব” বলিয়া প্রতিশ্রুত ছিলেন, স্মরণে তিনি রাজার অনুরোধ রক্ষা করিলেন না । কৈকেয়ী যে তাঁহাকে বলিয়াছিলেন—“রাম, তুমি নীচ বনে না গেলে রাজা স্নানভোজন করিবেন না ।” সম্ভবতঃ রাজা সেই মৃত্যুতুল্য দাকণ কথায় মনে নিরতিশয় কষ্ট পাইয়া, রামের সঙ্গে একত্র আহারের জন্য ব্যগ্রতা দেখাইয়াছিলেন । রাম স্বীকৃত হইলেন না । বৃদ্ধ বাজা আর সাতদিন মাত্র জীবিত ছিলেন, ইহার মধ্যে কিছু আহার করিয়া-ছিলেন বলিয়া জানা যায় নাই ।

তৎপরে রাম, কৈকেয়ী-প্রদত্ত বস্ত্র পরিয়া ভিখারী সাজিলেন । রাজা, ভিখারী পুত্রকে আলিঙ্গন করিয়া কাঁদিতে কাঁদিতে অজ্ঞান হইয়া পড়িলেন । বৃদ্ধ সচিববৃন্দ আর সহ করিতে পারিলেন না, তাঁহারা তীব্র ভাষায় কৈকেয়ীকে ভৎসনা করিতে লাগিলেন । স্তম্ভ হস্ত দ্বারা হস্ত নিষ্পেষণ করিয়া, দস্ত কটমট ও শিরঃ-কম্পনের সহিত কৈকেয়ীকে পতিয়া ও কুলগ্নী বলিয়া গালি দিলেন এবং বলিলেন, “যে মহারাজ পর্বতের ছায় অটল, তিনি বাগকের ছায় আর্ত হইয়া পড়িয়াছেন, দেবি, আপনি ইহা দেখিয়াও কি অন্ততপ্ত হইতেছেন না ?”—

“ভর্তৃরিচ্ছা হি নারীণাং পুত্রকোটিা বিশিষ্যতে”

“স্বামীর ইচ্ছা রমণীগণের নিকট কোটি পুত্রের অপেক্ষাও অধিক গণ্য ।”, আপনি দেবতুল্য স্বামীকে বধ করিতে দাঁড়াইয়াছেন ? বশিষ্ঠ বলিলেন,—

“মহাদত্তাং মহীং পিত্রা ভরতঃ শাস্তৃমিচ্ছতি ।

ত্বয়ি বা পুত্রবধন্তঃ যদি জাতো মহীপতেঃ ।

যদাপি ত্বং ক্ষিত্তিতলাদাগনং চোৎপত্তিয্যতি ।

পিতৃবংশচরিত্রজঃ সোহনৃত্যো ন করিষ্যতি ।”

ভরত এই বাজ্যের শাসনভার গ্রহণ করিবেন না, তিনি যদি দশরথ হইতে জাত হইয়া থাকেন, তবে তুমি ক্ষিত্তিতল হইতে আকাশে উত্থিত হইলেও পিতৃবংশ-চরিত্রজ ভরত অন্তরূপ আচরণ করিবেন না ।” কৈকেয়ী অসমজের উদাহরণ দেখাইয়া রাজা দশরথকে তিরস্কার করাতে রাজা বিমনা হইয়া অশ্রুপাত করিতে লাগিলেন । মহারাজের এই অবস্থা দর্শনে ব্যথিত হইয়া মহামাত্র সিদ্ধার্থ কৈকেয়ীকে অসমজ সম্বন্ধীয় তাহার ভ্রম প্রদর্শন করিয়া দিলেন । এইরূপ বাগ্বিত্ত্যায় রাজগৃহ আকুল হইয়া উঠিল । কিন্তু রামচন্দ্র সেই সকল স্মৃৎ ও আত্মীয়বর্গের যত্নে কিছুমাত্র বিচলিত বা স্ত্রীয় প্রতিজ্ঞা-বিচ্যুত না হইয়া কৃতাজ্ঞা পূর্বক বারংবার রাজার নিকট বিদায় প্রার্থনা করিলেন ; ভ্রাতা ও স্ত্রীর সঙ্গে রথাবোহণ করিয়া তিনি বনযাত্রা করিলেন, তখন অযোধ্যা-বাসীগণ তাঁহার সম্মুখে এবং পশ্চাতে লক্ষ্মণ ও উগ্রথ হইয়া অশ্রুত্যাগ করিতে করিতে রথের সঙ্গে সঙ্গে অনুগমন করিতে

লাগিলেন । এই শৌকাকুল জনসভ্যের মধ্যে নগ্নপদে উন্মত্তের
 স্থায় মহারাজ দশরথ ছুটিয়া আসিয়া পড়িলেন ; কোশল্যাও সেই
 সঙ্গে অসম্বৃত ভুলুঙিত অঞ্চলে চীৎকার করিয়া কাঁদিতে কাঁদিতে
 চলিলেন । যাহার বাজপথে আগমনে, শিশিকা, রথ, অশ্ব ও
 সৈন্যবৃন্দের সমারোহ উপস্থিত হইত, সেই রাজচক্রবর্তীর এই
 উন্মত্ত অবস্থা দর্শনে প্রজাগণ ব্যথিত হইল, তাহারা সরিয়া দাঁড়াইল,
 কিন্তু বারণ করিতে সাহসী হইল না । বৎসের উদ্দেশে যেকল্প ধেমু
 ছুটিয়া যায়, রাজা ও মহিষী সেইরূপ ছুটিলেন ; ‘হা রাম’ বলিতে
 বলিতে জলধারাকুলনয়নে তাঁহারই রাজপথের কঙ্করের উপর দিয়া
 বাঁহিতে লাগিলেন । রাজা বামকে আনিজন করিবার জন্য বাঁহ
 প্রসারণ করিয়া “বথ রাখ, রথ রাখ” বলিতে লাগিলেন । রাম
 স্তম্ভকে বলিলেন, “আমি এই দৃশ্য দেখিতে পারিতেছি না, স্তম্ভ,
 তুমি শীঘ্র রথ চালাইয়া নইয়া যাও ।”

বথ দৃষ্টিপথ-বহিভূত হইল । রাজা ধূলি-শয্যায অজ্ঞান হইয়া
 পড়িলেন,—প্রজাগণ হাহাকার করিতে লাগিল । চৈতন্যলাভ করিয়া
 দশরথ দেখিলেন, তাঁহার দক্ষিণপাশ্বে কোশল্যা এবং বামপাশ্বে
 কৈকেয়ী ; তিনি কৈকেয়ীকে বলিলেন, “আমি পবিত্র অগ্নি সাক্ষী
 করিয়া তোমার পাণিগ্রহণ করিয়াছিলাম, আজ তোমাকে ত্যাগ
 করিলাম । তুমি আজ হইতে আমার স্ত্রী নহ ।” তৎপর করুণ-
 কর্ণে বলিলেন—“দ্বারদর্শিগণ, আমাকে শীঘ্র রাম-মাতা কোশল্যার
 গৃহে লইয়া যাও, আমি অন্ত্র সন্ধান পাইব না ।” পুত্রদ্বয় ও
 রাজবধুবিরহিত শাশানতুল্য গৃহে প্রবেশ করিয়া রাজা বালকের স্থায়

উচ্চৈঃস্বরে কঁাদিতে লাগিলেন । রাত্রে দশরথের তজ্জা আসিল, কিন্তু অর্দ্ধরাত্রে জাগিয়া উঠিয়া কোশাটাকে বলিলেন—“আমি তোমাকে দেখিতে পাইতেছি না, রামের রথের পশ্চাতে আমার দৃষ্টি চলিয়া গিয়াছে, আমি দৃষ্টি ফিরিয়া পাই নাই, তুমি আমাকে হস্ত দ্বারা স্পর্শ কর ।”

ছয় দিন পরে স্নমন্ত শূন্তরথ লইয়া ফিরিয়া আসিল । রামকে লইয়া রথ গিয়াছিল, রামশূন্ত রথ দর্শনে অযোধ্যাবাসীর হৃদয় বিদীর্ণ হইল । স্নমন্ত দেখিলেন, অযোধ্যার হরিৎছদ গ্রামল তরু-রাজি যেন স্নান মুখে দাঁড়াইয়া রহিয়াছে । কুসুম-কুল গুচ্ছে গুচ্ছে শুষ্ক হইয়া আছে, পল্লবাতুরানে অন্ধুর ও কোরক ধূসর বর্ণ ধারণ করিয়াছে, পক্ষীগুলি গুপ্তিত পক্ষে মৌন হইয়া নীড়ে বসিয়া আছে, মূলবন্ধ থাকাতে তরুগুলি রামের সঙ্গে যাইতে পারে নাই, কিন্তু তাহাদের শাখা পল্লব যেন সেই পথে উন্মুখ হইয়া আছে । কন্যা-সমূহের শেখর ও বাতায়নে অযোধ্যাবাসিনীগণের স্নন্দর চক্ষু শূন্ত-বথ দেখিয়া মুহূর্ৎ জলভারাকুল হইয়া উঠিতেছে । “রামকে কোথায় রাখিয়া আসিলে” বলিয়া প্রজাগণ স্নমন্তকে সজলচক্ষে প্রশ্ন করিল । উত্তর না দিয়া বাষ্পপূর্ণ চক্ষে স্নমন্ত রাজসকাশে উপস্থিত হইলেন । রাজা তাহার স্বর শুনিবাগাত্র অজ্ঞান হইয়া পড়িলেন । মহিষীগণ কঁাদিয়া বলিতে লাগিলেন “তোমার প্রিয়-তম রামের সংবাদ লইয়া স্নমন্ত আসিয়াছে, তাহাকে কেন কিছু জিজ্ঞাসা করিতেছ না ?”

কতক পরিমাণে স্নমন্ত হইয়া দশরথ রামের সমস্ত সংবাদ প্রবণ

করিলেন এবং বলিলেন “প্রশ্রবণ সাগ্নিধ্যে করিশাবকের ত্রায় রাম ধূলি-বিলুপ্তিত হইয়া হয়ত কোথাও পড়িয়া থাকিবেন, কাষ্ঠ বা প্রস্তরখণ্ডের উপর শিরোরক্ষা করিয়া রাত্রি অতিবাহিত করিবেন, প্রাতে ধূলিময় গাত্রে কটু বনফলের সন্ধানে ধাবিত হইবেন ।” আর কিছু বলিতে পারিলেন না, অজস্র অশ্রু-বিসর্জন পূর্বক স্তম্ভকে বলিলেন, “আমাকে শীঘ্র রামের নিকট লইয়া যাও, আমি রাম ভিন্ন মুহূর্তকালও বাঁচিতে পারিব না ; আমার মৃত্যু নিকটে, ইহা হইতে আর কি ছুঃখের বিষয় হইতে পারে যে আমি এই ছুঃসময়ে রামের ইন্দীবর মুখখানি দেখিতে পাইলাম না !”

কৌশল্যা রামের জন্ত অনেক বিলাপ করিলেন, রাত্রিতে তিনি অসহ্য হৃদয়ের কষ্টে রাজার প্রতি ছ’ একটি কটুবাক্য প্রয়োগ করিলেন ;—দশরথ নিজের অপরাধ নিজে যত বুঝিয়াছিলেন, এত কেহই বুঝেন নাই, কৌশল্যার কটুক্তি শুনিয়া তিনি নিঃসহায়ভাবে চারিদিকে দৃষ্টিপাত করিলেন, কাঁদিয়া করজোড়ে কৌশল্যার নিকট ক্ষমা ভিক্ষা করিলেন ; তখন ধর্মপ্রাণা সাধবী কৌশল্যা তাঁহার পদতলে লুপ্তিত হইয়া স্বীয় অপরাধের জন্ত বহুবার মার্জনা ভিক্ষা করিলেন । আশ্রস্ত হইয়া মহারাজ একটু নিদ্রিত হইয়া পড়িলেন । তখন সূর্য্যদেব মন্দরশিা হইয়া আকাশ-প্রান্তে ঢলিয়া পড়িয়াছেন এবং ক্রান্তিহারিণী নিদ্রাকে অগ্রদূতী স্বরূপ প্রেরণ করিয়া নিশীথিনী শনৈঃ শনৈঃ অযোধ্যাপুরীর ক্ষত বিক্ষত হৃদয় স্বীয় স্নেহাঞ্চলে আবরণ করিয়া লইয়াছেন ।

কিছুকালের মধ্যে দশরথের তন্দ্রা ভগ্ন হইল ; গভীর ছুঃখে



পড়িয়া লোকে তত্ত্বজ্ঞান লাভ করে; হৃদয়ে অমানিশির তুলা শোক, নৈরাশ্র বা অনুশোচনার ঘোর অন্ধকার ঘনীভূত না হইলে সেই জ্ঞান আইসে না। পরিতপ্ত দশরথ আজ সপ্তাদিবস উৎকট মৃত্যুযাতনা সহ করিয়াছেন, আজ তাঁহার জ্ঞানচক্ষু উন্মুক্ত হইল; তিনি স্বীয় কর্মফল প্রত্যক্ষ করিলেন। এই কষ্টের জন্ত তিনি নিজেই দায়ী, আজ কে যেন তাঁহাকে নিঃশব্দে বুঝাইয়া দিল। তিনি কৌশল্যা'কে বলিলেন “আত্মতরুচ্ছেদন করিয়া পলাশ-মূলে জল সেচন করিয়া মূঢ় ব্যক্তি শেষে ফল না পাইলে বিস্মিত হয়, পলাশ ফুল হইতে আত্মফল উদ্গত হয় না; আমিও স্বকর্মের দ্বারা এই বিপদ আনয়ন করিয়াছি, এবং আজ স্পষ্ট দেখিতেছি, আমি যে তরু রোপণ করিয়াছিলাম, এ বিষয় ফল তাহা হইতেই উৎপন্ন হইয়াছে।” তখন অশ্রুপূর্ণ চক্ষে গদগদ কণ্ঠে ধীরে ধীরে রাজা সেই পূর্বকাহিনী বর্ণনা করিতে লাগিলেন।

তখন বর্ষাকাল, বিল ও স্রোতের জল উন্মার্গগতি হইয়াছিল; পক্ষিগণ পক্ষপুট হইতে ঘন ঘন জলবিন্দু বিক্ষেপ পূর্বক পুনশ্চ ক্রিয়াকালের জন্ত স্থিরভাবে বসিয়াছিল; সায়াংকালে ভেকগণের নিনাদ ও মৃদুনীরবিন্দুপতনের শব্দে বনস্থলী মুখরিত হইতেছিল, গিরিনিঃসৃত স্রোতোজল গৈরিকরেণুসংযোগে বিচিত্র বর্ণধারণ করিয়া সর্পের ছায় বক্রগতিতে প্রবাহিত হইতেছিল। সিন্ধু মেঘমালা আকাশের প্রান্তে প্রান্তে বিরাজিত ছিল, সেই অতি সুখকর বর্ষার সায়াংকালে অবিবাহিত যুবক দশরথ ধনুহস্তে সরযুর অরণ্য-বহুল পুলিনে মৃগয়া করিতেছিলেন, প্রভ্রবণ হইতে ঋষিপুত্র কুন্ত

জলে পূর্ণ করিতেছিলেন, হস্তীর নর্দন মনে করিয়া দশরথ সেই শব্দলক্ষ্যে তীক্ষ্ণবাণ নিষ্ক্ষেপ করিলেন । আর্ত নরকণ্ঠের স্বর শুনিয়া ভীত দশরথ যাইয়া এক মর্শ্ববিদারক দৃশ্য দেখিতে পাইলেন ; কলসীর জল গড়াইয়া পড়িয়াছে, জটা ধুলিতে খুসরিত হইয়াছে,—রক্তাক্ত ধূলিময় দেহে শরবিদ্ধ দীন বালক জলে পড়িয়া আছে—”

পাংশু শোণিতদিক্কাঙ্গং শয়ানং শল্যবেধিতম্ ।

জটাজিনধরং বালং দীনং পতিতমস্তসি ॥”

এই বালক অন্ধ ঋষি মিথুনের জীবনোপায়, তাঁহার আর্ত-কণ্ঠে শুষ্ক পত্রের মর্শ্বর শব্দে চমকিয়া উঠিতেছিলেন, এই বুঝি বালক জল লইয়া আসিতেছে । দশরথ যখন সেই ঋষি ও তৎ-পত্নীর সন্নিহিত হইলেন, তখন স্নিগ্ধকণ্ঠে ঋষি বলিলেন, “পুত্র, তুমি বুঝি জলে ক্রীড়া করিতেছিলে, আমরা তোমার জন্ম কত ব্যস্ত হইয়াছি,—

“তং গতিস্বগতীনাঞ্চ চক্ষুস্বং হীনচক্ষুযাস্”

“তুমি গতিহীনের গতি ও চক্ষুহীনের চক্ষু”—তখন ভীত ও রুদ্ধকণ্ঠে রাজা বলিলেন,—

ক্ষত্রিয়োহহং দশরথো নাহং পুত্রো মহাত্মনঃ ।”

‘আমি দশরথ নামক ক্ষত্রিয়, হে মহাত্মন! আপনার পুত্র নহি।’ তৎপরে কিরূপে বালককে হত্যা করিয়াছেন, তাহা আর্ত স্বরে বর্ণনা করিয়া কৃতাজলি হইয়া দাঁড়াইয়া রহিলেন ।

যখন তাঁহাদের অভিপ্রায় অনুসারে মৃতবালকের নিকট রাজা

তঁাহাদিগকে লইয়া আসিলেন, তখন তঁাহারা যে বিলাপ করিয়াছিলেন, আজ দশরথের মর্মে মর্মে সেই নিদারুণ বিলাপ-গাথা প্রতিধ্বনিত হইতেছিল । ঋষি অশ্রুচক্ষে পুত্রের দেহ স্পর্শ করিয়া বলিলেন—“পুত্র, আজ আমাকে অভিষাদন করিতেছ না কেন ? তুমি কি রাগ করিয়াছ ? রাত্রিশেষে আর কাহার প্রিয়কণ্ঠস্বরে শাস্ত্র আবৃত্তি শুনিয়া শ্রোণ নীতল করিব ? কে সন্ধ্যাবন্দনান্তে অগ্নি জালিয়া আমাকে স্নান করাইবে ; কে আর শাকমূল ও ফল দ্বারা আমাদিগকে প্রিয় অতিথির স্থায় আহার করাইবে ? আমি যদি তোমার অপ্রিয় হইয়া থাকি, তবে তোমার এই ধর্ম্মশীলা জন-নীরা প্রতি একবার দৃষ্টিপাত কর ।”

ঋষি ও তঁাহার পত্নী পুত্রের সঙ্গে পুত্রশোক অগ্নিতে শ্রোণ বিসর্জন করিলেন । বহুবৎসর হইল এই কৰ্ম্ম অনুষ্ঠিত হইয়াছিল, আজ পুত্রশোক কি—তাহা বুঝাইতে, সেই কণ্ঠের ফল দশরথের সম্মুখে উপস্থিত হইল ।

কতক্ষণ পরে দশরথের হৃদয়ের বাথা বড় বাড়িয়া উঠিল, তিনি কাঁদিতে লাগিলেন, এবং কৌশল্যাকে বলিলেন—“আমাকে স্পর্শ কর, আমি দৃষ্টিহারা হইয়াছি ।” তৎপরে শ্রোণাপের স্থায় রামের কথা বলিতে লাগিলেন, “একবার যদি রাম আসিয়া আমাকে স্পর্শ করিত, তবে সেই স্পর্শ পরম ঔষধির স্থায় আমাকে জীবন দান করিত ।” আবার বলিলেন,—

“ততস্ত কিং ধুংপতরং যদহং জীবিতক্লেমে ।

মহি পশ্যামি ধর্ম্মজং রামং সত্যপরাক্রমম্ ॥”

ইহা হইতে কষ্টের বিষয় আর কি যে মৃত্যুকালে ধর্মাজ্ঞ ও সত্যসন্ধ বামচন্দ্রকে আমি দেখিতে পাইলাম না । রাম চতুর্দশ বর্ষ পরে ফিরিয়া আসিবেন, পদ্মপত্রনেত্র, সুন্দর নাসিকা ও শুভকুণ্ডলযুক্ত আমাব রামের চাক মুখমণ্ডল যাহাঁবা দেখিবেন, তাঁহারা দেবতা, আমি আর দেখিতে পাইলাম না ।” অর্দ্ধরাত্রে এই ভাবে বিলাপ কবিত্তে কবিত্তে “হা পুত্র” “হা বাম” এই শেষ বাক্য উচ্চারণ কবিত্তা দশবথ প্রাণত্যাগ করিলেন ।

বাত্তি অতীতপ্রায় । তখন রাজপুত্ৰীতে বীণা ও মুরজ বাজিয়া উঠিয়াছে, পক্ষিগণ সেই ললিত কোলাহলে যোগদান করিয়াছে । কাঞ্চনকুণ্ডে হরিচন্দন-নিষেবিত জল আনীত হইয়া রাজার স্নানার্থ যথাস্থানে স্থাপিত হইয়াছে । বন্দীগণ রাজার স্তুতিগীতি আরম্ভ করিয়াছে । রাজা কোথায় ? তিনি অযোধ্যাপুত্রী ছাড়িয়া গিয়াছেন, তাঁহার ব্যথিত হৃদয় চিবতরে শান্তিলাভ করিয়াছে ।

দশরথের বরদান ব্যাপারে জৈণতা বিশেষ দৃষ্ট হয না । তিনি সত্যসন্ধ ছিলেন, সত্য রক্ষা করিতে যাইয়া প্রাণত্যাগ কবিলেন, কৈকেয়ীর বদমাছার সঙ্গে সঙ্গে তাঁহার প্রতি রাজার সমস্ত ভাল-বাসার শেষ হইয়াছিল, তিনি তাঁহাকে পরিত্যাগ করিয়াছিলেন ; তিনি অনায়াসে কৈকেয়ীকে তাড়াইয়া দিয়া রামকে রাজ্যাভিষিক্ত করিতে পারিতেন ; কিন্তু তিনি ঘোর জৈণতার অপবাদ সন্ধে লইয়া প্রকৃতপক্ষে সত্যেবই সেবা করিয়াছিলেন । তিনি কৈকেয়ীকে “কুলনাশিনী” “নৃশংসা” প্রভৃতি দুই একটি ঘায়সঙ্গত কটুবাক্য বলিলেও কখনও তাঁহার মর্যাদা লঙ্ঘন করিয়া অত্যাগ অপভাষা

প্রয়োগ করেন নাই । কৈকেয়ীর মাতা স্বীয় স্বামি অশ্বপতির জীবননাশের চেষ্টা করিয়াছিলেন, স্তম্ভ প্রসঙ্গক্রমে সেই কথা বলিয়াছিলেন, কিন্তু দশরথ স্বীয় জ্ঞীর মাতৃকুল কিম্বা পিতৃকুল উল্লেখ করিয়া কিংবা অন্য কোনরূপ অসঙ্গত ভাষায় তাঁহার প্রতি কটুক্তি বর্ষণ করেন নাই । দশরথের চরিত্রে একটি রাজোচিত মর্যাদা দৃষ্ট হয়, তজ্জন্ম বাগ্মীকি-কথিত তৎসম্বন্ধীয় এই কয়েকটি বিশেষণ আগাদের নিকট অতিবিহিত বলিয়া বোধ হয়—

“স সত্যবাক্য ধর্মাজ্ঞা গাণ্ডীর্ঘ্যং সাগরোপমঃ ।

আকাশ ইব নিম্পদঃ—”



রামচন্দ্র ।

বাঙ্গালীকি-অঙ্কিত রামচন্দ্র এক অতি বিশাল চিত্র । ভুগসীদাস ও কুন্তিবাস রামচন্দ্রের গ্রাম-সুন্দর পল্লবসিদ্ধ স্ত্রী রক্ষণ করিয়া, তাঁহার বীরত্ব ও বৈরাগ্যের মহিমা বর্জন করিয়াছেন । কোশল্যা রামের বনবাসোপলক্ষে বিলাপ করিয়া বলিয়াছিলেন,—

“নহেন্নধবজমক্ষাশঃ ক নু শেতে মহাভুজঃ ।

ভুজং পরিঘমক্ষাশমুপাধায় মহাবলঃ ॥”

রামচন্দ্র তাঁহার ইন্দ্রধবজ ও পরিঘ তুল্য কঠিন বাহু উপাধান করিয়া কিরূপে শয়ন করিবেন ? পুত্রের বাহু পরিঘতুল্য কঠিন বলিতে কোশল্যা কিছুমাত্র ইতস্ততঃ করেন নাই, ওরত শৃঙ্গবের-পুরীতে রামের তৃণশয্যা দেখিয়া বলিয়াছিলেন— “ইজুদা-মুদো কঠিন স্থণ্ডিল-ভূমি রামের বাহু-নিপ্পীড়নে মর্দিত হইয়া আছে, আমি তাহা চিনিতে পারিতেছি ।” সুতরাং রামচন্দ্রের “নবনী জিনিয়া তনু অতি সুকোমল ।” কথা “ফুল-ধনু হাতে রাম বেড়ান কাননে” প্রভৃতি ভাবের বর্ণনা দ্বারা যাহারা তাহাকে যুগের অবতাররূপে সৃষ্ট করিয়াছেন তাহাদের চিত্রের সঙ্গে মহর্ষি-অঙ্কিত রামের রেখায় রেখায় মিল পড়িবে না ।

রামের বিশাল বক্ষ ও ক্ষয়বয়সের সন্ধি-স্থল মাংসল, এজন্য কবি তাঁহাকে “গূঢ়জত্র” উপাধি দিয়াছেন, তিনি—“সমঃ সমবিতত্তগঙ্গঃ” তাঁহার মহাবাহু বৃত্তায়িত, তাহা উনযোড়শ বর্ষ বয়সে ইন্দ্রধনু ভঙ্গ

করিবার সামর্থ্য রাখিত । তিনি যেমন মহামূর্তি, তেমনই মহা-
 গুণশালী । তিনি স্বদোষ ও পবদোষবিৎ, আশ্রিতের প্রতিপালক
 স্বজন ও স্বধর্ম্মের বক্ষয়িতা ও নিত্য সংসর্গী । তিনি পৃথিবীর জায়
 ক্ষমাশীল, অথচ ক্রুদ্ধ হইলে দেবগণেরও ভীতিদায়ক হইয়া
 উঠেন । এই মহদ্গুণ সমুচ্চয়ের উপর প্রীতিবিচ্ছুরিত হইয়া তাঁহার
 চরিত্র অতি মধুর ও কমনীয় করিয়া তুলিয়াছিল । কেহ ক্রুদ্ধ
 হইয়া তাঁহাকে ছুর্বাক্য বলিলে তিনি—“নোত্তবং প্রতিপাদিতি”
 উত্তর প্রদান করেন না ।—

“ন স্মরতাপকারাণাং শতমপি আত্মবত্তয়া”

উদার স্বভাব হেতু তিনি পরকৃত শত অপকারের কথাও বিস্মৃত
 হন । তিনি বাগ্মী ও পূর্বভাষী, নীলবৃদ্ধ জ্ঞানবৃদ্ধ ও বয়োবৃদ্ধগণ
 তাঁহার নিকটে সর্বদা সমুচিত শ্রদ্ধা পাইত । কার্য্যবশতঃ রামচন্দ্র
 নগরের বাহিবে গেল,—

“—পুনরাগতা কুপ্লরেষ যথেন বা ।

পৌরাণ স্বজনবনিতাং কুশলং পরিপৃচ্ছতি ॥”

হস্তী বা রথারোহণে ফিরিবার সময় পুর্ববাসীদিগকে স্বজনবর্গের
 জায় সাদরে কুশল জিজ্ঞাসা করিয়া থাকেন

এই রাজকুমারকে যখন মহারাজ দশরথ যুবরাজ-পদে প্রতিষ্ঠিত
 করিবেন বলিয়া ইচ্ছা প্রকাশ করিলেন, তখন নগরে বিপুল প্রীতি
 সূচক “হলহলা” শব্দ সমুথিত হইল । প্রজাগণ একবাক্যে বলিল,
 “অমিততেজা রামচন্দ্রের অভিষেকের তুল্য আনন্দ-দায়ক আগাদের
 আর কিছুই নাই ।”

রামচন্দ্র অভিষেক-সংবাদে নিতান্ত হৃষ্ট হইয়াছিলেন । তাঁহাকে একবার কৌশল্যার নিকট প্রফুল্ল মুখে অভিষেকের কথা বলিতে দেখিতে পাই, — পুনরায় দেখিতে পাই, লক্ষণেব কণ্ঠ দ্বারা হইয়া বলিতেছেন, —

“জীবিতকপি রাজ্যং তদর্থমভিকাময়ে ।”

‘আমি জীবন ও রাজ্য তোমার জন্যই অভিলষণীয় মনে করি’ ।

দশরথ কৈকেয়ীর ক্রোধাগারে তাঁহার ক্রোধপ্রশমনার্থ বাস্তু হইয়া নানা কথার মধ্যে এই একটি কথা বলিয়াছিলেন, “অবশ্যো বধ্যতাং কঃ ?” তোমায় প্রীতি হেতু কোন্ অবধাকে বন করিতে হইবে ? এই উক্তিটী ভাব অনর্থের পূর্বভাষ বলিয়া গৃহীত হইতে পারে । প্রকৃতই নির্দোষ ব্যক্তির মৃত্যু তুমি দণ্ড হইয়াছিল, — সেই শোকাবহ কাহিনী রামায়ণ মহাকাব্যে অশ্রুর অশ্রুরে লিখিত আছে ।

প্রত্যুষে রামচন্দ্রকে স্মরণ রাজাজ্ঞা জানাইয়া কৈকেয়ীর গৃহে আহ্বান করিয়া আনিলেন । রামচন্দ্র ও সীতা অভিষেক-সংকল্পে রাতে উপবাসী ছিলেন । সীতাকে রামচন্দ্র বলিলেন, “আমি আমার অভিষেক, অম্বা কৈকেয়ীর সঙ্গে মিলিত হইয়া রাজা আমার মঙ্গলার্থ যেন কি শুভ অনুষ্ঠান করিবেন, এই জন্য আমাকে আহ্বান করিয়াছেন, তুমি প্রিয় সখীকুল পরিবৃত্তা হইয়া কিছুকাল প্রতীক্ষা কর, আমি শীঘ্র আসিতেছি ।”

প্রথমেবেগশালী চতুরঙ্গমোজিত ব্যাঘ্রচন্দ্রাঙ্খাদিত সুন্দর রথ রামচন্দ্রকে বহিয়া লইয়া চলিল । রাম পথে পথে দেখিলেন, অভি-

যেকের বিপুল আয়োজন হইতেছে ; গঙ্গা যমুনার সঙ্গম-স্থল হইতে আনীত ঘটপূর্ণ জল, সমুদ্রের মুক্তা, ঔড়ম্বর পীঠ, চতুর্দিক্ত সিংহ, পাণ্ডুর বৃষ, নানা তীর্থের জল, অলঙ্কৃত বেষ্ট্রা, বিবিধ মৃগ পক্ষী, ব্যাঘ্রতনু প্রভৃতি বিচিত্র উপকরণসম্ভার অভিযেক-শালায় নীত হইতেছে । রাজপথবর্তী শত শত গবাক্ষের স্বর্ণজাল ভেদ করিয়া অযোধ্যাবাসিনী পুরনারীগণের কৃষ্ণ চক্ষুতারা তাঁহার উপর নিপতিত হইতেছে । রাজপথ জলসিক্ত ও পুষ্পাকীর্ণ হইয়াছে, এবং বেখানে সেখানে আনন্দোন্মত্ত জনসমূহ তাঁহারই গুণ কীর্তন করিতেছে । অপূর্ণ ধ্বজবর্তী, দীপবৃক্ষমালিনী, শুভ্র দেবালয়শালিনী অযোধ্যাপুরী নুতন শ্রী ধারণ করিয়া একখানি সূচিত্রিত আলোখ্যের আয় শোভা পাইতেছে ।

পট্টবস্ত্রপরিহিত, অভিযেকব্রতোজ্জ্বল রাজকুমার আনন্দের একটি পুতুলিকার আয় পিতৃ-সকাশে উপস্থিত হইয়া প্রণাম করিয়া দাঁড়াইলেন । রাজা গুঞ্চ মুখে কৈকেয়ীর পাশ্বে উপবিষ্ট ছিলেন, তিনি “রাম” এই শব্দ মাত্র উচ্চারণ করিয়া অধোমুখে কাদিতে লাগিলেন, তাঁহার রুদ্ধ কণ্ঠ হইতে আর কথা বাহির হইল না । তাঁহার অশ্রুমলিন লজ্জিত চক্ষু আর রামকে চাহিয়া দেখিতে সাহসী হইল না ।

সহসা নিবিড় গহনপন্থায় পদ দ্বারা সর্প স্পর্শ করিলে পথিক যেরূপ চমকিয়া উঠে, রাম পিতার এই অচিন্তিতপূর্ব অবস্থা দর্শনে সেইরূপ ভীত হইলেন । রাজার বিশাল বক্ষ সখনে কম্পিত করিয়া গভীর নিশ্বাস পতিত হইতেছিল, তাঁহার আকুল নয়ন জলভারে

আচ্ছন্ন হইতেছিল, রামচন্দ্র কৃতাজ্ঞলি হইয়া কৈকেয়ীকে বলিলেন,
“দেবি, আমি অজ্ঞাতসারে পিতৃপাদপদ্মে কোন অপরাধ করিয়া
থাকিলে,—“অমেবৈনং প্রসাদয়” তুমিই ইহাকে আমার প্রতি
প্রসন্ন কর । আমি পিতার কোপের ভাজন হইয়া মুহূর্ত্ত-কালও
জীবনধারণ করিতে ইচ্ছা করি না । ইহার কোন কার্যিক বা
মানসিক অসুখ হয় নাই ত ? ভরত ও শত্রুঘ্ন দূরে আছেন,
তাহাদের কিংবা আমার মাতাদের মধ্যে কাহারও কোন অশুভ
ঘট্টে নাই ত ? কিংবা দেবি, তুমি ত অভিমানভরে এমন কোন
কথা বল নাই, যাহাতে তিনি এরূপ আর্ত হইয়াছেন ?”

কৈকেয়ী নিশ্চিত্তভাবে বলিলেন— “রাজার কোন ব্যাধি হয়
নাই, তিনি কোন দুঃখ প্রাপ্ত হন নাই, ইহার মনোগত একটি
অভিপ্রায় আছে, তোমার ভয়ে তাহা প্রকাশ করিতে পারিতেছেন
না, তুমি প্রিয়, তোমাকে অপ্রিয় কথা বলিতে যাইয়া ইহার বাণী
নিঃসৃত হইতেছে না—

“প্রিয়ং হামপ্রিয়ং বক্তুং বাণী নাস্তি প্রবর্ত্ততে ।”

শুভ হউক বা অশুভ হউক, তুমি রাজাদেশ পালন করিতে
বলিয়া যদি প্রতিজ্ঞাত হও, তবেই তাহা বলিতে পারে, অন্যথা
নহে ।” রাম দুঃখিত হইয়া বলিলেন,—

“অহো ধিও নার্সে দেবি বক্তুং মামীদৃশং বচঃ ।

অহং হি বচনাজ্ঞঃ পতেয়মপি পাবকে ।

ভক্ষয়েমং বিয়ং তীক্ষ্ণং মজ্জয়েমপি চার্ণবে ॥”

“দেবি, তোমার এরূপ কথা আমাকে বলা উচিত নহে, আমি

রাজার আজ্ঞায় এখনই অগ্নিতে প্রাণ বিসর্জন দিতে পারি, বিষ খাইতে পারি, সমুদ্রে পতিত হইতে পারি ।”

“রাজার আজ্ঞা আমাকে জ্ঞাপন কর, আমি তাহা পালন করিব, প্রতিশ্রুত হইলাম, আমার বাক্য ব্যর্থ হইবে না ”

সেই অভিষেক কল্পে উপবাসী, পবিত্র পটুবস্ত্রপরিহিত তরুণ যুবককে কৈকেয়ী অকুণ্ঠিতচিত্তে বনবাসাজ্ঞা শুনাইলেন, “ভরত এই ধনধান্যশালিনী অযোধ্যার রাজা হইবে । তোমার অভিষেকার্থ আনীত উপকরণে তাহার অভিষেকক্রিয়া সম্পাদিত হইবে, আর তোমাকে অদ্যই চীরবাস ও জটা পরিয়া চতুর্দশ বৎসরের জন্য বনবাসী হইতে হইবে, রাজা আমাকে এই দুই বর দিয়া প্রাকৃত ব্যক্তির ন্যায় পরে তাপিত হইয়াছেন ”

এই মর্ম্মচ্ছেদী মৃত্যুতুলা বাক্য শুনিয়া রামচন্দ্র মুহূর্ত্তকাল নিশ্চল থাকিয়া অবিকৃতচিত্তে বলিলেন,—

“এবমস্ত গমিষ্যামি বনং বস্তুমহং ত্রিতঃ ।

জটাচীরধরো রাজ্ঞঃ প্রতিজ্ঞামনুপালয়ন্ ॥”

তাহাই হউক, আমি জটাচীর ধারণ করিয়া রাজাজ্ঞা পালন জন্য বনবাসী হইব । আমি জানিতে ইচ্ছা করি মহারাজ পূর্ববৎ আমাকে আদর করিতেছেন না কেন ? দেবি, তুমি আমার প্রতি ক্রুদ্ধ হইও না, আমি তোমার সমক্ষে অঙ্গীকার করিয়া বলিতেছি, আমি চীর ও জটাধারী হইয়া বনবাসী হইব, তুমি আমার প্রতি প্রীত হও । আমার মনে একটা গিথ্যা কষ্ট এই হইতেছে, পিতা আমাকে নিজের ভরতের অভিষেকের কথা কেন বলেন নাই ; ভরত

চাহিলেই আমি রাজ্য, ধন, প্রাণ, সীতা সকলই দিতে পারি ! পিতৃ-
আজ্ঞায় রাজ্য তাহাকে দিব, ইহাতে আর কি কথা হইতে পারে ?
দেবি, তুমি উহাকে আশ্বাস প্রদান কর, উনি কেন অধোগুণে মন্দ
মন্দ অশ্রু ত্যাগ করিতেছেন ! শীঘ্রগতি অশ্বারোহী দূতগণ এখনই
ভরতকে মাতুলালয় হইতে আনিতে প্রেরিত হউক ।” এই বাক্যে
হৃষ্ট হইয়া কৈকেয়ী তাঁহাকে বনে যাইবার জন্ত জ্বাষিত করিতে
চেষ্টা পাইলেন,—পাছে রামের মত পরিবর্তিত হয়, কিম্বা দশরথের
মুখের কথা না শুনিলে রামচন্দ্র না যান এই আশঙ্কা ; অশ্বকে
যেকপ কশাঘাতে তাড়াইয়া চালিত করিতে হয়, বনে যাইবার
জন্ত রামকেও তিনি সেইরূপ তাড়না করিতে লাগিলেন—

“কশমেব হতো বাজী বনং গম্যন্ত কৃতদ্বয়ঃ ।

“তাহাই হউক, রাম আমি তোমার বিলম্ব অনুমোদন করি না,
রাজা তোমাকে লজ্জায় নিজে কিছু বলিতেছেন না, তজ্জন্ত তুমি
মনে কিছু করিও না ।—

“যাবন্তং ন বনং যাতঃ পুরাদস্মাদতিত্বরং ।

পিতা তবম তে রাম যাস্ততে স্রোক্ষাতেহপি বা ॥”

“যে পর্য্যন্ত তুমি শীঘ্র শীঘ্র ইহাব নিকট হইতে বিদায় লইয়া
বনে না যাইবে, তাবৎ ইনি শ্রান বা ভোজন কিছুই করিবেন না ।”
এই কথা শুনিয়া হেমভূষিত পর্য্যাক্ত হইতে মহারাজ দশরথ আজ্ঞান
হইয়া ভূতলে পড়িয়া গেলেন । সৌম্যমূর্তি বিষয়-নিষ্পৃহ রামচন্দ্র
তাঁহাকে ধরিয়া তুলিলেন ও কৈকেয়ীর শঙ্কা-দর্শনে ছুঃখিত অথচ
দৃঢ় স্বরে বলিলেন,—

“নাহমর্থপরো দেবি লোকমাবস্তমুৎসহে ।

বিক্রি মাং ঋষিভিস্তুল্যং বিমলং ধর্মগান্ধিতম্ ॥”

“দেবি, আমি স্বার্থপর হইয়া পৃথিবীতে বাস করিতে ইচ্ছুক নহি, আমাকে ঋষিদিগের তুল্য বিমল ধর্মগান্ধিত বলিয়া জানিও ।” পিতা নাই বা বলিলেন, আমি তোমারই আজ্ঞা শিরোধার্য করিয়া চতুর্দশ বৎসরের জন্ত বনে যাইব । মাতা কোশল্যাকে ও সীতাকে বলিয়া অনুমতি লইতে যে বিলম্ব, সেইটুকু অপেক্ষা কর ।” এই বলিয়া সংজ্ঞাহীন পিতা ও কৈকেয়ীর পদবন্দনা করিয়া রামচন্দ্র ধীরে ধীরে যাইতে লাগিলেন ; চতুরশ্বযোজিত রথ তাঁহার জন্ত অপেক্ষা করিতেছিল, তিনি সে পথে গেলেন না ; উৎকণ্ঠিত পৌরজন সাগ্রহে তাঁহাকে দেখিবার জন্ত প্রতীক্ষা করিতেছিল, তিনি তাহাদের দৃষ্টিবহির্ভূত পন্থায় যাইতে লাগিলেন, হেমছত্রধর ও ব্যজনবহ পশ্চাৎ অনুবর্তী হইতেছিল, তাহাদিগকে বিদায় দিলেন ; অভিষেক-শালার বিচিত্র সস্তারের প্রতি একবার মাত্র দৃষ্টিপাত করিয়া চক্ষু প্রতিনিবৃত্ত করিলেন । সিদ্ধপুঙ্খযেব স্থার তাঁহার মুখমণ্ডলে কোনকপ অধীরতা প্রকাশ পাইল না ।—

“ধারয়ন্ মনসা দুঃখমিচ্ছিয়ানি নিগৃহ্য চ ।”

মনের দ্বারা দুঃখ ধারণ করিয়া ইচ্ছিয় নিগ্রহ পূর্বক শনৈঃ শনৈঃ মাতৃমন্দিরাভিমুখে যাইতে লাগিলেন ।

কিন্তু এক হস্ত চন্দনচর্চিত ও অপর হস্ত কুঠারাহত হইলো যাহারা তুল্যরূপ বোধ করিতেন, রাম সেরূপ যোগী ছিলেন না । জননীর নিকট উপস্থিত হইয়া তাঁহার দুঃখ-নিরুদ্ধ

হৃদয়-জাত ঘন নিশ্বাস পড়িতে লাগিল, তিনি কম্পিত কণ্ঠে বলিলেন,—

“দেবি নুনং ন জানীযে মহত্ত্বমুপস্থিতম্ ।”

‘দেবি, তুমি জান না মহত্ত্ব উপস্থিত হইয়াছে ।’ মাতৃদত্ত উপাদেয় আহার ও মহার্ঘ আসনের প্রতি দৃষ্টিপাত করিয়া বলিলেন, “আমাকে মূনির ছায় কষায় কন্দফদামুদ খাইয়া জীবনধারণ করিতে হইবে, এই খাদ্য আমার আর প্রয়োজন নাই, —আমি কুশাসনের যোগ্য, এ মহার্ঘ আসনে আমার আর স্থান নাই ।” কৈকেয়ীর নিকট রাজার প্রতিশ্রুতি কথা বদিয়া বনবাস যাত্রার ভগ্ন মাতৃপাদ-পদ্যে অনুরাগিত প্রার্থনা করিলেন । শোকাকুণ্ডা মাতা যখন কাঁদিয়া, বলিতে লাগিলেন “স্ত্রীলোকের প্রধান তম স্বথ পতির স্নেহসম্পদ, আমার ভাগ্যে তাহা ঘটে নাই । আমি কৈকেয়ীর লোকজনকর্তৃক সর্বদা নিগৃহীত, কোন পরিচারিকা আমার সেবার নিযুক্ত হইলে, কৈকেয়ীর পরিজনবর্গ দেখিলে ভীত হয়, বৎস, আমি তোমার মুখের দিকে চাহিয়া সমস্ত সহ্য করিয়াছি । তুমি বনে গেলে আমি কোথায় দাঁড়াইব ! দেখ গাভীগুলিও বনে বৎসের অনুরাগমন করে, আমাকে তোমার সঙ্গে লইয়া যাও ।” এই সকল মনোচ্ছাদী কাতরোক্তি শুনিয়া রাম নানা প্রকারে মাতাকে সান্তনা দান করিতে চেষ্টা পাইলেন ; অশ্রুমুখী শোকোন্মাদিনী জননী নিকট স্বীয় উদ্যত অশ্রু দমন করিয়া বারংবার বনবাসের অনুরাগিত ভিক্ষা করিতে লাগিলেন । ক্রোধ-স্ফুরিতনেত্রে লক্ষণ এই অন্ত্যায় আদেশ-পালনের বিরুদ্ধে বহু যুক্তির অবতারণা করিয়া ধনু লইয়া গিয়াবৎ—

“হনিষ্যে পিতরং বৃদ্ধং কৈকেয়াসক্তমানসম্ ।”

“কৈকেয়ীতে আসক্ত বৃদ্ধ পিতাকে আমি হত্যা করিব” প্রভৃতি বাক্য প্রয়োগ করিতে লাগিল। রামচন্দ্র হস্ত ধরিয়া লক্ষ্মণের ক্রোধ প্রশমনের চেষ্টা করিতে লাগিলেন, এবং পরম সৌম্যভাবে স্নেহার্জকণ্ঠে বলিলেন,—

“সৌমিত্রে যোহভিষেকার্থে মম সস্তারসম্মমঃ ।

অভিষেকনিবৃত্ত্যর্থো সোহস্ত সস্তারসম্মমঃ ॥”

‘সৌমিত্রে, আমার অভিষেকের জন্য যে সস্তার ও আয়োজন হইয়াছে তাহা আমার অভিষেকনিবৃত্তির জন্য হউক ।’ পিতৃ-ভক্ত বিষয়-নিম্পৃহ কুমারের স্নিগ্ধ কিন্তু অটল সংকল্প এই মহাশোক ও ক্রোধের অভিনয় ক্ষেত্রে এক অসামান্য বৈরাগ্য ও বীরত্বের শ্রী জাগাইয়া দিল ; কৌশল্যা বলিলেন, “রাজা তোমার যেমন গুরু, আমিও তেমনই গুরু, আমি তোমাকে বনে যাইতে দিব না, তুমি মাতৃ-আজ্ঞা লঙ্ঘন করিয়া কেমনে বনে যাইবে ?” লক্ষ্মণ বলিলেন, “কামাসক্ত পিতার আদেশ পালন অধর্ম ।” রামচন্দ্র অবিচলিত ভাবে বিনীত স্নেহ-পুরিত-কণ্ঠে মাতাকে বলিলেন, “কণ্ডু ঋষি পিতার আদেশে গোহত্যা করিয়াছিলেন, আমাদের কুলে সগরের পুত্রগণ পিতৃ-আদেশ পালন করিতে যাইয়া নিহত হইয়াছিলেন, পরশুরাম পিতৃ-আদেশে স্বীয় জননী রেণুকার শিরশ্ছেদ করিয়া-ছিলেন ; পিতা প্রত্যক্ষ দেবতা,—তিনি ক্রোধ কাম বা যে কোন প্রবৃত্তির উত্তেজনায় প্রতিশ্রুতি দান করিয়া থাকুন না কেন, আমি তাহার বিচার করিব না, আমি তাহার বিচারক নহি

আমি তাহা নিশ্চয়ই পাণন করিব ।” এই বলিয়া রোরুদ্যমান জননী নিকট ধর্মোদ্দেশ্যে বনে যাওয়ার অনুমতি বারংবার প্রার্থনা করিতে লাগিলেন । কৌশল্যা রামের আশ্চর্য্য সাধুসংকল্প দর্শনে সাত্ত্বনা লাভ করিলেন এবং শত শত আশীষ-বাণী কহিয়া অশ্রুসিক্ত কণ্ঠে প্রাণপ্রিয় পুত্রকে বনবাসের অনুমতি প্রদান করিলেন ।

এইমাত্র সীতার কণ্ঠলগ্ন হইয়া তাঁহার কণ্ঠে আশার কথা গুঞ্জন করিয়া আসিয়াছেন, কোন্ মুখে তাঁহাকে এই নিদারুণ কথা শুনাইবেন । রামের অভ্যস্ত দৃঢ়তা শিথিল হইয়া গেল ; আর সে সৌম্য অবিকৃত ভাব নাই, তাঁহার মুখশ্রী বিবর্ণ হইল, তাঁহার সুন্দর শ্রাম ললাটে ছুশ্চিত্তার বেথা অঙ্কিত হইল । সীতা তাঁহাকে দেখা মাত্রই বুঝিতে পারিলেন, কি যেন অনর্থ ঘটয়াছে । তিনি ব্যাকুল হইয়া জিজ্ঞাসা করিলেন, “আজ অভিষেকের মুহূর্ত্তে তোমার মুখ এরূপ নিরানন্দ হইয়াছে কেন ?” নানা ব্যাকুল প্রণের উত্তরে রামচন্দ্র সীতাকে অসন্ন মহাপরীক্ষার উপযোগিনী করিবার জন্ত তাঁহার মহৎ বংশ স্মরণ করাইয়া দিলেন । প্লেহার্জ-কণ্ঠে ধর্ম্মশীল পতি কি পবিত্র ও সুন্দর মুখবন্ধ করিয়া কথা আরম্ভ করিলেন—

“কুলে মহতি সমুত্তে ধর্ম্মক্ষে ধর্ম্মচারিণি ।”

এই সম্বোধন সহধর্ম্মিণীর প্রাপ্য, ইহা সাধবী জীৱ মর্যাদাব্যঞ্জক । সীতা বনবাসের কথা শুনিয়াই রামের সঙ্গিনী হইবার দৃঢ় অভি-প্রায় জ্ঞাপন করিলেন, রামচন্দ্রের সঙ্গে তাঁহার একটি নাতিশূদ্র বাক্যবন্ধ হইয়া গেল । রামচন্দ্রের কত নিষেধ, কত ভয়প্রদর্শন

অগ্রাহ্য করিয়া যখন বীর-বনিতা অবণ্যচারিণী হইতে দৃঢ়প্রতিজ্ঞা জানাইলেন, তাঁহাকে সঙ্গে না লইয়া গেলে তিনি আত্মঘাতিনী হইবেন, এই সংকল্প প্রকাশ করিলেন—তখন পবম্পনের প্রতি একান্ত নির্ভবশীল স্নিগ্ধ দম্পতির মিলন কি মধুর হইয়াছিল ! সীতার গণ্ডবাহী গদাধর রামের সান্নিধ্যবাক্যে একটি একটি করিয়া নিম্নল মুক্তা-বিন্দুব স্থায় অন্তর্হিত হইয়াছিল, সেই দৃশ্যটি বড় সুন্দর মনঃস্পর্শী । রাম কণ্ঠস্বারা অশ্রু-পূরিता সুন্দরী সাধবী স্ত্রীকে বাহুবন্ধনে আবদ্ধ করিয়া স্নিগ্ধ ও কবণ-কণ্ঠে বলিলেন,—“দেবি, তোমার ছুঃখ দেখিয়া আমি স্বর্গও অভিলাষ করি না ; আমি তোমাকে বক্ষা করিতে কিঞ্চিন্মাত্র ভীত নহি ; সাংক্ষাৎ বদ্ধ হইতেও আমার ভয় নাই । তুমি বলিলে—বিবাহের পূর্বে ব্রাহ্মণগণ বলিয়াছিলেন, তুমি স্বামীসঙ্গে বনবাসিনী হইবে,—তুমি যদি বনবাসের জন্তই সৃষ্ট হইয়া থাক, তবে আমার তোমাকে ছাড়িয়া বাঁধবার সাধ্য নাই ।” যে লক্ষণ “বধ্যভ্রং বধ্যতামপি” বলিয়া রাজাকে বাঁধিবার এমন কি হত্যা করিবার ব্যবস্থা দিয়াছিলেন, ধনুর্ধারণপূর্বক একাকী রামের শত্রুকূদা নিশ্চূদা করিবেন বলিয়া এত বিক্রম প্রকাশ করিয়াছিলেন, তিনি রামের অটল প্রতিজ্ঞা ও বনগমনোদ্যোগ দেখিয়া কাঁদিয়া বালকের স্থায় অগ্রজের পদতলে পতিত হইলেন এবং বলিলেন,—

“ঐশ্বর্যাকাপি লোকানাং কাময়ে ন ত্বয়া বিনা ।”

—‘তোমাকে ছাড়া আমি জিলোকের ঐশ্বর্যও কামনা করি না’ ।
অশ্রুপূর্ণচক্ষু পদতলে পতিত পরম মেহাস্পদ লক্ষণকে রামচন্দ্র

সাদরে তুলিয়া উঠাইলেন এবং বনসঙ্গী করিতে স্বীকৃত হইলেন, লক্ষ্মণ পুলকাঞ্চে মুছিয়া আনন্দে বনবাস-প্রয়োজনীয় অস্ত্র শস্ত্র বাছিয়া লইয়া প্রস্তুত হইলেন । রামচন্দ্র ভরত কিম্বা কৈকেয়ীর প্রতি কোন বিদ্বেষসূচক বাক্য প্রয়োগ করেন নাই । সীতার নিকট বলিলেন—

“উভয়ো ভরতশক্রয়ো প্রাণৈঃ প্রিয়তরো যম ।”

‘ভরত এবং শক্রয় উভয়ে আমার প্রাণ হইতে প্রিয় ।’ কৈকেয়ী এবং অপরাপর মাতাদের কথা উল্লেখ করিয়া বলিলেন—

“মেহপ্রণয়সন্তোগৈঃ সমা হি যম মাতরঃ ।”

‘মেহ এবং শুশ্রুষায় আমার প্রতি আমার সকল মাতাই সম-দর্শিনী ।’ বনবাসকালে বিদানপ্রার্থী রামচন্দ্র দশরথের নিকট উপস্থিত হইলেন, মহিষীবৃন্দ-পরিবৃত দশরথ রামের মুখ দেখিয়া চিত্তবেগ সংবরণ করিতে পারিলেন না, অশ্রুরুদ্ধ কণ্ঠে রামচন্দ্রকে আর একটি দিন থাকিয়া যাইতে অনুরোধ করিলেন—“আমি আজ তোমাকে চক্ষে চক্ষে রাখিয়া তোমার সহিত একত্র আহার করিব” রাজা অনেক অনুনয় কবিয়া ইহা বলিলেন । রাম কহিলেন, “অদ্যই বনে যাইব বলিয়া মাতা কৈকেয়ীর নিকট আমি প্রতিশ্রুত, স্মরণ্য ইহার অত্যাচার করিতে পারিব না ।” সন্মম ও বিনয়ের সহিত পুনর্ব্বার বলিলেন, “ব্রহ্মা যেক্রপ স্বীয় পুত্রগণকে তপশ্চরণার্থ অনুমতি দিয়াছিলেন, আপনি বীত-শোক হইয়া সেইরূপ আমা-দিগের বনগমনের আদেশ প্রদান করুন ।” দশরথের শোকবেগ বৃদ্ধি পাইল, তিনি বিহ্বল হইয়া পড়িলেন । স্মৃত্ত, মহামাত্র সিদ্ধার্থ

এবং গুরুদেব বশিষ্ঠ কৈকেয়ীর সহিত বাকুবিতণ্ডায় প্রবৃত্ত হইলেন, আত্মীয় স্নহদ ও স্বজনবর্গের উত্তেজিত কণ্ঠ-ধ্বনিতে রাজ-প্রাসাদ আকুলিত হইয়া উঠিল, সেই কোলাহল পরাজিত করিয়া ত্যাগশীল রাজকুমারের অপূর্ব বৈরাগ্য ও ধর্ম-ভাবপূর্ণ কণ্ঠ-ধ্বনি স্বর্গীয় শুভ বাণীর মত শ্রুত হইতে লাগিল । কৃতাজলি হইয়া রামচন্দ্র বারংবার বলিলেন—

“মা বিমর্শো বহুমতী ভরতায় প্রদীয়তাম্ ।”

“আপনি চঞ্চলিত না হইয়া এই রাজ্য ভরতকে প্রদান করুন, সুখ কিম্বা রাজ্য, জীবন, এমন কি স্বর্গও আমি ইচ্ছা করি না, আমি সত্যবদ্ধ, আপনার সত্য পালন করিব । পিতা দেবতাগণ অপেক্ষাও পূজ্য, সেই পিতৃ-দেবতার আজ্ঞা পালনে আমি কোন কষ্টই বোধ করিব না । চতুর্দশ বৎসর পরে ফিরিয়া আসিয়া আমি আবার আপনার শ্রীচরণ বন্দনা করিব । মাতৃগণের দিকে চাহিয়া কৃতাজলি রাজকুমার বলিলেন—

“অজ্ঞানান্ধা প্রমাদান্ধা ময়া বো যদি কিঞ্চন ।

অপরাধং তদন্যাহং সর্বশঃ ক্ষময়ামি বঃ ॥”

“আমি ভ্রমবশতঃ কিম্বা অজ্ঞানতাবশতঃ যদি কোন অপরাধ করিয়া থাকি, তবে অন্য আমাকে ক্ষমা করিবেন ।” যে দশরথের অন্তঃপুর্ন মুরজ ও বীণার স্নমধুর নিক্রমে মুখরিত হইত, আজ তাহা শোকাক্তা রমণীগণের আর্তনাদে পূর্ণ হইল ।

তৎপর অযোধ্যায় করুণার এক মহাদৃশ্য । যুগ যুগান্তর চলিয়া গিয়াছে, সেই দৃশ্যের শোক ও কারুণ্য এখনও ফুরায় নাই । ধৃত

বাণীকির লেখনী । শত শত বৎসর যাবৎ অযোধ্যাকাণ্ডের পাঠক-
গণ অশ্রুচক্ষে পড়িতে পড়িতে পংক্তিগুলি ভান করিয়া দেখিতে
পান নাই, আরও শত শত বৎসর এই কাণ্ড পাঠকের অশ্রুতে
অভিষিক্ত থাকিবে । ভারতবর্ষের পল্লীতে পল্লীতে রাম-বনবাসের
করণ কথা হৃদয়ের রক্তে লিখিত বহিরাছে ; এ দেশের রাজ-ভক্তি,
পুত্রস্নেহ, জননীর সোহাগ, স্ত্রীর প্রেম সকলই সেই অযোধ্যাকাণ্ডের
চিত্রকরণ স্মৃতির সঙ্গে জড়িত ।

যাহার মনোহর কেশকলাপের উপর রাজস্রীব্যঞ্জক মুকুটমণি
ঝলসিত হইত, আজ তাহার ললাট ব্যাপিয়া জটাভাব ; যাহার অঙ্গ
মহার্ছ অগুরু ও চন্দনের নির্যাসে এবং অঙ্গদাদি বহুমুগা ভূষণে
সজ্জিত থাকিত—আজ সত্যের উন্মাদ রাজকুমার কঠোর বৈরাগ্য
আশ্রয় করিয়া ভূষণাদি দূরে নিক্ষেপ পূর্বক মনদিগ্ধাঙ্গে বনে
চলিলেন ; কোথায় সেই চন্দ্রাচ্ছাদনশোভি রত্নপ্রাস্ত আশ্রয়বৃত্ত হেম
পর্য্যঙ্ক ! বনের ইক্ষুদীমূল ও তৃণকণ্টকপূর্ণ গিরিগহ্বরে তাহার শয্যা
হইবে, বহু হস্তীর ছায় ধূলিলুপ্তিত দেহে তিনি প্রাতঃকালে জাগিয়া
কষায় বহু ফলের সম্মানে বহিগত হইবেন । যাহার সূক্ষ্ম পরিধেয়ের
জ্যোতির্ময়ী ও তন্তুবায়গণ দিবাবাত্র পরিশ্রম করিয়া বিবিধ অলঙ্কারে
ত্রুত হইত, আজ তিনি কৌপীন ও চির-পরিহিত । রাজকুমারদ্বয় ও
রাজবধূ যখন ভিখারীর বেশে এই ভাবে পথে বাহির হইলেন,—

“আর্জুনন্দো মহান্ জ্ঞেজ্ঞে জীণামন্তঃপুরে তদা ।”

তখন অন্তঃপুরে মহা আর্জু শব্দ উথিত হইল । রাজমহিষীগণ
বিবৎসা ধেমুর ছায় ছুটিয়া বেড়াইতে লাগিলেন এবং প্রজামণ্ডলীর

মধ্যে গভীর পরিতাপসূচক হাহাকার ধ্বনি উথিত হইল । সেই মর্মবিদারক শব্দে উন্মত্ত হইয়া বৃদ্ধ দশরথ রাজা ও দেবী কৌশল্যা নগপদে ধূলিলুপ্তিত পরিবেষণপ্রাপ্ত সংবরণ না করিয়া রামকে আনিদ্ধন করিবার জন্য বাহু প্রসারণ পূর্বক রাজপথে দৌড়িয়া যাইতে লাগিলেন, রাজাধিরাজ দশরথের ও রাজমহিষীর এই অবস্থা দর্শনে প্রজাগণ আকুল হইয়া উঠিল । রামচন্দ্র বলিলেন, “সুমন্ত্র, তুমি নীত্র রথ চালাইয়া লইয়া যাও, আমি এই দৃশ্য দেখিতে পারিতেছি না ।” প্রজাগণ সুমন্ত্রকে বিনয় করিয়া বলিতে লাগিল,—

“সংযচ্ছ বাঞ্ছিনাং রক্ষাং সূত যাহি শনৈঃ শনৈঃ ।

মুখং দ্রক্ষ্যাম রামস্ত দুর্দর্শনো ভবিষ্যতি ॥”

“হে সারথি, তুমি অশ্বগণের মুখবশি সংযত করিয়া ধীরে ধীরে চালাও, আমরা রামচন্দ্রের মুখখানি ভাল করিয়া দেখিয়া লই, অতঃপর ইহার দর্শন আর আমাদের সুলভ হইবে না ।” রাম স্নেহার্দ্ৰ-কণ্ঠে প্রজাদিগকে বলিলেন—

“যা প্রীতির্বহুমানশ্চ ময্যযোধ্যানিবাসিনাম্ ।

মৎপ্রিয়ার্থং বিশেষেণ ভরতে সা বিধীয়তাম্ ॥”

“অযোধ্যাবাসিগণ ! তোমাদের আমার প্রতি যে বহুসন্মান ও প্রীতি, তাহা আমার প্রীত্যর্থ ভরতে বিশেষরূপে অর্পণ করিও ।”

অযোধ্যার প্রান্তদেশে সর্বশাস্ত্রজ্ঞ বৃদ্ধ ব্রাহ্মণগণ রথের পার্শ্বে একত্র হইয়া বলিলেন, “আমরা এই হংসশব্দ কেশযুক্ত মস্তক ভুলুপ্তিত করিয়া প্রার্থনা করিতেছি, রাম, তুমি আমাদিগকে সঙ্গে

লইয়া যাও ।” রামচন্দ্র রথ হইতে অবতরণ পূর্বক তাঁহাদিগকে সম্মাননা করিলেন ।

গোমতী পার হইয়া রামচন্দ্র স্তন্দকা নদী উত্তীর্ণ হইলেন,— অযোধ্যার তরুরাজি শ্রাগাভ আকাশের প্রান্তে নীচ মেঘের ছায় অস্পষ্ট দেখা বাইতেছিল, ওখন রাম একটবার সত্য্য দৃষ্টিতে সেই চিরস্নেহজড়িত জন্মভূমির প্রতি দৃষ্টি করিয়া গদগদ কণ্ঠে স্নগদকে বলিলেন—“সরযুর পুষ্পিত বনে আবার কবে ফিরিয়া আসিব ?”

দেশ পর্য্যটনে মনের ভার লঘু হয় । তাঁহারা রথারোহণ পূর্বক অনেক স্থান উত্তীর্ণ হইলেন । প্রকৃতির সৌন্দর্য্যরাশি নগর ও পল্লীতে লোকভয়ে কুচিত হইয়া থাকে । মানুষ বন-লক্ষ্মীকে প্রকৃতির গৃহছাড়া করিয়া দেয় । সেখানে মনুষ্যবসতি নাই, সেখানকার প্রতি ফুল ও পল্লবে যেন বনলক্ষ্মীর কোমল মুখশ্রীর আভা পড়িয়া মায়ের মত স্নিগ্ধ অভিনন্দনে বাথিতের ব্যথা ভুলাইয়া দেয় । রামচন্দ্র গঙ্গাতীরে আসিয়া প্রকৃত হইলেন । বিশাল নদীর ফেনপুঞ্জ কোথায়ও শুভ্র হাওয়াকারে পরিণত, কোথায়ও সপ্ততন্ত্রী বীণার নিক্ষেপে নর্ত্তকীর নৃত্যের ছায় গঙ্গা স্বাক্ষর দিতেছে, কোথায়ও চিক্কণ ভাঙনাহরী বেণীদ ছায় প্রতিভা হইয়া উঠিতেছে, অচ্যুত গঙ্গার এই মনোহর মুক্তির সম্পূর্ণ বিপর্য্যয় ;—তরঙ্গাভিঘাতচূর্ণা গঙ্গা উন্মাদিনীর ছায় স্বলিতমেঘকুন্তলে ছুটিয়াছেন, কোথায়ও চলোন্নি উর্ধ্বপথে উঠিতে উঠিতে স্বপ্নের ছায় সহসা চূর্ণ হইয়া পড়িতেছে—কোন স্থানে তীরকহ বৃক্ষপংক্তি গঙ্গাকে মালার ছায় ঘিরিয়া রহিয়াছে এবং অচ্যুত নির্মল

বাণুকাময় পুলিন একথণ্ড শ্বেতবস্ত্রের আঁয় বিস্তৃত রহিয়াছে । সহসা এই বিশাল তরঙ্গিনী দেখিয়া রাজকুমারদ্বয় ও সীতা প্রীতমনে ইন্দুদী-তরুচ্ছায়ায় বিশ্রামেব উদ্যোগ করিলেন । নিষাদরাজ গুরুক নানা দ্রব্যসম্ভার দাইয়া স্নহহৃৎময় রামচন্দ্রের প্রতি আতিথ্য প্রদর্শনে ব্যস্ত হইলেন—তিনি বলিলেন,—

“নহি রাগাৎ প্রিয়তমো মমাস্তে ভুবি কশ্চন ।”

“রাম অপেক্ষা এ জগতে আমার প্রিয়তম কিছুই নাই ।” কিন্তু ক্ষত্রিয়েব ধর্ম্মানুসারে প্রতিগ্রহ নিষিদ্ধ, এই বলিয়া রামচন্দ্র আতিথ্য গ্রহণ করিলেন না, রথের অশ্বসমূহেব খাদ্য সংগ্রহের জন্য নিষাদাধিপত্যিকে অনুরোধ করিয়া তাঁহারা তিনজন শুধু জনপান করিয়া অনাহারে ইন্দুদীগুলো তৃণশব্দায় রাত্রি যাপন করিলেন ।

পরদিন স্নমজ্ঞ বিদায় লইবেন । বৃদ্ধ সচিব কাঁদিয়া বলিলেন, “শূন্যরথ লইয়া আমি কোন্ প্রাণে অযোধ্যায় ফিরিয়া যাইব ? যখন উন্মত্ত জনসমূহ শত কণ্ঠে আমাকে প্রাণ করিতে থাকিবে, আমি কি বলিয়া তাহাদিগকে বুঝাইব ? হে সেবকবৎসল, আমাকে সঙ্গে যাইবার আদেশ করুন । চতুর্দশ বৎসর পরে আমি এই রথে আপনাদিগকে লইয়া সর্গৌরবে ও আনন্দে অযোধ্যায় প্রবেশ করিব ।” রাম অশ্রুচক্ষু বৃদ্ধ মন্ত্রীকে নানারূপ প্রবোধ বাক্যে ফিরিয়া যাইতে বাধ্য করিলেন, তিনি তাঁহাকে সকাঁতরে প্রতিনিবৃত্ত করিয়া বলিলেন, “তুমি ফিরিয়া না গেলে মাতা কৈকেয়ীর মনে প্রত্যয় হইবে না যে, আমি বনে গিয়াছি ।”

স্নমজ্ঞের বিদায়কালে রামচন্দ্র যে সকল কথা বলিয়া পাঠাইয়া-

ছিলেন, তাহা উদ্দিষ্ট ব্যক্তিদের মর্শাচ্ছেদ করিয়াছিল, সন্দেহ নাই । তিনি বারংবার বলিলেন—

“ইক্ষ্বাকুণাং ত্বয়া তুলাং স্তূহদং নোপলক্ষ্যে ।

যথা দশরথো রাজা মাং ন শোচেৎ তথা কুরু ॥”

‘ইক্ষ্বাকুদের তোমার তুল্য স্তূহদ আর নাই, মহারাজ দশরথ যেন আমার জন্ত শোকাকুল না হন, তাহাই করিবে ।’ এতদ্বারা ক্রুদ্ধস্বরে দশরথের কার্যের সমালোচনা করিতে লাগিলেন, রাম স্নমজ্ঞকে সাবধান করিয়া দিলেন ।—

“বৃদ্ধঃ করুণবেদী চ মৎপ্রবাসাচ্চ দুঃখিতঃ ।

সহসা পরমং ব্রূহা ভাজেদপি হি জীবিতং ।

স্নমজ্ঞ পকষং তস্মান্ন বাচ্যন্তে মহীপতিঃ ॥”

“রাজা বৃদ্ধ, করুণস্বভাব এবং আমার বনবাসব্যথিত, সহসা এই সকল রক্ষ কথ্য শুনিলে তিনি শোকে প্রাণত্যাগ করিতে পারেন । স্নমজ্ঞ, এই সকল রক্ষ কথ্য মহারাজের নিকট বলিও না ।”

কাদিতে কাদিতে স্নমজ্ঞ চলিয়া গেল । এবার ঘোর আরণ্যপথে চিরসুখোচিত রাজকুমারদ্বয় এবং আদরের পল্লবকোমল ছায়ায় পালিত রাজ-বধূ চলিতেছেন । এখনও সীতার পদ্যকোশপ্রভ পাদযুগ্মে অলক্তকরাগ মলিন হয় নাই, তাহাতে কুশাদ্বার বিদ্ধ হইতে লাগিল ; আর রথ নাই, এবার গভীর অরণ্যে রাজি আসিয়া উপস্থিত হইল । পদাতি, অশ্ব ও কুঞ্জরারোহী সৈন্তগণ যাহার অগ্রে অগ্রে যাইত, আজ তিনি অন্ধকার রাত্রে বিজন বনে চীরবাস পরিত্যাগ করিষ্ঠ ভ্রাতা ও সহধর্মিণীর সহিত কোথায় যাইতেছেন ?

কৃষ্ণসর্প ও হিংস্র জন্তুসংকুল আরণ্য পথে পথহারা পথিকবেশী অযোধ্যার এই ক্ষুদ্র রাজ-পরিবার কোথায় রজনী যাপন করিবেন ? বাঁহার পাদপদ্মের লীলানুপুরশব্দে শান্ত রাজ-অন্তঃপুরী মুখবিত হইত, অদ্য রাত্রে স্থণিতকুন্তলে চকিত পাদক্ষেপে এই গভীর অরণ্যে তিনি কোথায় বাইতেছেন ? হিংস্র জন্তুর ভীতিকর ধ্বনি শুনিয়া তিনি রাগের বাহু আশ্রয় করিয়া সম্ভ্রান্ত হইতেছেন, মহেন্দ্রধ্বজ সদৃশ রামচন্দ্রের বাহুই আজ ইন্দুনিভাননার একমাত্র অবলম্বন । রাত্রি যাপনের জন্তু ইঁহারা এক বৃক্ষগুণ্ডে আশ্রয় লইলেন ; এই ঘোর অরণ্যে প্রথম রাত্রিবাসের কষ্ট দুঃসহ হইল । মনের ক্ষোভে রামচন্দ্র রাত্রি ভরিয়া লক্ষ্মণের নিকট অনেক পরিতাপ প্রকাশ করিলেন, সে সকল কথা তাঁহার অভ্যস্ত উদার ভাবের নহে । প্রশান্তচিত্ত অসামান্য কষ্টে অশান্ত হইয়া উঠিয়াছিল, তিনি বলিলেন, “ভরত রাজ্যপ্রাপ্ত হইয়া প্রীত হইবে, সন্দেহ নাই । রাজা অবশ্য অত্যন্ত মনোকষ্ট ভোগ করিতেছেন, কিন্তু বাঁহারি ধর্ম-ত্যাগ করিয়া কামসেবা করে, তাহাদিগের দশরথ রাজ্যে স্থায়ী দুঃখ-প্রাপ্তি অবশ্যম্ভাবী । আমার অল্পভাগ্য জননী আজ শোক-মাগরে পতিত হইয়াছেন । এরূপ কোথায়ও কি শুনা যায়, লক্ষ্মণ, যে বিনা অপরাধে প্রমদার বাক্যের বশবর্তী হইয়া কেহ আমার স্থায় ছন্দানুবর্তী পুত্রকে পরিত্যাগ করিয়াছেন ? বাঁহা হউক, এই কঠোর বহুজীবনে তোমার প্রয়োজন নাই, আমি ও সীতা বনবাসের দণ্ড ভোগ করিব, তুমি অযোধ্যায় ফিরিয়া যাও । নির্ধর এবং নোচপ্রকৃতি কৈকেয়ী হয়ত আমার মাতাকে বিব প্রদান

করিয়া হত্যা করিবেন, তুমি গৃহে যাইয়া আমার মাতাকে রক্ষা কর । তুমি মনে করিও না, অযোধ্যা কিম্বা সমস্ত পৃথিবী আমি বাহুবলে অধিকার করিতে না পারি, শুধু অধ্যায় ও পরদোষের ভয়ে আমি নিজের অভিযেক সম্পাদন করি নাই ।” এইরূপ বহু বিনোদ করিয়া সেই সমীরচঞ্চল বিটপি-পত্রের কম্পন-মুখর হৃজ্জের গভীর অরণ্য প্রদেশে, ভুলুষ্ঠিতা অনশন-ক্লান্ত লবঙ্গলতা-প্রাতিমা সীতার ছরবস্থা ও স্ত্রীয় জীবনের ভাবী দুর্গতি কল্পনা করিয়া চির-সুখোচিত রাজকুমার সান্নিধ্যে ও ক্ষুদ্রচিত্তে মৌনভাবে সারা রাত্রি বসিয়া কাটাইলেন,—

“অশ্রুপূর্ণমুখো দীনো নিশি তুষীমুপাশ্রিতঃ ।”

এই প্রথম রজনীর মহাক্লেশের পর বনবাস ক্রমে অভ্যস্ত হইয়া গেল । চিত্রকূট পর্বতের সান্নিধ্যে অপরিচিন্তা পুষ্পভারসমৃদ্ধ অরণ্যানী দেখিয়া ইহারা চমৎকৃত হইলেন । বন-দর্শন-বিস্মিতা প্রকৃতি-সুন্দরী সীতা হরিৎছদ বনতরুরাজি দেখিয়া বনোন্মাদিনী হইয়া পড়িলেন,—কুক্ষিত ও নিবিড় বেণী পৃষ্ঠদেশে দাসিত করিয়া স্নিতমুখী রামচন্দ্রকে হস্ত ধরিয়া দাইয়া গিয়া রক্তবর্ণ অশোক পুষ্পচয়নে নিযুক্ত করিয়া দিলেন । এ দিকে চিত্রকূটেও একপাশ্বে অগ্নিশিখার ছায়া গৈরিক রেণুপেত এক শৃঙ্গশৈল গগন চূষন করিয়াছে—অপর দিকে ক্ষয়ভাগ্রস্ত গুহাপূর্ণ নিবিড় রাজ্যের হৃজ্জের শোভা-সম্পদ,—কোথায়ও বা বহু-কন্দর-পার্শ্ববর্তী বহু শৈলমালা গগনাবলম্বিত হইয়া রহিয়াছে, সূর্য্যাস্ত সম্পর্কে ধাতু-গাত্র শৈলের কোন অংশ চূর্ণ রক্ততথ্যের ছায়া উজ্জ্বলা প্রদর্শন

করিতেছে,—কোথায়ও বা কোবিদার ও লোভ বৃক্ষ পরস্পরের সঙ্গে সন্মিলিত হইয়া অপূৰ্ণ সৌন্দর্য্যের একখানি চিত্র-পটের সৃষ্টি করিতেছে,—কোথায়ও বা ভূৰ্জবৃক্ষ অবনমিত পত্রে বেপথুমতী রমণীর নম্রতা প্রদর্শন করিতেছে—এই সমস্ত নানা বিচিত্র বর্ণের সমাবেশে,—নানা উদ্ভিদ সম্পদে, কন্দরনিঃসৃত খরবেগা শ্রোত-স্বিনীর গদগদনাদী তরঙ্গের অভিঘাতে—পুষ্প ও দ্যতিকা আভরণের বিচিত্রতার চিত্রকূটপৰ্ব্বত উৎসাদেশসুদৃঢ় প্রকৃতির শোভা ও বিভাস-সম্ভার একত্র পরিব্যক্ত করিয়া বসুধার ভিত্তি স্বরূপ যেন সহসা বসুধাতল হইতে সমুথিত হইয়াছে—

“ভিষ্ণেব বহুধাং ভাতি চিত্রকূটঃ সমুখিতঃ ।”

এই চিত্রকূটের কণ্ঠে নির্মল মুক্তার কণ্ঠীর স্থায় মন্দাকিনী প্রবাহিত । সহসা এই উদার অদৃষ্ট-পূৰ্ণ প্রাকৃতিক সমৃদ্ধির সন্নিহিত হইয়া রামচন্দ্র উচ্ছ্বাস সহকাবে বলিয়া উঠিলেন—

“রাজ্যনাশ ও স্তন্যদ্বিরহ আজ আমার দৃষ্টির বাধা জন্মাইতেছে না,—এই মহাসৌন্দর্য্য আমি সম্যক্রূপে উপভোগ করিতে সমর্থ হইতেছি, বনবাস আজ আমার নিকট অতি শুভকর বলিয়া বোধ হইতেছে, ইহার দুই ফলই পরম কাণ্য । পিতাকে অসত্য হইতে রক্ষা করিয়াছি এবং ভরতের প্রিয় সাধন করিয়াছি । সীতার সঙ্গে মন্দাকিনীর জনে স্নান করিয়া রামচন্দ্র পদ্ম তুলিয়া বলিলেন,—“এই নদীর স্নিগ্ধ সস্তাষণ তোমার সখীগণের তুল্য, মন্দাকিনীকে সরসু বলিয়া মনে করিও ।”

এই স্থানে দম্পতির দৃশ্য ক্রমশঃ মধুর হইতে মধুরতর হইয়া

উঠিয়াছে ; কুম্মগিত-দাতা আশ্রয়-বৃক্ষকে জড়াইয়া ধরিয়াছে,—
রামচন্দ্র বলিলেন, “কি সুন্দর ! তুমি পরিশ্রান্ত হইয়া যেকোন
আমাকে আশ্রয় কর, এ যেন সেইরূপ দেখা যাইতেছে ।” গজ-
দন্তোৎপাটিত বৃক্ষরাজি দেখিয়া দম্পতি সেই অকাল-শুষ্ক বৃক্ষের
প্রতি দুইটি কুপার কথা বলিয়া গেলেন । শৈলমালা প্রতিশ্রুতি
করিয়া বহুকোকিল ডাকিয়া উঠিল, বহু-ভৃঙ্গ গুঞ্জরণ করিয়া,
তাহারা মুগ্ধ হইয়া শুনিতে শুনিতে চলিলেন । নীলবর্ণ, লোহিত-
বর্ণ কিম্বা অন্য কোন বর্ণের যে ফুলটী পথে সুন্দর বলিয়া মনে
হইল, রামচন্দ্র সপল্লব সেই ফুলটী চয়ন করিয়া সীতার হস্তে প্রদান
করিলেন । মনঃশিলার উপর জল-সিক্ত অঙ্গুলী ঘষিয়া তিনি সীতার
সীমন্তে সুন্দর তিলক রচনা করিয়া দিলেন । কেশরপুষ্প তুলিয়া
তিনি সীতার নিবিড় কর্ণাস্তচুস্বী কুন্তলে পরাইয়া দিলেন এবং স্নিগ্ধ
আদরে বলিলেন—

“নাযোধ্যায়ে ন রাজ্যাম স্পৃহয়েয়ং ভ্রমা সহ ।”

‘আগি তোমার সঙ্গে বাস করিয়া অমোঘ্যার রাজপদ স্পৃহা
করিতেছি না ।’

চিত্রকূটের মনোহর শৈলমালা পরিবৃত্ত প্রদেশে শাল, তাম ও
অশ্বকর্ণ বৃক্ষের পত্র ও কাণ্ড দ্বারা দক্ষিণ মনোরম্য পর্ণশালা
নিৰ্ম্মাণ করিলেন । মন্দাকিনীর তরঙ্গাভিঘাত শব্দ সেই স্থানে
মন্দোভূত হইয়া ক্রান্ত হইত, রামচন্দ্র সেই বহুবাটিকায় জাতা ও
পল্লীর সঙ্গে বাস করিয়া সমস্ত কষ্ট বিস্মৃত হইলেন । এই সময়
মহতী সৈন্যমালা ও আত্মীয়-সুহৃদগণ পরিবৃত্ত হইয়া ভরত তাঁহাকে

ফিরাইয়া লইয়া যাইতে আসিল । লক্ষণ শালবৃক্ষের শাখা হইতে ভরতের চিরপরিচিত কোবিদার-ধ্বজাঙ্কিত-পতাকাপরিবেষ্টিত অশো-
 ধার বিশাল সৈন্যসমূহ দর্শনে মনে করিয়াছিলেন—ভরত তাঁহা-
 দিগের বিনাশ করে অগ্রসর হইয়াছেন । এই ধারণায় উত্তেজিত
 হইয়া তিনি ভরতকে নিধন করিবার সঙ্কল্প জানাইয়া রামচন্দ্রকে
 যুদ্ধার্থ উদ্যত হইতে উদ্বোধন করিতে লাগিলেন । কিন্তু রামচন্দ্র
 স্নেহার্দ্ৰকণ্ঠে বলিলেন—“ভরত যদি সত্য সত্যই সৈন্য লইয়া এখানে
 আসিয়া থাকেন, তবেই বা আমাদের যুদ্ধের উদ্যোগ করিবার
 প্রয়োজন কি ? পিতৃসত্য পালন করিতে বনে আসিয়া ভরতকে
 যুদ্ধে নিহত করিয়া আমরা কি কীর্তিলাভ করিব ? ভাতৃরক্তকলঙ্কিত
 ঐশ্বর্য্য আমাদিগকে কি পরিতৃপ্তি প্রদান করিবে ? বন্ধু কিম্বা
 স্নহৃদ্বর্গের বিনাশ দ্বারা যে দ্রব্য লব্ধ হয়, তাহা বিষাক্ত খাদ্যের
 স্থায় আমার পরিহার্য্য । ভ্রাতা ও আত্মীয়বর্গের স্মৃতির নিকট
 আমার স্থায় স্মৃতি অকিঞ্চিৎকর বলিয়া মনে করি ।” তৎপর
 ভরত যে উদ্দেশ্যে আসিয়াছেন, তাহা অনুমান করিয়া তিনি বলি-
 লেন,—“আমার প্রাণ হইতে প্রিয়তর কনিষ্ঠ ভাই ভরত আমার
 বনবাস-সংবাদে শোক-ক্ষিপ্ত হইয়া আমাকে ফিরাইয়া লইয়া
 যাইতে আসিয়াছে, ভরত আর কোন কারণে আইসে নাই ।”

এ দিকে নগপদে জটা ও চীরধারী অনুগত ভূত্যের স্থায়
 বাপ্পরুদ্ধকণ্ঠে চিরবৎসল ভরত আসিয়া—

“ভাতুঃ শিষ্যস্ত দাসস্ত এসাদং কর্তুমহমি ।”

বলিতে বলিতে উচ্চৈঃস্বরে কাঁদিয়া রামের পদতলে পতিত হইলেন ।

ভরতের মুখ শুষ্ক, লজ্জা ও মনস্তাপে তাঁহার শরীর শীর্ণ ও বিবর্ণ হইয়া গিয়াছে। রামচন্দ্র অশ্রুপূরিত চক্ষে মেহের পুত্রণী ভরতকে কোড়ে লইলেন ও কত স্নিগ্ধ সস্তাষণে তাঁহার মস্তক আঘ্রাণ পূর্বক আদর করিতে লাগিলেন। ভরত দেখিলেন সত্য-ব্রত রামচন্দ্রের দেহ হইতে দিবা জ্যোতিঃ ক্ষুরিত হইতেছে, তিনি স্থণ্ডিল-ভূমিতে আসীন, তথাপি তাঁহাকে সাগরান্ত পৃথিবীর এক-মাত্র অধিপতির স্থায় বোধ হইতেছে, তাঁহার দুইটী পদাশ্রিত চক্ষু উজ্জ্বল, জটা ও চীর পরিয়া আছেন, তবুও তাঁহাকে পবিত্র যজ্ঞাগ্নির স্থায় দৃষ্ট হইতেছিল। ধর্মচারী ভ্রাতা যেন রাজ্য ত্যাগ করিয়াই প্রকৃত রাজাধিরাজ সাজিয়াছেন। এষ্ট দেবপ্রভাব অগ্রজের পদতলে পড়িয়া আর্ত রমণীর স্থায় ভরত কত মেহাদ্র কথা বলিতে বলিতে কাঁদিতে লাগিলেন। এই দুই ত্যাগী মহাপুরুষের সংবাদ আদি-কবির অতুল তুলি-সম্পাতে চির-উদার ও চির-করণ হইয়া রহিয়াছে। রামচন্দ্র ভরতের মুখে পিতৃবিয়োগের সংবাদ শুনিয়া কিছুকাল অধীর হইয়া পড়িলেন। মন্দাকিনী-তীরে ইক্ষুদী-ফলে পিতৃ-পিণ্ড রচিত হইল। রাম সেই পিণ্ড প্রদান করিতে উদ্যত হইয়া মত্ত মাতঙ্গের স্থায় শোকোচ্ছ্বাসে ভুলুপ্ত হইয়া কাঁদিতে লাগিলেন। কিন্তু তিনি অগপরেই চিন্তাসংযম করিয়া সংসারের অনিত্যতা ও ধর্মের সারবত্তা সম্বন্ধে ভরতকে উপদেশ দিলেন—“মনুষ্যের স্মৃশ্চ দেহ জরা-বশীভূত হইয়া শক্তিহীন ও বিকৃপ হইয়া পড়ে। পক্ষ শস্যের মেরূপ পতনের ভয় নাই, সেইরূপ মনুষ্যেরও মৃত্যুর জন্ত নির্ভয়ে প্রতীক্ষা করা উচিত—কারণ উহা

অবধারিত । যে প্রেমোদরজনী অতীত হইয়াছে, তাহা আর ফিরিয়া আইসে না, যমুনার যে প্রবাহ সাগরে সম্মিলিত হইয়াছে, তাহা আর ফিরিয়া আসিবে না, সেইরূপ আয়ুর যে অংশ ব্যয়িত হইয়াছে, তাহা আর প্রত্যাবর্তিত হইবে না । যখন জীবিত ব্যক্তির মৃত্যুকালই আসন্ন ও অনিশ্চিত, তখন মৃতের জন্ত অনুতাপ না করিয়া নিজের জন্ত অনুতাপ করাই বিধেয় । ক্রমে দেহ দোলিত ও শিরোরুহ পক্বতা প্রাপ্ত হইবে, জরাগ্রস্ত জীবের কি প্রভাব অবশিষ্ট থাকে ? যেরূপ সমুদ্রে পতিত দৈববশে মিনিত কাষ্ঠদ্বয় পুনরায় স্রোত-বেগে ব্যবধান হইয়া পড়ে, সেইরূপ জী পুত্র ও জ্ঞাতীদের সঙ্গে মিলন দৈবাধীন, কখন চিরবিরহ উপস্থিত হইবে, তাহার নিশ্চয়তা নাই । আমাদের পিতা নন্দর মনুষ্য-দেহ ত্যাগ করিয়া ব্রহ্মলোকে গিয়াছেন, তাঁহার জন্ত শোক করা বৃথা । ধর্ম পালন পূর্বক পিতৃ-আজ্ঞা শিরোধার্য্য করিয়া তৎপ্রতিপাদনই এখন আমার শ্রেষ্ঠ কর্তব্য ।”—মুহূর্ত্ত মধ্যে গভীর শোক জয় করিয়া শ্রীরামচন্দ্র আশ্রয় হইলেন ; ভরত বিষয় সহকারে বলিয়া উঠিলেন—

“কোহি শ্রাদ্ধীদৃশো লোকে যাদৃশস্বমন্দিম ।

ন ত্বং অব্যথয়েৎ ছঃখং প্রীতির্বা ন প্রহর্ষয়েৎ ।”

“তোমার জ্যেষ্ঠ এই জগতে আর কোন্ ব্যক্তি আছেন, স্মৃখে তোমার হর্ষ নাই, ছঃখে তুমি ব্যথিত হও না ।”

ভরত তাঁহাকে ফিরাইয়া গাইবার জন্ত প্রাণপণে চেষ্টিত হইলেন । বশিষ্ঠ, জাবালী প্রভৃতি কুলপুরোহিতগণ রামকে অমোধ্যায়

প্রত্যাগমনের জন্ত অনেক অনুরোধ করিলেন । জাবালী অনেক গুলি অদ্ভুত তর্ক উপস্থিত করিলেন—“জীবগণ পৃথিবীতে একা আগমন করে এবং এস্থান হইতে একাই অপস্থত হয়, স্মৃতরাং কে কাহার পিতা, কে কাহার মাতা ? এই পিতৃত্ব মাতৃত্ব বুদ্ধি উন্নত এবং বুদ্ধিশূন্য লোকেরই হইয়া থাকে । প্রকৃত পক্ষে গুত্র শোণিত ও বীজই আমাদের পিতা । দশরথ তোমার কেহ নহেন, তুমিও দশরথের কেহ নহ । পিতার জন্ত যে শ্রাদ্ধাদি করা হয়, তাহাতে শুধু অন্নাদি নষ্ট হয়, কারণ মৃত ব্যক্তি আহাব করিতে পারে না । যদি একজন ভোজন করিলে অথের শরীরে তাহার সঞ্চার হয়, তবে প্রবাসী ব্যক্তির উদ্দেশ্যে অপর কাহাকেও আহাব করাইয়া দেখ, উহাতে সেই প্রবাসীর কোন তৃপ্তিই হইবে না । শাদ্ধাদি শুধু লোক বশীভূত করিবার জন্ত সৃষ্ট হইয়াছে । অতএব রাম, পরলোকসাধনধর্ম্য নামক কোন পদার্থ নাই, তোমার এইরূপ বুদ্ধি উপস্থিত হউক, তুমি প্রত্যক্ষের অনুরোধ এবং পরোক্ষের অনুসন্ধান প্রবৃত্ত হও । এবং অযোধ্যার সিংহাসনে অধিষ্ঠিত হও—

“একবেণীধরা হি ত্রাং নগরী সংপ্রতীক্ষাতে ॥”

“অযোধ্যা নগরী একবেণীধরা হইয়া তোমার আগমন প্রতীক্ষা করিতেছে ।”

শ্রীরামচন্দ্র পিতাকে ‘প্রত্যক্ষ দেবতা’, ‘দেবতার দেবতা’ বলিয়া জানিয়াছিলেন । জাবালীর উক্তিতে তিনি ক্রুদ্ধ হইয়া বলিলেন, “আপনার বুদ্ধি বেদ-বিরোধিনী, আপনার অপেক্ষা উৎকৃষ্ট

ব্রাহ্মণেরা নিষ্কাম হইয়া শুভকার্য সাধন করিয়াছেন এবং এখনও অনেকে অহিংসা, তপ ও যজ্ঞাদির অনুষ্ঠান করিয়া থাকেন । তাঁহারাই প্রকৃত পূজনীয় । আপনি ধর্মভ্রষ্ট নাস্তিক, বিচক্ষণ ব্যক্তির নাস্তিকের সহিত সন্তাষণও করিবেন না । আমার পিতা যে আপনাকে যাজকত্বে গ্রহণ করিয়াছিলেন, আমি তাঁহার এই কার্যকে অত্যন্ত নিন্দা করি ।” বশিষ্ঠ মধ্যে পড়িয়া রামচন্দ্রের ক্রোধ প্রশমন করিয়া দিলেন ।

ভরত কোন ক্রমেই রামচন্দ্রের পদচ্ছায়া পরিত্যাগ করিয়া যাইবেন না, তিনি বনবাসী হইবেন এই অভিপ্রায় জ্ঞাপন করিলেন, রাম তাঁহাকে অনেক স্নেহানুরোধ করিয়া ফিরিয়া যাইতে বলিলেন ; শোকক্লিন্ন ভরত, রাম যাইতে সম্মত না হইলে অনশনে প্রাণত্যাগ করিবেন, এই বলিয়া প্রাণোপবেশন অবলম্বন পূর্বক কুটীরদ্বারে পড়িয়া রহিলেন । ভরতের ক্লেশ রামচন্দ্রের অসহ্য হইল, তিনি স্বীয় পাছুকা ভবতের হস্তে দিয়া তাঁহাকে ফিরিয়া যাইতে বাধ্য করিলেন । ভরত স্বীয় জটাবদ্ধ-কেশকলাপ-সুশোভন ভ্রাতৃপদরজবাহী পাছুকায় রাজ্য-শাসন নিবেদন করিয়া অযোধ্যা-ভিগুখে গ্রহণ করিলেন ।

ভরত চলিয়া গেলেন । ভরতের সৈন্ত সঙ্গে আগত অশ্ব ও হস্তীর করীষে চিত্রকূটের একপ্রান্ত পূর্ণ হইয়াছিল, উহার দুর্গন্ধ অসহনীয় হইল, এদিকে অযোধ্যার নিকটবর্তী স্থানে থাকিলে প্রায়ই হয় ত তথাকার লোক গমনাগমন করিবে, এই আশঙ্কায় রামচন্দ্র ভ্রাতা ও পত্নীর সঙ্গে চিত্রকূট পরিত্যাগ পূর্বক শনৈঃ শনৈঃ

দক্ষিণাভিমুখে ঘাইতে লাগিলেন । ঋষিগণের অনুরোধে রাম রাক্ষসগণের উপদ্রব নিবারণের ভার গ্রহণ করিলেন ; এই উপলক্ষে সীতা রামচন্দ্রকে বলিলেন, “তিনটী কার্য্য পুরুষের বর্জ্যনীয়, মিথ্যা কথা, পরদার এবং অকাংক্ষা শত্রুতা । তোমার সম্বন্ধে প্রথম দুই দোষের কল্পনাই হইতে পারে না, কিন্তু তুমি রাক্ষসগণের সঙ্গে অকাংক্ষা বৈরতার লিপ্ত হইতেছ বদীয়া আমার আশঙ্কা হইতেছে ।” রাম বলিলেন, “ক্ষত হইতে যে ভ্রাণ করে সেই ‘ক্ষত্রিয়’, ঋষিগণ রাক্ষসগণের অত্যাচারে আর্জ হইয়া আমার শরণাপন্ন হইয়াছেন, তাহাদের মধ্যে অনেক নিরীহ ও ধার্মিক ব্যক্তিকে রাক্ষসেরা হত্যা করিয়াছে । তাহারা বিপদে পড়িয়া আমার আশ্রয় ভিক্ষা করিয়াছেন, আমিও তাহাদিগের নিকট প্রতিশ্রুত হইয়াছি ; এখন রাক্ষসগণের সঙ্গে যুদ্ধ আমার অবশ্যস্তাবী । আমার যে কোন বিপদই হউক না কেন, আমি রাজ্য এমন কি তোমাকে পর্যন্ত ত্যাগ করিতে পারি, তথাপি সত্যভ্রষ্ট হইতে পারি না ।”

তখন শীতঋতু দেখা দিয়াছে, ইঁহারা নাল-শেয পদ্ম-লতা ও শীর্ণ-কেশর-কর্ণিকা দেখিতে দেখিতে বহু উগ্র পিপ্ললী-গন্ধে আনোদিত হইয়া পঞ্চবটীতে উপস্থিত হইলেন এবং তথায় কুটীর রচনা করিয়া বাস করিতে লাগিলেন ।

—o—

অযোধ্যাকাণ্ডে রামচন্দ্র অপূর্বরূপে সংযমী, তিনি কচিৎ কোন স্থলে দৌর্ব্বল্যের লেশ প্রদর্শন করিলেও মুহূর্ত্ত মধ্যে আপনাকে আশ্চর্য্যরূপে সংবরণ করিয়া লইয়াছেন ।

অযোধ্যাকাণ্ডে বিশ্ব গুহ্য সকল ব্যক্তি অপৈর্গ্যা । কেহ শৌকা-
কুল, কেহ ক্রোধোন্মত্ত, কেহ বা রাজ্য-কামুক । শুধু রামচন্দ্র মাত্র
এই অধ্যায়ে নিশ্চল কর্তব্যের বিগ্রহ স্বরূপ অকুণ্ঠিত । তাঁহার জন্ত
জগৎ কুণ্ঠিত, কিন্তু তিনি নিজের জন্ত কুণ্ঠিত নহেন । যেখানে
বৈষয়িকের সঙ্গে বৈষয়িকের সংঘর্ষ,—কেহ বা সত্যপরায়ণ, কেহ
বা অসত্যপরায়ণ,—সেইখানেই রামচন্দ্র ত্যাগ-পরায়ণ । তাঁহার
বিষয়ে ঘৃণা ও সত্যে অনুরাগ সর্বত্র আত্মাদিগের বিশ্বাসের উদ্রেক
কবে ! তাঁহার কর্তব্যনিষ্ঠা অপরাপরকে অপূর্ব ত্যাগ স্বীকারে
প্রণোদন করিতেছে, অথচ কোন উন্নত গগন-চুম্বী শৈলশৃঙ্গের স্থায়
তাঁহার শোভন চরিত্র সকলের উদ্ধে অবস্থিত ।

কিন্তু পরবর্তী অধ্যায়গুলিতে রামচন্দ্রের আত্ম-সংযম-শক্তি
শিথিল হইয়া পড়িল । তিনি এপর্যন্ত লঙ্কাদিকে উপদেশ দিয়া
সৎপথে প্রবর্তিত করিয়াছেন, এবার তিনি তাঁহাদের উপদেশাই
হইয়া পড়িলেন । তাঁহার লঙ্কা জয় অপেক্ষা অযোধ্যাকাণ্ডের
আত্মজয়ের আগরা অধিক পক্ষপাতী ।

পরবর্তী অধ্যায়গুলিতে রামচন্দ্রের বৈরাগ্যের শ্রী কতক পরি-
মাণে চলিয়া গেলেও তিনি একটুকুও শ্রীহীন হইলেন বলিয়া মনে
হয় না, কাব্যশ্রী তাঁহাকে বিশেষরূপে অধিকার করিয়া বসিল !
তাঁহার সুধামধুর প্রেমোন্মাদ, পুষ্পিত অনুগোদ প্রদেশের প্রাকৃ-
তিক বিচিত্র ভাবের সঙ্গে ঐকতান বিরহ-গীতি, ঋতুভেদে মালা-
বান্ পর্বতের বিবিধ শোভা সম্পদ দর্শনে অনুরাগী রাজকুমারের
উন্মত্ত ভাবাবেশ—এই সকল অধ্যায়ে অফুরন্ত মধুর ভাণ্ডার উন্মুক্ত

করিয়া দিয়াছে । আগরা তাঁহার চিত্র-সংগমের অভাবে পরিতপ্ত হইব কি স্থখী হইব, তাহা মীমাংসা করিয়া উঠিতে পারি নাই । নানা বিচিত্র ভাবে এই সকল অধ্যায়ে তাঁহার চরিত্রের বিকাশ পাইয়াছে । মারীচ রাক্ষস রাবণকে বলিয়াছিল—

“বৃক্ষে বৃক্ষে চ পশ্যামি চীরবৃক্ষাজিনাঘরং ।

গৃহীতং ধনুষং রামং পাশহস্তমিবাতকং ॥”

“আমি প্রতি বৃক্ষে বৃক্ষে কুম্বাজিনপরিহিত করাল মৃত্যু সদৃশ, ধনুস্পাণি রামচন্দ্রের মূর্তি দেখিতে পাইতেছি ।” একদিকে তিনি যেরূপ ভীতিপ্রদ, অপরদিকে তিনি তেমনিই সুন্দর—ধনুস্পাণি রামের বকলপরিহিত সৌম্যমূর্তি দেখিয়া দণ্ডাকুর রোমস্থল করিতে করিতে আশ্রম-হরিণশাবক চিত্রের পুত্রবীর হ্রায় দাড়াইয়া আছে, কখনও বা তাঁহার বকলাগ্র দস্তাগ্রে ধারণ করিয়া মেহ-সারে তৎ-পার্শ্ববর্তী হইতেছে এবং যখন বিরহোন্মত্ত রাজকুমার “হে হরিণযুথ, আমার প্রাণপ্রিয়া হরিণাক্ষী কোথায়” এই প্রলাপ বলিতে বলিতে কাতরকণ্ঠে তাঁহাদিগকে সীতার কথা জিজ্ঞাসা করিতেছেন, তখন তাহারাও যেন সাক্ষ্যেন্দ্রে সহসা উত্তিত হইয়া দক্ষিণদিকে মুখ ফিরাইয়া নির্লাক ও নিষ্পন্দ ভাবে তাহাদের বেদনাতুর মৌন হৃদয়ের ভার যথাসাধ্য জ্ঞাপন করিয়াছিল ।

পঞ্চবটীতে শূর্ণনখার নাসাকর্ণচ্ছেদের পরে রামচন্দ্রের সঙ্গে রাক্ষসগণের ঘোর যুদ্ধ বাধিয়া গেল । খরদুষণাদি চতুর্দশ মহত্স রাক্ষস রামকর্তৃক নিহত হইল । জনহানের এই দুর্দশার বৃত্তান্ত অবগত হইয়া রাবণ পরিত্রাজক-বেশে সীতাকে হরণ করিয়া লইয়া গেল ।

মারীচরাক্ষসের মৃত্যুকালের উক্তি শুনিয়াই রামচন্দ্র রাক্ষস-
গণের কি একটা অভিসন্ধি আছে, তাহা আশঙ্কা করিতেছিলেন ।
পথে লক্ষ্মণকে একাকী আসিতে দেখিয়া তিনি একান্ত ভয়-বিহ্বল
হইয়া পড়িলেন । এই সময় হইতে প্রশান্তচিত্ত রামচন্দ্র ক্ষুদ্র সমু-
দ্রেব ত্রায় চঞ্চল হইয়া উঠিলেন । বস্তুতঃ তাঁহার শোকের যথেষ্ট
কাবণ ছিল । তিনি বনবাস-সংকল্প জানাইলো সাধবী—

“এতন্তে গমিষ্যামি যুদ্ধস্তী কুশকটকান্ ॥”

“কুশকটকে পদচারণ পূর্বক তোমার অগ্রে অগ্রে যাইব” বলিয়া
প্রফুল্লচিত্তে রাজপ্রাসাদ ত্যাগ করিয়া ভিখারিনী সাঙরিয়াছিলেন,
অযোধ্যার সুরম্য হর্ম্যরাজির উল্লেখ করিয়া বলিয়াছিলেন, এ সকল
অট্টালিকার ছায়া অপেক্ষা—

“ভব পদচ্ছায়া বিশিষ্যতে ।”

তোমার পদচ্ছায়াই আমি অধিকতর কামনা করি । নূপু-
ব-দীলামুখর পাদক্ষেপে ক্রীড়াশীলা রাজবধু রামকে ছায়ার ত্রায়
অনুগমন করিয়াছেন, মৃগীবৎ ফুটানয়না ভীক বনে ভয় পাইলো স্বীয়
ভুজলতা দ্বারা রামচন্দ্রের বাহু আশ্রয় করিতেন । এই ত্রয়োদশ
বৎসর চিত্রকূট ও পঞ্চবটীর তরুচ্ছায়ায়, গদগদনাদী গোদাবরীর উপ-
কূলে, মন্দাকিনীর সিকতাভূমে—বহু কন্দমূল ও কষায় ফল সেবন
করিয়া বহু আদরে লালিতা সোহাগিনী রাজবধু স্বামীর পার্শ্ববর্তিনী
হইয়া থাকাই জীবনের শ্রেষ্ঠ সুখ মনে করিয়াছেন । রামচন্দ্রও যখন
তাঁহাকে লইয়া আইসেন, তখন বলিয়াছিলেন—“আমি তোমাকে
সঙ্গে লইয়া যাইতে ভয় করি না । সাক্ষাৎ রুদ্ধ হইতেও আমার ভয়

নাই ।” এই অভয় দিয়া তব্বী পদ্মপলাশাঙ্গীকে আনিয়াছিগেন, এখন তিনি তাঁহাকে রক্ষা করিতে পারিগেন না ; সুতরাং রামেন ব্যাকুলতার যথেষ্ট কারণ ছিল । তিনি দাম্পণ্যকে একাকী দেখিয়াই সমূহ বিপদাশঙ্কায় মুহমান হইয়া পড়িগেন, অনভ্যস্ত কবণ কণ্ঠে বলিয়া উঠিগেন, “দণ্ডকারণ্যে যিনি আমার সঙ্গে সঙ্গে আসিয়াছিগেন, আমার সেই বন-সঙ্গিনী ছঃখসহায়াকে কোথায় রাখিয়া আসিলে ? বাহাকে ছাড়া আমি এক মুহূর্তও বাঁচিতে পারিব না, আমার সেই প্রাণসহায়াকে কোথায় রাখিয়া আসিয়াছ ?”

“যদি সামান্যগতং বৈদেহী নাভিভাষতে ।

পূরঃ প্রহসিতা সীতা প্রাণংস্ত্যাক্যামি লক্ষণ ॥”

“আমি আগ্রমে উপস্থিত হইলে যদি হাসিয়া সীতা কথা না বলেন, তবে আমি প্রাণ বিসর্জন দিব ।” বিপদাশঙ্কায় তিনি কৈকেয়ীর প্রতি কটুভক্তি প্রয়োগ করিলেন—

“কৈকেয়ী সা স্থথিতা ভবিষ্যতি ।”

তিনি লক্ষণের সঙ্গে দ্রুতবেগে কুটীরভিগুথে অগ্রসর হইলেন । সমস্ত প্রকৃতি যেন তাঁহার বিপৎপাতের নিবিড় পূর্বাভাব-স্বাক্ষর ভয়ত্রস্ত মৌনভাব অবদান করিল ; চারিদিকে অশ্রুত লক্ষণ দেখিয়া তাঁহার মুখ শুকাইয়া গেল—দেখিলেন হেমন্তে শুষ্ক পদ্ম-দলের মত সীতাবিহীন ক্রীহীন শ্মান কুটীরখানি দাঁড়াইয়া আছে, উহার সৌন্দর্য চলিয়া গিয়াছে ; বনদেবতারা যেন পঞ্চবটী হইতে বিদায় লইয়াছেন—যেন সমস্ত বন প্রদেশে সীতা-শূন্যতা বিরাজ করিতেছে ; পঞ্চবটীর তরুরাজি অবনত শাখায় যেন কাঁদিতেছে,

পঞ্চবটীর পাখিগণ কাকলী ভুলিয়া গিয়াছে—পঞ্চবটীর তরশাখায় ফুলগুলি বিনীর্ণ। অজিন ও বকলাদি কুটীরের পাশে আবদ্ধ রহিয়াছে—এই অবস্থা দেখিয়া—

“শোকরাজেন্দ্রঃ শ্রীগান্ উগাত্ত ইব লক্ষ্যতে ।”

রামচন্দ্র পাগল হইয়া পড়িলেন, তাঁহার চক্ষু রক্তিমাত হইয়া উঠিল।

হয় ত গোদাবরীতীরে সীতা পদা খুঁজিতে গিয়াছেন—বনে পথ হারাইয়া ফেলিয়াছেন। “বনোন্মত্তা চ মৈথিলী” দুই ভাই ব্যাকুলভাবে খুঁজিতে লাগিলেন। গিবি, নদী ও নানা দুর্গম স্থান অন্বেষণ করিলেন। রামচন্দ্র ক্রমেই বড় ব্যাকুল হইয়া পড়িলেন, কদম্ব-কুসুম-প্রিয়ার তত্ত্ব কদম্ব তরু জানিতে পারে, স্মৃতির কদম্ব-বৃক্ষকে প্রিয়া-কথা জিজ্ঞাসা করিলেন; বিশ্ববৃক্ষের নিকটে যাইয়া কুতাঞ্জলি হইলেন; মতাপল্লবপুষ্পাঢ্য বৃহৎ বনস্পতির নিকটে যাইয়া কাতরকণ্ঠে রাম সীতার কথা জিজ্ঞাসা করিতেছেন। পত্র পুষ্প-সংচ্ছন্ন অশোকের নিকট শোক-মুক্তির উপদেশ চাহিলেন এবং কর্ণিকার পুষ্পদর্শনে পাগল হইয়া সীতার স্ত্রীমুখের কর্ণশোভা স্মরণ করিলেন। বনে বনে উন্মত্তের স্থায় ভ্রমণ করিয়া মৃগযুথের নিকট মৃগশাবাকীর তত্ত্ব জিজ্ঞাসা করিলেন। সহসা ক্ষিপ্তবৎ ছায়া-সীতা দর্শনে ব্যাকুল কণ্ঠে বলিতে লাগিলেন—

“কিং ধাবসি প্রিয়ে নুনং দৃষ্টাসি কমলেক্ষণে ।

বৃষ্ণৈরাচ্ছাদ্য চাত্মানং কিং মাং ন প্রতিভাষমে ॥

তিষ্ঠ তিষ্ঠ বরারোহে ন তেহস্তু করুণা ময়ি ।

নাতার্থং হ্যস্তশীলামি কিমর্থং মাগুণেক্ষমে ॥”

“হে প্রিয়ে, তুমি বৃক্ষের অন্তরালে ধাবিত হইতেছ কেন? আমি তোমাকে দেখিতে পাইতেছি । তুমি আমার সহিত কথা কহিতেছ না কেন? তুমি ত পূর্বে আমার সঙ্গে এরূপ পরিহাস করিতে না, —তুমি দাঁড়াও, —যেও না, আমার প্রতি তোমার করুণা নাই?” এই বলিয়া ধ্যানপন্যাস হইয়া নিম্পন্দভাবে দাঁড়াইয়া রহিলেন ।

ক্ষণেক পরে এই বিমূঢ়তা যুটিতে তিনি পুনশ্চ সীতান্নেয়ণে প্রবৃত্ত হইলেন । সীতাকে কেহ হরণ করিয়া লইয়াছে, এই আশঙ্কা রামের হয় নাই ; তাঁহার ধারণা হইল সীতাকে রাক্ষসগণ খাইয়া ফেলিয়াছে । তাঁহার শুভকুণ্ডলের দীপ্তি-উদ্ভাসিত বক্রান্ত-কেশসংবৃত, সুন্দর পূর্ণচন্দ্রের স্থায় মুখমণ্ডল, সূচাক নামিকা ও শুভ ওষ্ঠাধর রাক্ষসের ভয়ে মলিন ও শুষ্ক হইয়া গিয়াছিল । বেপথু-মতীব পল্লব-কোমল বাহু, সুন্দর অলঙ্কার, সকলই রাক্ষসগণের উদরস্থ হইয়াছে, তাবিয়া রামচন্দ্র পদকহীন উন্মাদ দৃষ্টিতে আকাশের দিকে তাকাইয়া রহিলেন, এবং ক্ষণপবে চক্ষিতে লাগিলেন । একবার ক্রম্ব একবার মম্বর গতিতে উন্মত্তের স্থায় নদ নদী ও নির্ঝরিনী-মুখরিত গিরিপ্রদেশে ভ্রমণ করিতে করিতে বহিলেন, “লক্ষণ, পদাবনাকীর্ণ গোদাবরীর বেড়াভূমি, কন্দর ও নির্ঝরপূর্ণ গিরিপ্রদেশ, প্রাণাধিকা সীতার জন্ত সকল স্থান ত্যাগ করিয়া খুজিলাম, তাঁহাকে ত পাইলাম না ।” এই বদিয়া মুহূর্তকাল শোকাবেগে বিসংজ্ঞ হইয়া ভুলুপ্তিত হইয়া পড়িলেন । তখন তাঁহার গভীর ও ঘন নিশ্বাস ধরণীর গাত্রে নিপতিত হইতে লাগিল ।

কতক্ষণ পরে রাম লক্ষণকে অযোধ্যায় ফিরিয়া যাইতে

অনুরোধ করিয়া বলিলেন, “আমি অযোধ্যায় আর কোন্ মুখে যাইব, বিদেহবাজ সীতার কথা বলিলে আমি কি কহিব ? ভরতকে তুমি গাঢ় আনিজন করিয়া বলিও বাজ্য গেন চিরদিন সে-ই পালন করে । আমার মাতা কৈকেয়ী, স্মিত্রা ও কৌশল্যাকে সমস্ত অবস্থা বলিয়া তাঁহাদিগকে যত্নের সহিত পালন করিও ।”

লক্ষ্মণ অনেক উপদেশ-বাণ্যে রামের মনে সান্ত্বনা দিতে চেষ্টা করিলেন । যিনি বলিয়াছিলেন—

“বিক্রি মাং ঋষিভিস্তলাং বিমলং ধর্ম্মশ্রিতং ।”—

আমাকে ঋষিতুল্য বিমল ধর্ম্মশ্রিত বলিয়া জানিও,—যাহাকে রাজ্যনাশ ও সূহৃদ্বিরহ অভিভূত করিতে পারে নাই, পিতা ‘রাম’ নাম কণ্ঠে বলিতে বলিতে প্রাণত্যাগ করিয়াছিলেন, এবম্বিধ পিতৃশোকেও যিনি বিহ্বল হন নাই,—আজ তিনি শোকোন্মত্ত । গোদাবরীর নদীকূল তন্ন তন্ন করিয়া খুঁজিয়াছেন, কিন্তু আবার লক্ষ্মণকে বলিলেন—

“শীঘ্রং লক্ষ্মণ জানীহি গতা গোদাবরীং নদীং ।

অপি গোদাবরীং সীতা পদ্মাশ্রামযিতুং গতা ॥”

“লক্ষ্মণ গোদাবরী নদী শীঘ্র খুঁজিয়া এস, হয় ত সীতা পদ্মা আনিতে সেখানে গিয়াছেন ।” লক্ষ্মণ গোদাবরীকূলে সীতার অন্বেষণে পুনঃ প্রবৃত্ত হইলেন, উচ্চৈঃস্ববে চতুর্দিকে ডাকিতে লাগিলেন, নীরব অনুরগোদ প্রদেশের বেতসবন হইতে প্রাতিধ্বনি তাঁহার কণ্ঠের অনুকরণ করিল । তিনি ছুঃখিত হইয়া ফিরিয়া আসিয়া রামচন্দ্রকে বলিলেন—

“কং নু মা দেশমাপরা নৈদেহী ক্লেশনাশিনী”—

“কেশনাশিনী বৈদেহী কোন্ দেশে গিয়াছেন ? —আমি ত তাঁহার সন্ধান পাইলাম না ।”

লক্ষণের কথা শুনিয়া শোকাকুল রামচন্দ্র নিজে পুনরায় গোদাবরীতীরে উপস্থিত হইলেন ।

ক্রমশঃ তাঁহারা দক্ষিণদিক্ পর্যটন করিতে ক্রমশঃ গীতান অঙ্গভূষণ কুমুদাম ভূপতিত দেখিতে পাইলেন । তখন অত্র-সিত্ত চক্ষে রাম বলিলেন—

“মন্ত্রে সূর্য্যশ্চ বায়ুশ্চ মেদিনী চ যশস্বিনী ।

অভিরক্ষন্তি পুষ্পানি একুর্বন্ত মম প্রিয়ম্ ॥”

পৃথিবী সূর্য্য ও বায়ু এই পুষ্পগুলি রক্ষা করিয়া আমাকে সুখী করিয়াছেন ।

কতক দূরে যাইতে যাইতে তাঁহারা দেখিলেন,—মৃত্তিকার উপর রাঙ্গসের বৃহৎ পদ-চিহ্ন অঙ্কিত রহিয়াছে, পার্শ্বে ভূমি শোণিত-লিপ্ত, তাহাতে সীতার উত্তরীয়স্থানিত কনকবিন্দু পতিত রহিয়াছে, অদূরে এক পুরুষের বিকৃত শব ও বিনীর্ণ কবচ ভূমুষ্ঠিত, তৎপার্শ্বে যুদ্ধরথ চক্রহীন হইয়া পড়িয়া আছে ও তৎসংলগ্ন পতাকা শোণিত ও কন্দমার্দ্র । এই দৃশ্য দেখিয়া রামচন্দ্রের পূর্বাশঙ্কা বদ্ধমূল হইল—রাঙ্গসেরা সীতার স্কন্ধে দেহ খাইয়া ফেলিয়াছে, —তাঁহার দেহ অধিকারের জন্য পরস্পরের মধ্যে ঘোর বন্দ্যযুদ্ধ হইয়াছিল—এসকল তাহারই নিদর্শন । রামের চক্ষু কোণে তাগ্রবর্ণ হইয়া উঠিল, তাঁহার ওষ্ঠসংপুট ক্ষুরমাণ হইতে লাগিল, বক্সলাজিন বন্ধন করিয়া পৃষ্ঠলোমিত জটাভার গুছাইয়া লইলেন

এবং লক্ষ্মণের হস্ত হইতে ধনুর্গ্ৰহণ পূর্ব্বক ক্ষিপ্তভাবে বলিলেন—
 “যে রূপ জরা মৃত্যু ও বিধাতার ক্রোধ অনিবার্য্য,—সেইরূপ আজ
 আমাকেও কেহ প্রতিরোধ কবিত্তে পারিবে না।” তিনি যাহা
 কিছু সম্মুখে দেখিবেন, সকলই নষ্ট করিয়া সীতা-বিনাশের প্রতি-
 শোধ তুলিবেন। জ্যেষ্ঠ ভ্রাতার এই প্রকার উন্মত্ত ভাব দর্শন
 করিয়া লক্ষ্মণ অনেক স্নিগ্ধ উপদেশ প্রদান করিলেন,—যে রূপ
 কথায় প্রাণ জুড়াইয়া যায়, সেইরূপ শান্তি-পূর্ণ উপদেশে রামের
 চিত্তব্যথা হরণ কবিত্তে চেষ্টা পাইলেন। তাঁহারা আরও দূরে
 যাইয়া শোণিতাজ্জ গিরিতুল্য বৃহদ্বেহ মুমূর্ষু জটায়ুকে দেখিতে
 পাইলেন। রাম উহাকে দেখা মাত্র উন্মত্তভাবে “এই রাক্ষস
 সীতাকে খাইয়া নিশ্চয়ভাবে পড়িয়া আছে” বলিয়া তাহার
 বশকল্লৈ ধনুতে মৃত্যুতুল্য শর আরোপিত করিলেন। জটায়ুর প্রাণ
 কণ্ঠাগত, তিনি কথা বলিতে যাইয়া সফেন রক্ত বমন করিলেন,
 এবং অতি দীন ও মৃদু বাক্যে রামকে বলিলেন—“হে আয়ুশ্মন,
 তুমি যাহাকে বনে বনে মহোষধির স্থায় খুঁজিতেছ, সেই দেবী
 এবং আমার প্রাণ উভয়ই বাবণ কর্তৃক হৃত হইয়াছে। আমি
 সীতাকে তৎকর্তৃক অপহৃত হইতে দেখিয়া তাঁহাকে রক্ষা করিবার
 জন্ত যুদ্ধ করিয়াছিলাম, এই যে ভগবৎচ্ছত্র ও ভগ্ন দণ্ড,—উহা
 রাবণের। তাহার সাবধিও আমার দ্বারা বিনষ্ট হইয়াছে। রাবণকে
 আমি বধ হইতে নিপাতিত করিয়াছিলাম। কিন্তু আমি পরিশ্রান্ত
 হইয়া পড়াতে সে খড়্গ দ্বারা আমার পার্শ্বচ্ছেদ করিয়া গিয়াছে।—

“রক্ষসা নিহতং পূর্ব্বং মাং ন হস্তং ত্বমর্হসি।”

রাবণ আমাকে ইতিপূর্বেই নিহত করিয়াছে, আমাকে পুন-
র্বার নিধন করিবার চেষ্টা তোমার পক্ষে উচিত নহে ।”

এই কথা শুনিয়া রামচন্দ্র স্বীয় স্বহৃৎ ধনু পরিত্যাগপূর্বক
জটায়ুকে আনিজন করিয়া কাঁদিতে লাগিলেন, এবং অতি দীন-
ভাবে বলিলেন, “লক্ষণ, দেখ ইহার প্রাণ কণ্ঠাগত, জটায়ু মর্ষিত-
ছেন, আমার ভাগ্যদোষে আমার পিতৃসখা জটায়ু নিহত হইয়া-
ছেন, ইহার স্বর বিক্লব হইয়াছে, চক্ষু নিস্ত্রভ হইয়াছে ।” জটায়ুর
দিকে সজল নেত্রে চাহিয়া কৃতাজলি হইয়া বলিলেন, “যদি শক্তি
থাকে, তবে একবার বন, তোমার বা-কাহিনী ও সীতা-হরণের
কথা আমাকে বন । রাবণ আমার স্ত্রীকে কেন হরণ করিল,
আমার সঙ্গে তাহার কি শত্রুতা ? তাহার রূপ ও শক্তি-সামর্থ্য
কি প্রকার ? আমার কি অপরাধ পাইয়া সে এই কার্য্য করি-
য়াছে ? সীতার মনোহর মুখস্ত্রী তখন কিরূপ হইয়া গিয়াছিল,—
বিধুমুখী তখন কি বলিয়াছিলেন ? হে তাত ! রাবণের গৃহ কোথায় ?
এতগুলি প্রশ্নের উত্তরে জটায়ু এইমাত্র বলিলেন, “আমি দৃষ্টিহারা
হইয়াছি, কথা বলিতে পারিতেছি না—তু রাজা রাবণ সীতাকে
হরণ করিয়া দক্ষিণ মুখে গিয়াছে, রাবণ বিম্বশ্রবা মূর্খের পুত্র এবং
কুবেবের ভ্রাতা” এই শেষ কথা বলিতে বলিতে তাহার চক্ষু নারা-
হির হইল, জটায়ু প্রাণত্যাগ করিলেন । রাম কৃতাজলি হইয়া
“বল বল” কহিতেছিলেন, কিন্তু জটায়ু ততক্ষণ প্রাণত্যাগ করিয়া
স্বর্গগত হইলেন । রামচন্দ্র অশ্রুপূর্ণ চক্ষে বলিলেন, “এই জটায়ু বহু
বৎসর দণ্ডকারণ্যে যাপন করিয়া বিনীর্ণ হইয়াছিলেন, কিন্তু আমার

জন্ম আজ ইনি কালগামে পতিত হইলেন “কালো হি ছুরতিক্রম্যঃ ।”
এই পৃথিবীতে সর্বত্রই সাধু ও মহাজনগণ বাস করিতেছেন, নীচ-
কুলেও জটায়ুর মত দেবতাদের পূজনীয় চরিত্র ছিল—আমার
উপকারের জন্ম ইনি স্বীয় প্রাণ বিসর্জন দিলেন—

“মম হেতোরয়ং প্রাণান্ মুমোচ পতগেশ্বরঃ ।”

আজ আমার সীতা হরণের কষ্ট নাই, জটায়ুর মৃত্যু-শোক আমার
চিত্ত অধিকার করিয়াছে ।—

“রাজা দশরথঃ শ্রীমান্ যথা মম সহায়শাঃ ।

পূজনীয়শ্চ মাতুলশ্চ তথায়ং পতগেশ্বরঃ ।”

আমার নিকট যশস্বী রাজা দশরথ যেমন পূজনীয় ও মাতুল, আজ
জটায়ুও সেই প্রকার ।—লক্ষণ কাষ্ঠ আহরণ কর, আমি এই
পবিত্র দেহের সংকার করিব ।”

জটায়ুর দেহের শেষকার্য্য সমাপ্তাপূর্ব্বক প্রথমতঃ পশ্চিমবাহী
পন্থা অবলম্বন করিয়া শেষে দুই ভ্রাতা দক্ষিণ উপকূলের সমীপবর্ত্তী
হইলেন । ক্রোধধারণা সম্মুখে বিস্তীর্ণ,—অতি দুর্গম অরণ্য ।
সেই স্থানে এক ভীষণ রাক্ষসীকে শাসন করিয়া বিকৃতমূর্ত্তি
কবন্ধের সহিত সাক্ষাৎ হইল । কবন্ধ রামকর্ত্তৃক নিহত হইল ।
মৃত্যুকালে সে রামচন্দ্রকে পম্পাতীরবর্ত্তী ঋষ্যমুক পর্ব্বতে জুগীষের
সঙ্গে মৈত্রী স্থাপন করিয়া সীতা উদ্ধারের চেষ্টা করিবার পরামর্শ
প্রদান করিল । তৎপরে শবরীর সঙ্গে সাক্ষাৎ করিয়া উভয় ভ্রাতা
দক্ষিণাপথের বিহৃত ভূখণ্ড অতিক্রম করিয়া সারসক্রোধনাদিত
পম্পাহ্রদের উপকূলে উপনীত হইলেন ।

পম্পাতীববর্তী স্থান বড় রমণীয় ; তখন হৃদকনাথ বনরাজির
অঙ্গে অপূৰ্ণ ত্রীসম্পন্ন নব বাস পরাইয়া বসন্ত আগমন করিয়াছে ।
অদূরে ধাম্যমূকের কৃষ্ণচ্ছায়া মেঘের সঙ্গে মিশিয়া আছে । গিরি-
সান্নিদেশ হইতে নিম্ন সমতল ভূমি পর্যন্ত বিস্তীর্ণ বনরাজির মধ্যে
মধ্যে সূদৃশ কর্ণিকার বৃক্ষ পুষ্পসংচ্ছন্ন হইয়া পীতাম্বর পরিহিত
মনুষ্যের ছায় দেখা যাইতেছিল । শৈবন্দর-নিঃসৃত বায়ু পম্পার
পদ্যরাজি চুষন করিয়া রামচন্দ্রের দেহ স্পর্শ করল, সেই পদ্যকোষ-
নিঃসৃত গন্ধবহ বায়ুর স্পর্শে শ্রীরামচন্দ্র মনে করিলেন—

“নিধাম ইব সীতায়া বাতি বায়ুর্গনোহরঃ ।”

সিগুবার ও মাতুলিঙ্গ পুষ্প প্রস্ফুটিত হইয়াছিল, কোবিদার, মল্লিকা
ও করবী পুষ্প বায়ুতে ছলিতেছিল ; শিখী শিখিনীর সঙ্গে
ইতস্ততঃ নৃত্য করিতেছিল ; দাতুহ করণকণ্ঠে ডাকিতেছিল ।
তাম্রবর্ণ পল্লবের অভ্যন্তরীণ রাগরক্ত মধুকর উড়িয়া সহসা কুসুম-
মাস্তুরে প্রবিষ্ট হইতেছিল । অকোণ, কুরণ্ট ও চূর্ণক বৃক্ষ পম্পা-
তীরের প্রহরীর ছায় দাঁড়াইয়াছিল । রামচন্দ্র এই প্রকৃতির
সৌন্দর্য্যে আত্মহারা হইয়া সীতার জন্ত বিলাপ করিতে লাগিলেন ।

“স্থান্য পদ্যল্যাপ্যঙ্গী যুহু-ভায়া চ মে ত্রিয়া ।”

“তিনি বসন্তাগমে নিশ্চয়ই প্রাণত্যাগ করিবেন । ঐ দেখ, বাক্যণ,
কারণুব পক্ষী শুভ মলিলে অবগাহন করিয়া স্বীয় কাস্তার সঙ্গে
মিলিত হইয়াছে । আজ যদি সীতার সঙ্গে শুভ সন্নিধান হইত,
তবে অযোধ্যার ঐশ্বর্য্য কিম্বা স্বর্গও আমি অভিলাষ করিতাম না ।
এখানে যেকোন বসন্তাগমে ধরিত্রী হুষ্ঠা হইয়াছেন, যে স্থানে

সীতা আছেন, সেখানেও কি বসন্তের এই দীলাভিনয় হইতেছে ? তিনি তাহা হইলে যেন কত পরিতাপ পাইতেছেন ! এই পুষ্পবহ, হিমশীতল বায়ু, সীতাকে স্মরণ করিয়া আমার নিকট অগ্নিফুনিজেব ছায় বোধ হইতেছে ।

“পশু লক্ষণ পুষ্পাণি নিষ্কলানি ভবন্তি মে ।”

এই বিশাল পুষ্পসম্ভার আজ আমার নিকট বৃথা । আমি অযোধ্যায় ফিরিয়া গেলে বিদেহরাজকে কি বলিব ? সেই মৃচ্ছাসিকার অন্তরানব্যক্ত চিব-হিতৈষিনীর অতুলনীর কথাগুলি শুনিয়া আব কবে জুড়াইব ? লক্ষণ, তুমি ফিরিয়া যাও, আমি সীতা-বিবাহে প্রাণধারণ করিতে পারিব না ।”

লক্ষণ রামচন্দ্রের এই উন্মত্ততা দর্শনে ভীত হইলেন, তাঁহাকে কত সাধনা-বাক্য বলিলেন, কিন্তু রামচন্দ্রের ব্যাকুলতার ভ্রাস হয় নাই । কখনও মন্দীভূত গতিতে স্থালিতকোপীন রামচন্দ্র অবসন্ন হইয়া পড়িতেছেন, কখনও গলদঞাবাকুল উর্দ্ধসংবদ্ধ দৃষ্টিতে উন্মত্তের ছায় প্রণাম-বাক্য বলিতেছেন । এই অবস্থায় স্ত্রী-কর্তৃক প্রেরিত হনুমান তাঁহাদিগের নিকট উপনীত হইল । হনুমানের স্নিগ্ধ অভিনন্দনে লক্ষণ হৃদয়ের আবেগ রোধ করিতে পারিলেন না, হনুমান স্ত্রীবেব সংবাদ তাঁহাদিগকে দিয়া বলিয়া-ছিলেন, “আপনাদের আয়ত এবং সুবৃহৎ মহাভূজ পবিষতুল্য, আপনারা জগৎ শাসন করিতে পারেন, আপনারা বনচারী কেন ? আপনাদের অপূর্ণ দেহকাস্তি সর্ববিধ ভূষণের যোগ্য, আপনারা ভূষণশূন্য কেন ?” লক্ষণ রামচন্দ্রের ও তাঁহার অবস্থা সংক্ষেপে

কহিয়া স্ত্রীবেব আশ্রয় ভিক্ষা করিলেন,—“যিনি পৃথিবী-পতি, সর্বলোকশরণ্য আমাব গুরু ও অগ্রজ—সেই রামচন্দ্র আজ স্ত্রীবেব শরণাপন্ন হইতে আসিয়াছেন, ছুঃখ-সাগরে পতিত রামচন্দ্রকে আজ বানরাবিপতি আশ্রয় দিয়া রক্ষা করুন ।”—বলিতে বলিতে লক্ষ্মণের চক্ষু অশ্রুভারাক্রান্ত হইল,—যিনি সর্বদা চিত্তবেগ দমন করিয়াছেন, রামচন্দ্রের কষ্ট দেখিয়া তাঁহার চিত্ত কাতর হইয়া পড়িয়াছিল,—লক্ষ্মণ কাঁদিয়া মৌনী হইলেন ।

আরণ্যকাণ্ডের উত্তরভাগ ও কিঙ্কিকাণ্ডের প্রথমার্ধে ঘটনাবলীর সম্পূর্ণ বিবরণ দৃষ্ট হয় । এখানে মহাকাব্য জনসজ্জের ক্রিয়া-কলাপে উদগ্ৰ হইয়া উঠে নাই । গভীর অরণ্যচ্ছায়ায় একমাত্র বীণার সুরধ্বনির মত রহিয়া বহিয়া রামচন্দ্রের বিরহ-গীতি অনুরাগে প্রদেশ ও পম্পাতীরবর্তী শৈলরাজির নিস্তব্ধতা ভঙ্গ করিয়াছে । এই প্রেমোন্মাদ নববসন্তাগমপ্রফুল্ল প্রকৃতির সঙ্গে মিশিয়া গিয়াছে ; এক দিকে বাসন্তী সিন্ধুবার ও কুন্দকুমুম-চুষী সুগন্ধ বায়ু, “পদ্মোৎপলবাষাকুলা”—পম্পার নির্মল বারিরাশি, আকাশোচ্চে সহসা-উথিত কৃষ্ণ ঋষ্যমূকের নির্জল জজ্বা,—অপর দিকে বিরহী রাজকুমারের সুরধ্বনি বিদ্যাপ, বসন্তঋতুসুলভ হরিৎ-পল্লবোদ্গম-দর্শনে বেদনাতুর হৃদয়ের প্রণোপেক্তি যেন একখানি উজ্জল আলোখ্যে মিশিয়া গিয়াছে, রামচন্দ্র তাঁহার বৈরাগ্য-স্তৌচ্য হইয়া কাব্যস্তীতে উজ্জল হইয়া উঠিয়াছেন । বৈরাগ্যকঠোর রামচন্দ্রের এই সকল স্থল-বর্ণিত মূহুতায় পাঠকের পরিতপ্ত হইবার কোন কারণ নাই, তাহা আমরা পূর্বেই বলিয়াছি ।

রামচন্দ্র শোকাভূত হইয়া এ পর্য্যন্ত শুধু নিজে কষ্ট পাইতে-
ছিলেন, কিন্তু এখন তিনি যে অনুরোধে প্রবৃত্ত হইলেন, তাহা
কতদূর যুক্তিবৃত্ত ও নীতি-গুনক, তাহার সম্বন্ধে কৃতনিশ্চয় হওয়া
যায় নাই । বালিবধ বড় জটিল সমস্যা । কবন্ধ মৃত্যুকালে স্ত্রীবেশ
সঙ্গে মৈত্রী স্থাপনের উপদেশ দিয়াছিল, স্ত্রীরাং রামচন্দ্র স্ত্রীবেশ
সঙ্গে সাক্ষাৎকার লাভ করিয়া এই বিপৎকালে আপনাকে
সহায়বান্ মনে করিলেন । অগ্নি সাক্ষী করিয়া তাঁহার সৌহার্দ্য
স্থাপন করিলেন । স্ত্রীবেশ বলিলেন—

“যস্মিচ্ছসি সৌহার্দ্যং বানরেণ যয়া সহ ।

রোচতে যদি মে মধ্যং বাহুরেয প্রসারিতঃ ॥

গৃহতাং পাণিনা পাণিঃ—”

“যদি আমার গায় বানরের সঙ্গে আপনি বাঁধবতা করিতে
অভিলাষী হইয়া থাকেন, তবে এই আমি বাহু প্রসারণ করিয়া
দিতেছি, আপনি হস্তদ্বারা আমার হস্ত ধারণ করুন ।” তখন
রামচন্দ্র—

“সংগ্রহষ্টমণা হস্তং পীড়যামাস পাণিনা ।”

সন্তোষ সহকারে হস্ত দ্বারা হস্তপীড়ন করিলেন । কিন্তু স্ত্রীবেশ
শুধু বন্ধু নহেন, তিনিও তাঁহারই মত বেদনাতুর । জ্যেষ্ঠ ভ্রাতা
তাঁহার জী হরণ করিয়া লইয়াছে । স্ত্রীবেশ বালীর ভয়ে দূর দূরান্তর
ঘুরিয়া বেড়াইয়াছেন, অধুনা মাতঙ্গমুনির আশ্রমসন্নিহিত স্থান
বালীর পক্ষে শাপ-নিষিদ্ধ হওয়াতে,—ঋষামূকের সেই ক্ষুদ্র গণ্ডীর
মধ্যে আশ্রয় লইয়া জী-বিরহে তিনি অতি কষ্টে জীবন যাপন

করিতেছেন । এই বৃত্তান্ত অবগত হইয়া রামচন্দ্র তাঁহার প্রাতি একান্ত রূপাপরবশ হইয়া পড়িলেন ; যাহার জী অগবে দাঁড়া যায়, তাঁহার তুল্য হতভাগ্য জগতে আর কে ? হতভাগ্যের সঙ্গে হতভাগ্যের মৈত্রী শুধু পাণিপীড়নে পর্যাবসিত হইল না, হৃদয়ের গভীর সহানুভূতি দ্বারা তাহা বন্ধমূল হইল । অগ্রীব যখন তাঁহার জী-হরণবৃত্তান্ত রামের নিকট বর্ণিতেছিলেন, তখন সহসা তাঁহার চক্ষু কুলপ্লাবী নদীস্রোতের ছায় বাষ্পবেগ উথলিয়া উঠিয়াছিল— কিন্তু সেই অশ্রুবেগ—

“ধারয়ামাস ধৈর্য্যেণ অগ্রীবো রামমন্নিধৌ ।”

রামচন্দ্রের সম্মুখে অগ্রীব ধৈর্য্যসহকারে ধারণ করিল । এইরূপ সমছুঃখী বন্ধুবরকে পাইয়া যে রামচন্দ্র—

“মুখমঙ্গপরিষ্কিন্নং বজ্রাস্তেন প্রমার্জয়ৎ ।”

তাঁহার নিজের অশ্রুমলিন মুখখানি বজ্রাস্ত দ্বারা মার্জনা করিবেন, তাহাতে আর আশ্চর্য্য কি ? সীতা স্বাম্যমুক পর্বতে স্বীয় ভ্রূষণাদি ও উত্তরীয় নিষ্ক্ষেপ করিয়াছিলেন, অগ্রীব তাহা সমস্তে রাখিয়া দিয়াছিলেন । রাম অবিলম্বে তাহা দেখিতে চাহিলেন, তাহা উপস্থিত করা হইলে তিনি সেই উত্তরীয় ও ভ্রূষণ বক্ষে রাখিয়া কাঁদিতে লাগিলেন এবং রাবণের কার্য্য স্মরণ করিয়া—

“নিশখাম ভৃশং সর্পো বিলস্থ ইব মোষিতঃ ।”

বিলস্থ সর্পের ছায় ক্রুদ্ধ হইয়া নিশ্বাস ফেলিতে লাগিলেন ।

অগ্রীব এবং রামচন্দ্রের মৈত্রী সম্পূর্ণ হইল । বালি-বধে তিনি কৃতসংকল্প হইলেন । কিন্তু একজন প্রতাপশালী দেশাধিপতিকে

বৃক্ষান্তরান হইতে শর নিক্ষেপ করিয়া বধ করা ঠিক ক্ষত্রিয়োচিত কার্য্য কি না, তাহা বিবেচনা করিবার উপযুক্ত মনের অবস্থা তাঁহার ছিল বলিয়া মনে হয় না। বালীকে তিনি বলিয়াছিলেন, “কনিষ্ঠ সহোদরের জ্যৈষ্ঠ কন্যাস্থানীয়া, যে ব্যক্তি তাহাকে হরণ করিতে পারে, মম্বর বিধানানুসারে সে মৃত্যুদণ্ডে দণ্ডনীয়।” মনুজ্ঞ দণ্ড দেওয়ার কর্ত্তা তুমি কিসে হইলে? এই প্রশ্ন আশঙ্কা করিয়াই যেন তিনি বারংবার বলিলেন “এই সটেশলা বনকাননশালিনী ধবিত্রী ইক্ষ্বাকু-বংশীয়গণের অধিকৃত; ভরত সেই বংশের রাজা, আমরা তাহার অনুজ্ঞাক্রমে পাপের দণ্ড দিতে নিযুক্ত। যাহাকে দণ্ড দিতে হইবে, তাহার সঙ্গে ক্ষত্রিয়োচিত সম্মুখযুদ্ধের প্রয়োজন নাই।” বোধ হয়, তিনি আৰ্য্যজাতির যুদ্ধ-নিয়ম কিঙ্কিধ্যায় পালন করিবার যথেষ্ট কাৰণ পান নাই। এই কার্য্য তাঁহার পক্ষে কতদূর গ্রাহ্যমোদিত ঠিক বলা যায় না। বালী যে অপরাধে দোষী, সূগ্ৰীবও সেইরূপ ব্যাপারে একান্তরূপ নিরপরাধ ছিলেন বলিয়া বোধ হয় না। সমুদ্রের তীরে অঙ্গদ বানরমণ্ডলীর নিকট বসিয়াছিলেন—“জ্যেষ্ঠ জাতার জ্যৈষ্ঠ মাতৃতুল্য, এই সূগ্ৰীব জ্যেষ্ঠ জাতার জীবদশায়ই তাঁহার পত্নীতে উপগত হইয়াছিল।” অর্থাৎ মায়াবীকে বধ করিবার জন্য যখন বালী ধরনী-গহ্বরে প্রবেশ করিয়াছিল, তখন তাহার মৃত্যু আশঙ্কা করিয়া সূগ্ৰীব কিঙ্কিধ্যাপুরী ও বালীর সহধর্ম্মিনীকে অধিকার করিয়া বসিয়াছিলেন। সেই কারণেই বোধ হয় বালী এত ক্রুদ্ধ হইয়াছিল। সূতরাং নৈতিক বিচারে সূগ্ৰীবও বালীর গ্রায অভিযুক্ত হইতে পারিতেন। এই সকল অবস্থা পর্যালোচনা

কবিলে বাগের কার্য্য সমর্থন করা কঠিন হইয়া পড়ে । তারা যখন বালীকে রামচন্দ্রের কথা উল্লেখ করিয়া দ্বিতীয় দিবস স্নগীবেৰ সঙ্গে যুদ্ধ করিতে নিষেধ করিয়াছিল, সে দিন সরলচেতা বালী বলিয়াছিল—“বিশ্ববিশ্রুতকীর্ত্তি ধৰ্ম্মাবতার রামচন্দ্র কেন কপটভাবে তাহাকে হত্যা করিতে চেষ্টা পাইবেন ?” এই বিশ্বাস উপযুক্ত পাণ্ডে হস্ত হয় নাই । মৃত্যুকালে বালী রামচন্দ্রকে অনেক কটুক্তি করিয়াছিল, যথা—“আপনি ধৰ্ম্মধ্বজ কিন্তু অধাৰ্ম্মিক, তৃণাবৃত কূপের ছায় আপনি প্রেতারক, মহাত্মা দশরথের পুত্র বদিয়া পরিচয় দেওয়ার যোগ্য নহেন ।” বালীর এই সকল উক্তি বাগ্মীকি “ধৰ্ম্ম-সংহত” বলিয়া মুখবন্ধ করিয়া দাইয়াছিলেন, স্মরণ্য রামচন্দ্রের এই কার্য্য মহাকবি নিজে অনুমোদন করিয়াছিলেন কি না সন্দেহ ।

কিন্তু এ কথা নিশ্চিত যে কবন্ধরূপী দলুগন্ধৰ্ব্ব রামচন্দ্রকে স্নগীবেৰ সঙ্গে সখ্য স্থাপনপূৰ্ব্বক সীতা উদ্ধারেব চেষ্টা করিতে উপদেশ দিয়াছিলেন । শোক-বিহ্বল রামচন্দ্র স্নগীবেৰ সঙ্গে লাভ করিয়া নিজকে কৃতার্থ মনে করিয়াছিলেন, এ দিকে আবার স্নগীবেৰ সঙ্গে সাক্ষাৎকারের পর বালী কর্তৃক তাহার স্ত্রীহরণের বৃত্তান্ত অবগত হন । স্নগীবকে সমুৎখী দেখিয়া তাহার প্রাতি পক্ষপাতী হইয়া পড়া তাঁহার পক্ষে অত্যন্ত স্বাভাবিক হইয়াছিল । একান্ত শোকাতুর অনস্থায় তাঁহার সমস্ত অবস্থা বিচার করিয়া কার্য্য করিবার সুবিধা ঘটে নাই । কৃত্তিবাস পণ্ডিত এই অবস্থার ভণ্ডিত্য লিখিয়াছিলেন—

“কুতিবাস পণ্ডিতের ঘটিল বিষাদ ।

বাণী বধ করি কেন করিলা প্রমাদ ॥”

‘প্রমাদ’ শব্দের অর্থ ‘ভ্রম’। কিন্তু নৈতিক বিচারে এই ব্যাপারের ভ্রম মানিয়া নহিলেও ইহা স্বীকার্য্য যে, রামচরিত্রের স্বাভাবিকত্ব এই ঘটনার বিশেষরূপে রক্ষিত হইয়াছে। মীতাবিরহে রাম যেরূপ শোকাক্ত হইয়াছিলেন, তাহাতে তিনি অন্তথাচরণ করিতে সমর্থ ছিলেন না। এই ঘটনা অন্তরূপ হইলে রামচন্দ্র আদর্শের বেশি সন্নিহিত হইতেন, কিন্তু বাস্তব হইতে সূদূরবর্তী হইয়া পড়িতেন, এবং কাব্যোক্ত বিষয়ের সামঞ্জস্য রক্ষিত হইত না। রাম বাণীর নিকট আত্ম-সমর্থনার্থ বলিয়াছিলেন, “আমি সৃষ্টীবের সঙ্গে অগ্নি সাক্ষী করিয়া মৈত্রী স্থাপন করিয়াছি, তাহার শত্রু আমার শত্রু, আমি সত্য রক্ষা করিতে বাধ্য।” সত্যরক্ষাই রাম-চরিত্রের বিশেষত্ব। এই দিক হইতে রামের চরিত্র আলোচনা করিলে বোধ হয়, তাহা এই ব্যাপারে কতক পরিমাণে সমর্থিত হইতে পারে।

রামচন্দ্র নিজের পরাক্রমের পরিচয় দিবার জন্য সৃষ্টীবের সম্মুখে এক শরে সপ্ততাল ভেদ করেন। কিন্তু যখন মনে হয়, তিনি বৃক্ষান্তরাল হইতে ভ্রাতার সঙ্গে মল্লযুদ্ধে নিযুক্ত বাণীর প্রতি গুপ্তভাবে শর নিক্ষেপ করিয়া তাহার বধ সাধন করেন, তখন সেই সকল পরাক্রম প্রদর্শনের কোন আবশ্যকই ছিল না বলিয়া মনে হয়।

ঋষ্যমুক পর্বতের গুহা ভেদ করিয়া দুর্গম শৈলসঙ্কুল প্রদেশে

বাণীর রাজ্য রচিত হইরাছিল । সেই স্থানে সুগ্রীব বিজয়মালা
কণ্ঠে পরিয়া সিংহাসনাভিষিক্ত হইলেন । মাণ্যবান্ পর্বতের
নাতিদূরে চিত্রকাননা কিষ্কিন্দ্যার গীতিবাদিত্রনির্ঘোষ শ্রুত হইতেছিল ;
—রামচন্দ্র মাণ্যবান্ পর্বতে জাতীর সঙ্গে বাস করিয়া তাহা শুনিতে
পাইতেন । কিষ্কিন্দ্যানগরীতে সাদরে আমন্ত্রিত হইয়াও তিনি
পুরোতে প্রবেশ করেন নাই, বনবাস-প্রতিজ্ঞা পালন করিয়া পর্বতে
বাস করিতেছিলেন । রামচন্দ্রের চক্ষে দিনরাত্র নিদ্রা ছিল
না, উদিত শশিলেখা দেখিয়া বিধুমুখীকে স্মরণ করিয়া আকুল
হইতেন—

“উদয়াভ্রাদিতং দৃষ্ট্বা শশাঙ্কং স বিশেষতঃ ।

আধিবেশ ন তং নিজা নিশাসু শয়নং গতম্ ।”

“চন্দ্রোদয় দেখিয়া রাত্রিকালে শয্যায়া শায়িত হইয়াও তিনি
নিদ্রা-সুখ লাভ করিতে পারিতেন না ।” সন্ধ্যাকাল যেন চন্দন-
চর্চিত হইয়া পর্বতের উর্দ্ধে শোভা পাইত । তখন বর্ষা-কাল,
অবিরল জলধারা দর্শনে রাম মনে করিতেন, তাহার বিরহে সীতা
অশ্রুত্যাগ করিতেছেন ; নীল মেঘে ক্ষুরমাণ বিছাৎ দেখিয়া
রাবণ কর্তৃক সীতাহরণ চিত্র তাঁহার স্মৃতিপথে জাগরিত হইত ।
মাণ্যবান্ গিরিতে বর্ষাঋতুর শুভাগমে দৃশ্যাবলী এক নবস্ত্রী ধারণ
করিল । মেঘমালা অঙ্গর আবৃত করিয়া কচিৎ কচিৎ গুরু গম্ভীর
শব্দ করিত, কচিৎ বিচ্ছিন্ন মেঘপংক্তি-মণ্ডিত শৈলশৃঙ্গ ধ্যানমগ্ন
যোগীর ছায় শোভা পাইত, কখনও বিপুল নীলাম্বরে মেঘ-সমূহ
যেন বিশ্রাম করিতে করিতে ধীরে ধীরে যাইত । নবশালিকাছাবৃত

বিচিত্র ধরণীৰ গাত্র কক্ষণাবৃত সুন্দরী-দেহের ছায় প্রকাশিত হইত । নবানু-ধারাহত-কেশরপদ্মদল পরিত্যাগ করিয়া সকেশর কদম্বপুষ্পের লোভে ভ্রমরগুলি উড়িতেছিল । এই বর্ষা ঋতুতে—

“প্রবাসিনো যাতি নরাঃ স্বদেশান্ ।”

প্রবাসী ব্যক্তিরা স্বদেশে গমন করেন । বর্ষায় রামচন্দ্রের সীতা-শোক দ্বিগুণিত হইল ; বর্ষাব চাবিটি মাস তাঁহার নিকট শত বৎসরের ছায় দীর্ঘ প্রতীক্ষমান হইল, সীতাশোকে এই সময় তিনি অতি কষ্টে অতিবাহিত করিলেন—

“চত্বারো বার্ষিকা মাসা গতাবর্ষতোপমাঃ ।”

ক্রমে আকাশ শরদাগমে প্রসন্ন হইয়া উঠিল, বলাকা-সমূহ উড়িয়া গেল, সপ্তচ্ছদ তরুর শাখায় শাখায় পুষ্প বিকাশ পাইল ; মেঘ, ময়ূর, হস্তিযুথ এবং প্রসবণ সমূহের গদগদ ধ্বনি সহসা প্রশান্ত হইল, নীলোৎপলাভ মেঘ-রাজিতে আকাশ আর শ্রামীকৃত হইয়া রহিল না, শুভ শরদাগমে নদীকুলের পুলিনবাশি শব্দৈঃ শব্দৈঃ জাগিয়া উঠিল । বাপীতীরে, কাননে এবং নদীতটে রামচন্দ্র ঘুরিয়া মৃগশাবাকীকে স্মরণ করিতে লাগিলেন, তাঁহাকে ছাড়া কোথাও তিনি সুখলাভ করিতে পারিলেন না ।

‘সরাংসি সন্নিভো বাপীঃ কামনানি বনানি চ ।

তাং বিনা মৃগশাবাকীং চরনাদ্য সুখং লভে ॥’

প্রকৃতির বিচিত্র সৌন্দর্যের প্রতি স্তরে স্তরে তিনি বিরহ-কাতরতার অশ্রু ঢালিয়া কত না আক্ষেপ করিলেন । চাতক যেকল্প স্বর্গা-

ধিপের নিকট কাতরকণ্ঠে একবিন্দু জল যাক্রা করে, তিনিও সেইরূপ ব্যগ্র হইয়া সীতা দর্শন কামনা করিতে লাগিলেন,—

“বিহঙ্গ ইব সারঙ্গঃ সলিলং ত্রিদশেশরাৎ ।”

সলিলাশয় সমূহে চক্রবাকগণ ক্রীড়া করিতে প্রবৃত্ত, তীব্রভূমিতে অসন, সপ্তপর্ণ ও কোবিদার পুষ্প প্রস্ফুটিত । রামচন্দ্র বলিলেন—
“শরৎ ঋতু উপস্থিত, বর্ষা অতিক্রান্তে নদীসমূহ বিনীর্ণ হইলে সীতা উদ্ধারের উদ্যোগ কবিবে বলিয়া স্মৃত্তীৰ প্রতিকৃত । এখন উদ্যোগের সময় উপস্থিত, কিন্তু তাহাব কোন অনুষ্ঠানই দৃষ্ট হইতেছে না । আমি প্রিযাবিহীন, দুঃখার্ত ও হতরাজ্য, স্মৃত্তীৰ আমাকে রূপা করিতেছে না । আমি অনাথ, রাজ্যভ্রষ্ট, প্রবাসী, দীন প্রার্থী—এই অবস্থায় স্মৃত্তীবের শরণাপন্ন হইয়াছি, স্মৃত্তীৰ এজন্ত আমাকে উপেক্ষা করিতেছে । তাহার কার্য্য উদ্ধার করিয়া লইয়া মুখ এখন গ্রাম্য স্মৃথাসক্ত হইয়া রহিয়াছে । লক্ষণ, তুমি তাহার নিকট যাও, পুনরায় সে কি আমাব বাণাগ্নির প্রভাব কিঙ্কিদ্ধা আন্দোকিত দেখিতে চায় ?”

“ন স সঙ্কুচিতঃ পশ্বা যেন বালী হতো গতাঃ ।”

“যে পথে বালী হত হইয়া গমন করিয়াছে, সেই পথ সঙ্কুচিত হয় নাই ।’ তাহাকে বধিও, সে যেন সমরানুসারে কার্য্য করে, এবং বাণীর পথে যেন তাহাকে না ঘাইতে হয় ।” এই কথা বলিয়া তিনি লক্ষণকে পুনরায় বলিলেন, “স্মৃত্তীবের প্রীতিকর কথা বলিও, রক্ষক কথা পরিহার করিও ।”

স্মৃত্তীৰ বথার্থই গ্রাম্যস্মৃথাসক্ত হইয়া তারা, রমা ও অপরাপর

দলনাবৃন্দপরিবৃত হইয়াছিল, মদবিহ্বলিতাঙ্গ ও পানাকর্ণনেত্রে দিনের ছায় রাত্রি এবং রাত্রির ছায় দিন যাপন করিতেছিল, এমন কি লক্ষ্যণের ভীষণ জ্যানিনাদ ও বানরগণের কোলাহল প্রথমতঃ তাহার কর্ণপথেই প্রবেশ করে নাই। শেষে অঙ্গদকর্তৃক সমস্ত অবস্থা পরিজ্ঞাত হইয়া স্মগ্রীব বলিল, “আমি ত কোন কুব্যবহার করি নাই, তবে রামের ভ্রাতা লক্ষ্যণ কেন ক্রোধ করিতেছেন ? আমি লক্ষ্যণ কিম্বা রামকে কিছুমাত্র ভয় করি না,—তবে বন্ধু বিচ্ছেদের আশঙ্কা করি মাত্র।—

“সর্বথা স্বকরং মিত্রং দুষ্করং প্রতিপালনম্।”

মিত্রত্ব সর্বত্রই সুলভ, মিত্রত্ব রক্ষা করাই কঠিন।” কিন্তু হনুমান স্মগ্রীবকে তাহার অপরাধ বুঝাইয়া দিল—শ্রাম সন্তুচ্ছদ-তরু পুষ্পিত ও পল্লবিত হইয়া উঠিয়াছে, নির্মল আকাশ হইতে বলাকা উড়িয়া গিয়াছে, স্তরাতঃ শুভ শরৎকাল সমাগত। এই শরৎকালে স্মগ্রীব রামের সাহায্য করিতে প্রতীকৃত, “এখন অপরাধ স্বীকার করিয়া ক্লতাঞ্জলি হইয়া লক্ষ্যণের নিকট ক্ষমা প্রার্থনা করুন।” স্মগ্রীব ক্রমে স্বীয় বিপজ্জনক অবস্থা উপলব্ধি করিলেন, এবং লক্ষ্যণের সম্মুখে স্বীয় কণ্ঠাবলম্বী বিচিত্র ত্রীড়াগালা ছেদন করিয়া অন্তঃপুর হইতে বিদায় লইলেন এবং তাঁহার বিশাল রাজ্যের সমস্ত প্রজাগণের মধ্যে এই আদেশ প্রচার করিয়া দিলেন—

“অহোভির্দশভির্যে চ নাগচ্ছন্তি সমাজয়া ।

হন্তবাস্তে হুরাজানো রাজশাসনদূষকাঃ ॥”

“বে সকল ছুরাজা আমার আজ্ঞায় দশদিনের মধ্যে রাজধানীতে

উপস্থিত না হইবে, সেই সকল শাসন-লঙ্ঘনকারিগণের উপর
হত্যার আদেশ প্রদত্ত হইবে ।”

সুগ্রীবের দ্বারা নিযুক্ত বানরগণ তন্ন তন্ন করিয়া নানা দিগেশ
খুঁজিয়া সীতার কোন সন্ধানই করিতে পারিল না । হনুমান
বিশাল সমুদ্র উত্তীর্ণ হইয়া দক্ষায় প্রবেশ-পূর্বক সীতাকে দেখিয়া
আসিল ।

সীতা-প্রদত্ত অভিজ্ঞান-মণি লইয়া হনুমান প্রত্যাবর্তন করিল ।
এই আনন্দ-সংবাদ শোক-বিহ্বল রামচন্দ্রকে মহাকবি সহসা
শুনান নাই । হনুমান সীতার সংবাদ লইয়া সমুদ্রকূলে তৎ-
প্রত্যাগমন-আশ্রয়িত বানরমণ্ডলীর নিকট উপস্থিত হইল ।
তাহারা এই তত্ত্ব পাইয়া দ্বিষ্ট হইল, কিন্তু একবারে তখনই রাম-
চন্দ্রের নিকটে গেল না । তাহারা দলবদ্ধ হইয়া সুগ্রীবের বিশাল
মধুবনে প্রবেশ করিল । এই মধুবন কিকিঙ্কাদিপের বিশেষ আদেশ
ভিন্ন অপ্রবেশ্য ছিল । সেই বনে দধিগুথ নামক একজন প্রহরী
নিযুক্ত ছিল । সীতার সংবাদ-লাভে পুলকিত বানরগুথ সেই
মধুবনে প্রবেশ করিল । দধিগুথ তাহাদিগকে বারণ করিল, কিন্তু
সে আনন্দের সময় তাহারা কেন নিষেধ মাথ্য করিবে ? তাহারা
মধু-তরুর ডাল ভাঙিয়া বনের স্ত্রী নষ্ট করিয়া পর্যাপ্ত পরিমাণে
মধুপান করিতে লাগিল । দধিগুথ অগত্যা বচপূর্বক তাহাদিগকে
তাড়াইয়া দিতে চেষ্টা পাইল । দধিগুথের এই ব্যবহারে তাহারা
একত্র হইয়া তাহাকে “জুকুটিং দর্শয়ন্তি হি” জুকুটি দেখাইতে
লাগিল । তৎপর দধিগুথের বলপ্রয়োগ চেষ্টার ফলে তাহারা

জুটিয়া দধিমুখকে বিশেষরূপে প্রহার করিল। দধিমুখ অগ্রসুখে
সুগ্রীবের নিকট নালিশ করিতে গেল। ইত্যবসরে যুক্ত মধুবনে
মধু ও যৌবনোন্নত বানবসুথ—

“গায়স্থি কেচিৎ, প্রণয়স্থি কেচিৎ, পঠস্থি কেচিৎ, প্রচরস্থি কেচিৎ।”

কেহ গাহিতে লাগিল, কেহ প্রণাম করিতে লাগিল, কেহ পাঠ
করিতে লাগিল, কেহ প্রচার কবিত্তে লাগিল, —এই ভাবে
আনন্দোৎসব আরম্ভ কবিয়া দিল।

সুগ্রীব রাম দাম্পত্যের নিকট উপবিষ্ট ছিলেন। দধিমুখ সেই
স্থানে উপস্থিত হইয়া বানরাধিপতির পদ ধরিয়া কাদিতে আরম্ভ
করিল। তিনি অভয় দিয়া তাঁহার এই শোকের কারণ জিজ্ঞাসা
করাতে সে সমস্ত কথা জ্ঞাপন করিল। সুগ্রীব বলিলেন, “সীতা-
বৈষণতৎপর বানব সম্প্রদায় নিতান্ত হতাশ ও দুঃখান্বিত হইয়া দিন
যাপন করিতেছে। তাঁহাদের অকস্মাৎ এ ভাবান্তর কেন? তাঁহারা
অবশ্য কোন সুখ-সংবাদ পাইয়াছে, হয় ত সীতার খোঁজ করিয়া
আসিয়াছে।” সহসা এই সুখের পূর্বাভাস প্রাপ্ত হইয়া রামচন্দ্র
বিন্দুমাত্র অমৃত পানে তুষাতুন যেকপ আবও পাইবার জন্য ব্যাকুল
হইয়া উঠে, তেমনই আগ্রহান্বিত হইয়া উঠিলেন, সুগ্রীবোক্ত এই
কর্ণসুখ-বাণী তাঁহাকে সীতার সংবাদ প্রাপ্তির উত্তর প্রাপ্ত করিল।

তৎপরে সুগ্রীবের আজ্ঞাক্রমে বানর সকল সেই স্থানে আগ-
মন করিল। হনুমান রামচন্দ্রের নিকট অভিজ্ঞানমণি দিয়া সীতার
অবস্থা বর্ণন করিল—

“অধঃশয়া বিনর্গাস্তী পদীনীব হিমাগমে।”

সীতাব মৃত্তিকা-শয্যা, অঙ্গ বিবর্ণ হইয়াছে, —তিনি শীত-ক্লিষ্টা পদ্মিনীর মত হইয়া গিয়াছেন । রাম সেই মণি বক্ষে ধারণ করিয়া বাগকের গ্রায় কাঁদিতে লাগিলেন, সেই মণির স্পর্শে যেন সীতার অঙ্গস্পর্শের সুখ অনুভব করিলেন, স্ত্রীকে বলিলেন,—“বৎস-দর্শনে যেকপ ধেনুর পয়ঃ আপনা আপনি ক্ষবিত হয়, এই মণির দর্শনে আমার হৃদয় সেইরূপ স্নেহাতুর হইয়াছে ।” পুনঃ পুনঃ হনুমানকে জিজ্ঞাসা করিতে লাগিলেন—“আমার ভামিনী মধুর কণ্ঠে কি কহিয়াছেন, তাহা বল । রোগী যেরূপ ঔষধে জীবন পায়, সীতাব কথায় আমার সেইরূপ হয়—

“দুঃখাৎ দুঃখতরং প্রাপ্য কথং জীবতি জানকী ।”

দুঃখ হইতে অধিকতর দুঃখে পড়িয়া সীতা কেমন করিয়া জীবন ধারণ করিতেছেন ?”

হনুমানের নিকট সমস্ত অবস্থা অবগত হইয়া রামচন্দ্র বলিলেন, “এই অপূর্ব সুখাবহ সংবাদ প্রদানের প্রতিদানে আমি কি দিব, আমার কি আছে ? আমার একমাত্র আয়ত্ত পুরস্কার তোমাকে আলিঙ্গন দান” এই বলিয়া সাক্ষনেতে রামচন্দ্র তাহাকে আলিঙ্গন করিলেন ।

কিন্তু হনুমান লক্ষাপুরীর যে বর্ণনা প্রদান করিল, তাহা আশঙ্কা-জনক । বিশাল লক্ষাপুরীর চারিদিক ঘিরিয়া বিমানস্পর্শী প্রাচীর,—তাহার চারিটি সুদৃঢ় কপাট, সেইখানে নানা প্রকার বজ্র-নির্মিত অস্ত্রাদি রক্ষিত, সেই প্রাচীর পার হইলে ভয়ঙ্কর পরিখা,—তাহাতে নত্র কুন্তীরাতি বিরাজ করিতেছে । সেই পরি-

থার উপর চারিটি যন্ত্রনির্মিত সেতু । প্রাতিপক্ষীয় সৈন্য সেই সেতুর উপরে আরোহণ করিলে যন্ত্রবলে তাহারা পরিথার নিষ্কিণ্ত হইয়া থাকে । যন্ত্রকৌশলে সেই সকল সেতু ইচ্ছানুসারে উত্তোলিত হইতে পারে,—একটি সেতু অতি বিশাল, তাহার বহু-সংখ্যক সূদৃঢ় ভিত্তি স্বর্ণমণ্ডিত । ত্রিকুট পর্বতের উপরে অবস্থিত লঙ্কা-পুৰী দেবতাদিগেরও অগম্য । শত শত বিকৃতমুখ, পিঙ্গলকেশ, শেল ও শূলধারী রাক্ষস-সৈন্য সেই বিরাট প্রাচীর ও পরিথার প্রবেশপথ রক্ষা করিতেছে । তৎপর লঙ্কাপুরীর বীরগণের পরাক্রম,—তাহাদের কেহ ঐরাবতের দন্তোৎপাটন করিয়াছে, কেহ যমপুৰী অবরোধ করিয়া যমরাজকে শাসন করিয়াছে । এই বিশাল, দুর্ভাগম্য লঙ্কাপুরী হইতে সীতাকে উদ্ধার করিতে হইবে । শত্রুপক্ষ তাহাদের আগমনের পূর্বাভাষ প্রাপ্ত হইয়া সাবধান হইয়াছে । রামচন্দ্র সূগ্রীবের সমস্ত সৈন্যসহ পার্কৃত্যপথে সমুদ্রের উপকূলবর্তী হইতে লাগিলেন । পথে ক্রমরাজি অপরিয়াপ্ত পুষ্প ও ফলসম্ভারে সমৃদ্ধ । কিন্তু রাম সৈন্যদিগকে সাবধান করিয়া দিলেন, পরীক্ষা না করিয়া যেন কেহ কোন ফলের আশ্বাদ গ্রহণ না করে, কি জানি যদি রাবণের গুপ্তচরগণ পূর্বেই তাহা বিযাক্ত করিয়া থাকে । এই সময়ে জ্যেষ্ঠ ভ্রাতা কর্তৃক অপমানিত বিভীষণ আসিয়া রামচন্দ্রের শরণাপন্ন হইলেন । তাহাকে গ্রহণ করা সম্বন্ধে অধিকাংশেরই নানা আশঙ্কাজনিত অমত প্রকাশিত হইল, বিশেষতঃ অজ্ঞাতাচার শত্রুপক্ষীয়কে স্বীয় শিবিরে স্থান দেওয়া সম্বন্ধে সূগ্রীব নিতান্তই প্রতিবাদ করিলেন, কিন্তু

রামচন্দ্র কোন ক্রমেই শরণাগতকে প্রত্যাখ্যান করিতে সম্মত হইলেন না ।

সমুদ্রের উপকূলবর্তী হইয়া বিশাল সৈন্য অসীম জলরাশির অনন্ত প্রসারিত ক্রীড়া দক্ষ্য করিল । কোথাও জলরাশি ফেন-রাজিবিরাজিত ওষ্ঠে কি উৎকট অট্ট হাস্য করিতেছে, — কোথাও একাও উন্নি সহকারে কি উদগ্ৰ নৃত্য করিতেছে ? তিমি, তিমিঙ্গিল প্রভৃতি জলানুরগণের আন্দোলনে ইহা গাঢ়রূপে আবর্তিত ; — বায়ুদ্বারা উদ্ধৃত হইয়া বিপুল সলিলাবক্ষ যেন আকাশকে প্রগাঢ় পবিরস্ত্রণ করিয়া আছে । অনন্ত সমুদ্রের একমাত্র উপমা আছে, সেই উপমা আকাশ, এবং আকাশের উপমা সমুদ্র । উভয়েই বায়ু কর্তৃক আলোড়িত হইয়া অনন্তকাল দিগন্তবিপ্রান্ত শব্দে কি মজ সাধন করিতেছে, সমুদ্রের উন্নি আকাশের মেঘ, সমুদ্রের মুক্তা, আকাশের তারা কে গণিয়া শেষ করিবে ? সমুদ্র আকাশে মিশিয়াছে, আকাশ সমুদ্রে মিশিয়াছে । অনন্তকাল হইতে আকাশ ও সমুদ্র দিগন্তগণের অঞ্চল আশ্রয় করিয়া যেন পরস্পরের সঙ্গে ঘনীভূত সংস্পর্শ লাভের চেষ্টা করিতেছে । এই বিপুল সমুদ্রের অগাধ তলদেশ নত্র কুণ্ডীরাতির নিকেতন । উন্নিগণের সঙ্গে স্বাক্ষর অনন্ত ক্ষেত্রে যেন প্রলাপ কথোপকথন চলিতেছে । মৌন বিষ্ময়ে তীরে দাঁড়াইয়া অসংখ্য স্তম্ভীবসৈন্য ভীতচক্ষে এই অসীম জলরাশি দর্শন করিতে লাগিল, ইহা উত্তীর্ণ হইবে কিরূপে ?

রামচন্দ্র স্বীয় পরিঘসজ্জা দক্ষিণ বাহু তাঁহার উপাধান করি-

নেন । যে বাছ একদা অগন্ধি চন্দন ও বিবিশ অঙ্গরাগে সেবিত
হইত, যে বাছ চর্মাচ্ছাদনশোভী অকোমল শয্যাগ থাকিতে
অভ্যস্ত,—যাহা অনন্ত-সহায়ী সীতার বিশ্রান্ত আদ্যাপ ও নিদ্রার
চির-বিশ্রান্ত উপাধান, যাহা শত্রুগণের দর্পহাবী ও অহুদগণের চির-
আনন্দ ও অবলম্বন, যাহা সহস্র গোদানের পুণ্য পবিত্র, সেই
মহাবাহু-মূলে শিব রক্ষা করিয়া কুশ-শরনে রামচন্দ্র তিন রাত্রি তিন
দিন অনশনব্রত অবলম্বন করিয়া মৌনভাবে যাপন কবেন,—

“অদ্য মে মরণং বাপি তরণং সাগরস্ত বা ।”

“আজ আগি সমুদ্র উত্তীর্ণ হইব, নতুবা প্রাণ বিসর্জন দিব,”
এই তপস্তা করিয়া সেতুবন্ধনোদ্দেশ্যে সমুদ্রের উপাসনা করেন ।
রামায়ণে বর্ণিত আছে, সমুদ্র এই তপস্তায়ও তাঁহাকে দর্শন না
দেওয়াতে রামচন্দ্র ধনু দাঁইয়া সাগরকে শাসন করিতে উদ্যত হন,
তাঁহার বিরাট ধনু নিঃসৃত অভ্রম্বর শরজালে শঙ্কশক্তিকাপূর্ণ
মগ্নশৈলমালাবৃত মহাসমুদ্র ব্যথিত ও কম্পিত হইয়া উঠিলেন ।
তখন গঙ্গা, সিন্ধু প্রভৃতি নদীনদপরিবৃত রক্তমায়াধরব, কিরীট-
চ্ছটাঙ্গীর্ণ শুভকুণ্ডল সমুদ্র ক্রুদ্ধাঙ্গনি হইয়া তাঁহার নিকট উপস্থিত
হন, এবং সেতু-বন্ধের উপায় বলিয়া দেন ।

বিশাল সমুদ্রব্যাপী বিশাল সেতু নির্মিত হইল । সেতু বক্র
না হয় এই জন্য নৈঋতগণের কেহ সূত্র ধরিয়া, কেহ বা মানদও
ধরিয়া দণ্ডায়মান থাকিত । শিলা ও বৃক্ষ প্রভৃতি উপাদানে নীল
অঙ্গ সময়ে এই সেতু গঠন সম্পন্ন করেন । সেতু রচিত হইলে
রামচন্দ্র সসৈন্য লঙ্কাপূর্বীতে প্রবিষ্ট হইয়া সীতার জন্য ব্যাকুল

হইয়া পড়েন । “যে বায়ু তাঁহাকে স্পর্শ করিতেছে তাহা আমাকে স্পর্শ করিয়া পবিত্র কর ; যে চন্দ্র আমি দেখিতেছি, তিনিও হয় ত সেই চন্দ্রের প্রতি অশ্রুসিক্ত দৃষ্টি বদ্ধ করিয়া উন্মাদিনী হইতেছেন—

“রাজিন্দিবং শরীরং মে দহতে মদনায়িনা ।”

দিন রাত্র আমি তাহার বিবহেব অগিতে দগ্ধ হইতেছি ।

“কদা স্ফুটানদন্তোষ্ঠং তস্তা পদ্মসিবাননম্ ।

ঈষচ্ছন্নমা পশ্যামি রসায়নসিবাভুরং ॥”

“কবে তাঁহার স্ফুটান দন্ত ও অধরযুগা, তাঁহার পদ্ম তুল্য স্নন্দর মুখ, ঈষৎ উত্তোলন করিয়া দেখিব,—নোগীর পক্ষে ঔষধের ন্যায় সেই দর্শন আমাকে পরম শান্তি দান করিবে ।”

ইহার পরে যুদ্ধ আরম্ভ হইল । রাবনের মন্ত্রিগণ তাঁহাকে নানারূপ পরামর্শ দিল ; এক জন বলিল “এক দল রাজসৈন্য মনুষ্যসৈন্যের বেশ ধারণপূর্বক রামচন্দ্রের নিকট যাইয়া বলুক, “ভরত আপনার সাহায্যার্থে আগাদিগকে পাঠাইয়াছেন” এই ভাবে তাহারা রামসৈন্যের মধ্যে প্রবিষ্ট হইয়া অনায়াসে তাহাদিগের বিনাশ সাধন করিতে পারিবে । রাবণ স্ত্রীকে সৈন্য রামের পক্ষ হইতে বিচ্যুত করিয়া স্বীয় পক্ষভুক্ত করিবার জন্য অনেক প্রকার প্রলোভন প্রদর্শন করিয়াছিল, বলা বাহুল্য তাহার এই উদ্দেশ্য সিদ্ধ হয় নাই । রাবণের নিযুক্ত গুপ্তচরগণ নানারূপ ছদ্মবেশ ধারণপূর্বক রামচন্দ্রের সৈন্যসংখ্যা ও বাহুপ্রণালী দেখিয়া যাইতে লাগিল । তাহারা ধৃত হইলে বানরগণ তাহাদিগকে গ্রহণ করিতে থাকিত, কিন্তু রামচন্দ্র তাহাদিগকে ছাড়িয়া দিতেন ।

সুগ্রীব ও বিভীষণ তাহাদিগকে হত্যা করিবার পরামর্শ দিতেন—
 “ইহারা দূত নহে, ইহারা গুপ্ত চর, সুতরাং ইহারা যুদ্ধ-নিয়মানু-
 সারে বধার্হ;” কিন্তু রামচন্দ্র তাহাদের কথা শুনিতেন না, শরণাপন্ন
 হইলে অমনি তাহাদিগকে মুক্ত করিয়া দিতে আদেশ করিতেন ।
 এক জন গুপ্তচর এই ভাবে দণ্ডের জন্য তাঁহার নিকট আনীত
 হইয়া শরণাপন্ন হইলে তিনি বলিয়াছিলেন—“তুমি আগাদিগের
 সৈন্যসংখ্যা ভান করিয়া দেখিয়া যাও, তোমার প্রভু দে উদ্দেশ্যে
 তোমাকে পাঠাইয়াছেন, আমি তাহার সাহায্য করিতেছি, তুমি
 আমার ব্যুহসংস্থান ও ছিদ্রাদি যাহা কিছু আছে, দেখিয়া যাও,
 যদি নিজে সব বুঝিতে না পার, আমার অনুজ্ঞাক্রমে বিভীষণ
 তোমাকে সকলই দেখাইবে ।” রামচন্দ্র এইরূপ নীতি অবলম্বন
 করিয়া ধর্মযুদ্ধে বাগ্গসগণকে নিহত করিয়াছিলেন । একদিনকার
 উৎকট যুদ্ধে রাবণ একান্ত হতশ্রী হইয়া পড়িয়াছিল ; বাগ্গসাধি-
 পতি লক্ষ্মণকে বিধ্বস্ত ও রামের বহু সৈন্য নষ্ট করিয়া অবশেষে
 রামচন্দ্র কর্তৃক পরাস্ত হইলেন । তাঁহার কিরীট কণ্ঠিত হইয়া
 মৃত্তিকায় পড়িয়াছিল, তাহার মস্তকোর্ধ্বে ধৃত হেমচ্ছত্র শীর্ণ-
 শলাকা হইয়া বিধ্বস্ত হইয়াছিল, রামচন্দ্রের বাণদিগ্ধাজ হইয়া
 রাবণ পলাইবার পন্থা প্রাপ্ত হন নাই, এমন সময় রামচন্দ্র তাঁহাকে
 বলিলেন,—“বাগ্গস, তুমি আমার বহু সৈন্য নষ্ট করিয়া যুদ্ধে
 একান্ত পরিত্রাস্ত হইয়াছ । আমি পরিত্রাস্ত শত্রু পীড়ন করিতে
 ইচ্ছা করি না, তুমি অদ্য রজনীতে গৃহে প্রত্যাবর্তন করিয়া বিশ্রাম
 লাভ কর, কল্য সবল হইয়া আসিয়া পুনরায় যুদ্ধ করিও ।”

লক্ষণ বাবণের শোনে মুমূর্ষু,—রামের সৈন্তগণের মধ্যে কেহ সেই হৃদয়ভেদী শেল উঠাইতে সাহসী হইল না,—পাছে সেই চেষ্টায় লক্ষণ প্রাণত্যাগ করেন। রামচন্দ্র গদাঘাত নেন্ত্রে সেই শেল উঠাইয়া ভাঙ্গিয়া ফেলিলেন, এবং মুমূর্ষু লক্ষণকে বক্ষে রাখিয়া তাঁহাকে শত্রুহস্ত হইতে বক্ষা করিতে লাগিলেন। সে সময়ে বাবণের শরনিকবে তাঁহার পৃষ্ঠদেশ ছিন্ন হইয়া যাইতেছিল, ভ্রাতৃবৎসল তৎপ্রতি দৃষ্টিপাতও করেন নাই।

ইন্দ্রজিৎকর্তৃক মারা-সীতার কর্তনসংবাদ শুনিয়া রামচন্দ্র সংজ্ঞাশূন্য হইয়া পড়িয়াছিলেন। তখন সৈন্তগণ তাঁহাকে ঘিরিয়া পদ্ম ও ইন্দীবর গন্ধী স্নিগ্ধজলধারা-দ্বারা তাঁহার চৈতন্য সম্পাদনের চেষ্টা পাইতেছিল, তিনি চক্ষুরুন্মীলন করিয়া শুনিলেন, বিতীষণ বলিতেছেন “এ সীতা গায়াসীতা,—প্রকৃত নহে, সীতা অশোক বনে স্তম্ভ আছেন।” রাম ইহা শুনিয়া বলিলেন, “তুমি কি বলিতেছ তাহা আমার মস্তিষ্কে প্রবেশ করিতেছে না, আমি কিছুই বুঝিলাম না, তুমি আবার বল” শোক-মুহূর্ত্তান রামের এই মৌন অথচ করুণ দৃষ্টিটি বড় মর্ম্মস্পর্শী।

ভীষণ যুদ্ধে দুর্দান্ত রাক্ষসগণ একে একে প্রাণত্যাগ করিল। অতিকাগ, ত্রিশিরা, নবাস্তক, দেবাস্তক, মহাপাশ্ব, মহোদর, অকম্পন, কুস্তকর্ণ, ইন্দ্রজিৎ প্রভৃতি মহারথিগণ সমরারঙ্গে পতিত হইল,—তুই বার রামচন্দ্র ইন্দ্রজিৎের প্রচ্ছন্ন যুদ্ধে পরাস্ত হইয়াছিলেন, কিন্তু দৈব বলে অব্যাহতি লাভ করেন। এই যুদ্ধে রাক্ষসগণ কোন বিনয়-সূচক কথা রামচন্দ্রকে বলে নাই,—যে

সকল ভক্তির কথা কুন্তিবাস, তুলসীদাস প্রভৃতি কবিকৃত প্রচলিত রামায়ণে স্থান পাইয়াছে, তাহা মূল কাব্যে নাই। ভীষণ যুদ্ধক্ষেত্র যে কিরূপে ভক্তির তীর্থবাগে পরিণত হইতে পারে, অশ্রময় রণক্ষেত্র যে অশ্রময় হইয়া উঠিতে পারে, ইহা কাব্য-জগতের এক অসামান্য প্রাহেলিকার মত বোধ হয়, তাহা আমরা শুধু বাঙ্গালা ও হিন্দী রামায়ণে পাইতেছি।

“রামরাবণয়োযুদ্ধং রামরাবণয়োবিব ।”

রাম রাবণের যুদ্ধ রাম রাবণের যুদ্ধেরই মত, তাহার অন্য উপমা হইতে পারে না। রাবণের সঙ্গে শেষ যুদ্ধ অতি ভীষণ ; উভয়ের করাল জ্যানিঃমৃত বাণজ্যোতিতে দিগ্ভাঙল আলোকিত হইয়া গেল। দিগ্ধু-গণের মুক্ত কেশকলাপে বাণাগ্নির দীপ্তি প্রতিভাত হইতে লাগিল এবং অদ্ভুত দৈরথ যুদ্ধে পরিভ্রী বাদ্রংবার কম্পিতা হইলেন। কোনরূপেই রাবণকে বিনষ্ট করিতে না পারিয়া রামচন্দ্র ক্ষণকাল চিত্র-পটের ছায় নিম্পন্দ হইয়া রহিলেন। অগস্ত্যধাযির উপদেশানুসারে রামচন্দ্র এই সময় সূর্য্যদেবের স্তব-সূচক মন্ত্র ধ্যান করিতে প্রবৃত্ত হইলেন—“হে তমোন্ন, হে হিময়, হে শক্রয়, হে জ্যোতিপতি, হে লোকসাক্ষি, হে ব্যোমনাথ,” এইরূপ ভাবে মন্ত্র জপ করিতে করিতে সহসা তাঁহার দেহ হইতে নব-শক্তি ও তেজ বিচ্ছুরিত হইতে লাগিল ; এইবার রাবণের আয়ু ফুরাইল।

রাবণ-বধ সম্পাদিত হইল। যে রামচন্দ্র সীতার ওহু এতদিন উন্নতপ্রায় ছিলেন, রাবণ বিনাশের পর তাঁহার সেই ব্যাকুলতা

যেন সহসা ক্রাস পাইয়া । তাঁহার অতীত প্রেমোচ্ছ্বাস স্মরণ করিয়া মনে হয় যেন রাবণ-ববের পরে তিনি অশোকবনে ছুটিয়া বাইয়া পূর্ণচন্দ্রনিভাননা সীতাকে দেখিয়া জুড়াইবেন । কিন্তু সহসা একটি শাস্ত অচঞ্চল ভাব পরিগ্রহ করিয়া তিনি আশাদিগকে চমৎকৃত করিয়া দিতেছেন । তিনি রাবণের সংকারের জন্য বিভীষণকে স্বরাসিত হইতে উপদেশ দিলেন, চন্দন ও অম্বর কাঠে রাক্ষসাবিপতির দেহ ভগ্নীভূত হইল । রাম বিভীষণকে রাজ-সিংহাসনে অভিষিক্ত করিলেন । এই সমস্ত অনুষ্টানের পরে, হনুমানকে অশোক বনে পাঠাইয়া দিলেন—সীতাকে আনিবার জন্য নহে,—তিনি রাবণকে নিহত করিয়া সসৈন্তে কুশলে আছেন, এই সংবাদ দেওয়ার জন্য । হনুমানকে বলিয়া দিলেন,—রাক্ষসরাজ বিভীষণের অনুমতি লইয়া যেন সে অশোক-বনে প্রবেশ করে ।

হনুমান এই শুভ সংবাদ প্রদান করিলে সীতা হর্ষোচ্ছ্বাসে কিছুকাল কোন কথাই বলিতে পারেন নাই । তাঁহার দুইটি পদাপলাশসুন্দর চক্ষুতে অশ্রুবেগ উচ্ছ্বসিত হইয়া উঠিয়াছিল এবং তাঁহার শোকপাগুর উপবাসক্লেশ মুখখানি এক নবস্ত্রীতে শোভিত হইয়াছিল । হনুমান যখন বলিল, “আপনার কি কিছু বদাবার নাই ?” তখন দীনহীনা জনককুহিতা বলিলেন, “পৃথিবীতে এমন কোন ধন রত্ন নাই, যাহা দান করিয়া আমি এই শুভ সংবাদের আনন্দ বুঝাইতে পারি ।” যে সকল রাক্ষসী সীতাকে নানারূপ বজ্রা দিয়াছিল, হনুমান তাহাদিগকে নিধন করিতে উদাত্ত হইলে সীতা তাহাকে বারণ করিলেন—“ইহাদের প্রভুর নিয়োগে ইহারা

আমাকে যে কষ্ট দিয়াছে, তজ্জন্তু ইহা বা দণ্ডাই নহে ।” বিদায়-কালে সীতা হনুমানকে দিয়া বলিয়া পাঠাইলেন,—তিনি স্বামীর পূর্ণচন্দ্রানন দেখিবার অনুমতি ভিক্ষা করেন । হনুমান সীতার কথা রামচন্দ্রকে বলিলেন—

“নাহি শোকসমাবিষ্টা বাঙ্গপৰ্য্যাকুলেক্ষণা ।

সৈথিলী বিজয়ং শ্রদ্ধা জষ্টুং তামভিকাজ্জতি ॥”

“শোকাভূবা অশ্রুগুথী সীতা বিজয়বার্ত্তা শুনিয়া আপনাকে দেখিতে অভিলাষ কনিতেছেন ।” সীতার এই অনুমতি প্রার্থনার কথা শুনিয়া রামচন্দ্র গভীর হইলেন, অকস্মাৎ তাহার হৃদয় উচ্ছলিত হইয়া চক্ষে এক বিন্দু অশ্রু দেখা দিল, কিন্তু তিনি তাহা রোধ করিলেন ; মৃত্তিকার দিকে দৃষ্টিবদ্ধ করিয়া রহিলেন, তখন একটি গভীর মর্শ্ববিদারী শ্বাস ভূতলে পড়িত হইল । তৎপর বিভীষণের দিকে দৃষ্টিপাত করিয়া বলিলেন, “সীতার কেশকলাপ উত্তমরূপে মার্জ্জনা করিয়া তাহাকে সুন্দর বস্ত্রাঙ্কারে সজ্জিত করিয়া এখানে আনিতে অনুমতি করুন, আমি তাহাকে দেখিতে ইচ্ছা করি ।”

বিভীষণ স্বয়ং রামের কথা সীতাকে জানাইলে, অশ্রুপূরিত চক্ষে সীতা বলিলেন ।—

“অস্নাতা জষ্টু মিচ্ছামি ভর্ত্তারং নাক্ষসেশ্বর ॥”

“আমি যে ভাবে আছি, এইরূপ অস্নাত অবস্থায়ই স্বামীকে দেখিতে ইচ্ছা করি ।” কিন্তু বিভীষণ বলিলেন, “রামচন্দ্র বেক্ষপ অনুজ্ঞা করিয়াছেন, সেইরূপ ভাবে কার্য্য করাই আপনার উচিত ।”

তখন জটিল কেশকলাপের বহু দিনান্তে মার্জ্জনা হইল ।

দিব্যাস্বর পরিধানপূর্বক, সুন্দর ভূষণাদিতে বিভূষিত হইয়া আনোক-সামান্য ত্রীশানিনী সীতাদেবী শিবিকারোহণ করিয়া চণ্ডিমনে । সীতাকে দেখিবার ইচ্ছায় শত শত বানর ও রাক্ষস শিবিকার পার্শ্বে ভিড় করিল । বিভীষণ তাহাদিগকে অজস্র বৈত্রাঘাত করিতে লাগিলেন ; কিন্তু রামচন্দ্র ইহাতে ক্রুদ্ধ হইয়া বিভীষণকে বলিলেন, “বিপৎকালে, যুদ্ধে এবং স্বয়ংবরস্থলে পুরাঙ্গনাদের দর্শন দুষণীয় নহে । সীতার স্থায় বিপদাপন্ন ও দুঃস্থ কে আছে ? তাহাকে দেখিতে কোন বাধা নাই, সীতাকে শিবিকা ত্যাগ করিয়া পদ-ব্রজে আমার নিকট আসিতে বলুন ।” এই কথায় বিভীষণ, অগ্রীব ও দক্ষণ অত্যন্ত দুঃখিত হইলেন । সেই বিশাল সৈন্য-মণ্ডলীর মধ্যবর্তী নাতিপরিসর পথ দিয়া শত শত দৃষ্টির পাত্রী লজ্জায় বেপথুমানা তন্বী সীতাদেবী রামচন্দ্রের সম্মুখে উপস্থিত হইয়া চিরজন্মিত দয়িতের মুখচন্দ্র দর্শন করিলেন ।

রামচন্দ্র বলিলেন—“অদ্য আমার শ্রম সফল, যে ব্যক্তি অপমানিত হইয়া প্রতিশোধ না নেয়, সে পৌরুষশূন্য, কুপার্ব । অদ্য হনুমানের সমুদ্র ভাঙন, অগ্রীব, বিভীষণ এবং সৈন্যবৃন্দের পরিশ্রম সার্থক ।” এই কথায় সীতাদেবীর মুখপদ্মজ হর্ষরাগে রক্তিমাত্ত হইয়া উঠিল, তাহার চক্ষু আনন্দাশ্রু উচ্ছলিত হইল । কিন্তু—

• “জনবাদভয়াজাজ্ঞো যতুব হৃদয়ং দ্বিধা ।”

লোকনিন্দা ভয়ে রামচন্দ্রের হৃদয় দ্বিধা হইতে লাগিল, তিনি বহু কষ্টে হৃদয়ের আবেগ সম্বরণ করিয়া বলিলেন—“আমি মানা-কাজী, রাবণ আমার অপমান করাতে তাহার প্রতিশোধ লই-

যাছি । পবিত্র ইক্ষ্বাকুবংশের গৌরব বক্ষার্থ আমি যুদ্ধে রাক্ষসকে নিহত করিয়াছি, কিন্তু তুমি রাক্ষসগৃহে ছিলে, আমি তোমার চরিত্রে সন্দেহ করিতেছি । তুমি আমার চক্ষের পবন প্রীতির সামগ্রী, কিন্তু নেত্র-রোগী যেক্ষণ দীপের জ্যোতি সহ্য করিতে পারে না, তোমাকে দেখিয়া আমি সেইরূপ কষ্ট পাইতেছি । এক্ষণ পৌরুষবর্জিত ব্যক্তি কে আছে যে শত্রুগৃহস্থিতা স্বীয় স্ত্রীকে পুনশ্চ গ্রহণ করিয়া স্থখী হয় ! তুমি রাবণের অঙ্কক্লিষ্টা, রাবণের দৃষ্ট চক্ষে দৃষ্টা, তোমাকে গৃহে লইয়া গেলে আমার পবিত্র গৃহের কলঙ্ক* হইবে । আমি যে সূহৃদগণের বাহুবলে এই যুদ্ধে বিজয় লাভ করিলাম, ইহা তোমার জন্ত নহে । আমার বংশের গৌরব রক্ষা করিয়াছি । এইক্ষণে এই দশদিক্ পড়িয়া আছে, তুমি সেখানে ইচ্ছা সেখানে যাও । লক্ষ্মণ, ভরত, সুগ্রীব কিম্বা বিভীষণ, ইহাদের যাহাকে অভিরুচি, তাহারই উপর মনো-নিবেশ কর ।”

* রামের এই কথায় সীতার মন কিরূপ হইল, তাহা অনুভব-নীয় । চতুর্দিকে মহাসৈন্যসমূহ, সহস্র কর্ণ বিগ্নয়ে রামের এই কথা শুনিয়া ব্যথিত হইল । ঘোর লজ্জায় সীতা অবনত হইলেন, লজ্জায় যেন নিজের শরীরের ভিতরে প্রবেশ করিতে চাহিলেন ; কিন্তু তিনি ক্ষত্রিয়-রমণী, অপ্রতিম তেজস্বিনী ; চক্ষুধাবী অশ্রু-রাশি এক হস্তে মার্জনা করিয়া গদগদ-কণ্ঠে স্বামীকে বলিলেন—
“তুমি আমাকে এই ত্রাতিকঠোর ছরক্ষর কথা কেন বলিতেছ ? এই ভাবের কথা ইতর ব্যক্তিগণ তাহাদিগের স্ত্রীদিগকে বলিলে শোভা

পায়, দৈববশে আমার গাত্রসংস্পর্শ দোষ হইয়াছে, তজ্জন্ত আমি অপরাধিনী নহি, আমার মনে সর্বদা তুমি বিবাজিত আছ। যদি তুমি আমাকে গ্রহণ করিবে না বলিয়াই স্থির করিয়াছিলে, তবে প্রথম যখন হনুমানকে দক্ষায় পাঠাইয়াছিলে, তখন এ কথা বলিয়া পাঠাও নাই কেন? তাহা হইলে তোমাকর্তৃক পরিত্যক্ত এই জীবন আমি তখনই ত্যাগ করিতাম। তাহা হইলে তোমার ও তোমার স্নহদ্বর্গের এই শ্রম স্বীকার করিতে হইত না।” এই বলিয়া সাশ্রুনেত্রে দক্ষাণের দিকে চাহিয়া বলিলেন, “দক্ষাণ, তুমি চিতা সজ্জিত করিয়া দাও। আমি আর এই অপবাদকলঙ্কিত জীবন বহন করিতে ইচ্ছা করি না।” দক্ষাণ রামের মুখের দিকে চাহিয়া অসম্মতির কোন দক্ষণ পাইলেন না। চিতা সজ্জিত হইল, সীতা অধোগুথে স্থিত ধনুষ্পাণি রামচন্দ্রকে প্রদক্ষিণ করিয়া জলন্ত অগ্নিতে শরীর আহুতি প্রদান করিলেন। অগ্নি-প্রবেশের পূর্বে সীতা বলিয়াছিলেন—“আমি রাম ভিন্ন অন্য কাহাকেও মনে চিন্তা করি নাই, হে পবিত্র সর্ব-সাক্ষী ছত্ৰাশন, আমাকে আশ্রয় দান কর। আমি শুদ্ধচরিত্রা, কিন্তু রামচন্দ্র আমাকে ছুঁষ্টা বলিয়া জানিতেছেন, অতএব হে বহি, আমাকে আশ্রয় দান কর।”

অগ্নিতে স্বর্ণপ্রতিমা বিলীন হইয়া গেল। সাশ্রুনেত্রে রাম মুহূর্তকাল শোকাতুর হইয়া পড়িলেন; তখন অগ্নি সীতাকে রামের নিকট ফিরাইয়া দিয়া গেল। দেবগণ স্বর্গ হইতে নামিয়া আসিয়া রামচন্দ্রের নিকট সীতা সম্বন্ধে নানা কথা বলিতে লাগি

লেন । রামচন্দ্র সীতাকে পুনঃ পাইয়া হৃষ্ট হইয়া বলিলেন “সীতা শুদ্ধচরিত্রা এবং সতীত্বের প্রভাৱ আশ্রয় করা করিয়াছেন, তাহা আমি মনে জানিয়াছি । যদি আমি প্রাপ্তি-মাত্রই সীতাকে গ্রহণ করিতাম, তবে লোকে আমাকে কামপরায়াণ বলিত এবং কোন প্রকার বিচার না করিয়া জৈণতা বশতঃ ইহাকে গ্রহণ করিয়াছি, এই অপবাদ প্রচারিত হইত ।

“বিশুদ্ধা ত্রিষু লোকেষু মৈথিলী জনকাজ্ঞা”—

“সীতা ত্রিলোকের মধ্যে বিশুদ্ধা” ইহা আমি অবগত আছি ।

তৎপরে দেবগণ তাঁহাকে—

“ভবনারায়ণো দেবঃ শ্রীমাংসচক্রায়ুধঃ প্রভুঃ ।”

“আপনি স্বয়ং চক্রধারী নারায়ণ ।” ইত্যাদিরূপ স্তোত্র দ্বারা অভিনন্দিত করিয়া স্বর্গে প্রস্থান করিলেন ।

তৎপরে সভ্রাতা ও সঙ্গীক রামচন্দ্র পুষ্পক রথারোহণ পূর্বক বিভীষণপ্রমুখ রাক্ষসবৃন্দ ও অঙ্গীবপ্রমুখ বানরসৈন্যপরিবৃত হইয়া অমোধ্যাভিমুখে যাত্রা করিলেন । পথে সীতার ইচ্ছানুসারে কিস্কিন্দ্যার পুরজীবর্গকে রথে তুলিয়া লইলেন । বিজয়ী রামচন্দ্রকে লইয়া পুষ্পকরথ আকাশ-পথে চলিতে লাগিল । সমুদ্রের তীর-নিষেবিত অস্মিদ্ধ বায়ুপ্রবাহ পর্যাপ্ত কেতকীরেণু আকাশে ব্যাপ্ত করিতে লাগিল, সীতার সুন্দর মুখ সেই পুষ্পরেণুসংচ্ছন্ন হইল ; দূরে তমালতালশোভী সমুদ্রের বেলাভূমি ক্ষীণ হইতে ক্ষীণতর রেখায় দৃশ্যমান হইতে লাগিল । রামচন্দ্র সীতাকে রথ হইতে চিরপরিচিত দণ্ডকারণের নানা স্থান দেখাইয়া পূর্বকথা তাঁহার

স্মৃতিতে জাগরিত করিতে লাগিলেন ; এই স্থানের সংক্ষিপ্ত বর্ণনা বিস্তারিত করিয়াই কালিদাস রঘুবংশের অপূৰ্ণ ত্রয়োদশ-সর্গের সৃষ্টি করিয়াছেন ।

বন-গমনের ঠিক চতুর্দশ বর্ষ পরে রামচন্দ্র ভরদ্বাজের আশ্রমে উপস্থিত হইলেন । সেখানে বাইয়া শুনিলেন, ভরত তাঁহার পাছুকার উপর রাজচ্ছত্র ধারণ করিয়া প্রতিনিধিস্বরূপ নন্দীগ্রামে রাজ্য শাসন করিতেছেন । ভরদ্বাজের আশ্রম হইতে রামচন্দ্র হনুমানকে ছদ্মবেশে ভরতের নিকট গমন করিতে অনুজ্ঞা করিলেন । পথে শৃঙ্গবের পুরাধিপতি গুহককে তিনি তাঁহার আগমন-সংবাদ দিয়া যাইতে বলিলেন । হনুমানকে ভরতের নিকট তাঁহার যুদ্ধবৃত্তান্ত, সীতা-উদ্ধার এবং বিভীষণ ও অশ্বীনের বিরাট মৈত্র-সৈন্য সহকারে অযোধ্যায় প্রত্যাগমনের কথা বলিতে কহিয়া শেষে বলিয়া দিলেন—“এই সকল কথা শুনিয়া ভরতের মুখভঙ্গী কিরূপ হয়, তাহা ভাল করিয়া লক্ষ্য করিও ।” কোনও রূপ অশ্রীতি-ব্যঞ্জক ভাব লক্ষিত হইলে তিনি অযোধ্যায় যাইবেন না, দীর্ঘকাল ধনধান্যশালিনী ধরিত্রী শাসন করিয়া যদি তাঁহার রাজ্য কামনা হইয়া থাকে, তাহা হইলে ভরতকেই রাজ্য প্রদান করিবেন ।

হনুমান পথে গুহকরাজকে রামাগমনের শুভ সংবাদ বিজ্ঞাপিত করিয়া অযোধ্যা হইতে এক ক্রোশ দূরবর্তী নন্দীগ্রামে উপস্থিত হইলেন । সে স্থানে বাইয়া—

“দর্শ ভরতং দীনং কুশসাম্রাজ্যমগ্নিনম্ ।

অটিলং মলদিক্কাঙ্গং ভ্রাতৃবাসনকর্ষিতম্ ॥

সমুন্নতজটাতারং বন্ধলাজিনবাসসম্ ।

নিয়তং ভাবিতাজ্ঞানং ব্রহ্মর্ষিসমতেজসম্ ॥

পাণ্ডকে তে পুরস্কৃতা প্রশাসন্তং বহুধরাম্ ।”

দেখিলেন ভরত দীন, ক্লশ এবং আশ্রমবাসী, তাঁহার শরীর অমার্জিত ও মলিন, তিনি ভ্রাতৃহুঃখে বিষম্ । তাঁহার মস্তকে উন্নত জটাতার এবং পরিধানে বন্ধল ও অজিন । তিনি সর্বদা আত্মবিষয়ক ধ্যানমগ্ন এবং ব্রহ্মর্ষির স্থায় তেজযুক্ত । পাণ্ডকার নিবেদন করিয়া বহুধবা শাসন করিতেছেন । হনুমান যাইয়া তাঁহাকে বলিলেন—

“বসন্তং দণ্ডকারণো যং ত্বং চীরজটাদরম্ ।

অনুশোচসি কাকুৎস্থং স ত্বাং কুশলমব্রবীৎ ॥”

“দণ্ডকারণ্যবাসী চীরজটাদর যে অগ্রজের জন্ত আপনি অনুশোচনা করিতেছেন, তিনি আপনাকে কুশল জানাইয়াছেন ।” রামের প্রত্যাগমনের সংবাদে ভরতের চক্ষে বহুদিনের নিরুদ্ধ অশ্রু উচ্ছ্বসিত হইয়া উঠিল, সমস্ত ভোগ বিলাস পরিত্যাগ করিয়া জটিল মনদিক্ষাঙ্গে তিনি যাহার জন্ত এতদিন কঠোর পারিত্রাজ্য পালন করিয়াছেন, যে রামের কথা স্মরণ করিয়া তাঁহার হৃদয় শতধা বিদীর্ণ হইয়াছে—এই চতুর্দশবর্ষব্যাপী কঠোর ব্রত পালনের ফলস্বরূপ সেই রামচন্দ্র গৃহপ্রত্যাগত হইতেছেন, এই সংবাদ শুনিয়া তিনি সাশ্রুনেত্রে হনুমানকে আনিজন করিয়া অগ্রজকে তাহাকে অভিযুক্ত করিলেন এবং তাহার জন্য বহু উপচারের সহিত বিবিধ মহার্ঘ পুরস্কারের ব্যবস্থা করিলেন ।

সমস্ত সচিববৃন্দপরিবৃত হইয়া ভরত রামচন্দ্রের সঙ্গে দেখা

করিতে যাত্রা করিলেন, তাঁহার ভট্টার উপরে শ্রীরামের পাছুকা, তদুদ্দেশ্যে ছত্রধর বিশাল পাণ্ডুর ছত্র ধারণ করিয়াছিল, ভারত যাইয়া রামকে বরণ করিয়া আনিলেন এবং স্বহস্তে রামের পদে পাছুকা পরাইয়া দিয়া শ্রাম স্বরূপ ব্যবহৃত রাজ্যভার অগ্রাজের হস্তে প্রদান করিয়া কৃতার্থ হইলেন ।

রামচন্দ্র শুভদিনে রাজ্যে অভিষিক্ত হইলেন, স্মৃগীবকে বৈদ্য ও চন্দ্রকান্ত মণিখচিত মহার্ষি কণ্ঠী উপঢৌকন দিলেন, অঙ্গদকে বিপুল যুক্তাহার উপহৃত হইল । সীতা নানারূপ ভূষণ ও বজ্রাদি পাইলেন । তিনি স্বীয় কণ্ঠ হইতে মহামূল্য কণ্ঠহার তুলিয়া বানরসৈন্যের প্রতি একবার দৃষ্টিপাত করিলেন । রামচন্দ্র বলিলেন, “তোমার যাহাকে ইচ্ছা তাহাকে ইহা উপহার দেও ।” সীতা সেই হার হনুমানকে প্রদান করিলেন ।

আমরা রামচন্দ্রের অভিষেক লইয়া এই আখ্যায়িকার মুখবন্ধ করিয়াছিলাম, তাঁহার অভিষেক আখ্যানের সঙ্গে ইহা পরিসমাপ্ত করিলাম ।

রামের চরিত্র কিছু উচিত । ভারত, লক্ষ্মণ, সীতা প্রভৃতি অপরাপর সকলের চরিত্রই তুলনায় অপেক্ষাকৃত সরল, একমাত্র রামের সম্পর্কেই ইহাদের চরিত্র বিকাশ পাইয়াছে । ভারত ও লক্ষ্মণ ভ্রাতৃকে, সীতা সতীকে এবং দশরথ ও কৌশল্যা পিতৃমাতৃকে বিকাশ পাইয়াছেন । নানা দিগ্দেশ হইতে আগত হইয়া নদী-গুলি এক সমুদ্রে পড়িয়া ধেরূপ আপনাদের সত্তা হারাইয়া ফেলে,

রাগায়ণের বিচিত্র চরিত্রাবলীও সেই প্রকার নানাধিক্ হইতে রাগ-মুখী হইয়াছে—রামের সঙ্গে যতটুকু সম্বন্ধ, ততখানিতেই তাঁহাদের সত্তা ও বিকাশ—এজন্ত রামের সঙ্গে তুলনার অপরাপর চরিত্র নানাধিক্ সৰল । কিন্তু রাগচরিত্র সকলের সঙ্গে সম্পর্কিত ;—তিনি রাগায়ণে পুত্ররূপে প্রাধান্যলাভ করিয়াছেন,—ভ্রাতারূপে, বন্ধুরূপে, স্বামী ও প্রভু রূপে—সকল রূপেই তিনি অগ্রগণ্য ; বহুদিক্ হইতে তাঁহার চরিত্রের বিকাশ পাইয়াছে—এবং বহু বিভাগ হইতে তাঁহার চরিত্র দর্শনীয় । আবার তাঁহার চরিত্রের কতকগুলি আপাতবৈষম্যের সামঞ্জস্য করিয়া তাঁহাকে বুঝিতে হইবে ; কতকগুলি জটিল রহস্যের মীমাংসা না করিলে তিনি ভালরূপে বোধগম্য হইবেন না । তিনি আদর্শপুত্র—কৌশল্যাকে তিনি বলিয়াছিলেন,—“কাম মোহ বা অন্য যে কোন ভাবের বশবর্তী হইয়াই পিতা এই প্রতিক্রিয়া প্রদান করিয়া থাকুন না কেন, আমি তাহার বিচার করিব না, আমি তাহার বিচারক নহি, আমি তাঁহার আদেশ পালন করিব—তিনি প্রত্যক্ষ দেবতা ।” সেই রাগচন্দ্রই গঙ্গার অপরতীরবর্তী নিবিড় অরণ্যে বিটপিগুলে বসিয়া সাক্ষ্যনেত্রে লক্ষণকে বলিয়াছিলেন—“এমন কি কোথাও দেখিয়াছ লক্ষণ, প্রসঙ্গের বাক্যের বশবর্তী হইয়া কোন পিতা আগার ছায় ছন্দানুবর্তী পুত্রকে পরিত্যাগ করিয়াছেন ? মহারাজ অবশ্যই কষ্ট পাইতেছেন—কিন্তু বাহারা ধর্মত্যাগ করিয়া কাম-সেবা করে—রাজা দশরথের ন্যায় কষ্ট তাহাদের অবশ্যস্তাবী ।” যিনি সীতাকে “ওদ্ধায়াং জগতীমধ্যে” বলিয়া বিশ্বাস করিতেন

এবং যাহাকে হারাইয়া তিনি শোকারুণচক্ষে উন্মত্তবৎ পুষ্পতরুকে আলিঙ্গন করিতে গিয়াছিলেন এবং

“আগচ্ছ ত্বং বিশালাক্ষি শূচ্যোহয়মুটজস্তব ।”

বলিয়া কাদিয়া আকুল হইয়াছিলেন,—সন্ধ্যাতে প্রবেশ করিয়া ‘অশোকবন হইতে সীতাকে স্পর্শ করিয়া বায়ুপ্রবাহ তাহার অঙ্গ ছুইতেছে’ বলিয়া পুলকাক্ষনেত্রে ধ্যানী হইয়া দাঁড়াইয়াছিলেন—সেই রাম বিপুল সৈন্তসজ্জের সাক্ষাতে —“লক্ষণ, ভরত, বিভীষণ বা সুগ্রীব, ইহাদের যাহাকে ইচ্ছা, তুমি ভজনা করিতে পার—দশদিক্ পড়িয়া আছে—তুমি বথা ইচ্ছা গমন কর—আমার তোমাতে কোন প্রয়োজন নাই”—গদ্যদ্বন্দ্বেন্দ্রা, শোকশীর্ণা, অনপরাধিনী সীতাকে এইরূপ নির্মম কঠোর উক্তি করিয়াছিলেন । যিনি বনবাসদণ্ডের কথা শুনিয়া কৈকেয়ীর নিকট স্পর্ধাসহকারে বলিয়াছিলেন—

“বিক্রি মাং ধ্বষিভিস্তমাং বিমলং ধর্মমাস্থিতম্ ।”

‘আমাকে ধ্বষিগণের মত বিমলধর্মে প্রতিষ্ঠিত বলিয়া জানিবেন’ তিনিই কোশল্যার সমীপবর্তী হইয়া “নিশ্বসন্নিব কুঞ্জরঃ” পরিশ্রান্ত হস্তীর ছায় নিরুদ্ধ নিশ্বাস ত্যাগ করিতে লাগিলেন, এবং সীতার অঞ্চলপার্শ্ববর্তী হইয়া মুখে অপূর্ণ মদিনিমা প্রকাশ করিয়া ফেলিলেন । লক্ষণ ভরতকে বিনষ্ট করিবার সঙ্কল্প প্রকাশ করিলে যিনি তাঁহাকে কঠোরবাক্যে বলিয়াছিলেন—“তুমি রাজ্য-লোভে এইরূপ কথা বলিয়া থাকিলে, আমি ভরতকে কহিয়া রাজ্য তোমাকে দিব” এবং যিনি ভরত তাঁহার “প্রাণাপেক্ষা প্রিয়তর” বারংবার এই কথা কহিতেন—তিনিই সীতার নিকট বলিয়া-

ছিলেন, “তুমি ভরতের নিকট আমার প্রশংসা করিও না, ঐশ্বর্য-
শালী ব্যক্তিরা অপরের প্রশংসা সহ্য করিতে পারেন না।” ভর-
তের ভ্রাতৃত্বভক্তির অপূৰ্ণ পরিচয় পাইয়া তিনি সীতাবিরহের সময়েও
ভবতের দীন শোকাভূত মূর্তি বিস্মৃত হন নাই—পুষ্পভারালঙ্কৃত
পম্পাতীরতরুরাজির পার্শ্বে ভরতের কথা স্মরণ করিয়া অশ্রুত্যাগ
করিয়াছিলেন,—বিভীষণ স্বীয় জ্যেষ্ঠ ভ্রাতাকে পরিত্যাগ করিয়াছে,
এই জন্ত স্মগ্রীব তাঁহাকে অবিশ্বাস্ত বলিয়া নিন্দা করাতে, রামচন্দ্র
বলিয়াছিলেন—“বন্ধু, ভবতের ছায় ভাই এই পৃথিবীতে তুমি
কয়জন পাইবে?” তিনিই আবার বনবাসান্তে ভরত্বাজের আশ্রমে
যাইয়া হনুমান্কে নন্দীগ্রামে পাঠাইবার সময় বলিয়াছিলেন,—
“আমার আগমনসংবাদ শুনিয়া ভাতের মুখে কোন বিকৃতি হয়
কি না, ভাণ করিয়া লক্ষ্য করিও।” এইরূপ বহুবিধ আপাত-
বৈষম্য তাঁহার চরিত্রকে জটিল করিয়া তুলিয়াছে।

রামায়ণপাঠককে আমরা একটি বিষয়ে সাবধানতা অবগামন
করিতে অনুরোধ করি। নাটক ও মহাকাব্য দুই পৃথক্ সামগ্রী—
গ্রীক রীতি অনুসারে নাটকবর্ণিত কাহিনী তিন দিবসের উদ্ধ হওয়ার
বিধান নাই। এই দিবসত্রয়েব ঘটনাবর্ণনার চরিত্রবিশেষকে
একভাবে পন্ন করা একান্ত আবশ্যক, কোন কথার কাহার মুখ
হইতে বাহির হইবে, লেখককে সতর্কতার সহিত তাহা লক্ষ্য করিয়া
নাটকরচনা করিতে হয়। চরিত্রগুলির ঘেটুকু বিশেষত্ব, লেখককে
সেই গণ্ডীর মধ্যে আবদ্ধ থাকিয়া তাহা সংক্ষেপে সঙ্কলন করিতে
হয়। কিন্তু যে কাব্যের ঘটনা জীবনন্যাসী, সে কাব্যের চরিত্রগুলি

নাটকের রীতি অনুসারে বিচার্য্য নহে। এই দীর্ঘকাণ্ডে নানা-
রূপ অবস্থাচক্রে পতিত হইয়া চরিত্রগুলির ক্রিয়াকলাপ ও কথা-
বার্তা বিচিত্র হইয়া থাকে—তাহা সময়োপযোগী হয় কি না—
তাহাই সমধিক পরিমাণে বিচার্য্য। শ্রেষ্ঠতম সাধুবও সারাজীবনের
অন্তর্বর্তী ছুই একটি ঘটনা বা উক্তি বিচ্ছিন্ন করিয়া আলোকে
ধরিলে তাহা তাদৃশ শোভন বলিয়া বিবেচিত না হইতে পারে।
অবস্থার ক্রমাগত উৎপীড়ন সহ্য করিয়া নোকে সাধারণতঃ সাংস্ক-
গুণসম্পন্ন হইনোও ছুই এক স্থলে ভাবের ব্যত্যয় ঘটা স্বাভাবিক।
ভিন্ন ভিন্ন অবস্থায় পতিত হইয়া রামচন্দ্র যাহা করিয়াছেন বা
বলিয়াছেন—তাহা তাঁহার সমগ্র জীবনী হইতে বিচ্ছিন্ন করিয়া
দেখাইলে দৌর্বল্যজ্ঞাপক বলিয়া অনুমিত হইতে পারে, কিন্তু
অবস্থার আলোকপাতে সূক্ষ্মভাবে বিচার করিলে তাহা অনেক
সময়েই অনুরূপ প্রতীপন্ন হইবে। তাঁহার “দৌর্বল্যজ্ঞাপক”
উক্তিগুলি বাদ দিলে হয় ত তিনি আমাদের সহানুভূতির অত্যাধো-
যাইয়া পড়িতেন, আমরা তাঁহাকে ধরিতে ছুইতে পারিতাম না।
রামচন্দ্র বিশাল বনস্পতির ছায়—উহা কচিত নমিত হইয়া ভূম্পর্শ
কবিলেও সেই অবনমন তাহার নভঃস্পর্শী গৌরবকে ক্ষুণ্ণ করে
না—পার্থিব জ্ঞাতিত্বের পরিচয় দিয়া আমাদিগকে আশ্বস্ত করে
মাত্র। রামচন্দ্র সাধারণতঃ উৎকৃষ্ট নীতি অবলম্বন করিয়াই আপ-
নার চরিত্রকে অপূর্বক্লীসম্বিত রাখিয়াছেন—তাঁহার কোন
চিন্তা বা কার্য্যই পরের অনিষ্ট করিবার প্রবৃত্তি হইতে উৎথিত নহে,
এমন কি, বালীকেও তিনি কনিষ্ঠভ্রাতার ভার্য্যাপহারী দণ্ড্য বলিয়া

সত্য সত্য বিশ্বাস করিয়াছিলেন, এইজন্তই দণ্ড দিতেও গিয়া-
ছিলেন। স্মৃগীবের শত্রু তাঁহার শত্রু,—তাহাকে বধ করিতে
তিনি অগ্নিসমক্ষে প্রতিক্রান্ত ছিলেন—এই প্রতিক্রান্তিপালনও
তিনি ধর্ম বলিয়া মনে করিয়াছিলেন। উত্তরকাণ্ডবর্ণিত সীতা-
বর্জনেও দৃষ্ট হয়—রাম যাহা স্বকর্তব্য বলিয়া অবধারণ করিয়া-
ছিলেন—তাঁহার জীবনকে সম্যকরূপে নৈরাশ্রপূর্ণ করিয়াও
তিনি তাহা প্রতিপালন করিয়াছিলেন, এই ঘটনায়ও তাঁহার
চরিত্রের সতেজ পৌকষের 'দিক্টাই' জাজল্যমান করিয়াছে।
মহাকাব্যের কোন গুঢ়দেশে অবস্থার দারুণ পীড়নে নিষ্পেষিত
হইয়া তিনি দুই একটি অধীরবাক্য প্রয়োগ করিয়াছিলেন, তাহা
লইয়া হট্টগোল করা এবং হিমাচলের কোন্ শিলা কি পাদপে
একটু ক্ষতচিহ্ন আছে, তাহা আবিষ্কার কবিয়া পর্বতবাজের মহত্বকে
তুচ্ছ করা, দুইই একবিধ। সাহিত্যিক ধূর্তগণ রামচরিত্রের তদ্রূপ
সমালোচনার ভার লইবেন। বাঙ্গালীকি-অঙ্কিত রামচরিত্র অতি-
মাত্রায় জীবন্ত—এ চিত্রে সূচিকা বিদ্ধ করিলে তাহা হইতে যেন
রক্তবিন্দু ক্ষরিত হয়—এই চরিত্র ছায়া কিংবা ধূতাবিগ্রহে পরিণত
হইয়া পুস্তকান্তর্গত আদর্শ হইয়া পড়ে নাই।

সঙ্গীতের দ্বায় মানবজীবনেরও একটা মূলরাগিনী আছে—
গীতি যেরূপ নানাক্রপ আলাপচারিতে ঘুরিয়া ফিরিয়াও স্বীয় মূল-
রাগিনীর বাহিরে যাইয়া পড়ে না, মানবচরিত্রেরও সেইরূপ একটা
স্বপরিচায়ক স্বাতন্ত্র্য আছে—সেইটিকে জীবনের মূলরাগিনী বলা
যায়; জীবনের কার্যকলাপ সমগ্রভাবে বিবেচনা করিলে উহা

আবিষ্কৃত হয় । যিনি যাহাই বলুন,—সেই অভিযেকোপযোগী বিশাল সম্ভারের প্রতি তাচ্ছীল্যের সহিত দৃষ্টিপাত করিয়া অভিযেকব্রতোজ্জ্বল শুদ্ধপট্টবস্ত্রধারী রামচন্দ্র যখন বলিয়াছিলেন—

“বসন্ত গমিয্যামি বনং বসন্তমহং ভিত্তঃ ।

জটাধীরধরো রাজঃ প্রতিজ্ঞামনুপালয়ন্ ॥”

‘তাহাই হউক, আমি রাজাব প্রতিজ্ঞা পালনপূর্ব্বক জটাবন্ধন ধারণ করিয়া বনবাসী হইব’—সেই দিনেব সেই চিত্রই রামের অমর চিত্র । এই অপূর্ব্ব বৈরাগ্যের ক্রী তাঁহাকে চিনাইয়া দিবে । প্রজাগণ জলভাবাচ্ছন্ন আকুল চক্ষে তাঁহাকে ঘিরিয়া ধরিয়াছে, তিনি তাহাদিগকে সাঙ্গনা দিয়া বদিতেন—

“যা শ্রীতির্বহমানশ্চ ময্যযোধ্যানিবাসিনাম্ ।

মৎপ্রিয়ার্থং বিশেষেণ ভরতে সা বিদীয়তাম্ ॥”

‘অযোধ্যাবাসিগণ, তোমাদের আমার প্রতি যে বহমান ও শ্রীতি, তাহা ভরতের প্রতি বিশেষভাবে অর্পণ করিলেই আমি শ্রীত হইব ।’ এই উদার উক্তিই রামচরিত্রের পরিচায়ক । লক্ষ্মণের ক্রোধ ও বাগ্‌বিতণ্ডা পরাভূত করিয়া ঋষিবৎ সৌম্য রামচন্দ্র অভিযেকশালার প্রতি দৃষ্টিপাতপূর্ব্বক বলিলেন—

“সৌমিত্রে যোহভিযেকার্থে মম সম্ভারসমগ্রমঃ ।

অভিযেকনিবৃত্ত্যর্থো মোহন্তু সম্ভারসমগ্রমঃ ॥”

‘সৌমিত্রে, আমার অভিযেকের জন্ত যে সমগ্র ও আয়োজন হইয়াছে, তাহা আমার অভিযেকনিবৃত্তির জন্ত হউক ।’ এই বৈরাগ্যপূর্ণ কণ্ঠধ্বনি সমস্ত ক্ষুদ্রস্বর পরাজিত করিয়া আগাদের

কর্ণে বাজিতে থাকে । যে দিন রাবণ রামের শরাসমের তেজে ভ্রষ্টকুণ্ডল ও হতশ্রী হইয়া পলাইবার পস্থা পাইতেছিল না, সে দিন রামচন্দ্র ক্ষমাশীল গন্তীরকণ্ঠে বলিয়াছিলেন—“রাক্ষস, তুমি আমার বহুমৈত্র্য নষ্ট করিয়া এখন একান্ত ক্রান্ত হইয়া পড়িয়াছ, আমি ক্রান্ত ব্যক্তির সঙ্গে যুদ্ধ করি না, তুমি আজ গৃহে যাইয়া বিশ্রাম কর, কল্য সবল হইয়া পুনরায় যুদ্ধ করিও ।” সেই মহাহবের মহতী প্রোঙ্গণভূমিতে ধার্মিকপ্রবনের এই কর্তৃস্বর স্বর্গীয় ক্ষমা উচ্চারণ করিয়াছিল;—উহাই তাঁহার চিরাত্যস্ত কর্তৃধ্বনি,—রাম ভিন্ন জগতে এ কথা শত্রুকে আর কে বলিতে পারিত ? কৈকেয়ীকে লক্ষণ প্রসঙ্গক্রমে নিন্দা করিলে রামচন্দ্র পঞ্চবটীতে তাঁহাকে বলিয়াছিলেন—“অন্য কৈকেয়ীর নিন্দা তুমি আমার নিকট করিও না”—একপ উদার উক্তি রামের মুখেই স্বাভাবিক ; সীতাকেও তিনি এই ভাবে বলিয়াছিলেন—

“স্নেহপ্রণয়সম্ভোগে সমা হি মম মাতরঃ ।”

“আমার প্রতি স্নেহ ও আদর প্রদর্শনের সম্পর্কে,—সকল মাতাই আমার পক্ষে তুল্য ।” যে দিন শরাহত লক্ষণ মৃতকল্প হইয়া পড়িয়াছিলেন, এদিকে দুর্দর্শ রাবণ তাঁহাকে ধরিবার চেষ্টা পাইতেছিল,—ব্যাঘ্রী যেরূপ স্ত্রী শাবককে রক্ষা করে, রামচন্দ্র সেই ভাবে লক্ষণকে রক্ষা করিতেছিলেন ; রাবণের শরজাল তাঁহার পৃষ্ঠদেশ ছিন্নভিন্ন করিতেছিল, সে দিকে দৃষ্টিপাত না করিয়া রামচন্দ্র সজলচক্ষে লক্ষণকে বক্ষে লইয়া বসিয়াছিলেন, এবং বলিয়াছিলেন,—“তুমি যেরূপ বনে আমাকে অনুগমন করিয়াছ, আমিও

আজ সেইরূপ মৃত্যুতে তোমাকে অগ্নুগমন করিব, তোমাকে হাড়িয়া আমি বাঁচিতে পারিব না”——এইরূপ শত শত চিত্র রামাণকাব্যে অমর হইয়া আছে, শত শত উক্তিতে সেই চিত্র স্বর্গের আদর্শ পৃথিবীতে আঁকিয়া ফেলিতেছে, বহু পত্রে সেই চিত্র ও উক্তি আগাদিগকে এই আশ্চর্য্য চরিত্রের সমুন্নত সৌন্দর্য্য দেখাইয়া মুগ্ধ ও বিস্ময়াভিভূত করিতেছে । রামাণকাব্যপাঠান্তে রামচন্দ্রের এই উজ্জল ও সাধু মূর্তি মানসপটে চিরতরে মুদ্রিত হইয়া যায়, অপর কোন কথা মনে উদয় হয় না, আর একান্ত দার্শনিকভাবে বিচার করিলে সীতাবিরহে রামের প্রেমোন্মাদ যদি দৌর্দল্যজ্ঞাপক হয়, তবে তাহার এই সাজনা যে, প্রাণসিগণের নিকট রামের এই প্রেমোন্মাদের স্থায় মনোহর কিছু নাই — এখানে বৈরাগ্যের স্ত্রী নাই, কিন্তু অপরিপাণ্ড কাব্যস্ত্রী সে অভাব পূরণ করিয়া দিতেছে, আর নির্জ্জন গিরিপ্রদেশের শোভান্বিত প্রাচীনতে বিরহাশ্রম সংযোগ করিয়া সেই সমস্ত বিচিত্র বাহ্য-রূপে চিরসুন্দর করিয়া রাখিয়াছে ।

ভরত ।



ভরতের উল্লেখ করিয়া রাজা দশরথ কৈকেয়ীকে বলিয়া-
ছিলেন—

“রামাদপি হি তং নশ্চে ধর্মতো বলবত্তরম্ ।”

ভরতের চরিত্র তিনি বিলক্ষণরূপে অবগত ছিলেন, তথাপি রাম
বনগমন করিলে তাঁহাকে ত্যাজ্য পুত্র ও স্বীয় ঔর্দ্ধৈদহিক কার্যের
অযোগ্য বলিয়া নির্দেশ করেন । এমন নির্দোষ—শুধু নির্দোষ
বলিলে ঠিক হয় না, রামায়ণকাব্যের একমাত্র আদর্শচরিত্র ভরতের
ভাগ্যে যে কি বিড়ম্বনা ঘটিয়াছিল, তাহা আলোচনা করিলে
আমরা দুঃখিত হই । পিতা তাঁহাকে অশ্রায়ভাবে ত্যাগ করিলেন,
এমন কি তাঁহাকে আনিবার জন্ত যে সকল দূত কেকয়-রাজ্যে
প্রেরিত হইয়াছিল তাহারাও অযোধ্যার কুশলসদ্বক্ষীয় প্রশ্নের
উত্তরে যেন দীর্ঘ ৭ তুর ব্যঙ্গসহকারে বলিয়াছিল—

“কুশলাস্তে মহাবাহো যেথাং কুশলমিচ্ছসি ।”

“আপনি যাহাদের কুশল ইচ্ছা করেন, তাহারা কুশলে আছেন ।”
অর্থাৎ ভরত যেন দশরথ-রাম-লক্ষ্মণ প্রভৃতির কুশল বাস্তবিক জান
না—তিনি কৈকেয়ী ও মহারার কুশলই শুধু প্রার্থনা করেন ।
দূতগণ এক হয় মিথ্যা কথা বলিয়াছিল, না হয় নির্ভরভাবে ব্যঙ্গ
করিয়াছিল, ইহা ভিন্ন এস্থলের আর কোনরূপ অর্থ হয় না ।
রামবনবাসোপলক্ষে অযোধ্যার রাজগৃহে যে ভয়ানক বাগ্‌বিতণ্ডা

উপস্থিত হইয়াছিল, তাহার মধ্যেও ছুই এক বার এই নির্দোষ রাজকুমারের প্রতি অশ্রু কটাক্ষপাত হইয়াছে। প্রজাগণ রামের বনবাসকালে,—

“ভরতে সন্নিবদ্ধাঃ স্ম মৌনিকে পশ্যন্তো যথা ।”

“আমরা ঘাতক সন্নিধানে পশুর ছায় ভরতের নিকট নিবদ্ধ হইলাম”—এই বলিয়া আৰ্ত্তনাদ করিয়াছিল। এই সাধু ব্যক্তি নিতান্ত আত্মীয়গণের নিকট হইতেও অতি অশ্রু নাশুনা প্রাপ্ত হইয়াছেন। রামচন্দ্র ভরতকে এত ভালবাসিতেন যে, “মম প্রাণৈঃ প্রিয়ভরঃ” বলিয়া তিনি বারংবার ভরতের উল্লেখ করিয়াছেন। কৌশল্যাকে রাম বলিয়াছিলেন—“ধর্ম্ম-প্রাণ ভরতের কথা মনে করিয়া তোমাকে অযোধ্যায় রাখিয়া যাইতে আমার কোন চিন্তার কারণ নাই।” অথচ সেই রামচন্দ্রও ভরতের প্রতি ছুই একটি সন্দেহের বাণ নিক্ষেপ না করিয়াছেন, এমন নহে। তিনি সীতার নিকট বলিয়াছিলেন, “তুমি ভরতের নিকট আমার প্রশংসা করিও না—ঋদ্ধিযুক্ত পুরুষেরা পরের প্রশংসা শুনিতে ভালবাসেন না।” এই সন্দেহের সার্জনা নাই। পিতা দশরথ রামাভিষেকের উদ্দেশ্যের সময় ভরতকে সন্দেহের চক্ষে দেখিয়াছিলেন, রামকে তিনি আহ্বান করিয়া আনিয়া বলিয়াছিলেন, “ভরত মাতুলালয়ে থাকিতে থাকিতেই তোমার অভিষেক সম্পন্ন হইয়া যার, ইহাই আমার ইচ্ছা ; কারণ যদিও ভরত ধার্মিক ও তোমার অনুগত, তথাপি মনুষ্যের মন বিচলিত হইতে কতক্ষণ।” ইন্দ্রকুবংশের চিরাগতপ্রথানুসারে সিংহাসন

জ্যোষ্ঠদ্রাক্ষারই প্রাপ্য, এমনত অবস্থায় ধার্মিকাগ্রগণা ভারতের প্রতি এই সন্দেহের মার্জনা নাই । রাম ভারতের চরিত্র মাহাত্ম্য এত বুঝিলেন, তথাপি বনবাসান্তে ভরত্বাজ্ঞাপ্রম হইতে হনুমানকে ভারতের নিকটে পাঠাইয়া বলিয়া দিলেন—“আমার প্রত্যাগমন-সংবাদ শুনিয়া ভারতের মুখে কোন বিকৃতি হয় কি না, তাহা ভাল করিয়া লক্ষ্য করিও ।” এই সন্দেহও একান্ত অমার্জনীয় । জগতে অনপরাধীর দণ্ড অনেকবার হইয়াছে, কিন্তু ভারতের মত আদর্শ-ধার্মিকের প্রতি এইরূপ দৃষ্টান্ত বিরল । লক্ষ্মণ বারংবার—

“ভরতস্ত বধে দোষং নাহং পশ্যামি রাঘব ।”

বলিয়া আশ্ফালন করিয়াছেন, অথচ সেই ভরত অশ্রুধাকর্ণে লক্ষ্মণের কথা বলিয়াছেন—

“সিদ্ধার্থঃ খলু সৌমিত্রির্ষশ্চক্রবিনলোপমম্ ।

মুখং পশুতি রামস্ত রাজীবাক্ষং মহাহারিণম্ ।”

লক্ষ্মণ ধন্য, তিনি রামচন্দ্রের পদাচক্ষু চন্দ্রোপম উজ্জ্বল মুখখানি দেখিতেছেন । প্রকৃতিপুঞ্জের ভারতের প্রতি বিদ্বিষ্ট হওয়ার কিছু কারণ অবশ্যই বিদ্যমান ছিল । এত বড় যড়যন্ত্রটা হইয়া গেল, ভারতের ঠিকাত্তে কি পরোক্ষে কোনরূপই অনুমোদন ছিল না ? মাতুল যুগাজিতের সঙ্গে পরামর্শ করিয়া ভারত যে দূর হইতে সূত্রচালনা করিয়া কৈকেয়ীকে নাটাইয়া তোলেন নাই, তাহার প্রমাণ কি ? এই সন্দেহের আশঙ্কা করিয়া ভারত বিসংজ্ঞ অবস্থায় কৈকেয়ীকে বলিয়াছিলেন—‘যখন অমোধ্যার প্রকৃতিপুঞ্জ রক্তকর্ণে সজলনেত্রে আমার দিকে তাকাইবে, আমি তাহা সহ্য করিতে পারিব না ।’

কৌশল্যা ভরতকে ডাকিয়া আনিয়া কটুবাকা বসিতে লাগিলেন, এই সকল বাক্যে ব্রণে সূচিকা বিদ্ধ কবিনে যেকপ কষ্ট হয়, ভরতকে সেইরূপ বেদনা দিরাছিল। দৈবচক্রে পাড়িয়া এই দেবতুলাচরিত্র বিধের সকলের সন্দেহের ভাজন হইয়া লাঞ্চিত হইয়াছিলেন। তিনি রাগচক্রে ফিরাইয়া আনিবার জন্ত বিপুল বাহিনী সঙ্গে যখন অগ্রসর হইতেছিলেন, নিষাদাবিপতি গুহক তখন তাঁহাকে বাগের অনিষ্টকামনায় ধাবিত মনে করিয়া পথে দাণ্ড ধাবণপূর্বক দাড়াইয়াছিলেন, এমন কি ভগ্নাজ ধ্বি পর্য্যন্ত তাঁহাকে ভয়ের চক্ষে দেখিয়া জিজ্ঞাসা করিয়াছিলেন— “আপনি সেই নিষাপ রাজপুত্রের প্রতি কোন পাপ অভিপ্রায় বহন করিয়া ত যাইতেছেন না ?” প্রত্যেকের নিকট কৈফিয়ৎ দিতে দিতে ভবতের প্রাণ ওষ্ঠাগত হইতেছিল। ভরত কৈকেয়ীকে “মাতৃকপে সমামিত্রে” বলিয়া সম্বোধন করিয়াছিলেন—বাস্তবিকই কৈকেয়ী মাতাকপে তাঁহার মহাশত্রুকপ হইয়া দাড়াইয়াছিলেন—বিশ্বময় এই যে সন্দেহচক্ষুর বিষবাণ ভরতের উপর পতিত হইতেছিল, তাঁহার মূদা কৈকেয়ী ।

কিন্তু ঘটনাবলী যতই জটিলভাব ধারণ করুক না কেন, ভরতের অপূর্ব ভ্রাতৃস্নেহ সমস্ত জটিলতাকে সহজ করিয়া তুলিয়াছিল। বাগকে আগরা নানা অবস্থায় সুখী হইতে দেখিয়াছি। যখন চিত্রকূটের পুষ্পোদ্যাননিভ এবং কচিৎ ক্ষয়িতপ্রান্তরপ্রান্ত অবিত্যকার বিশদ্বিত শৈশবশৃঙ্গ এবং বিচিত্র পুষ্পসম্ভারের প্রতি লক্ষ্য করিয়া রাগ সোতাকে বলিয়াছিলেন, “এই স্থানে তোমার

সঙ্গে বিচরণ করিয়া আমি অযোধ্যার রাজপদ অকিঞ্চিৎকর মনে করিতেছি," তখন দম্পতির নির্মল আনন্দময় চিত্র আমাদের চক্ষে বড়ই সুন্দর ও তৃপ্তিদায়ক মনে হইয়াছে । রামচন্দ্রের আকাশ কখন মেঘাচ্ছন্ন, কখন প্রসন্ন । কিন্তু ভরতের চিরবিষয় চিত্রটি মর্মান্তিক কবণাব যোগ্য । রামকে যখন ভরত ফিরাইয়া লইতে আসেন, তখন তাঁহার জটিল, ক্লেশ ও বিবর্ণ মূর্তি দেখিয়া রামচন্দ্র চমকিয়া উঠিয়াছিলেন, কষ্টে তাঁহাকে চিনিতে পারিয়াছিলেন ।

ভরতের চিত্র প্রদর্শন কবির অভিশ্রমে কবিগুরু যখন সর্বপ্রথম ববনিকা উত্তোলন করেন, তখনই তাঁহার মূর্তি বিষয়তাপূর্ণ । এইমাত্র ছঃস্বপ্ন দেখিয়া তিনি প্রাতঃকালে উঠিয়াছেন, নর্তকীগণ তাঁহার প্রমোদের জন্য সম্মুখে নৃত্য করিতেছে, সখীগণ ব্যগ্রভাবে কুশল জিজ্ঞাসা করিতেছেন, ভরতের চিত্ত ভারাক্রান্ত, মুখখানি শ্রীহীন । অযোধ্যার বিষম বিপদের পূর্বাভাস যেন তাঁহার মন অধিকার করিয়া রহিয়াছে, তিনি কোনরূপেই সুস্থ হইতে পারিতেছেন না । এই সময়ে তাঁহাকে লইয়া ঘাইবার জন্য অমোধ্যা হইতে দূত আসিল । ব্যগ্রকণ্ঠে ভরত দূতগণকে অযোধ্যার প্রত্যেকের কুশল জিজ্ঞাসা করিলেন । দূতগণ দ্যাবাঋক উত্তরে বলিল—

“কুশলান্তে মহাবাহো যেষাং কুশলমিচ্ছসি ।”

কিন্তু গত রাত্রের ছঃস্বপ্ন ও দূতগণের ব্যগ্রতা তাঁহার নিকট একটা সমস্তার মত মনে হইল । এই ছুই ঘটনা তিনি একটি ছন্দিত্তার স্বরে গাঁথিয়া একান্ত বিমর্ষ হইলেন—

“বভ্রু হস্ত হৃদয়ে চিত্তা হৃদহতী তদা ।

ভরমা চাপি দূতানাং স্বপ্নস্তাপি চ দর্শনাৎ ।”

বহু দেশ, নদনদী ও কান্তার অতিক্রম করিয়া ভরত দূর হইতে অযোধ্যার চিবশ্রামল তরুরাজি দেখিতে পাইলেন এবং আতঙ্কিত কণ্ঠে সাবথিকে জিজ্ঞাসা করিলেন—“এ যে অযোধ্যার মত বোধ হয় না, নগরীর সেই চিরশ্রুত তুমুল শব্দ শুনিতেছি না কেন ? বেদপাঠনিরত ব্রাহ্মণগণেব কণ্ঠধ্বনি ও কার্য্যভ্রোতে প্রবাহিত নরনারীব বিপুল হলহলাশব্দ একান্তরূপে নিস্তব্ধ । যে প্রমোদোদ্যানসমূহে রমণী ও পুরুষগণ একত্র বিচরণ করিত, তাহা আজ পবিত্রাক্ত । রাজপস্থা চন্দন ও জ্বলনিষেকে পবিত্র হয় নাই । রথ, অশ্ব, হস্তী, বাজপথে কিছুই নাই । অসংসৃত কবাট ও শ্রীহীন বাজপুৰী যেন ব্যঙ্গ করিতেছে, এ ত অযোধ্যা নহে, এ যেন অযোধ্যাব অবশ্য ।”

প্রকৃতই অযোধ্যাব শ্রী অন্তর্হিত হইয়াছে । চাঁদেব হাট ভাঙ্গিয়া গিয়াছে । ত্রিদোকবিপ্রতর্কীর্তি মহাবাজ দশবথ পুত্রশোক প্রাণত্যাগ করিয়াছেন ; অভিযেকমঞ্চের পাদোত্তোলনোদ্যত জ্যেষ্ঠ রাজকুমার বিধিশাপে অভিষপ্ত হইয়া পাগলের বেশে বনে গিয়াছেন ; বলয়কঙ্কণকেয়ুর সখীগণকে বিলাইয়া দিয়া অযোধ্যার রাজবধু পাগলিনীবেশে স্বাগিসাজনা হইয়াছেন ; যাহার আঁরত এবং স্তব্ধ বাহুদয় অঙ্গদ প্রভৃতি সৰ্ব্ব ভূষণ ধারণের যোগ্য—“সেই স্তবর্ণচ্ছবি” লগাণ ভ্রাতা ও বধুর পদাঙ্ক অনুসরণ করিয়াছেন । অযোধ্যার গৃহে গৃহে এই তিন দেবতার জন্ত করণ ক্রন্দনের

উৎসপ্রবাহিত হইতেছে । বিপণী বন্ধ, রাজপথ পরিত্যক্ত ।
সুমনস্ক সভাই বলিয়াছিলেন, সমস্ত অযোধানগরী যেন পুত্রহীনা
কৌশল্যাব দশা প্রাপ্ত হইয়াছে ।

অথচ ভবত এ সকল কিছুই জানেন না । তিনি মৌন প্রতি-
হাবীদিগেব প্রণাম গ্রহণ করিয়া উৎকণ্ঠিতচিত্তে পিতার একোষ্ঠে
গেলেন, সেখানে তাঁহাকে দেখিতে পাইলেন না ।

“রাজা ভবতি ভূয়িষ্ঠমিহাযা নিবেশনে ।”

কৈকেয়ীর গৃহে রাজা অনেক সময় থাকেন,—পিতাকে খুঁজিতে
ভরত মাতার গৃহে প্রবেশ করিলেন ।

সদ্যোবিববা কৈকেয়ী আনন্দে ফুলা, পতিঘাতিনী পুত্রের ভাবী
অভিষেকব্যাপারের আনন্দেব চিত্র মনে মনে অঙ্কিত করিয়া সুখী
হইতেছিলেন । ভবতকে পাইয়া তিনি নিভান্ত হুষ্ঠা হইলেন ।
ভবত পিতার কথা জিজ্ঞাসা করাতে তিনি বলিলেন—

“যা গতিঃ সর্বভূতানাং তাং গতিং তে পিতা গতঃ ।”

“সর্বজীবের যে গতি, তোমার পিতা তাহাই প্রাপ্ত হইয়াছেন ।” এই
সংবাদে পরশুজিহ্ব বরাবৃক্ষের ছায়া ভরত ভুলুষ্ঠিত হইয়া পড়িলেন ।

“ক স পাণিঃ স্পৃশস্পৃশস্তাত্ত্বিক্লিষ্টকৰ্ম্মণঃ ।”

“অক্লিষ্টকৰ্ম্মা পিতার হস্তের স্পৃশের স্পর্শ কোথায় পাইব ?”—
বলিয়া ভরত কাঁদিতে লাগিলেন । রাজহীন রাজশয্যা তাঁহার
নিকট চন্দ্রহীন আকাশের মত বোধ হইল । তিনি কৈকেয়ীকে
বলিলেন, “রাম কোথায় আছেন ? এখন পিতার অভাব যিনি
আমার পিতা, যিনি আমার বন্ধু, আমি যাহার দাস,—সেই

রামচন্দ্রকে দেখিবার জন্য আমার প্রাণ ব্যাকুল হইতেছে ।” রাম, লক্ষণ ও সীতা নির্বাসিত হইয়াছেন শুনিয়া ভরত ক্ষণকাল স্তম্ভিত হইয়া রহিলেন, ভ্রাতার চরিত্রসম্বন্ধে আশঙ্কা করিয়া তিনি বলিলেন,—“রাম কি কোন ভ্রাতৃগণের ধন অপহরণ করিয়াছেন, তিনি কি দরিদ্রদিগকে পীড়ন করিয়াছেন, কিংবা পরদারে আসক্ত হইয়াছেন ?—এই নির্বাসনদণ্ড কেন হইল ?” কৈকেয়ী বলিলেন—“রাম এ সকল কিছুই করেন নাই ।” শেষোক্ত প্রশ্নের উত্তরে তিনি বলিলেন—

“ন রামঃ পরদারান্ ন চকুর্ভাগপি পশুতি ।”

শেষে ভরতের উন্নতি ও রাজকী কামনায় কৈকেয়ী যে সকল কাণ্ড করিয়াছেন, তাহা বলিয়া পুত্রের প্রীতি উৎপাদনের প্রতীক্ষায় তাঁহার মুখের দিকে চাহিলেন ।

নিবিড় মেঘগুণ্ড যেন আকাশ আচ্ছন্ন করিয়া ফেলিল । ধর্মপ্রাণ বিশ্বস্ত ভ্রাতা এই দুঃসহ সংবাদের মর্মে ক্ষণকাল গ্রহণ করিতে সমর্থ হন নাই । তিনি মাতাকে যে ভৎসনা করিলেন, তাহা তাঁহার মহাদুর্গতি স্বপ্নে করিয়া আমরা সম্পূর্ণরূপে সমযো-পযোগী মনে করি । “তুমি ধার্মিকবর অশ্বপতির কথা নহ, তাঁহার বংশে রাক্ষসী । তুমি আমার ধর্মবংশ পিতাকে বিনাশ করিয়াছ, ভ্রাতাদিগকে পথের ভিখারী করিয়াছ, তুমি নরকে গমন কর ।” যখন কাতরকণ্ঠে ভরত এই সকল কথা বলিতে-ছিলেন, তখন অপর গৃহ হইতে কৌশল্যা স্ত্রীমিত্রাকে বলিলেন—
“ভরতের কণ্ঠস্বর শুনা যাইতেছে, সে আসিয়াছে, তাহাকে

আমার নিকট ডাকিয়া আন ।” কুশাঙ্গী সুমিত্রা ভরতকে ডাকিয়া আনিলে কৌশল্যা বলিলেন, “তোমার মাতা তোমাকে দাইয়া নিষ্কণ্টকে রাজ্যভোগ করুন, তুমি আমাকে রামের নিকট পাঠাইয়া দেও ।” এই কটুক্তিতে মর্মবিদ্ধ ভরত কৌশল্যার নিকট অনেক শপথ কবিলেন ; তিনি এই বাপারের বিন্দুবিসর্গও জানিতেন না,—বহুপ্রকারে এই কথা ভানাইতে চেষ্টা করিয়া নিদারুণ শোক ও লজ্জায় অভিভূত ভরত নিভের প্রতি অস্ত্র অভিসম্পাত-বৃষ্টি করিতে লাগিলেন । বলিতে বলিতে শোকে মুহমান হইয়া তিনি অজ্ঞান হইয়া পড়িয়া গেলেন । করুণাময়ী অম্মা কৌশল্যা ধর্মভীরু কুমারের মনের অবস্থা বুঝিতে পারিলেন,—তাহাকে অঙ্কে লইয়া কাঁদিতে লাগিলেন ।

ভরতের শোক এবং ঔদাসীন্য ক্রমেই যেন বাড়িয়া চলিল । শ্মশানঘাটে মৃত পিতার কণ্ঠলগ্ন হইয়া কাঁদিতে কাঁদিতে বলিলেন, “পিতঃ, আপনি প্রিয় পুত্রদ্বয়কে বনে পাঠাইয়া নিজে কোথায় বাইতেছেন ?” অশ্রুপূর্ণকাতরদৃষ্টি রাজকুমারকে বশিষ্ঠ তাড়না করিতে করিতে পিতার ঔর্দ্ধৈদহিক কার্য্য সম্পাদনে প্রবৃত্ত করাইলেন, শোকবিহ্বলতায় ভরত নিজে একবানে চেষ্টাশূন্য হইয়া পড়িয়াছিলেন ।

প্রান্তে বন্দিগণ ভরতের স্তবগান আদম্ভ করিল, ভরত পাগলের স্থায় ছুটিয়া তাহাদিগকে নিষেধ করিয়া দিলেন । “ইক্ষাকু-বংশের প্রথামুসারে সিংহাসন জ্যেষ্ঠ রাজকুমারের প্রাপ্য, তোমরা কাহার বন্দনাগীতি গাহিতেছ ?” রাজমৃত্যুর চতুর্দশ দিবসে

বশিষ্ঠপ্রমুখ সচিববৃন্দ ভরতকে রাজ্যভার গ্রহণ করিতে অনুরোধ করিলেন । ভরত বলিলেন—“রামচন্দ্র রাজা হইবেন, অনোধ্যার সমস্ত প্রজামণ্ডলী দাইয়া আমি তাঁহার পা” ধরিয়া সাধিয়া আনিব, নতুবা চতুর্দশ বৎসরের জন্য আমিও বনবাসী হইব ।”

শক্রয় মহরাকে মারিতে গেলেন এবং কৈকেয়ীকে তর্জন করিয়া অনুসরণ করিলে, ক্ষমার অবতার ভরত তাঁহাকে নিষেধ করিলেন ।

সমস্ত অযোধ্যাবাসী রামচন্দ্রকে ফিরাইয়া আনিতে ছুটিল । শৃঙ্গবেরপুরীতে গুহকের সঙ্গে ভরতের সাক্ষাৎকার হইল । ভরতকে গুহক প্রথমে সন্দেহ করিয়াছিল, কিন্তু ভরতের মুখ দেখিয়া তাঁহার হৃদয়ের ভাব বুঝিতে বিলম্ব হইল না । ইন্দ্রদীপুনে তৃণশয্যা রাম শুধু একটু জল পান করিয়া রাত্রিযাপন করিয়াছিলেন, সেই তৃণশয্যা রামের বিশালবাহুপীড়নে নিষ্পেষিত হইয়াছিল, সীতার উত্তরীয়প্রক্ষিপ্ত স্বর্ণবিন্দু তৃণের উপর দৃষ্ট হইতেছিল, এই দৃষ্ট দেখিতে দেখিতে ভরত মৌনী হইয়া দাঁড়াইয়া রহিলেন, গুহক কথা বলিতেছিলেন, ভরত গুনিতে পান নাই । ভরতকে সংজ্ঞাশূন্য দেখিয়া শক্রয় তাঁহাকে আলিঙ্গন করিয়া কাঁদিতে লাগিলেন,—রানীগণ এবং সচিববৃন্দের শোক উচ্ছ্বসিত হইয়া উঠিল । বহুবলে ভরত জ্ঞানপাত করিয়া সাক্ষাৎকর্তে বলিলেন, “এই না কি তাঁহার শয্যা,—যিনি আকাশস্পর্শী রাজপ্রাসাদে চিরদিন বাস করিতে অভ্যস্ত,—যাঁহার গৃহ পুষ্পমালা, চিত্র ও চন্দনে চিরানুরঞ্জিত,—যে গৃহশেখর-নৃত্যশীল শুক ও ময়ূরের বিহারভূমি ও

গীতবাদিত্রিশব্দে নিত্যমুখরিত ও বাহার কাঞ্চনভিত্তিসমূহ কারু-
কার্যের আদর্শ,—সেই গৃহপতি ধূলিলুপ্তিত হইয়া ইক্ষুদীমূলে পড়িয়া-
ছিলেন, এ কথা স্বপ্নের ছায় রোধ হয়, ইহা অবিশ্বাস্য । আমি
কোন্ মুখে রাজপরিচ্ছদ পরিধান করিব ? ভোগবিলাসের জব্যে
আমার কাজ নাই, আমি আজ হইতে জটাবন্ধন পরিণা ভূতলে
শয়ন করিব ও ফলমূল্যাহার করিয়া জীবনযাপন করিব ।”

এবার জটাবন্ধনপরিহিত শোকবিমুঢ় রাজকুমার ভরদ্বাজমুনির
আশ্রমে বাইয়া রামচন্দ্রের অনুসন্ধান করিলেন ।—এই সর্বজ্ঞ
ঋষিও প্রথমতঃ সন্দেহ করিয়া ভরতের মনঃপীড়া দিয়াছিলেন ।
একরাত্রি ভরদ্বাজের আশ্রমে আতিথ্যগ্রহণ করিয়া মুনির নির্দেশা-
নুসারে রাজকুমার চিত্রকূটাভিমুখে রওনা হইলেন । ভরদ্বাজ ভর-
তের শিবিরে আগমন করিয়া রাণীদিগকে চিনিতে চাহিলেন ।
ভরত এইভাবে মাতাদিগের পরিচয় দিলেন, “ভগবন্, ঐ যে শোক
এবং অনশনে ক্ষীণদেহা সৌম্যমূর্তি দেবতার ছায় দেখিতেছেন,
ইনিই আমার অগ্রজ রামচন্দ্রের মাতা, উঁহার বাগবাছ আশ্রয়
করিয়া বিমনা অবস্থায় যিনি দাঁড়াইয়া আছেন, বনাস্তরে শুষ্কপুষ্প-
কর্ণিকার-তরুর ছায় শীর্ণাঙ্গী—ইনি লক্ষ্মণ ও শত্রুঘ্নের জননী সুমিত্রা,
—আর তাঁহার-পার্শ্বে যিনি, তিনি অদোঢ্যার রাজদাম্পত্যকে বিদায়
করিয়া আসিয়াছেন, তিনি পতিঘাতিনী ও সমস্ত অনর্গের মূল, বৃথা-
প্রজ্ঞামানিনী ও রাজ্যকাংক্ষা—এই ছুর্ভাগ্যের মাতা ।” বলিতে
বলিতে ভরতের ছুইটি চক্ষু অশ্রুপূর্ণ হইয়া আসিল এবং ক্রুদ্ধ সর্পের
ছায় একবার জলভরা চক্ষে মাতার প্রতি দৃষ্টিপাত করিলেন ।

চিত্রকূটের সন্নিহিত হইয়া ভরত জননীবৃন্দ ও সচিবসমূহে পরি-
বৃত্ত হইয়া রথ ত্যাগ করিয়া পদব্রজে অগ্রসর হইতে লাগিলেন ।

তখন রমণীয় চিত্রকূটে অর্ক ও কেতকী পুষ্প ফুটিয়া উঠিয়াছিল,
আম্র ও লোভদন পক্ষ হইয়া শাখাগে ছলিতেছিল । চিত্রকূটের
কোন অংশ ক্ষতবিক্ষত প্রান্তররাজিতে ধূসর, নিম্ন অধিত্যকাভূমি
পুষ্পসম্ভারে প্রমোদ-উদ্যানের স্থায় সুন্দর, কোথাও পর্বতগাত্র
হইতে একটিমাত্র শৈলশৃঙ্গ উদ্ধে উঠিয়া আকাশ চুষন করিয়া
আছে—অদূরে মন্দাকিনী,—কোথাও পুদিনশালিনী, কোথাও
জলরাশির ক্ষণরেখা নীল তরুরেখার প্রান্তে বিলীয়মান । তরঙ্গ-
রাজি সুন্দরীর পরিত্যক্ত বস্ত্রের স্থায় বায়ুকর্ভুক ঘন আন্দোলিত
হইতেছিল, কোথায় পার্বত্য ফুলরাশি স্রোতাবেগে ভাসিয়া যাই-
তেছিল । এই দৃশ্য দেখিতে দেখিতে রামচন্দ্র সীতাকে বলি-
লেন—“রাজ্যনাশ ও অহুদ্বিরহ আমার দৃষ্টির কোন বাধা উদ্ভাই-
তেছে না, আমি এই পার্বত্য দৃশ্যাবলীর নির্মল আনন্দ সম্পূর্ণরূপে
উপভোগ করিতে পারিতেছি ।”

এই কথা শেষ না হইতে হইতে সহসা বিপুল শব্দে নভঃপ্রদেশ
আকুল হইয়া উঠিল, সৈন্তরেণুতে দিগ্বাওল আচ্ছন্ন হইল, ভূমূল
শব্দে পশুপক্ষী চতুর্দিকে পলাইতে লাগিল । রামচন্দ্র সম্ভ্রান্ত হইয়া
লক্ষণকে জিজ্ঞাসা করিলেন, “দেখ, কোন রাজা বা রাজপুত্র মৃগয়ার
জন্ত এই বনে আগিয়াছেন কি ? কিংবা কোন ভীষণ জন্তুর আগ-
মনে এই সৌমানিকেতনের শাস্তি এভাবে বিঘ্নিত হইতেছে ?”
লক্ষণ দীর্ঘপুষ্পিত শালবৃক্ষের অগ্রে উঠিয়া ইতস্ততঃ দৃষ্টিপাত করিয়া

পূর্ষদিকে মৈত্রেয়ী দেখিতে পাইলেন এবং বলিলেন, “অগ্নি নির্বাণ করুন, সীতাকে ওহার মধ্যে লুকাইয়া রাখুন এবং অস্ত্র-শস্ত্রাদি লইয়া প্রস্তুত হউন ।” “কাহার মৈত্রেয়ী আসিতেছে, কিছু বুঝিতে পারিলেন কি ?” এই প্রশ্নের উত্তরে লক্ষ্মণ বলিলেন, “অদূরে ঐ যে বিশাল বিটপী দেখা যাইতেছে, উহার পত্রান্তরে ভরতের কোবিদ্যচিহ্নিত রথধ্বজ দেখা যাইতেছে,—অভিষেক প্রাপ্ত হইয়া পূর্ণমনোরথ হয় নাই, নিকটকে রাজ্যস্ত্রী লাভ করিবার জন্য ভবত আগাদিগের বশসঙ্কল্পে অগ্রসর হইতেছে, আজ এই সমস্ত অনর্থের মূল ভরতকে আমি বধ করিব ।”

রামচন্দ্র বলিলেন—“ভরত আগাদিগকে ফিরাইয়া লইয়া যাইতে আসিয়াছে । সকল অবস্থা অবগত হইয়া আমার প্রতি চিরন্নেহপরায়ণ, আমার প্রাণ হইতে প্রিয় ভরত স্নেহাক্রান্তহৃদয়ে পিতাকে অগ্রসর করিয়া আগাদিগের উদ্দেশে আসিয়াছে, তুমি তাহার প্রতি অত্যাচার সন্দেহ করিতেছ কেন ? ভরত কখন ত আগাদিগের কোন অপ্রিয় কার্য্য করে নাই, তুমি তাহার প্রতি কেন কুরবাক্য প্রয়োগ করিতেছ ? যদি রাজ্যলোভে একরূপ করিয়া থাক, তবে ভরতকে কহিয়া আমি নিশ্চয়ই রাজ্য তোমাকে দেওয়া-ইব ।” ধর্ম্মশীল ভ্রাতার এই কথা শুনিয়া লক্ষ্মণ গজায় অভিভূত হইয়া পড়িলেন ।

কিছু পরেই ভরত আসিয়া উপস্থিত হইলেন ; অনশনক্লশ ও শোকের জীবন্তমূর্ত্তি দেবোপম ভরত রামকে ত্বণের উপর উপবিষ্ট দেখিয়া বাগকের ছায় উচ্চকণ্ঠে কাদিতে লাগিলেন—“হেমছত্র

বাঁহার মস্তকের উপর শোভা পাইত, সেই রাজকন্যা উজ্জ্বল শিরো-
দেশে আজ জটাভার কেন ? আমার অগ্রজের দেহ চন্দন ও
অঙ্গুর দ্বারা মার্জিত হইত, আজ সেই অঙ্গুরাবিরহিত কান্তি
ধূলিধূসর । যিনি সমস্ত বিশ্বের প্রকৃতিপুঞ্জের আরাধনার বস্তু,
তিনি বনে বনে ভিখারীর বেশে বেড়াইতেছেন,—আমার ওতুই
তুমি এই সকল কষ্ট বহন করিতেছ, এই লোকগর্হিত নৃশংস
জীবনে বিক্ !” বলিতে বলিতে উচ্চস্বরে কাঁদিয়া ভরত রামচন্দ্রের
পাদমূলে নিপতিত হইলেন । এই ছুই ত্যাগী মহাপুরুষের মিলন
দৃশ্য বড় করুণ । ভরতের মুখ শুকাইয়া গিয়াছিল, তাঁহারও মাথায়
জটাजूট, দেহে চীরবাস । তিনি কৃতাজলি হইয়া অগ্রজের পাদমূলে
লুপ্তিত । রামচন্দ্র বিবর্ণ ও ক্লান্ত ভরতকে কষ্টে চিনিতে পারিলেন,
অতি আদরে হাত ধরিয়া উঠাইয়া মস্তকান্ধাণপূর্বক অন্ধে টানিয়া
লইলেন ; বলিলেন—“বৎস তোমার এ বেশ কেন ? তোমার এ
বেশে বনে আসা যোগ্য নহে ।”

ভরত জ্যেষ্ঠের পাদতলে লুটাইয়া বলিলেন,—“আমার জননী
মহাঘোর নরকে পতিত হইতেছেন, আপনি তাহাকে রক্ষা করুন,
আমি আপনার ভাই,—আপনার শিষ্য,—দাসানুদাস, আমার
প্রতি প্রসন্ন হউন, আপনি রাজ্যে আসিয়া অভিষিক্ত হউন ।”
বহু কথা, বহু বিতণ্ডা চলিল ;—ভরত বলিলেন, “আমি চতুর্দশ-
বৎসর বনবাসী হইব, এ প্রতিশ্রুতিপালন আমার কর্তব্য ।” কোন-
রূপে রামকে আনিতে না পারিয়া ভরত অনশনব্রত ধারণ করিয়া
কুটীরদ্বারে ভূসুপ্তিত হইয়া পড়িয়া রহিলেন । রামচন্দ্র এই অবস্থায়

সাদরে উঠাইয়া নিজের পাছুকা তাঁহাকে প্রদান করিলেন । জটা-
ভার শোভান্বিত করিয়া ভ্রাতৃপদরজে বিভূষিত পাছুকা তাঁহার
মুকুটের স্থানীয় হইল । সহস্র ভূষণে যে শোভা দিতে অসমর্থ,
এই পাছুকা সেই অপূৰ্ব্ব রাজশ্রী ভরতকে প্রদান করিল । ভরত
বিদায়কালে বলিলেন, “রাজ্যভার এই পাছুকায় নিবেদন করিয়া
চতুর্দশবৎসর তোমার প্রতীক্ষায় থাকিব, সেই সময়ান্তে তুমি না
আসিলে অগ্নিতে জীবন বিসর্জন করিব ।” অমোঘ্যার সন্নিকটবর্তী
হইয়া ভরত বলিলেন, “অযোধ্যা আর অযোধ্যা নাই, আমি এই
সিংহীন গুহায় প্রবেশ করিতে পারিব না ।” নন্দীগ্রামে রাজ-
ধানী প্রতিষ্ঠিত হইল, উহা রাজধানী নহে—ঋষির আশ্রম । সচিব-
বৃন্দ জটাবঙ্কলপরিহিত ফলমূল্যাহারী—রাজার পার্শ্বে কি বসিয়া
মহার্য পরিচ্ছদ পরিয়া বসিবেন, তাঁহারা সকলে কষায়বস্ত্র পরিতে
আরম্ভ করিলেন । সেই কষায়বস্ত্রপরিহিত সচিববৃন্দ-পরিবৃত্ত,
ব্রত ও অনশনে কুশাজ, ত্যাগী রাজকুমার পাছুকার উপর ছত্র
ধরিয়া চতুর্দশ বৎসর রাজ্যপালন করিয়াছিলেন ।

ভরতের এই বিযথ মূর্তিখানি রামের চিত্তে শেলের মত বিদ্ধ
হইয়াছিল । যখন সীতাকে হারাইয়া তিনি উন্মত্তবেশে পম্পা তীরে
যুরিতেছিলেন, তখন বলিয়াছিলেন,—“এই পম্পা তীরের রমণীয়
দৃশ্যাবলী সীতার বিরহে ও ভরতের দুঃখ স্মরণ করিয়া আমার রম-
ণীয় বোধ হইতেছে না ।” আর একদিন লঙ্কার বামচন্দ্র অগ্রীবকে
বলিয়াছিলেন, “বন্ধু, ভরতের মত ভ্রাতা জগতে কোথায় পাইব ?”

রামচন্দ্র গৃহে প্রত্যাগত হইলে ভরত স্বয়ং তাঁহার পদে সেই

পাছুকাঁদয় পবাইয়া কুতার্থ হইলেন এবং রামের পদে প্রণাম কবিয়া বলিলেন, “দেব, তুমি এই আযোগ্য করে যে রাজ্যভার গ্রহণ কবিয়াছিলে, তাহা গ্রহণ কর । চতুর্দশ বৎসবে রাজকোষে সঞ্চিত অর্থ দশগুণ বেলা হইয়াছে ।”

রামায়ণে যদি কোন চরিত্র ঠিক আদর্শ বলিয়া গ্রহণ করা যায়, তবে তাহা একমাত্র ভরতের চরিত্র । সীতা লক্ষ্মণকে যে কটুক্তি করিয়াছিলেন, তাহা ক্ষমাই নহে । বাগচন্দ্রের বাণিব্যব ইত্যাদি অনেক কার্য্যই সমর্থন করা যায় না । লক্ষ্মণের কথা অনেক সময় অতি রক্ষ ও দুর্বিনীত হইয়াছে । কোশল্যা দশরথকে বলিয়াছিলেন, “কোন কোন জলজন্তু যেকপ স্রোত সন্তানকে ভক্ষণ করে, তুমিও সেইরূপ কবিয়াছ ।” কিন্তু ভরতের চরিত্রে কোন খুঁত নাই । পাছুকাঁদ উপর হেমচ্ছত্রের জটাবন্ধগারী এই রাজর্ষির চিত্র রামায়ণে এক অদ্বিতীয় সৌন্দর্য্যপাত করিতেছে । দশরথ সত্যই বলিয়াছিলেন—

“রামায়ণি হি তং মন্ত্রে ধর্ম্মতো বলনন্তরম্ ।”

কৈকেয়ীর সহস্রদোষ আগরা ক্ষমাই মনে করি, যখন মনে হয়, তিনি একপ অশুভের গর্ভধারিণী । আগরা নিষাদাধিপতি গুহকের সঙ্গে একবাক্যে বলিতে পারি—

“ধনুঃ ন তয়া তুল্যং পশ্যামি জগতীতলে ।

অযত্নাগতং রাজ্যং যন্তুং ত্যক্তুমিচ্ছামি ॥”

অযত্নাগত রাজ্য তুমি প্রত্যাখ্যান কবিতো ইচ্ছা করিতেছ, তুমি ধনু, জগতে তোমার তুল্য কাহাকেও দেখা যায় না ।

লক্ষ্মণ ।



বালকাণ্ডে লিখিত হইয়াছে, লক্ষ্মণ রামচন্দ্রের “প্রাণইবা পবঃ” —অপব প্রাণের ছায়। ভরত ছাড়া আমরা রামকে কল্পনা করিতে পারি, এমন কি, সীতা ছাড়া রামচরিত্র কল্পনা কবিবাব স্রববাও চবিগুণ দিয়াছেন, কিন্তু লক্ষ্মণ ছাড়া রামচরিত্র একান্ত অসম্পূর্ণ।

লক্ষ্মণের ভ্রাতৃত্বভক্তি কতকটা মৌন এবং ছায়ার ছায় অনুগামী ! লক্ষ্মণ বামের প্রতি ভালবাসা কথার জানাটীবাব ভ্রাতৃ বা কুণ ছেনেন না, নিতান্ত কোনকপ অবস্থাব সঙ্গ ট না পড়িলে তিনি তাহার হৃদয়ের স্রগভীর স্নেহের আভাস দিতে ইচ্ছুক হইতেন না ; তাহা হইয়া দুই এক স্থলে তিনি ইঙ্গিতমাত্রে তাহার হৃদয়ের ভাব ব্যক্ত করিয়াছেন, কিন্তু তাহার অপরিসীম রামপ্রেম মৌনভাবেই আমাদিগের নিকট সর্বত্র ব্যক্ত হইয়া পড়িয়াছে।

ভরত, সীতা এবং রামচন্দ্রও মনের আবেগ সংবরণ করিতে জানিতেন না, কিন্তু লক্ষ্মণ স্নেহসম্বন্ধে সংযমী—সে স্নেহ পরিপূর্ণ, যথচ তাহা আবেগে উদ্ভূত হইয়া উঠে নাই ; এই মৌন স্নেহচিত্র আমাদিগকে সর্বত্যাগী কষ্টসহিষ্ণু ভ্রাতৃত্বভক্তির অশেষ কথা জানাইতেছে।

লক্ষ্মণ আজন্ম রামচন্দ্রের ছায়ার ছায় অনুগামী।

“ন চ তেন বিনা নিজাং লভতে পুণ্যযোজসঃ।

যুগ্মগুণানীতমম্মতি ন হ তং বিনা।”

রামের কাছে না শুইলে তাঁহার রাত্রে ঘুম হয় না, রামের প্রসাদ ভিন্ন কোন উপাদেয় খাদ্যে তাঁহার তৃপ্তি হয় না ।

“যদা হি হয়মাকটো মৃগয়াং যাতি রাঘবঃ ।

অথৈনং পৃষ্ঠতোহভ্যতি সধনুঃ পরিপালয়ন্ ॥”

রাম যখন অশ্বাবোহণে মৃগয়ায় বাত্মা করেন, অগনি ধনুহস্তে তাঁহার শরীর বক্ষা করিয়া বিশ্বস্ত অনুচর তাঁহার পিছনে পিছনে যাইতে থাকেন । যে দিন বিশ্বামিত্রের সঙ্গে রাম রাক্ষসবধকক্ষে নিবিড় বনপথে যাইতেছেন, সে দিনও কাকপক্ষীর লক্ষণ সঙ্গে সঙ্গে । শৈশবদৃষ্টাবলীর এই সকল চিত্রের মধ্যে আত্মহারা লক্ষণের ভ্রাতৃত্বভক্তির ছবি মৌনভাবে ফুটিয়া উঠিয়াছে ।

রামের অভিষেকসংবাদে সকলেই কত সন্তোষপ্রকাশের জন্ত ব্যস্ত হইলেন, কিন্তু লক্ষণের মুখে অহ্লাদসূচক কথা নাই, নীরবে রামের ছায়ার ছায়া লক্ষণ পশ্চাদ্বর্তী । কিন্তু রাম স্বল্পভাষী ভ্রাতার হৃদয় জানিতেন, অভিষেকসংবাদে সুখী হইয়া সর্বপ্রথমেই লক্ষণের কণ্ঠদগ্ধ হইয়া বসিলেন,—

“জীবিতঞ্চাপি রাজ্যঞ্চ তদর্থমভিকাময়ে ।”—

আমি জীবন ও রাজ্য তোমার জন্তই কামনা করি । ভ্রাতার এই-রূপ ছই একটি কথাই লক্ষণের অপূৰ্ণ স্নেহের একমাত্র পুরস্কার ও পরম পরিতৃপ্তি । আমরা কল্পনানয়নে দেখিতে পাই, রামের এই স্নিগ্ধ আদরে “সুবর্ণচ্ছবি” লক্ষণের গওদগ্ধ নীরব প্রফুল্লতায় রক্তিমাভ হইয়া উঠিয়াছে ।

কিন্তু এই মৌন স্বল্পভাষী যুবক, রামের প্রতি কেহ অন্তায়

করিলে, তাহা ক্ষমা করিতে জানিতেন না । যে দিন কৈকেয়ী অভিষেকব্রতোজ্জল প্রফুল্ল রামচন্দ্রকে মৃত্যুতুণ্য বনবাসাজ্ঞা শুনাইলেন, রামের মূর্তি সহসা বৈরাগ্যের শ্রীতে ভূষিত হইয়া উঠিল, তিনি ঋষিবৎ নির্নিপুণভাবে গুরুতর বনবাসাজ্ঞা মাথায় তুলিয়া লইলেন, অভিষেকসম্ভারের সমস্ত আয়োজন যেন তাঁহাকে ব্যাধ করিতে লাগিল, সেই দিন সেই উৎকট মুহূর্তেও তাঁহার আর কোন সঙ্গী ছিল না, তাঁহার পশ্চাৎগে চিরসুহৃৎ ভক্ত ক্ষুদ্র হইয়া দাঁড়াইয়াছিলেন, বাগীকি দুইটি ছত্রে সেই মৌন চিত্রটি আঁকিয়াছেন—

“তং বাপ্পরিপূর্ণাক্ষঃ পৃষ্ঠতোহনুগগামহ ।

লক্ষণঃ পরমক্রুদ্ধঃ স্মিতানন্দবর্দ্ধনঃ ॥”

লক্ষণ—অতিমাত্র ক্রুদ্ধ হইয়া বাপ্পূর্ণচক্ষে ভ্রাতার পশ্চাৎ পশ্চাৎ যাইতে লাগিলেন ।

এই অগ্রায় আদেশ তিনি সহ্য করিতে পারেন নাই । রামচন্দ্র বাঁহাদিগকে অকুণ্ঠিতচিত্তে ক্ষমা করিয়াছেন, লক্ষণ তাঁহাদিগকে ক্ষমা করিতে পারেন নাই । রামের বনবাস লইয়া তিনি কোশল্যার সম্মুখে অনেক বাধিতত্ত্বা করিয়াছিলেন, ক্রুদ্ধ হইয়া তিনি সমস্ত অযোধ্যাপুরী নষ্ট করিতে চাহিয়াছিলেন । তিনি রামের কর্তব্যবুদ্ধির প্রশংসা করেন নাই—এই গর্হিত আদেশপালন ধর্মসঙ্গত নহে, ইহাই বুঝাইতে চেষ্টা করিয়াছিলেন । এই তেজস্বী যুবক যখন দেখিতে পাইলেন, রামচন্দ্র একান্তই বনবাসে যাইবেন, তখন কোথা হইতে এক অপূর্ণ কোমলতা তাঁহাকে অবিকার

করিয়া বসিল, তিনি বাগকের ছায় রামের পদযুগে লুপ্তিত হইয়া
কাদিতে লাগিলেন—

“ঐশ্বর্য্যাকাপি লোকানাং কাময়ে ন ত্বয়া বিনা ।”

—অমরত্ব কিংবা ত্রিনোকেয় ঐশ্বর্য্যও আমি তোমা ভিন্ন আকাঙ্ক্ষা
করি না । রামের পাদপীড়নপূরক—উহা অশ্রাসিক্ত করিয়া নব-
বধূটির ছায় সেই ক্ষান্তভেজোদীপিত মূর্ত্তি ফুলসম স্নেহকোমল হইয়া
সঙ্গে যাইবার অনুমতি প্রার্থনা করিল । এই ভিক্ষা স্নেহসূচক
দীর্ঘ বক্তৃতায় অভিব্যক্ত হয় নাই, অতি অল্প কথায় তিনি রামের
সঙ্গী হইবার জন্ত অনুমতি চাহিলেন, কিন্তু সেই অল্প কথায় স্নেহ-
গভীর আত্মত্যাগী হৃদয়ের ছায়া পড়িয়াছে । রাম হাতে ধরিয়া
তাঁহাকে তুলিয়া লইলেন, “প্রাণসম প্রিয়”, “বশু”, “সখা” প্রভৃতি
স্নেহমধুর সম্ভাষণে তাঁহাকে সন্তুষ্ট করিয়া বনবাসী হইতে প্রাতি-
নিবৃত্ত কবিত্তে চেষ্টা পাইলেন, কিন্তু লক্ষণ ছুই একটি দৃঢ়কথায়
তাঁহার অটল সঙ্কল্প জ্ঞাপন করিলেন, “আপনি শৈশব হইতে
আমার নিকট প্রতিক্রম, আমি আপনাব আজন্মসহচর, আজ
তাঁহার ব্যতিক্রম করিতে চাহিতেছেন কেন ?”

লক্ষণ সঙ্গে চলিলেন । এই আত্মত্যাগী দেবতাব জন্ত কেহ
বিলাপ করিল না । যে দিন বিশ্বাসিত রামকে লইয়া যাইবার জন্ত
দশরথের নিকট প্রার্থনা করিয়াছিলেন, সে দিন—

“উনমোড়শবর্ষো মে রামো রাজীবলোচনঃ ।”

রমিয়া বৃদ্ধ রাজা ভীত হইয়া পড়িয়াছিলেন, কিন্তু উৎকর্ষিত
আর একটি রাজীবলোচন যে হৃদয়রাক্ষসবধকল্পে ভ্রাতার অনুবর্ত্তী

হইয়া চলিলেন, তজ্জন্তু কেহ আক্ষেপ করেন নাই । আজ রাম-লক্ষণ-সীতা বনে চলিয়াছেন, অযোধ্যার যত নয়নাশ্র, তাহা রহিয়া রহিয়া রামসীতার জন্ত বর্ষিত হইতেছে । সীতার পাদপদ্মের অলঙ্করবাগ মুছিয়া যাইবে, তাহা কণ্টকে ক্ষতবিক্ষত হইবে,—মহার্ষশরনোচিত রামচন্দ্র বৃক্ষমূলে পাংশুশয্যায়াঁ গুইয়া মত্তমাতঙ্গের ত্রাঘ ধূলিলুপ্তিতদেহে প্রাতে গাত্রোথান করিবেন, যিনি বন্দিগণের স্ত্রাব্যগীতিমুখর গগনস্পর্শী প্রাসাদে বাস করিতে অভ্যস্ত—তিনি কেমন করিয়া চীরবাস পরিয়া বনে বনে তরুতল খুঁজিয়া বেড়াইবেন—এই আক্ষেপোক্তি দশরথ-কোশল্যা হইতে আনন্ত করিয়া অযোধ্যাবাসী প্রত্যেকেব কণ্ঠে ধ্বনিত হইতেছিল । প্রজাগণ রথের চক্র ধরিয়া স্তম্ভকে বলিয়াছিল—

“সংযচ্ছ বাগ্নিনাং রশ্মীন্ সূত যাহি শনৈঃ শনৈঃ ।

মুখং প্রক্ষ্যানো রামস্ত দুর্দর্শনো ভুবিযাতি ॥”

‘সার্থি, অশ্বের রশ্মি সংযত করিয়া ধীরে ধীরে চল, আমরা রামের মুখখানি ভাল করিয়া দেখিবা লই, আর আমরা উল্লস সহজে দেখিতে পাইব না ।’ কিন্তু লক্ষণের জন্তু কেহ আক্ষেপ করেন নাই, এমন কি, স্মিত্রাও বিদায়কানো পুত্রের কণ্ঠলগ্ন হইয়া ক্রন্দন করেন নাই, তিনি দৃঢ় অথচ স্নেহাঙ্গকণ্ঠে লক্ষণকে বলিয়াছিলেন—

• “রামং দশথেং বিদ্ধি মাং বিদ্ধি জনকাজ্ঞাম্ ।

অযোধ্যাগটবীং বিদ্ধি গচ্ছ তাত যথামুখম্ ॥”

‘যাও বৎস, স্বচ্ছন্দমনে বনে যাও—রামকে দশরথের ত্রাঘ দেখিও, সীতাকে আমার ত্রাঘ মনে করিও এবং বনকে অযোধ্যা

বলিয়া গণ্য করিত ।’ মাতার চক্ষুর অশ্রুবিন্দু লক্ষণ পাইলেন না, বরং সুমিত্রা তাঁহাকে যেন কর্তব্যপালনের জন্য আগ্রহসহকারে ত্বরান্বিত করিয়া দিলেন—

“সুমিত্রা গচ্ছ গচ্ছেতি পুনঃপুনরাচ তম্ ।”

সুমিত্রা তাঁহাকে পুনঃ পুনঃ “যাও যাও” এই কথা বলিতে লাগিলেন ।

মৌন সন্ন্যাসী আত্মীয় সুহৃদ্বর্গের উপেক্ষা পাইয়াছিলেন, কিন্তু তাহা তিনি মনেও করেন নাই, রামচন্দ্রের জন্য যে শোকোচ্ছ্বাস, তাহার মধ্যেই তিনি আত্মহারা হইয়া পড়িয়াছিলেন । তিনি কাহারও নিকটে বিলাপ প্রত্যাশা করেন নাই, রামশ্রেমে তাঁহার নিজের মত্তা লুপ্ত হইয়া গিয়াছিল ।

অরণ্যজীবনের যাহা কিছু কঠোরতা, তাহার সমধিক ভাগ লক্ষণের উপর পড়িয়াছিল,—কিংবা তাহা তিনি আহ্লাদ সহকারে মাথায় তুলিয়া লইয়াছিলেন । গিরিসান্নদেশের পুষ্পিত বন্যভর-রাজি হইতে কুসুমচয়ন করিয়া রামচন্দ্র সীতার চূর্ণকুন্তলে পরাই-তেন ; গৈরিকরেণু দ্বারা সীতার জ্বলন্ত ললাটে তিলক রচনা করিয়া দিতেন ; পদ্ম তুলিয়া সীতার সহিত মন্দাকিনীতীরে অব-গাহন করিতেন, কিংবা গোদাবরীতীরস্থ বেতসকুঞ্জে সীতার উৎসঙ্গে মস্তক রক্ষা করিয়া সুখে নিদ্রা যাইতেন ; আর এদিকে মৌন সন্ন্যাসী খনিজ দ্বারা মৃত্তিকা খনন করিয়া পর্ণশালা নিৰ্ম্মাণ করিতেন, কখনও পরশুহস্তে শালশাখা কর্তন করিতেন, কখনও অস্ত্রশস্ত্র এবং সীতার পরিচ্ছদ ও অলঙ্কারাদিতে পূর্ণ বিপুল বংশ-



চিঅকুটে রান, লক্ষণ ও সীতা

পেটিকা হস্তে লইয়া এক স্থান হইতে স্থানান্তরে যাত্রা করিতেন, কখনও বা মহিষ ও বৃষের করীয় সংগ্রহ করিয়া অগ্নি জালিবার ব্যবস্থা করিতেন। একদিন দেখিতে পাই, শীতকালের তুষার-মলিন জ্যোৎস্নার শেষরাত্রিতে যবগোধূমাচ্ছন্ন বনপন্থায় নান-শেষ নদিনী-শোভিত সরসীতে কদম লইয়া তিনি জন তুলিতেছেন। অতঃপর একদিন দেখিতে পাই, চিত্রকূটপর্বতের পর্ণশালা হইতে সরসীতটে যাইবার পথটি চিহ্নিত করিবার জন্ত তিনি পথে পথে উচ্চ তরশাখায় চীরখণ্ড বদ্ধ করিয়া রাখিতেছেন। কখনও বা তিনি কোমল দর্ভাক্ষা ও বৃক্ষপর্ণ দ্বারা রামের শয্যা প্রস্তুত করিয়া অপেক্ষা করিতেছেন, কখনও বা দেখিতে পাই তিনি কাগিন্দী উত্তীর্ণ হইবার জন্ত বৃহৎ বাঁধগুলি গুচ্ছ বহু ও বেতসলতা দ্বারা সুসংবদ্ধ করিয়া মধ্যভাগে দ্বন্দ্বশাখা দ্বারা সীতার উপবেশন জন্ত সুখাসন রচনা করিতেছেন। এই সংঘর্ষে স্নেহবীর প্রভুসেবায় তাঁহার নিজসত্তা হারাইয়া ফেলিয়াছিলেন। রামচন্দ্র পঞ্চবটীতে উপস্থিত হইয়া লক্ষ্মণকে বলিয়াছিলেন—“এই সুন্দর তরুরাজি-পূর্ণ প্রদেশে পর্ণশালারচনার জন্ত একটি স্থান খুঁজিয়া বাহির করিয়া লও।” লক্ষ্মণ বলিলেন, “আপনি যে স্থানটি ভালবাসেন, তাহাই দেখাইয়া দিন, সেবকের উপর নির্ভাচনের ভার দিবেন না।” প্রভুসেবায় এরূপ আত্মহারা ভূত্য,—এমন আর কোথায় দেখিয়াছেন। রামচন্দ্র স্থান নির্দেশ করিয়া দিলে লক্ষ্মণ ভূমির সমতা সম্পাদন করিয়া খনিজহস্তে মৃত্তিকাখননে প্রবৃত্ত হইলেন।

আর এক দিনের দৃষ্ট মনে পড়ে,—গভীর অরণ্যে চারিদিকে

কৃষ্ণসর্প বিচরণ করিতেছে, পথহারা নিপন্ন পথিকত্রয় রাজিবাসের
জন্তু জঙ্গলের নিভৃতে বৃক্ষনিম্নে শুইয়া আছেন, সীতার সুন্দর মুখ-
খানি অনশন ও পর্যটনে একটু হতশ্রী হইয়া পড়িয়াছে । রাম-
চন্দ্রের এই দুঃখময়ী রজনীর কষ্ট অসহ্য হইল,—তিনি লক্ষ্মণকে
অযোধ্যায় ফিরিয়া যাইবার জন্তু বারংবার গীড়াগীড়ি করিতে লাগি-
লেন, “এ কষ্ট আমার এবং সীতারই হউক, তুমি ফিরিয়া যাও,
শোকের অবস্থায় সাহ্যনাদান করিয়া আমার মাতাদিগকে পালন
করিও ।” লক্ষ্মণ স্বীয়-স্নেহ-সম্বন্ধে বেশী কথা কহিতে জানিতেন
না, রামের এবংবিধ কাতরোক্তিতে দুঃখিত হইয়া বলিলেন—

“ন হি তাতং ন শত্রুঘ্নং ন স্মিত্রাং পরস্তপ ।

ঔষ্টু মিচ্ছেয়মদ্যাহং স্বর্গঞ্চাপি ত্বয়া বিনা ॥”

‘আমি পিতা, স্মিত্রা, শত্রুঘ্ন, এমন কি স্বর্গও তোমাকে ছাড়িয়া
দেখিতে ইচ্ছা করি না ।’

কবন্ধ মরিল, জটায়ু মরিলেন ; আমরা দেখিতে পাই, লক্ষ্মণ
নিঃশব্দে সমাধিস্থতা খনন করিয়া কাষ্ঠ আহরণপূর্ব্বক কবন্ধ ও
জটায়ুর সংকার করিতেছেন । দিবারাত্র তাহার বিজ্ঞান ছিল
না—এই ভ্রাতৃসেবাই তাহার জীবনের পবন আকাজক্ষার বিষয়
ছিল । বনে আসিবার সময় তাহাই তিনি বলিয়া আসিয়া-
ছিলেন—

“ভবাংস্তু সহ বৈদেহ্যা গিরিসানুযু স্নংতসে ।

অহং সর্ব্বং করিষ্যামি জাগ্রতঃ অপ্তমৃচ তে ।

ধনুর্বাদায় সত্ত্বং পনিজপিটকাধরঃ ॥”

“দেবী জানকীর সঙ্গে আপনি গিরিসান্নদেশে বিহার করিবেন, জাগরিত বা নিদ্রিতই থাকুন, আপনার সকল কৰ্ম আমিই করিয়া দিব । খনিজ, পিটক এবং ধনু হস্তে আমি আপনার সঙ্গে সঙ্গে ফিরিব ।”

বনবাসের শেষ বৎসর বিপদ আসিয়া উপস্থিত হইল ; রাবণ সীতাকে হরণ করিয়া লইয়া গেল । সীতার শোকে রাম ক্ষিপ্ত-প্রায় হইয়া পড়িলেন, ভ্রাতার এই দাবণ কষ্ট দেখিয়া লক্ষ্মণও পাগলের মত সীতাকে ইতস্ততঃ খুঁজিয়া বেড়াইতে লাগিলেন । রামের অনুজ্ঞায় তিনি বারংবার গোদাবরী তীরভূমি খুঁজিয়া আসিলেন । এইমাত্র গোদাবরীতীর তন্ন তন্ন করিয়া দেখিয়া আসিয়াছেন, বাম তখনই আবার বলিলেন—

“শীঘ্রং লক্ষ্মণ জানীহি গতা গোদাবরীং নদীম্ ।

অপি গোদাবরীং সীতা পদ্মান্থানয়িতুং গতা ।”

পুনরায় গোদাবরীর তটদেশে যাইয়া লক্ষ্মণ সীতাকে ডাকিতে লাগিলেন, কিন্তু তাঁহার সন্ধান না পাইয়া ভয়ে ভয়ে রামের নিকট উপস্থিত হইয়া আর্তস্বরে বলিলেন—

“কং নু সা দেশমাপন্য বৈদেহী ক্লেশনাশিনী ।”

‘কোন দেশে ক্লেশনাশিনী বৈদেহী গিয়াছেন—তাহা বুঝিতে পারিলাম না’—

“নৈতাং পঞ্চানি তীর্থেষু ক্রোশতো ন শৃণোতি মে ।”

‘গোদাবরীর অবতরণস্থানসমূহের কোথাও তাঁহাকে দেখিতে পাইলাম না—ডাকিলাম, কোন উত্তর পাইলাম না ।’

লক্ষ্মণস্ত বচঃ শ্রদ্ধা দীনঃ সম্ভাপমোহিতঃ ।

বামঃ সমভিচক্রাণ স্বয়ং গোদাবরীং নদীম্ ॥”

লক্ষ্মণের কথা শুনিয়া ত্রিয়মাণচিত্তে রাম স্বয়ং সেই গোদাবরীর অভিমুখে ছুটিয়া গেলেন ।

ভ্রাতার এই উদ্যম শোক দেখিয়া লক্ষ্মণ যেকাপ কষ্ট পাইতে ছিলেন, তাহা অননুভবনীয় । কত কবিতা তিনি রামকে সাঙ্গনা দিবার চেষ্টা করিতেছেন, রাম কিছুতেই শান্ত হইতেছেন না । লক্ষ্মণের কণ্ঠলগ্ন হইয়া রাম বারংবার বদিতেছেন—

“হা লক্ষ্মণ মহাবাহো পশুসি ত্বং প্রিয়াং কচিৎ ।”

‘লক্ষ্মণ, তুমি কি সীতাকে কোথাও দেখিতে পাইতেছ ?’ এই শোকাকুল কণ্ঠের আর্তিতে লক্ষ্মণের চক্ষু জদে ভরিয়া আসিত, তাঁহার মুখ শুকাইয়া যাইত ।

দলুনাগক শাপগ্রস্ত যক্ষের নির্দেশানুসারে রাম লক্ষ্মণের সহিত পম্পাতীরে স্মৃগীবের সন্ধানে গেলেন । রাম কখনও বেগে পথ-পর্যটন করেন, কখনও মূর্ছিত হইয়া বসিয়া পড়েন, কখনও “সীতা সীতা” বলিয়া আকুলকণ্ঠে ডাকিতে থাকেন, কখনও “হা দেবি, একবার এস, তোমার শূণ্য পর্ণশালার অবস্থা দেখিয়া যাও” এই বলিয়া কাঁদিতে কাঁদিতে বিলুপ্তসংজ্ঞ হইয়া পড়েন, কখনও পম্পানীরবর্ত্তি-পদ্মবেণা-নিষ্কান্ত-পবনস্পর্শে উল্লসিত হইয়া বহিয়া উঠেন,—

“নিখাস ইব সীতায়্য বাতি বায়ুর্মনোহরঃ ।”

সজলনেত্রে চিরস্বপ্নে চিরসেবক লক্ষ্মণ রামকে এই অবস্থায় যখন

পম্পাতীরে লইয়া আসিলেন, তখন হনুমান্ স্মৃগীবকর্তৃক প্রেরিত হইয়া সেখানে উপস্থিত হইলেন এবং তাঁহাদেব পরিচয় জিজ্ঞাসা করিলেন । হনুমান্ সন্তম ও আদরের সহিত বলিলেন, “আপনারা পৃথিবীজরের শক্তিসম্পন্ন, আপনারা চীর ও বহুল ধারণ করিয়াছেন কেন ? আপনাদেব বৃত্তায়িত মহাবাহু সৰ্ব-ভূষণে ভূষিত হইবার যোগ্য, সে বাহু ভূষণহীন কেন ?” এই আদরের কণ্ঠস্বর শুনিয়া লক্ষ্মণের চিরকক্ষ হৃৎ উচ্ছ্বসিত হইয়া উঠিল । যিনি চিরদিন মৌনভাবে স্নেহার্জ হৃদয় বহন করিয়া আসিয়াছেন, আজ তিনি স্নেহের ছন্দ ও ভাষা বোধ করিতে পারিলেন না । পরিচয় প্রদানের পর তিনি বলিলেন—“দনুর নির্দেশে আজ আমরা স্মৃগীবের শরণাপন্ন হইতে আসিয়াছি । সে রাম শরণাগতদিগকে অগণিত বিত্ত অকুণ্ঠিতচিত্তে দান করিয়াছেন, সেই জগৎপূজ্য রাম আজ বানরাধিপতির শরণ পাইবার জন্য এখানে উপস্থিত । ত্রিলোক-বিশ্রুতকীর্তি দশরথের জ্যেষ্ঠ পুত্র আমার গুরু রামচন্দ্র স্বয়ং বানরাধিপতির শরণ লইবার জন্য এখানে আসিয়াছেন । সৰ্বলোক-সাঁহার আশ্রয়লাভে কৃতার্থ হইত, যিনি প্রজাপুঞ্জের রক্ষক ও পালক ছিলেন, আজ তিনি আশ্রয়ভিক্ষা করিয়া স্মৃগীবের নিকট উপস্থিত । তিনি শোকাভিভূত ও আর্জ, স্মৃগীব অবশ্যই প্রসন্ন হইয়া তাঁহাকে শরণ দান করিবেন ।”—বলিতে বলিতে লক্ষ্মণের চিরনিকক্ষ অশ্রু উচ্ছ্বসিত হইয়া উঠিল, তিনি কাঁদিয়া মৌনী হইলেন । রামের দূরবাসাদর্শনে লক্ষ্মণ একান্তরূপে অভিভূত হইয়াছিলেন, তাঁহার দৃঢ়চরিত্র আর্জ ও করুণ হইয়া পড়িয়াছিল ।

এই নিত্য দুঃখসহায় ভ্রাতা, সখা ও কনিষ্ঠ ভ্রাতা রামের প্রাণ-প্রিয় ছিলেন, তাহা বলা বাহুল্য । অশোকবনে হনুমানের নিকট সীতা বলিয়াছিলেন, ভ্রাতা লক্ষ্মণ আমা অপেক্ষা রামের নিয়ত প্রিয়তর ।” রাবণের শেনে বিদ্ধ লক্ষ্মণ যেদিন যুদ্ধক্ষেত্রে মৃতকল্প হইয়া পড়িয়াছিলেন, সেদিন আমরা দেখিতে পাই, আহত শাবককে ব্যাঘ্রী যেরূপ রক্ষা করে, রাম কনিষ্ঠকে সেইরূপ আশ্রয় লিয়া বসিয়া আছেন ;—রাবণের অসংখ্য শর রামের পৃষ্ঠদেশ ছিন্ন ভিন্ন করিতেছিল, সে দিকে দৃকপাত না করিয়া রাম লক্ষ্মণের প্রতি সজল চক্ষু ন্যস্ত করিয়া তাঁহাকে রক্ষা করিতেছিলেন । বানরসৈন্য লক্ষ্মণের রক্ষাভার গ্রহণ করিলে তিনি যুদ্ধে প্রবৃত্ত হইলেন, এবং রাবণ পৃষ্ঠভঙ্গ দিয়া চলিয়া গেলে মৃতকল্প ভ্রাতাকে অতি সুকোমল-ভাবে আলিঙ্গন করিয়া বাম বলিদেন—“তুমি যেরূপ আমাকে বনে অনুগমন করিয়াছিনে, আজ আমিও তেমনি তোমাকে যমালয়ে অনুগমন করিব, তোমাকে ছাড়িয়া আমি বাঁচিতে পারিব না । সীতার মত স্ত্রী অনেক খুঁজিলে পাওয়া যাইতে পারে, কিন্তু তোমার মত ভাই, মন্ত্রী ও সহায় পাওয়া যাইবে না । দেশে দেশে স্ত্রী ও বন্ধু পাওয়া যাইতে পারে, কিন্তু এমন দেশ দেখিতে পাই না, যেখানে তোমার মত ভাই জুটিবে । এখন উঠ, নয়ন উন্মীলন করিয়া আশ্রয় একবার দেখ ; আমি পর্বতে বা বন-মধ্যে শোকাক্ত, প্রমত্ত বা বিষন্ন হইলে, তুমিই প্রবোধবাক্যে আশ্রয় সাধনা দিতে, এখন কেন এইরূপ নীরব হইয়া আছ ?”

রামের আজ্ঞাপালনে লক্ষ্মণ কোনকালে দ্বিভক্তি করেন নাই,

ছায়সঙ্গত হউক বা না হউক, লক্ষ্মণ সর্বদা মৌনভাবে তাহা
 পালন করিয়াছেন । রাম সীতাকে বিপুল সৈন্যসংঘের মধ্য দিয়া
 শিবিকা ত্যাগ করিয়া পদব্রজে আসিতে আজ্ঞা করিলেন । শত শত
 দৃষ্টির গোচবীভূত হইয়া সীতা লজ্জায় যেন মরিয়া যাইতেছিলেন,
 ব্রীড়াময়ীর সর্বাস্ত্র কম্পিত হইতেছিল । লক্ষ্মণ এই দৃশ্য দেখিয়া
 ব্যথিত হইলেন, কিন্তু রামের কার্যের প্রতিবাদ করিলেন না ।
 যখন সীতা অগ্নিতে প্রাণবিসর্জন দিতে কৃতসংকল্পা হইয়া লক্ষ্মণকে
 চিতা প্রস্তুত করিতে আদেশ করিলেন,—তখন লক্ষ্মণ রামের
 অভিপ্রায় বুঝিয়া সজলচক্ষে চিতা প্রস্তুত করিলেন, কিন্তু কোন
 প্রতিবাদ করিলেন না । ভ্রাতৃ-স্নেহে তিনি স্বীয়-অস্তিত্ব শূন্য
 হইয়া গিয়াছিলেন । ভরতের, এমন কি সীতারও, মুখ অথচ
 তেজোব্যঞ্জক ব্যক্তিত্ব তাঁহাদের সুগভীর ভালবাসার মধ্যেও
 আমরা উপলব্ধি করিতে পারি, কিন্তু রামের প্রতি লক্ষ্মণের স্নেহ
 সম্পূর্ণরূপে আত্মহারা । ভরত রামচন্দ্রের জন্ত যে সকল কষ্ট
 স্বীকার করিয়াছেন, তাহা আমাদের প্রাণে আঘাত দেয়,—তাদৃশ
 ব্যক্তির পক্ষে ঐরূপ আত্মত্যাগ আমাদের নিকট অপূর্ব পদার্থ
 বনিয়া বোধ হয় ; ভরত স্বর্গের দেবতায় ছায়, তাঁহার ক্রিয়া-
 কলাপ ঠিক যেন পৃথিবীবাসীর নহে, উহা সর্বদাই ভাবের এক
 উচ্চগ্রামে আত্মাদিগের মনোযোগ সবলে আকর্ষণ করিয়া রাখে ।
 কিন্তু লক্ষ্মণের আত্মত্যাগ এত সহজভাবে হইয়া আসিয়াছে, উহা
 বায়ু ও জলের মত এত সহজপ্রাপ্য যে, অনেক সময় ভরতের
 আত্মত্যাগের পার্শ্বে লক্ষ্মণের খনিজদ্বারা মৃত্তিকাখনন প্রভৃতি

সেবাবৃত্তির মপ্যে আমরা তাঁহার স্নগভীর প্রেমের গুরুত্ব অনুভব করিতে ভুলিয়া যাই। অত্যন্ত সহজে প্রাপ্ত বলিয়া যেন উহা উপেক্ষা পাইয়া থাকে। তথাপি ইহা স্থির যে, লক্ষ্মণ ভিন্ন রামকে আমরা একেবারেই কল্পনা করিতে পারি না। তিনি রামের প্রাণ ও দেহের সহিত একীভূত হইয়া গিয়াছিলেন। দীর্ঘ রজনীর পরে অকস্মাৎ তরুণ অরুণালোকে যেরূপ জগৎ উদ্ভাসিত হইয়া উঠে,—ধরাবাসিগণ সেই স্বর্গভ্রষ্ট আলোকচ্ছটার পুলকে উন্মত্ত হইয়া উঠে, ভারতের ভ্রাতৃপ্রীতি কঁতকটা সেইরূপ,—কৈকেয়ীর ষড়যন্ত্র ও রামবনবাসাদির পরে ভারতের অচিস্তিতপূর্ব প্রীতি বিচ্ছুরিত হইয়া আমাদিগকে সহসা সেইরূপ চমৎকৃত করিয়া তুলে, আমরা ঠিক যেন ততটা প্রত্যাশা করি না। কিন্তু লক্ষ্মণের প্রেম আমাদের নিত্য-প্রয়োজনীয় বায়ু প্রবাহ, এই বিশাল অপরিমিত স্নেহতরঙ্গ আমাদিগকে সঞ্জীবিত রাখিয়াছে, অথচ প্রতিফল্যে আমরা ইহা ভুলিয়া যাইতেছি। লক্ষ্মণ রামকে বলিয়াছিলেন—“জল হইতে উদ্ধৃত মীনকে স্থায় আপনাকে ছাড়িয়া আমি এক মুহূর্তও বাঁচিতে পারিব না।” এই অসীম স্নেহের তিনি কোন মূল্য চান নাই, ইহা আপনিই আপনার পরম পরিতোষ, ইহা আপনাতেই আপনি সম্পূর্ণ, ইহা প্রত্যাশী নহে, ইহা দাতা। কখন বহুকল্প সাধনে অবসন্ন লক্ষ্মণকে রাম একটি স্নেহের কথা বলিয়াছেন, কিংবা একবার আলিঙ্গন দিয়াছেন, লক্ষ্মণের নেত্র-প্রান্তে একটি পুলকাক্রান্ত ফুটিয়া উঠিয়াছে, কিন্তু তিনি রামের কাছে তাহা প্রত্যাশা করিয়া অপেক্ষা করেন নাই।

লক্ষণের চরিত্রের একদিক্ মাত্র প্রদর্শিত হইল, কিন্তু তাঁহার চরিত্রের আর একটা দিক্ আছে । পূর্ববর্তী বৃত্তান্ত পাঠ করিয়া কেহ কেহ মনে করিতে পারেন, লক্ষণ বিশেষ তীক্ষ্ণসিদ্ধম ছিলেন না । তিনি অনুগত ভ্রাতা ছিলেন সত্য, কিন্তু হয় ত রাম ভিন্ন তাঁহার পক্ষে নিজেকে হারাইয়া ফেলিবার আশঙ্কা ছিল । চিরদিন রামের বুদ্ধিধারা পরিচালিত হইয়া আসিয়াছেন, সহসা একাকী সংসারের পথ পর্য্যটন করা তাঁহার পক্ষে দুঃসহ হইত, এইজন্তই তিনি রামগতপ্রাণ হইয়া বনগমন করিয়াছিলেন । এ কথা ত মানিবই না, বরং ভাল করিয়া আন্দোচনা করিলে দেখা যাইবে যে, লক্ষণই বামায়ণে পুষ্পকাবেব একমাত্র জীবন্ত চিত্র । তাঁহার বুদ্ধির সঙ্গে রামের বুদ্ধির যে সর্বদাই ঐক্য হইয়াছে, তাহা নহে, পরন্তু যে স্থানে ঐক্য না হইত, সে স্থানে তিনি স্বীয় বুদ্ধিকে রামের প্রতিভার নিকট হতবল হইতে দেন নাই ।

বনবাসাজ্ঞা তাঁহার নিকট অত্যন্ত অগ্রায় বলিয়া বোধ হইয়াছিল এবং রামের পিতৃ-আদেশ-পালন তিনি ধর্ম্মবিরুদ্ধ বলিয়া মনে করিয়াছিলেন । রাম লক্ষণকে বলিয়াছিলেন, “তুমি কি এই কার্য্য দৈবশক্তির ফল বলিয়া স্বীকার করিবে না ? আরক্ত কার্য্য নষ্ট করিয়া যদি কোন অসংকল্লিত পথে কার্য্যপ্রবাহ প্রবর্তিত হয়, তবে তাহা দৈবের কৰ্ম্ম বলিয়া মনে করিবে । দেখ, কৈকেয়ী চিরদিনই আমাকে ভারতের ছায় ভালবাসিয়াছেন, তাঁহার ছায় গুণশালিনী মহৎকুলজাতা রাজপুত্রী আমাকে পীড়াদান করিবার জন্য ইতর ব্যক্তির ছায় এইরূপ প্রতিক্রিয়াতে রাজাকে কেনই বা

আবদ্ধ করিবেন ? ইহা স্পষ্ট দৈবের কৰ্ম, ইহাতে মানুষ্যের কোন হাত নাই।” লক্ষণ উত্তরে বলিলেন, “অতি দীন ও অশক্ত ব্যক্তিরাই দৈবের দোহাই দিয়া থাকে, পুরুষকার দ্বারা যাহারা দৈবেব প্রতিকূলে দণ্ডায়মান হন, তাহারা আপনার শ্রায় অবসর হইয়া পড়েন না। মূঢ় ব্যক্তিরাই সৰ্বদা নির্যাতন প্রাপ্ত হন— “মূঢ়িহি পরিভূয়তে।” ধৰ্ম ও সত্যের ভাণ করিয়া পিতা যে ঘোরতর অশ্রায় করিতেছেন, তাহা কি আপনি বুঝিতে পারিতেছেন না ? আপনি দেবতুল্য, ঋজু ও দান্ত এবং রিপুদায় আপনার প্রশংসা করিয়া থাকে। এমন পুত্রকে তিনি কি অপরাধে বনে তাড়াইয়া দিতেছেন ? আপনি যে ধৰ্ম পালন করিতে ব্যাকুল, ঐ ধৰ্ম আমার নিকট নিতান্ত অধৰ্ম বলিয়া মনে হয়। স্ত্রীর বশীভূত হইয়া নিরপরাধ পুত্রকে বনবাস দেওয়া—ইহাই কি সত্য, ইহাই কি ধৰ্ম ? আমি আজই বাহুবলে আপনার অভিষেক সম্পাদন করিব। দেখি, কাহার সাধ্য আমার শক্তি প্রতিরোধ করে ? আজ পুরুষকারের অক্লুশ দিয়া উদ্যম দৈবহস্তীকে আমি স্ববশে আনিব। যাহা আপনি দৈবসংজ্ঞায় অভিহিত করিতেছেন, তাহা আপনি অনায়াসে প্রত্যাখ্যান করিতে পারেন, তবে কি নিমিত্ত তুচ্ছ অকিঞ্চিৎকর দৈবের প্রশংসা করিতেছেন ?” সাক্ষ-নেত্র লক্ষণ এই সকল উক্তির পর—

“হনিষো পিতরং বৃদ্ধং কৈকেয়া সন্তানসম্।”

বলিয়া ক্রুদ্ধ হইয়া উঠিলেন। রাগ তখন হস্তধারণ করিয়া তাঁহার ক্রোধপ্রশমনের চেষ্টা পাইয়াছিলেন। এই গহিত-আদেশ-পালন

যে ধর্মসম্পত্তি, ইহা তিনি কোনক্রমেই লক্ষণকে বুঝাইতে পারেন নাই । দাক্ষাকাণ্ডে মায়াসীতার মস্তক দর্শনে শোকাকুল রামচন্দ্রকে লক্ষণ বলিয়াছিলেন—“হর্ষ, কাম, দর্প, ক্রোধ, শান্তি ও ইন্দ্রিয়নিগ্রহ, এই সমস্তই অর্থের আয়ত্ত । আমার এই মত, ইহাই ধর্ম ; কিন্তু আপনি সেই অর্থমূলক ধর্ম পরিত্যাগ করিয়া সমূলে ধর্মলোপ করিয়াছেন । আপনি পিতৃ-অজ্ঞা নিবোধাধ্য করিয়া বনবাসী হওয়াতেই আপনার প্রাণাধিক পত্নীকে রাক্ষসেরা অপহরণ করিয়াছে ।” এই প্রথরব্যক্তিত্বশালী যুবক শুধু স্নেহ-গুণেই একান্তরূপে ব্যক্তিত্বহারা হইয়া পড়িয়াছিলেন ।

ভরতের চরিত্র রমণীজনোচিত কোমল মধুরভাষা ভূষিত, উহা সাত্ত্বিক বৃত্তির উপর অধিষ্ঠিত । রামের মত বলশালী চরিত্র রামায়ণে আর নাই, কিন্তু সময়-বিশেষে রাম দুর্বল ও মূঢ়তাবাপন্ন হইয়া পড়িয়াছেন । রামচরিত্র বড় জটিল । কিন্তু লক্ষণেব চরিত্রে আদ্যন্ত পুরুষকারের মহিমা দৃষ্ট হয় । উহাতে ভরতের মত করুণ রসের স্নিগ্ধতা ও জীলোকসুলভ খেদমুখর কোমলতা নাই । উহা সতত দৃঢ়, পুরুষোচিত ও বিপদে নির্ভীক । লক্ষণ অবস্থার কোন বিপর্যয়েই নমিত হইয়া পড়েন নাই । বিদায়রাক্ষসের হস্তে সীতাকে নিঃসহায়ভাবে পতিত দেখিয়া রামচন্দ্র “হায়, আজ মাতা কৈকেয়ীর আশা পূর্ণ হইল” বলিয়া অবসন্ন হইয়া পড়িলেন । লক্ষণ ভ্রাতাকে তদবস্থ দেখিয়া ক্রুদ্ধ সর্পের স্থায় নিশ্বাসত্যাগ করিয়া বলিলেন—“ইন্দ্রতুম্য-পরাক্রান্ত হইয়া আপনি কেন অনাগের স্থায় পরিতাপ করিতেছেন ? জাম্বন, আমরা রাক্ষসকে বধ করি ।”

শেগবিদ্ধ লক্ষণ পুনর্জীবন লাভ করিয়া যখন দেখিতে পাইলেন, রাম তাঁহার শোকে অধীর হইয়া সজলচক্ষে স্ত্রীলোকের মত বিলাপ করিতেছেন, তখন তিনি সেই কাতর অবস্থাতেই রামকে একপা পৌকষহীন মোহপ্রাপ্তির জন্ত তিরস্কার করিয়াছিলেন। বিরহের অবস্থায় রামের একান্ত বিহ্বলতা দেখিয়া তিনি ব্যথিতচিত্তে রামকে কত উপদেশ দিয়াছিলেন—তাহা একদিকে যেমন সুগভীর ভাববাসার ব্যঞ্জক,—অপর দিকে সেইরূপ তাঁহার চরিত্রের দৃঢ়তাসূচক। “আপনি উৎসাহশূন্য হইবেন না”, “আপনার একপা দৌর্ভাগ্যপ্রদর্শন উচিত নহে”, পুরুষকার অবলম্বন করুন” ইত্যাদিরূপ নানাবিধ স্নেহের গঞ্জন করিয়া তিনি একদিন বলিয়াছিলেন—“দেবগণের অমৃতলাভের জ্বায় বহু তপস্তা ও কৃচ্ছ্রসাধন করিয়া মহারাজ দশরথ আপনাকে লাভ করিয়াছিলেন, সে সকল কথা আমি ভারতের মুখে শুনিয়াছি—আপনি তপস্তার ফলস্বরূপ। যদি বিপদে পড়িয়া আপনার জ্বায় ধর্ম্মাত্মা সহ্য করিতে না পারেন, তবে অল্পসত্ত্ব ইতর ব্যক্তির কিস্তি কিরূপে সহ্য করিবে ?

রামের প্রতি জ্ঞাতমারে হউক বা অজ্ঞাতমারে হউক, যে কেহ অজ্ঞায় করিয়াছে, লক্ষণ তাহা ক্ষমা করেন নাই, এ কথা পূর্বেই বলিয়াছি। দশরথের গুণরাশি তাঁহার সমস্তই বিদিত ছিল, ক্রোধের উত্তেজনায় তিনি যাহাই বলুন না কেন, দশরথ যে পুত্রশোকে প্রাণত্যাগ করিবেন, এ কথাও তিনি পূর্বেই অনুমান করিয়াছিলেন, তথাপি তিনি দশরথকে মনে মনে ক্ষমা

করেন নাই । স্মরণ বিদায়কালে যখন লক্ষ্মণকে জিজ্ঞাসা করিলেন, “কুমার, পিতৃসকাশে আপনার কিছু বক্তব্য আছে কি ?” তখন লক্ষ্মণ বলিলেন, “রাজাকে বলিও, রামকে তিনি কেন বনে পাঠাইলেন, নিরপরাধ জ্যেষ্ঠপুত্রকে কেন পরিত্যাগ করিলেন, তাহা আমি বহু চিন্তা করিয়াও বুঝিতে পারি নাই । আমি মহারাজের চরিত্রে পিতৃদেহের কোন নিদর্শন দেখিতে পাইতেছি না । আমার ভ্রাতা, বন্ধু, ভর্তা ও পিতা, সকলই রামচন্দ্র ।”—

“অহং তাবমহাহারাজে পিতৃহং নোপলক্ষয়ে ।

ভ্রাতা ভর্তা চ বন্ধুশ্চ পিতা চ মম স্বায়ং ।”

ভরতের প্রতি তাঁহার গভীর সন্দেহ ছিল । কৈকেয়ীর পুত্র ভরত যে মাতার ভাবে অনুপ্রাণিত হইবেন, এ সম্বন্ধে তাঁহার অটল ধারণা ছিল, কেবল রামের ভৎসনার ভয়ে তিনি ভরতের প্রতি কঠোরবাক্যপ্রয়োগে নিবৃত্ত থাকিতেন । কিন্তু যখন জটাবদ্ধকেশকলাপ অনশনক্লশ ভরত রামের চরণপ্রান্তে পড়িয়া ধূলিলুপ্তিত হইলেন, তখন লক্ষ্মণ তাঁহাকে চিনিতে পারিয়া মলজ্জ স্নেহপরিতাপে ত্রিয়মাণ হইলেন । একদিন শীতকালের রাত্রে বড় তুষার পড়িতেছিল, শীতাতিকো পক্ষিগণ কুদ্বায়ে গুপ্তিত হইয়াছিল, ভরতের জন্ত সেই সময় লক্ষ্মণের প্রাণ কাঁদিয়া উঠিল, তিনি রামকে বলিলেন—“এই তীব্র শীত সহ করিয়া ধর্ম্মাত্মা ভরত আপনার ভক্তির তপস্বী পালন করিতেছেন । রাজ্য, ভোগ, মান, বিলাস, সমস্ত ত্যাগ করিয়া নিরতাহারী ভরত এই বিষম শীতকালের রাত্রিতে যুক্তিকায় শয়ন করিতেছেন । পারিত্রজ্যের নিয়ম

পালন করিয়া প্রত্যাহ শেষরাত্রিতে ভরত সরযুতে অবগাহন করিয়া থাকেন । চিরসুখোচিত রাজকুমার শেষরাত্রের তীব্র শীতে কিবাপে সরযুতে স্নান করেন ।” এই বাঙ্গালী পুর্বে—

“ভরতশ্চ বধে দোষং নাহং পশ্যামি কখন ।”

বলিয়া ক্রোধপ্রকাশ করিয়াছিলেন । যেদিন বুঝিতে পারিলেন, তিনি বনে বনে ঘুরিয়া রামের যেক্রপ সেবার নিরত, অযোধ্যার মহাসমৃদ্ধির মধ্যে বাস করিয়াও ভরত রামভক্তিতে সেইরূপ কৃচ্ছসাধন করিতেছেন, সেই দিন হইতে তাঁহার স্বর এইরূপ স্নেহাঙ্গ ও বিনয় হইয়া পড়িয়াছিল । কিন্তু তিনি কৈকেয়ীকে কখনই ক্ষমা করেন নাই, রামের নিকট একদিন বলিয়াছিলেন—
“দশরথ যাঁহার স্বামী, সাধু ভরত যাঁহার পুত্র, সেই কৈকেয়ী এরূপ নির্ভর হইলেন কেন ?”

লক্ষণের ক্ষত্রিয়বৃত্তিটা একটু অতিরিক্ত মানায় প্রকাশ পাইত । তিনি রামের প্রতি অত্যাচারকারীদের প্রসঙ্গে সহসা অগ্নির ছায়া জলিয়া উঠিতেন । পিতা, মাতা, ভ্রাতা, কাহাকেও তিনি এই অপরাধে ক্ষমা করিতে ইচ্ছুক ছিলেন না ।

শরৎকালে অমন ও সপ্তপর্ণের ফুলরাশি ফুটিয়া উঠিল, রক্তিমাত কোবিদার বিকশিত হইল,—মালাবান্ পর্বতের উপকণ্ঠে তরঙ্গিণীরা মন্দগতি হইল, কুসুমশোভী সপ্তচ্ছদ-বৃক্ষকে গীতশীল যটপদগণ ঘিরিয়া ধরিল, গিরিসান্নদেশে বদ্ধজীবের শ্রামাত ফল দেখা দিতে লাগিল । বর্ষার চারিটি মাস বিবহী রামচন্দ্রের নিকট শতবৎসরের ছায় দীর্ঘ বোধ হইয়াছিল । শরৎকালে নদীগুলি

শীর্ণ হইলে বানরবাহিনীর সীতাকে সন্ধান করা সহজ হইবে, সূতরাং—

“সুগ্রীবস্ত নদীনাঞ্চ প্রসাদমভিজ্ঞান্ ।”

সুগ্রীব ও নদীকুলের প্রসাদ আকাজ্ঞা করিয়া রামচন্দ্র শরৎ-কালের প্রতীক্ষা করিতেছিলেন । সেই শরৎকাল উপস্থিত হইল, কিন্তু প্রতিশ্রুতির অনুযায়ী উদ্যোগের কোন চিহ্ন না পাইয়া রাম সুগ্রীবের প্রতি ক্রুদ্ধ হইলেন,—গ্রাম্যস্থে রত মূর্থ সুগ্রীব উপকার পাইয়া প্রত্যাশায় অবহেলা করিতেছে । লক্ষণকে তিনি সুগ্রীবের নিকট পাঠাইয়া দিলেন—বন্ধুকে স্বীয় কর্তব্যের কথা স্মরণ করাইয়া উদ্যোগে প্রবর্তিত করিবার জন্য যে সকল কথা কহিয়া দিলেন, তন্মধ্যে ক্রোধসূচক কয়েকটি কথা ছিল—

“ন স সঙ্কুচিতঃ পস্থা যেন বালী হতো গতঃ ।

সময়ে তিষ্ঠ সুগ্রীব সা বাসিপথমগাঃ ॥”

‘যে পথে বালী গিয়াছে, সে পথ সঙ্কুচিত হয় নাই ; সুগ্রীব যে প্রতিজ্ঞা করিয়াছে, তাহাতে সুপ্রতিষ্ঠ হও, বালীর পথ অনুসরণ করিও না ।’ কিন্তু লক্ষণের চরিত্র জানিয়া রাম একটা “পুনশ্চ” জুড়িয়া লক্ষণকে সাবধান করিয়া দিলেন—

“তাং প্রীতিঃসুবর্ত্তন পূর্ববৃত্তঞ্চ সঙ্গতম্ ।

সামোপহিতয়া বাচা রক্ষাণি পরিবর্জয়ন্ ॥”

প্রীতির অনুসরণ ও পূর্বসখ্য স্মরণ করিয়া রক্ষতা পরিত্যাগ-পূর্বক সাজনাবাক্যে সুগ্রীবের সঙ্গে কথা কহিও ।” এই সাবধানতার কারণ ছিল । কারণ কিছু পূর্বেই লক্ষণ বলিয়াছিলেন,

“আজ সেই মিথ্যাবাদীকে বিনাশ করিব, বালীর পুত্র অঙ্গদ এখন বানরগণকে লইয়া জানকীর অন্বেষণ করুন ।”

লক্ষ্মণের তীক্ষ্ণ অশ্রাববোধ রামের কথায় প্রশমিত হয় নাই । তিনি স্ত্রীবকে ক্রুদ্ধকণ্ঠে ভৎসনা করিয়া রোষক্ষুরিতাধরে ধনু লইয়া দাঁড়াইয়াছিলেন । ভয়ে বানরাধিপতি তাঁহার কণ্ঠবিলম্বিত বিচিত্র ক্রীড়ামালা ছেদনপূর্বক তখনই রামচন্দ্রের উদ্দেশে যাত্রা করিলেন । এতাদৃশ তেজস্বী যুবককে তেজস্বিনী সীতা যে কঠোর বাক্য প্রয়োগ করেন, সে কঠোর বাক্য তিনি কিরূপে সহ্য করিয়াছিলেন, তাহা জানিতে কোতূহল হইতে পারে । মারীচ-রাক্ষস রামের স্বর অনুকরণ করিয়া বিপন্নকণ্ঠে “কোথা রে লক্ষ্মণ” বলিয়া চীৎকার করিয়া উঠিল । সীতা ব্যাকুল হইয়া তখনই লক্ষ্মণকে বামের নিকট যাইতে আদেশ করিলেন । লক্ষ্মণ রামের আদেশ লঙ্ঘন করিয়া যাইতে অসম্মত হইলেন এবং মারীচ যে ঐক্লপ স্বরবিকৃতি করিয়া কোন ছুরতিসন্ধিসাধনের চেষ্টা পাইতেছে, তাহা সীতাকে বুঝাইতে চেষ্টা করিলেন । কিন্তু সীতা তখন স্বামীর বিপদাশঙ্কায় জ্ঞানশূন্য, লক্ষ্মণকে সাক্ষ্যনেত্রে ও সক্রোধে বলিলেন, “তুমি ভারতের চর, প্রাচ্যর জাতিশত্রু, আমার লোভে রামের অমুখবর্তী হইয়াছ, রামের কোন অশুভ হইলে আমি অগ্নিতে প্রবেশ করিব ।” এ কথা শুনিয়া লক্ষ্মণ ক্ষণকাল স্তম্ভিত ও বিমূঢ় হইয়া দাঁড়াইয়া রহিলেন, ক্রোধে ও লজ্জায় তাঁহার গাও আরক্তিম হইয়া উঠিল । তিনি বলিলেন—“দেবি, তুমি আমার নিকট দেবতা-স্বরূপা, তোমাকে আমার কিছু বলা উচিত নহে । জ্ঞী-লোকের

বুদ্ধি স্বভাবতঃই ভেদকরী ; তাহার বিমুক্তধর্মী, জুরা ও চপলা । তোমার কথা তপ্ত লৌহশেণের মত আমার কর্ণে প্রবেশ করিতেছে, —আমি কোনক্রমেই তাহা সহ করিতে পারিতেছি না । তোমার আজ নিশ্চয়ই মৃত্যু উপস্থিত, চারিদিকে অশুভলক্ষণ দেখিতে পাইতেছি” —এই বলিয়া প্রস্থান করিবার পূর্বে সীতাকে বলিলেন, “বিশাণাক্ষি, এখন সমগ্র বনদেবতারা তোমাকে রক্ষা করুন ।” ক্রোধক্ষুরিতাধরে এই বলিয়া লক্ষণ রামের সন্ধানে চলিয়া গেলেন ।

লক্ষণের পুরুষোচিত চরিত্র সর্বত্র সতেজ, তাঁহার পৌরুষদৃষ্ট মহিমা সর্বত্র অনাবিল, —শুভ্র শেফালিকাব ছায় সুনির্মল ও সুপবিত্র । সীতাকর্তৃক বিক্ষিপ্ত অলঙ্কারগুলি সুগ্রীব সংগ্রহ করিয়া রাখিয়াছিলেন ; সে সকল রাম এবং লক্ষণের নিকট উপস্থিত করা হইলে লক্ষণ বলিলেন, “আমি হার ও কেয়ুরের প্রতি লক্ষ্য করি নাই, সুতরাং তাহা চিনিতে পারিতেছি না । নিতা পদ-বন্দনাকালে তাঁহার নুপুরযুগ্ম দর্শন করিয়াছি এবং তাহাই চিনিতে পারিতেছি ।” কিঙ্কিয়ার গিরিগুহাস্থিত রাজধানীতে প্রবেশ করিয়া গিরিবাসিনী রমণীগণের নুপুর ও কাঞ্চীর বিলাসমুখর নিশ্বস শুনিয়া

“সৌমিত্রিজিজ্ঞীতোহভবৎ ।”

এই লজ্জা প্রকৃত পৌরুষের লক্ষণ, চরিত্রবান্ সাধুপুরুষেরাই এইরূপ লজ্জা দেখাইতে পারেন । যখন মদবিহ্বলাক্ষী নমি ভাস্কর্য্যটি তাবা তাঁহার নিকট উপস্থিত হইল, —তাঁহার বিশাণশ্রোণীস্থানিত কাঞ্চীর হেমমূত্র লক্ষণের সম্মুখে মূছুরঙ্গিত হইয়া উঠিল, তখন —

“অবাস্থখোহভবৎ মমুজপুত্রঃ ।”

লক্ষ্মণ লজ্জায় অধোমুখ হইলেন । এইরূপ দুইএকটি ইঙ্গিতবাক্যে পরিব্যক্ত লক্ষ্মণের সাধুত্বের ছবি আমাদের চক্ষের নিকট উপস্থিত হয় । তখন প্রকৃতই তাঁহাকে দেবতার স্থায় পূজাই মনে হয় ।

রামায়ণে লক্ষ্মণের মত পুরুষকারের উজ্জ্বল চিত্র আর দ্বিতীয় নাই । ইনি সতত নির্ভীক, বিপদে অকুণ্ঠিত, স্বীয় ক্ষুরধার তীক্ষ্ণ-বুদ্ধি সত্ত্বেও ভ্রাতৃপ্রেমের বশবর্তী হইয়া একেবারে আত্মহারা হইয়া পড়িয়াছিলেন । নিতান্ত বিপদেও তাঁহার কণ্ঠস্বর শ্রীনোকের স্থায় কোমল হইয়া পড়ে নাই । যখন তিনি কবন্ধের বিশালা-হস্তের সম্পূর্ণরূপ আয়ত্ত হইয়া পড়িয়াছিলেন, তখন রামের প্রতি দৃষ্টি করিয়া এইমাত্র তিনি বলিয়াছিলেন—“দেখুন, আমি রাক্ষসের অধীন হইয়া পড়িতেছি, আপনি আমাকেই বনিস্বরূপ রাক্ষসের হস্তে প্রদান করিয়া পলায়ন করুন । আমার দৃঢ় বিশ্বাস, আপনি সীতাকে শীঘ্র ফিরিয়া পাইবেন । তাঁহাকে লাভ করিয়া পৈতৃক রাজ্যে পুনরধিষ্ঠিত হইয়া আমাকে স্মরণ রাখিবেন ।” এই কথায় বিলাপের ছন্দ নাই । ইহাতে রামের প্রতি অসীম শ্রীতি ও স্বীয় আত্মোৎসর্গের অতুল্য বৈধ্য সূচিত হইয়াছে ।

ফাল্গুনে এই জলন্ত মূর্তি, এই মৌন ভ্রাতৃভক্তির আদর্শ, ভারতে চিরদিন পূজা পাইয়া আসিয়াছেন । “রাম-সীতা” এই কথা অপেক্ষাও বোধ হয় “রাম-লক্ষ্মণ” এই কথা এতদ্দেশে বেশী পরিচিত । সৌভ্রাতের কথা মনে হইলে “লক্ষ্মণ” অপেক্ষা প্রশংসাই উপমান আমরা করনা করিতে পারি না । ভারত ভ্রাতৃ-ভক্তির পলায়,—স্বকোমল ভাবের সমৃদ্ধ উদাহরণ । কিন্তু লক্ষ্মণ

ভ্রাতৃত্বভক্তির অনব্যঞ্জন, জীবিকার সংস্থান । আজ আমরা স্বেচ্ছায় আমাদের গৃহগুলিকে লক্ষণ-শূন্য করিতেছি । আজ বহুদানে সহবান্ধবীর স্থলে স্বার্থরূপিনী, অলঙ্কারপেটিকার যক্ষীগণ আমাদের ঘরকে ঘিরিয়া গৃহে একাধিপত্য স্থাপন করিতেছে ; যাহারা এক উদরে স্থান পাইয়াছিলেন, তাঁহারা আজ এক গৃহে স্থান পাইতেছেন না । হায়, কি দৈববিড়ম্বনা, যাহাদিগকে বিশ্বনিয়ন্তা মাতৃগর্ভ হইতে পরম স্নহদ্রুপে গড়িয়া দিয়া আমাদের কাছে প্রকৃত সৌহার্দ্য শিখাইবেন, তাঁহাদিগকে বিদায় দিয়া পঞ্জাব ও পুণা হইতে আমরা স্নহৎ সংগ্রহ করিব, এ কথা কি বিধাতা ? আজ আমাদের রাম বনবাসী, লক্ষণ প্রাসাদনার্থ হইতে সেই দৃশ্য উপভোগ করেন ; আজ লক্ষণের অন্ন জুটিতেছে না, রাম স্বর্ণ থালে উপাদেয় আহার করিতেছেন । আজ আমাদের কষ্ট, দৈন্য, বনবাসের দুঃখ, সমস্তই দ্বিগুণতর পীড়াদায়ক,—লক্ষণগণকে আমাদের দুঃখের সহায় ও চিরসঙ্গী মনে ভাবিতে ভুলিয়া যাইতেছি । হে ভ্রাতৃবৎসল, মহর্ষি বাণীকি তোমাকে আঁকিয়া গিয়াছেন—চিত্রহিসাবে নহে ; হিন্দুর গৃহ-দেবতাস্বরূপ তুমি এ পর্য্যন্ত প্রতিষ্ঠিত ছিলে । আবার তুমি হিন্দুর ঘরে কিরিয়া এস,—সেই প্রিয়-প্রসঙ্গ-মুখরিত এক গৃহে একত্র বসিয়া আহার করি, স্বপ্ন হইতে আমাদের মাতারা সেই দৃশ্য দেখিয়া আশ্রয় বর্ষণ করিবেন । আমাদের দক্ষিণবাহু অভিনববলদৃপ্ত হইয়া উঠিবে—আমরা এ ছদ্মদিনের অন্ত দেখিতে পাইব ।



কৌশল্যা ।

ভরদ্বাজমুনি দশরথের মহিষীবৃন্দের পরিচয় জানিতে ইচ্ছুক হইলে ভরত অঙ্গুলীদ্বারা কৌশল্যা'কে দেখাইয়া বলিলেন, “ভগবন্, ঐ যে দীনা, অনশনক্লশা, দেবতার আয় সৌম্য শান্ত মূর্তি দেখিতেছেন, উনিই আমার জ্যেষ্ঠা অম্বা কৌশল্যা ।”

এই যে দীনহীনা ত্র্যোপবাসক্লিষ্টা দেবীর চিত্র দেখিলাম, ইহাই কৌশল্যার চিরন্তন মূর্তি । ইনি দশরথ রাজার অগ্রমহিষী হইয়াও স্বামীর আদরে বঞ্চিতা । রানচক্রের বনবাসসংবাদে ইহার মনে রুদ্ধ কণ্ঠের বেগ উচ্ছ্বসিত হইয়া উঠিয়াছিল, তখন তিনি স্বামীর অনাদরের কথা বলিয়া ফেলিয়াছিলেন—

“ন দৃষ্টপূৰ্ব্বং কলাগং সূখং বা পতিপৌৰুষে ।”

‘স্ত্রীলোকের শ্রেষ্ঠসুখ স্বামীর অনুরাগ, আমি তাহা লাভ করিতে পারি নাই ।’

‘স্বামী প্রতিকূল, এজন্য আমি কৈকেয়ীর পরিবারবর্গকর্তৃক নিতান্ত নিগৃহীত হইয়া আসিতেছি ।’—

“অতো দুঃখভরং কিমু প্রমথানাং ভবিষ্যতি ।”

‘সপত্নীর একপা লাঞ্ছনা হইতে স্ত্রীলোকের আর বেশী কি কষ্ট হইতে পারে ।’

‘যে আমার সেবা করে, কৈকেয়ীর ভয়ে সে একান্ত শঙ্কিত হয় । আমি কৈকেয়ীর কিস্করীবর্গের সমান, অথবা উহাদের অপেক্ষাও অধম হইয়া আছি ।’

একমাত্র রামের আশ্রয় পূজা লাভ করিয়া তিনি জীবনে কৃতার্থ হইয়াছিলেন । এই পূজা সহজে তিনি লাভ করেন নাই,—পূজা-কামনা করিয়া বহু তপস্যা ও নানাপ্রকার শারীরিক কষ্ট-সাধন করিয়াছিলেন । আমরা রামায়ণের আদিকাণ্ডে দেখিতে পাই, পূজাকামনায় তিনি একদা স্বয়ং যজ্ঞের অগ্নির পরিচর্যা করিয়া সারারাত্রি অতিবাহিত করিয়াছিলেন । এই ত্রতনিরতা কৌমবাসী সাধবী চিরনয়নধর প্রকৃতিসম্পনা । ভগ্নীবৎ স্নিগ্ধ ব্যবহার দ্বারা তিনি কৈকেয়ীর নির্ভরতার শোধ দিয়াছিলেন ; ভারত কৈকেয়ীকে ভৎসনা করিয়া বলিয়াছিলেন, “কৌশল্যা চিরদিনই তোমাকে ভগ্নীর আশ্রয় স্নেহ করিয়া আসিয়াছেন, তুমি তাঁহার প্রাণি এরূপ বজ্রাঘাত কেন করিলে ?” ক্ষমাশীলা কৌশল্যা কৈকেয়ীর শত অত্যাচার ও সর্বাপেক্ষা অধিক অত্যাচার—স্বামীর চিত্তে একাধি-পত্যস্থাপন-সত্ত্বেও তাঁহাকে ভগ্নীর মত ভালবাসিতেন । জ্যেষ্ঠা মহিষীর এই ক্ষমা ও উদার স্নিগ্ধতার তুলনা কোথায় ? দশরথ অনেক সময়েই কৈকেয়ীর গৃহে বিশ্রাম করিতেন, তাহাও আমরা ভারতের কথাতেই জানিতে পারি ।—

“রাজা ভবতি ভূয়িষ্ঠমিহাশ্রয়া নিবেশনে ।”

অতরাং কৌশল্যাকে আমরা যখনই দেখিতে পাই, তখনই তাঁহাকে ত্রত ও পূজার্চনাদিতে রত দেখি, স্বামি-কর্তৃক নিগৃহীতা কেবল এক স্থানেই শান্তি পাইতে পাবেন । জগতে তাঁহার দাঁড়াইবার স্থান নাই, কিন্তু যিনি অনাথের আশ্রয়, যাহার স্নেহ-কোমল বাহু ব্যথিতকে আদরে ক্রোড়ে লইয়া শান্তিদান করে,

সেই পরমদেবতাকে কৌশল্যা আশ্রয় করিয়াছিলেন, তাই সংসারের দুঃখ সহ্য করিয়া তাঁহার চরিত্র কঠোর কিংবা কটু হইয়া যায় নাই, উহা যেন আরও অমৃতরসে ভরপুর হইয়া উঠিয়াছিল। রামায়ণে দেবসেবানিরতা কৌশল্যাকে দেখিয়া মনে হয়, যেন তিনি সর্বদা সংসারের তাড়না ভুলিবার জন্য ভগবানের আশ্রয়-ভিক্ষা করিয়া কালাতিপাত করিতেন।

এই দুঃখিনীর একমাত্র সুখ—রামের মত পুত্রলাভ। যে দিন রামচন্দ্র তাঁহাকে স্বীয় অভিষেকের সংবাদ দিলেন, সে দিন তিনি দেবতাদিগের প্রীতিতে একান্তকপ আস্থাস্থাপন করিলেন। ভাবিলেন, তাঁহার পূজা-অর্চনা সমস্তই এতদিনে সার্থক হইল। তিনি, রামচন্দ্রের শত শত গুণের মধ্যে যে মহাগুণে তিনি পিতৃস্নেহ লাভ করিতে পারিয়াছিলেন, সেই গুণ স্বরণেই একান্ত প্রীত ও বিস্মিত হইয়াছিলেন—

“কল্যাণে নত নক্ষত্রে ময়া জাতোহমি পুত্রক ।

যেন ত্বয়া দশরথো গুণৈরারাদিতঃ পিতা ॥”

‘তুমি অতি শুভক্ষণে জন্মগ্রহণ করিয়াছ, তাই তুমি স্বগুণে দশরথ-রাজার প্রীতলাভ করিতে পারিয়াছ।’ দশরথ রাজার স্নেহলাভ যে কি দুর্লভ ভাগ্যের ফল, সাধবী তাহা আজীবন তপস্বী করিয়া জানিয়াছিলেন। শুভাভিষেকস্বরণে রাণী গদদধ্রু বজ্রাঞ্চলাগ্রে মার্জ্জনা করিয়া রামচন্দ্রকে আশীর্বাদ করিলেন।

রামের অভিষেক-উৎসব; এতদিনে দুঃখিনী মাতা আজ আনন্দের আহ্বানে আমগ্নিত হইয়াছেন। কিন্তু তিনি মহার্ঘ

বজ্রালঙ্কারে শোভিত হইয়া হর্বগর্ভক্ষুরিতাধরে এই প্রমঞ্চে প্রগল্ভা রমণীর ছায় আচরণ করিলেন না । মহুরা-দাসী শশাঙ্কসঙ্কশ-প্রাসাদ-দীর্ঘে দাঁড়াইয়া মনে মনে ভাবিল—

“রামমাতা ধনং কিমু জনেভাঃ সম্ভবচ্ছতি ।”

কৌশল্যা দরিদ্র, ব্রাহ্মণ ও বাচকদিগকে ধনদান করিতেছিলেন । রাম দেখিলেন, তিনি পবিত্র পট্টবস্ত্র পরিয়া অগ্নিতে আহুতি দিতেছেন ও একমনে বিষ্ণুপূজায় রত রহিয়াছেন । ধর্ম্মিষ্ঠা কৌশল্যা দেবসেবা করিয়া সফলকামা হইরাছেন, সেই দেবসেবায় তিনি আরও আগ্রহসহকারে নিযুক্ত হইলেন ।

এই স্থানে রামচন্দ্র মাতাকে নির্ভুর বনবাসসংবাদ শুনাইলেন ; সে সংবাদ পুত্রসম্বল জননীর হৃদয় বিদীর্ণ করিল ।

“মা নিকৃন্তেব শালস্ত্র যষ্টিঃ পবশুনা বনে ।

পপাত মহসা দেবী দেবতেব দিবশ্চুতা ॥”

অরণ্যে কুঠারাঘাতে কঠিত শালযষ্টির ছায়—স্বর্গচ্যুত দেবতার ছায় দেবী কৌশল্যা সহসা ভুতলে পড়িয়া গেলেন ;—পড়িয়া গেলেন, কিন্তু দশরথের মত প্রাণত্যাগ করিলেন না ।

দশরথ স্বকৃত পাপের ফলে প্রাণত্যাগ করিয়াছিলেন, রামকে বনে পাঠাইয়া তাঁহার গভীর শোক হইয়াছিল, কিন্তু বিনা অপরাধে এই কার্য্য করার জন্ত তাঁহার তদপেক্ষা গভীরতর মনস্তাপ ঘটিয়াছিল । তিনি শোকে মরিলেন, কি দাজ্জার মরিলেন, চির-স্থখাভ্যস্ত কুমারকে জটা ও চীরবাস পরিহিত দেখিয়া সেই কষ্টই তাঁহার অসহনীয় হইল কিম্বা যিনি কোন অপরাধে অপরাধী

নহেন, তাঁহাকে অপরাধিনীর বাক্যে এই নির্দোষনদও দেওয়ার লজ্জা তাঁহাকে অভিভূত করিল, নিশ্চয় করিয়া বলা সুকঠিন । আজন্মতপস্বিনী কৌশল্যার পুত্রবিরহে গভীর শোক হইল, কিন্তু দশরথের মত অনুতপ্ত হইবার তাঁহার কোন কারণ ছিল না । বিশেষতঃ দশরথ চিরসুখাভাস্ত, গার্হস্থ্যজীবনে স্নেহের অভিশাপ তিনি এই প্রথমবার পাইলেন, বৃদ্ধবয়সে তাহা সহ্য করিবার শক্তি হইল না । কৌশল্যা চিরদুঃখিনী, চিরস্নেহবঞ্চিতা, দেবতার বিশ্বাসপনায়ণা । এই দুঃখ পূর্ববর্তী দুঃখরাশির প্রকারভেদ মাত্র, তিনি স্নেহ-জনিত কষ্ট অনেক সহিয়াছিলেন, তাহা সহিতে সহিতে ধর্ম্মশীলার অপূর্ণ সহিষ্ণুতা জন্মিয়াছিল ; তিনি এই মহাদুঃখের সময় যে অপূর্ণ সহিষ্ণুতা দেখাইয়াছেন, তাহা আশাদিগকে চমৎকৃত করিয়া তুলে ।

বনগমনসম্বন্ধে তিনি রামচন্দ্রকে বলিলেন, “তুমি পিতৃসত্য-রক্ষণার্থ বনে যাওয়া স্থির করিয়াছ, কিন্তু মাতার নিকট কি তোমার কোন ঋণ নাই । আমি অনুজ্ঞা করিতেছি, তুমি এখানে থাকিয়া এই বৃদ্ধকালে আমার পরিচর্যা কর, তাহাতে তুমি ধর্ম্মে পতিত হইবে না । পিতৃ-আজ্ঞা পালন করিতে যাইয়া মাতৃ-আজ্ঞা লঙ্ঘন করা ধর্ম্মসম্প্রত হইবে না ।” শ্রীরামচন্দ্র বলিলেন, “আমি পূর্বেই প্রতিশ্রুত হইয়াছি, বিশেষ পিতা তোমার এবং আমার উভয়েরই প্রত্যক্ষ দেবতা, পিতৃ-আদেশে ঋষি কণ্ডু গোহত্যা করিয়াছিলেন, জামদগ্ন্য স্বীয় মাতা রেণুকায় শিরশ্ছেদ করিয়াছিলেন, আমাদের পূর্বপুরুষ সগরের পুত্রগণ পিতৃ-আদেশে দুরূহ

ব্রত অবগমন করিয়া অপূর্বরূপে প্রাণত্যাগ করিয়াছিলেন, পিতৃ-আদেশ আমি দাঙ্গন করিতে পারিব না । তিনি কাম কিংবা মোহ বশতঃ যদি এই প্রতিশ্রুতি প্রদান করিয়া থাকেন, তাহা আমার বিচার্য্য নহে,—তাহার প্রতিশ্রুতিপালন আমার অবশ্য-কর্তব্য ।” কোশল্যা বসিলেন, “দেখ, বনের গাভীগুলিও তাহাদের বংশের অনুসরণ করিয়া থাকে, তোমাকে ছাড়িয়া আমি কিরূপে বাঁচিব ? তুমি আমাকে সঙ্গে লইয়া চল, তোমার মুখ দেখিয়া তৃণ খাইয়া জীবনধারণ করিও আমার পক্ষে শ্রেয়ঃ ।” রাম বলিলেন, “পিতা তোমারও প্রত্যক্ষদেবতা, তাহার পরিচর্যা হই তোমার জীবনের শ্রেষ্ঠ ব্রত, তুমি সংযতাহারী হইয়া ধর্ম্মানুষ্ঠানে এই চতুর্দশ বৎসর অতিবাহিত কর, এই-সময়-অন্তে শীঘ্র আমি ফুবিয়া আসিয়া তোমার শ্রীচরণবন্দনা করিব ।” দাঙ্গণ ঘোর বাধিতত্তা উত্থাপিত করিয়া রামচন্দ্রকে এই অন্ত্য-আদেশ-প্রতিপালন হইতে প্রতিনিবৃত্ত করিতে চেষ্টা পাইতেছিলেন ; সজদ নেত্রপ্রান্তের অশ্রু অঞ্চলাগ্রে মুছিতে মুছিতে কোশল্যা সকলই শুনিতেছিলেন—তাহার পার্শ্বে ধর্ম্মাবতার সৌম্যমূর্ত্তি মাতৃদুঃখে বিযথ রামচন্দ্র ধর্ম্মের জন্ত, পবিত্র প্রতিশ্রুতিপালনের জন্য প্রাণ উৎসর্গ করিবার অটল সঙ্কল্প মেহবলীভূত অথচ দৃঢ়কণ্ঠে জ্ঞাপন করিতেছিলেন, এবং ক্রুদ্ধ দাঙ্গণের হস্তধারণপূর্বক তাহার উদ্ভেজনাংশগন্যার্থ অনুমতি করিয়া কত কি বলিতেছিলেন ;—দেবী-রূপিনী কোশল্যা দেবকণী পুঞ্জের অপূর্ব ধর্ম্মভাব দেখিয়া অপূর্বভাবে সন্তুষ্ট হইয়া উঠিলেন ;—ধর্ম্মের কথা কোশল্যার হৃদয়ে ব্যর্থ

হইবার নহে । সহসা পুত্রশোকাক্তা মহিষী ধীরগন্তীর মূর্তিতে উঠিয়া দাড়াইলেন এবং রামের বনগমন অনুমোদন করিয়া অশ্রু-গদগদকণ্ঠে আশীর্বাদ করিতে লাগিলেন—

“গচ্ছ পুত্র ত্বগেকাগ্রো ভঙ্গন্তেহস্ত মদা বিভো ।

পুনরুযি নিবৃন্তে তু ভবিষ্যানি গতক্ৰমা ॥

পিতুরানুধ্যাতাং প্রাপ্তে স্বপিয়ো পবমং স্বথম্ ।

গচ্ছেদানীং মহাবাহো ক্ষেমেন পুনবাগতঃ ।

নন্দয়িষ্যসি মাং পুত্র সীমা গগনেন চাক্ষণা ॥”

“পুত্র, তুমি একাগ্রমনে বনগমন কর, তোমার মঙ্গল হউক, তুমি ফিবিয়া আসিলে আমার সমস্ত দুঃখ অপনোদিত হইবে । তুমি এই চতুর্দশবৎসর ব্রতপালনপূর্ব্বক পিতৃ ধাণ হইতে মুক্ত হইলে আমি পরমসুখে নিদ্রা ঘাইব । বৎস, এখন প্রস্থান কর, নির্ব্বিলম্বে পুনরাগত হইয়া হৃদয়হারী নির্ম্মল সাজ্জনাবাক্যে আমাকে আনন্দিত করিও ।” সেই করুণ শোকধ্বনি, ধর্ম্মপূর্ণ সঙ্কল্প ও ক্রোধের নানাকথায় মুখরিত প্রেকোষ্ঠে কৌশল্যা দেবীর এই চিত্র সহসা মহত্ত্বগৌরবে আপুরিত হইয়া উঠিল । কৌশল্যা দেবী যে দেবতা-দিগকে রামের অভিষেকের জন্য পূজা করিতেছিলেন, তাঁহা-দিগকেই বনে রামের শুভসম্পাদনের জন্য প্রার্থনা করিয়া পুনরায় পূজা করিতে লাগিলেন । কৃতাজলি হইয়া রামের বনবাসে শুভকামনা করিয়া বলিতে লাগিলেন,—হে ধর্ম্ম, তোমাকে আমার বালক আশ্রয় করিয়াছে, তুমি ইহাকে রক্ষা করিও । হে দেবগণ, চৈত্য ও আয়তন সমূহে রাম তোমাদিগকে নিত্য পূজা

করিয়াছে, তোমরা ইহাকে রক্ষা করিও । হে বিখ্যামিত্রপ্রদত্ত দেবপ্রভাব অঙ্গসকল, তোমরা রামকে রক্ষা করিও । পিতৃমাতৃ-সেবা দ্বারা যে পুণ্যসঞ্চয় করিয়াছে, সেই সকল পুণ্য যেন বনাপ্রিত রামকে রক্ষা করে ।” অশ্রুপূর্ণচক্ষু ধর্ম্মনীলা কৌশল্যা একটি একটি করিয়া সমস্ত দেবতার নিকট রামচন্দ্রের মঙ্গলকামনা করিলেন । পুত্রের মস্তকে শুভানীষপ্রদায়ী হস্ত অর্পণ করিয়া বলিলেন—“আমার মুনিবেশধারী কলমূদোপজীবী কুমার যেন রাক্ষস ও দানবদিগের হস্ত হইতে রক্ষিত হয় ; দংশ, মশক, বৃশ্চিক কীট ও সরীসৃশেরা যেন ইহার শরীর স্পর্শ না করে ; সিংহ, ব্যাঘ্র, মহাকায় হস্তী, বরাহ, শৃঙ্গী ও মহিষেরা এবং নরখাদক রাক্ষসগণ যেন ধর্ম্মাপ্রিত পিতৃসত্যপাণনরত ত্যাগী বাণকের দ্রোহাচরণ না করে । হে পুত্র, তোমার পথ সুখকর হউক, তোমার পরাক্রম সতত সিদ্ধ হউক,—তুমি বনে গমন কর, আমি অনুমতি দিতেছি ।”—বলিতে বলিতে ধর্ম্মনীলা রাণী গৌববদৃগু হইয়া পূজার উপকরণ লইয়া ধ্যানস্থ হইলেন, তাঁহার ধর্ম্মবিশ্বাস এতটুকুও শিথিল হইল না । যে পবিত্র যজ্ঞাগ্নি অভিষেকের শুভ-কামনায় প্রজ্জ্বলিত করিয়াছিলেন, তাহাতে তিনি পুত্রের বন-প্রস্থানকালে মঙ্গলভিক্ষা করিয়া পুনরায় স্বতাহতি দিতে লাগিলেন এবং বদ্ধাঞ্জলি হইয়া পুনরায় প্রার্থনা করিয়া বলিলেন, “বৃদ্ধনাশ-কালে ভগবান্ ইন্দ্রকে যে মঙ্গল আশ্রয় করিয়াছিলেন, সেই মঙ্গল রামচন্দ্রকে আশ্রয় করুন ; দেবগণ অমৃতলাভোদ্দেশে কঠোর তপঃসাধন করিবার পর যে মঙ্গল তাঁহাদিগকে আশ্রয়

করিয়াছিলেন, রামচন্দ্রকে সেই মঙ্গল আশ্রয় করুন ; স্বর্গ, মর্ত্য ও পাতাল আক্রমণ করিবার সময় বামনরূপী বিষ্ণুকে যে মঙ্গল আশ্রয় করিয়াছিলেন, সেই মঙ্গল বনবাসী রামচন্দ্রকে আশ্রয় করুন ।” সহসা ধর্মপ্রাণা কৌশল্যা ধর্মের অপূর্ব ও গভীর শাস্তি লাভ করিলেন । তিনি স্থির ও স্নেহগদগদ কণ্ঠে রামচন্দ্রকে বলিলেন, “পুত্র, তুমি সুখে বনগমন কর, রোগশূল্য শরীরে অযোধ্যায় ফিরিয়া আসিও । এই চতুর্দশবৎসর নিবিড় কৃষ্ণা-রজনীর ছায় কাটিয়া যাইবে, অযোধ্যায় রাজপথে তুমি পূর্ণচন্দ্রের ছায় উদ্ভিত হইবে, আমি তোমাকে লাভ করিয়া সুখী হইব । পিতাকে ধন হইতে উদ্ধার করিয়া, সর্বসিদ্ধি লাভ করিয়া তুমি পুনঃপ্রত্যাগত হইবে, আমি সেই শুভদিনের প্রতীক্ষায় জীবন ধারণ করিয়া রহিলাম ।”

তৎপরে যখন রামচন্দ্র শেষ-বিদায়-গ্রহণের জন্য রাজসকাশে উপস্থিত হন, তখন সমস্ত মহিষীবর্গ ও সচিবমণ্ডলী উপস্থিত ছিলেন । তাঁহারা কৈকেয়ীকে নিন্দা করিয়া ও দশরথের অন্ত্যায় প্রতিশ্রুতির উপর কটাক্ষপাত করিয়া যোর বাণ্ধিতত্তা উপস্থিত করিলেন, কত জনে কত কথা বলিতে লাগিলেন,—রাজকুমার-দ্বয় ও সীতার হস্তে কৈকেয়ী চিরবাস প্রদান করিলেন ; সেই অভিষেকত্রয়োজ্জন রাজকুমার রাজপরিচ্ছদ খুলিয়া জটাবকলধারী হইয়া দাঁড়াইলেন, এই মর্মান্বিত দৃশ্য বৃদ্ধ সচিব সিদ্ধার্থ, স্নগদ্র এবং কুলপুরোহিত বশিষ্ঠের চক্ষে অসহ্য হইল—তাঁহারা কৈকেয়ীর তীব্র-নিন্দা করিতে লাগিলেন, সেই যোর তর্ক ও বাণ্ধিতত্তা-পূর্ণ

গৃহের একপ্রান্তে অশ্রুমুখী কৌশল্যা উপবিষ্ট ছিলেন, তিনি কোন কথা বলেন নাই । তাহার দিকে চাহিয়া রাম রাজাকে বলিলেন —

“ইমং ধার্মিক কৌশল্যা মম মাতা বশস্বিনী ।

বৃদ্ধা চামুজশীরা চ ন চ ত্বাং দেব গর্হতে ॥

ময়া বিহীনং বরদ প্রণয়ং শোকসাগরম্ ।

অদৃষ্টপূর্ব্বদামনাং ভুয়ঃ সংমম্বমর্হসি ॥”

“আমার উদারস্বভাবা বশস্বিনী বৃদ্ধা মাতা আপনার কোনরূপ নিন্দাবাদ করিতেছেন না । আমার বিরোধে ইনি শোকসাগরে পতিত হইবেন, ইনি এরূপ দুঃখ আর পান নাই, আপনি ইহাকে অধিকতর সম্মান প্রদর্শন করিবেন ।”

এই দেবী দশরথের অনাদৃত ছিলেন ; কিন্তু দশরথ কি ইহার প্রকৃত মর্যাদা বুঝিতে পাবেন নাই ? কৌশল্যা তাহার কিরূপ আদরবিয়া, দশরথ তাহা জানিতেন । কৈকেয়ীর নিকট তিনি বলিয়াছিলেন—

“আমি রামকে বনে পাঠাইলে কৌশল্যা আমাকে কি বলিবেন ? এরূপ অপ্রিয় কার্য্য করিয়া আমি তাহাকে কি উত্তর দিব ?”

“যদা যদা চ কৌশল্যা দাসীবচ্চ মখীব চ ।

ভার্য্যাবস্তুগিনীবচ্চ মাতৃবচ্চোপতিষ্ঠতে ॥

সততং প্রিয়কামা মে প্রিয়পুত্রা প্রিয়ংবদা ।

ন ময়া সংকুতং দেবী সংকারারহী কুতে তব ॥”

“কৌশল্যা দাসীর ছায়, মখীর ছায়, দ্বীর ছায়, ভগিনীর ছায় এবং মাতার ছায় আমার অনুরক্তি করিয়া থাকেন । তিনি

আমার নিয়ত হিতৈষিনী এবং প্রিয়ভাষিনী ও প্রিয় পুত্রের জননী । তিনি সর্বতোভাবে সমাদরের যোগ্য, আমি তোমার জন্য তাঁহাকে আদর করিতে পারি নাই ।” কৈকেয়ী জুকা হইয়া বলিয়াছিলেন—

“সহ কৌশল্যায়া নিত্যং রক্তমিচ্ছমি দুর্মতে ।”

কিন্তু অযোধ্যা ছাড়িয়া রামচন্দ্র যখন চলিয়া গেলেন, যখন মৌনভাবে কৌশল্যা দশরথের সঙ্গে সঙ্গে রামের রথের অনুবর্তিনী হইয়া বিসংজ্ঞ হইয়া পড়িলেন, তখন হইতে দশরথের জীবনের শেষ কয়েকটি দিবসে কৌশল্যার প্রতি তাঁহার আদর ও স্নেহ অসীম হইয়া উঠিয়াছিল । দশরথ পথে মূর্ছিত হইয়া পড়িয়াছিলেন, কিন্তু জ্ঞানলাভ করিয়া বলিলেন, “আমাকে মহারানী কৌশল্যার গৃহে লইয়া চল, আমি অন্ত্র শান্তি পাইব না ।” অন্ধরাত্রে শোকাবেগে আচ্ছন্ন হইয়া কৌশল্যাকে তিনি বলিলেন, —দেবি, রামের রথের ধূলির দিকে চাহিয়া থাকিতে থাকিতে আমি দৃষ্টিহারা হইয়াছি, আমি তোমাকে দেখিতে পাইতেছি না, তুমি আমাকে হস্তদ্বারা স্পর্শ কর ।”

নিভৃত প্রকোষ্ঠে দশরথকে পাইয়া কৌশল্যা তাঁহাকে কটুক্ৰি করিয়াছিলেন । মাতৃপ্রাণের এই নিদারুণ বেদনা, সপত্নীর বশীভূত স্বামীর এত ব্যবহার নোক-সমক্ষে তিনি মৌনভাবে সহিয়াছিলেন, কিন্তু আজ সেই কষ্ট তিনি আর সহিতে পারিলেন না,—কাঁদিতে কাঁদিতে দশরথকে বলিলেন,—“পৃথিবীর সর্বত্র তুমি যশস্বী, প্রিয়বাদী ও বদান্ত বলিয়া কীর্তিত । কি বলিয়া তুমি পুত্রদ্বয় ও সীতাকে ত্যাগ করিলে ?—সুকুমারী চিরস্মৃথোচিতা

জানকী কিরাপে শীতাতপ সহিবেন ? সুপকারগণের প্রস্তুত বিবিধ উপাদেয় খাদ্য তিনি আহাৰ করিতে অভ্যস্ত, তিনি বনের কষায় ফল খাইয়া কিরূপে জীবনধারণ কবিবেন ? রামচন্দ্রের স্নেহশাস্ত্র পদ্ম-বর্ণ ও পদ্মগন্ধিনিধাসমুক্ত মুখ আমি জীবনে আর কি দেখিতে পাইব ?” এইরূপ বিলাপ করিতে করিতে কৌশল্যা অধীর হইয়া স্বামী প্রাতি কটুবাণ্য প্রয়োগ করিলেন,—“জলজন্তুরা যেরূপ স্বীয় সন্তানকে ত্যাগ করে, তুমি সেইরূপ কবিয়াছ । তুমি রাজ্যনাশ ও পৌবজনের সর্বনাশ করিলে । গঙ্গীরা একেবারে নিশ্চেষ্ট ও বিমূঢ় হইয়া পড়িয়াছেন, আমিও পুত্রের সহিত উৎসন্ন হইলাম ।—

/ “গতিরেকা পতির্নার্যা দ্বিতীয়া গতিরাজঃ ।

তৃতীয়া জাতয়ো রাজন্ চতুর্থী নৈব বিদাতে ॥”

কৌশল্যার মুখে এই নিদাকণ বাণ্য শুনিয়া দশরথ মুহূর্তকাল ছুঃখিত ভাবে মৌন হইয়া বহিলেন, তাঁহার যেন সংজ্ঞা লুপ্ত হইয়া আসিল । জ্ঞানলাভান্তে তিনি সাশ্রুনেত্রে তপ্ত দীর্ঘনিশ্বাস ত্যাগ করিয়া পার্শ্বে কৌশল্যাকে দেখিয়া পুনরায় চিন্তিত ও মৌনী হইলেন । তিনি স্বীয় পূর্বাপরায় স্মরণ করিয়া শোকে দগ্ধ হইতে লাগিলেন এবং অর্ধপূর্ণচন্দ্রে অশোমুখে কৃতজ্ঞ হইয়া কম্পিত-দেহে কৌশল্যার প্রসাদভিক্ষা করিয়া বলিলেন, “দেবি, তুমি আমার প্রাতি প্রসন্ন হও, তুমি স্নেহশীলা ও শত্রুগণের প্রাতিও ক্ষমা প্রদর্শন করিয়া থাক । স্বামী ওনবান্ বা নিওণ হউন, স্ত্রীলোকের নিত্য গুরু । আমি ছুঃখমাগবে পতিত হইয়াছি এবং তোমার স্বামী, এই মনে করিয়া আমার প্রাতি অপ্রিয়কথাপ্রয়োগে

বিরত হও ।” রাজা বদ্ধাঞ্জলি, তাঁহার অশ্রু ও করুণ দৈন্ত্য দর্শনে কৌশল্যার কণ্ঠ রুদ্ধ হইল, তাঁহার চক্ষু হইতে অধিরণ জলধারা বিগলিত হইতে লাগিল । তিনি রাজার অঞ্জলিবদ্ধ কমলকর ধারণ করিয়া স্থায় মস্তকে রাখিলেন এবং ত্রস্ত হইয়া ভীতকণ্ঠে বলিলেন,—“দেব, আমি তোমার পদতলে আশ্রিতা,—প্রার্থনা করিতেছি, আমার প্রতি প্রসন্ন হও । তুমি আমার নিকট কৃতাজ্ঞা হইলে সেই পাপে আমার ইহকাল-পরকাল দুইই যাইবে, আমি তোমার ক্ষমার যোগ্য হইব না । চিরারাম স্বামী যাহাকে এইরূপে প্রসন্ন করিতে চান, সে কুলজীর মর্যাদা লঙ্ঘন করিয়াছে,—সে আর কুলজী বলিয়া পরিচয় দিতে পারে না । ধন্য কি, আমি তাহা জানি,—তুমি সত্যের অবতারস্বরূপ, তাহাও বুঝিতেছি । পুত্র-শোকে বিহ্বল হইয়া আমি তোমার প্রতি দুর্ভাক্য প্রয়োগ করিয়াছি—আমার প্রতি প্রসন্ন হও । শোকে ধৈর্য্য নষ্ট হয়, শোকে ধর্মজ্ঞান অন্তর্দান করে, শোকে সর্বনাশ হয়, শোকের মত রিপু নাই । পঞ্চরাত্রি অতীত হইল রাম অযোধ্যা হইতে গিয়াছে, এই পঞ্চ রাত্রি আমার নিকট পঞ্চ বৎসরের মত দীর্ঘ বোধ হইয়াছে ।” এই সময়ে সূর্য্যদেব মন্দরশি হইয়া নভঃপ্রান্তে বিলীন হইলেন এবং ধীরে ধীরে বাত্রি আসিয়া উপস্থিত হইল—দশরথ কৌশল্যার কথায় আশ্বাসিত হইয়া নিদ্রিত হইলেন ।

এই দাম্পত্যচিত্রে কৌশল্যার অপূর্ব স্বামিভক্তি প্রদর্শিত হইয়াছে । দৃশ্যটি সংক্ষেপে সঙ্কলিত হইল, মূলকাব্যের এই অংশটি করুণ-রসের উৎস-স্বরূপ ।

পররাত্রে দশরথের জীবন শেষ হয়, তখন কোশল্যা পুত্রশোক
আকুল হইয়া নিজায় আক্রান্তা, তিনি পতির মৃত্যু জানিতে পারেন
নাই। পরদিন প্রাত্যে সেই দুঃখময় রাজপ্রাসাদের চিরপ্রথানু-
সারে বন্দিগণ গান আরম্ভ করিল, বীণার মধুর নিক্ষেপে প্রবুদ্ধ
হইয়া শাখাবিহারী ও পিঞ্জরাবদ্ধ বিহগকুল কাকলি করিয়া উঠিল,
প্রস্তুত কোশল্যার মুখে বিনয়তা ও শোক অঙ্কিত হইয়াছিল,—

“নিপ্প্রভা চ বিবর্ণা চ সয়া শোকেন সন্নতা ।

ন ব্যরাজত কোশল্যা তীরেব তিমিরাবৃত্তা ॥”

গত ভীষণ রজনোর দুর্ঘটনার চিত্র উদ্ঘাটন করিয়া যখন উষা-
দেবী দর্শন দিলেন, তখন মৃত স্বামীকে দেখিয়া মহিষীগণ আকু-
লিত হইয়া কাদিতে লাগিলেন। বাষ্পপূর্ণচক্ষু কোশল্যা স্বামীর
মস্তক ধারণ করিয়া কৈকেয়ীর দিকে চাহিয়া বলিলেন,—

। “সকামা ভব কৈকেয়ি ভুঞ্জ রাজ্যমকণ্টকম্ ।”

“রাম বনবাসী হইয়াছেন, রাজা ছাড়িয়া গেলেন, এখন আমি
আর কি লইয়া থাকিব ?

—ইদং শরীরমালিঙ্গ্য প্রবেক্ষ্যামি হতাশনম্ ।”

‘এই প্রিয়দেহ আলিঙ্গন করিয়া আমি অগ্নিতে প্রাণ বিসর্জন
দিব ।’ ” ইহার পরে ভরত আসিয়া উপস্থিত হইলেন। তিনি
দুর্ঘটনার কোন সংবাদ জানিতেন না; কৈকেয়ীর মুখে সমস্ত
সংবাদ অবগত হইয়া তাঁহাকে শোকার্তকণ্ঠে ভৎসনা করিয়া বিদ্রোপ
করিতেছিলেন, অপর প্রকোষ্ঠ হইতে কোশল্যা তাঁহার কণ্ঠস্বর
শুনিয়া স্মৃতির দ্বারা তাঁহাকে ডাকিয়া পাঠাইলেন। ভরত

কৌশল্যার নিকট উপস্থিত হইলে তিনি বলিলেন, “তোমার মাতা রাজ্যকামনায় আমার পুত্রকে চীর ও বন্ধল পরাইয়া বনে পাঠাইয়া দিয়াছেন, রাজা স্বর্গগত হইয়াছেন, আমি এখানে কোনরূপেই থাকিতে পারিতেছি না, তুমি ধনধান্যশালিনী অযোধ্যাপুরী অধিকার কর, আমাকে বনে রামের নিকট পাঠাইয়া দাও ।” ভরত নিতান্ত দুঃখিত হইয়া বলিলেন, “আর্য্যে, আপনি কেন না জানিয়া আমার প্রতি এরূপ বাক্য প্রয়োগ করিতেছেন,—রামের আমি চির-অনুরাগী, আমাকে সন্দেহ করিবেন না ।” এই বলিয়া উদ্বিগ্নচিত্তে ভরত নানাপ্রকার শপথ করিতে লাগিলেন । রামের প্রতি যদি তাঁহার বিদ্বেষবুদ্ধি থাকে, তবে মহাপাতকীদের সঙ্গে যেন অনন্ত নরকে তাঁহার স্থান হয়, ইহাই বিবিধপ্রকারে বিলাপ করিয়া বলিতে লাগিলেন,—বলিতে বলিতে অশ্রুধারায় অভিযুক্ত হইয়া পরিশ্রান্ত ভরত শোকোচ্ছ্বাসে মৌনী হইয়া রহিলেন । কৌশল্যা বলিলেন—“বৎস তুমি শপথ করিয়া কেন আমাকে গর্ভবেদনা প্রদান করিতেছ? ভাগ্যক্রমে তোমার স্বভাব ধর্মান্ধ হইয়া নাই, আমার দুঃখবেগ এখন আরও প্রবল হইয়া উঠিল ।” এই বলিয়া কৌশল্যা ভ্রাতৃবৎসল ভরতকে সম্মুখে ক্রোড়ে লইয়া উচ্চৈঃস্বরে কাঁদিতে লাগিলেন ।

ভরত অযোধ্যার সমস্ত পৌরজনে পরিবৃত হইয়া রামকে আনিতে গেলেন ; শোককর্ণিত কৌশল্যা সঙ্গে গিয়াছিলেন । শৃঙ্গবেরপুরীতে ভরত রামের তৃণশয্যা দেখিয়া শোকে অজ্ঞান হইয়া পড়িয়াছিলেন, তাঁহার মুখ শুকাইয়া গিয়াছিল, তিনি অনেকক্ষণ

কথা কহিতে পারেন নাই। ভরত ভুলুটিত হইয়া অশ্রুবিসর্জন করিতেছিলেন,—কেহ কিছু ভিজাসা করিলে উত্তর করিতে পারিতেছিলেন না,—কৌশল্যা ভরতকে তদবস্থ দেখিয়া দীন ও আর্তি স্বরে এবং স্নিগ্ধসম্ভাষণে তাঁহাকে বলিলেন,—

“পুত্র ব্যাধিন’তে কচ্চিচ্ছরীরং প্রতিবোধতে ।

ত্বং দৃষ্ট্বা পুত্র জীবামি বামে সজাতুকে গতে ॥”

‘পুত্র, তোমার শরীরে ত কোন ব্যাধি উপস্থিত হয় নাই। রাম ভ্রাতার সহিত বনবাসী হইয়াছেন, এখন তোমার মুখখানি দেখিয়াই আমি জীবনধারণ করিতেছি।’

প্রকৃত পক্ষেও রামের বনগমনের পরে ভরত কৌশল্যারই যেন গর্ভজাত পুত্রের স্থানীয় হইয়াছিলেন,—কৈকেয়ী তাঁহার বিমাতার স্থায় হইয়া পড়িয়াছিলেন। চিত্রকূটপর্বতে রামের সঙ্গে মিলন সংঘটিত হইল। কৌশল্যা সীতার মুখের উজ্জ্বল শ্রী আতপক্লিষ্ট দেখিয়া কাঁদিতে লাগিলেন। অশ্রুপূর্ণাক্ষী সীতা স্বশ্রমাতাকে প্রণাম করিয়া নীচবে একপার্শ্বে দাঁড়াইয়াছিলেন, কৌশল্যা বলিলেন—“যিনি মিথিলাবিপতির কন্যা, মহারাজ দশরথের পুত্রবধূ এবং রামচন্দ্রের স্ত্রী, তিনি বিজনবনে কেন এত দুঃখ পাইতেছেন? বৎসে, আতপসমুত্তপ্ত পদের স্থায়, ধূলি-মলিন কাঞ্চনের স্থায় তোমার হৃৎ ছটা বিবর্ণ হইয়া গিয়াছে, তোমার এ মলিন মুখ দেখিয়া আমার হৃদয় দগ্ধ হইয়া যাইতেছে।”

রাম ইক্ষুদীফল দিয়া পিতৃপিও প্রদান করিয়াছিলেন,—ভূতলে প্রাণ দর্ভেব উপর প্রদত্ত সেই ইক্ষুদীফলের পিও দেখিয়া

কৌশল্যা বিলাপ করিয়া বলিলেন—“রাম এই ইন্দুদীপনে পিতৃপিণ্ড দান করিয়াছেন, এ দৃশ্য আমার সহ্য হয় না—”

“চতুরাষ্ট্রং মহীং ভূক্তা মহেন্দ্রসদৃশো ভুবি ।

কথমিঙ্গুদ্বিপিনাকং স ভুঙ্ক্তে বহুধাধিপঃ ॥

অতো হুঃখতরং লোকে ন কিঞ্চিৎ প্রতিভাতি মে ।

যত্র রামঃ পিতৃদর্শাদিঙ্গুনীক্ষে দম্বন্ধিমান্ ॥”

“ইন্দ্রতুলাপরাক্রান্ত মহারাজ দশরথ সমাগরা পৃথিবী ভোগ করিয়া এই ইন্দুদীপন কিরূপে ভক্ষণ করিবেন ? রামচন্দ্র ইন্দুদীপনের পিণ্ড পিতাকে প্রদান করিলেন, ইহা হইতে আমার অধিকতর হুঃখ আর কিছুই নাই ।” সামান্য বিষয় দাইয়া এই সকল বিলাপ-পূর্ণ উক্তির একদিকে পুত্রের বনবাসে জননীর দারুণ হুঃখ, অপরদিকে স্বামিবিয়োগে সাধবীর স্নগভীর মর্গবেদনা ফুটিয়া উঠিয়াছে ।

এই কৌশল্যাচিত্র হিন্দুস্থানের আদর্শ-জননীর চিত্র—আদর্শ স্ত্রীচরিত্র প্রতি পল্লী-গৃহের হিন্দুবালক এখনও এই স্নেহ ও আত্ম-ত্যাগ উপলব্ধি করিয়া ধন্ত হইতেছেন । এখনও শত শত স্নেহময়ী কৌশল্যা হিন্দুস্থানের প্রতি তরুপল্লবচ্ছায়ায় স্থায়ী কোমল বাহুবন্ধনে আশ্রিত শিশুগণকে পালন করিতেছেন ও তাহাদের শুভকামনায় কঠোর ব্রত-উপবাস ও দেবারাধনা করিয়া নিরন্তর স্নেহার্থ আত্ম-বিসর্জন করিতেছেন । এখনও বঙ্গদেশের কবি “কে এসে যায় ফিরে ফিরে আকুল নয়ননীরে” প্রভৃতি স্মৃতিষ্ট বন্দনাগীতে সেই স্নেহপ্রতিমার অর্চনা করিতেছেন । কিন্তু কৌশল্যার মত কয়জন

জননী এখন ধর্মত্রেতে আত্মস্থবিসর্জনকারী বন্ধনধারী পুত্রকে বলিতে পারেন—

“ন শক্যতে বাগ্মিতুং গচ্ছেদানীং রঘুস্তম ।

শীঘ্রঞ্চ বিনিবর্ত্তস্ব বর্ত্তস্ব চ সত্যং ক্রমে ॥

যং পালয়সি ধর্মং ত্বং প্রীত্যা চ নিয়মেন চ ।

স নৈ রাঘবশাস্ত্রদূল ধর্মজ্ঞামতিরক্ষতু ॥”

‘বৎস, তোমাকে আমি কিছুতেই নিবারণ করিয়া রাখিতে পারি-
লাম না, এক্ষণে তুমি প্রস্থান কর, কিন্তু শীঘ্রই ফিরিয়া আসিও
এবং সৎপথে প্রতিষ্ঠিত থাকিও । তুমি প্রীতির সহিত—নিয়মের
সহিত যে ধর্মপালনে প্রবৃত্ত হইয়াছ, সেই ধর্ম তোমায় রক্ষা
করুন ।’ আমাদের চিবপুজারী শচীগাতাও বুক বাধিয়া এমন
কথা বলিতে পারেন নাই ।

সীতা ।



রাম কৈকেয়ীব নিকট স্পর্শা করিয়া বলিয়াছিলেন,—

“বিদ্ধি মামৃষিভিস্তুলাং বিমলং ধর্মমাস্থিতম্ ।”

তিনি বনবাসাজ্ঞা অবিকৃতমুখে অবনতশিরে গ্রহণ করিয়াছিলেন, তখন তাঁহার মুখে শান্তির শ্রী বিলীন হয় নাই । কিন্তু “ইঞ্জিয়-নিগ্রহ” করিয়া যে দুঃখ হৃদয়ে প্রচ্ছন্ন রাখিয়াছিলেন, কৌশল্যার নিকট আসিবার সময় তাহা প্রবদাবেগে উচ্ছ্বসিত হইয়া উঠিল, তিনি পরিশ্রান্ত হস্তীর ছায় গভীর নিশ্বাসপাত করিতে লাগিলেন,— “নিশ্বসন্নিব কুঞ্জরঃ ।” মাতার নিকট মর্ম্মচ্ছেদী সংবাদ বলিবার সময় তাঁহার কণ্ঠ শঙ্কায়িত ও কম্পিত হইয়া উঠিতেছিল, তাঁহার কথার সূচনা পবিত্রপব্যঞ্জক—

“দেবি নুনং ন জানীযে মহন্তয়মুপস্থিতম্ ।”

মাতার অশ্রু ও শোকের উচ্ছ্বাস তিনি নীরবে দাঁড়াইয়া সহ করিয়াছিলেন ; অপ্রতিহত অঙ্গীকারের শ্রী তাঁহার কথাগুলিতে এক অপূর্ব নৈতিক-মহিমা প্রদান করিয়াছিল । কিন্তু সীতার সন্নিহিত হইয়া তাঁহার হৃদয়বেগ প্রবদ হইয়া উঠিল, তিনি তাহা রোধ করিতে পারিলেন না । চিরানুরক্তা জীকে সদ্যোদ্যোবনের অতৃপ্তকাগ্নায় দারুণ দুঃখসাগরে নিক্ষেপ করিয়া যাইবেন, এ কথা বলিতে যাইয়া তাঁহার কণ্ঠ যেন রুদ্ধ হইয়া আসিল । সীতা অভিষেকসম্ভারের প্রতীক্ষায় ফুল্লমনে রহিয়াছেন, অকস্মাৎ

বজ্রাঘাতের ছায় নিদারুণ সংবাদে কুম্মকোমলা রমণীর প্রাণকে
কিরূপে চকিত ও ব্যথিত করিয়া তুলিবেন, ভাবিয়া তিনি যেন
দিশাহারা হইয়া পড়িলেন, তাঁহার মুখস্ত্রী মণিন হইয়া গেল ।
সীতা তাঁহাকে দেখিবাগ্নাজ বুদ্ধিতে পাবিড়েন, কি যেন দারুণ
অনর্থ ঘটিয়াছে । “অদ্য শতশতাকাযুক্ত জলফেনগুহ্র রাজচ্ছত্র
তোমার মাথার উপর শোভা পাইতেছে না । কুজব, অশ্বারোহী ও
বন্দীগণ তোমার অগ্রে অগ্রে আইসে নাই, তোমার মুখ বিষন্ন, কি
ভাবনায় তুমি ক্লিন্ন ও আকুল হইয়া পড়িয়াছ, তোমার বর্ণ বিবর্ণ
হইয়া গিয়াছে ।” কোথায় রামচন্দ্রের সেই স্বভাবসৌম্য প্রশান্ত
ভাব ! রমণীর অঞ্চলপার্শ্ববর্তী হইয়া তিনি একরূপ বিহ্বল হইয়া
পড়িলেন কেন ? তিনি সীতার মহৎ পিতৃকুলের সংগম ও তাঁহার
সর্বজনপ্রশংসিত চরিত্রের কথা স্মরণ কবাহঁয়া দিয়া তাঁহাকে আসন্ন
পরীক্ষার উপযোগিনী করিতে চেষ্টা পাইলেন ; তিনি বনে গেলে
সীতা কি ভাবে রাজগৃহে জীবন-যাপন করিবেন, তৎসম্বন্ধে নানা-
নৈতিক-উপদেশ সংবলিত একটি নাতিদীর্ঘ বক্তৃতা প্রদান করি-
লেন । কিন্তু তাঁহার আশঙ্কা বৃথা—সীতা সে সকল কথা উপহাস
করিয়া বলিলেন, “তুমি বনে গেলে তোমার অগ্রে কুশাকুর ও
কণ্টকাকীর্ণ পথে পাদচারণ করিয়া আমি বনে যাইব ।”
যাঁহারা রামের বনগমনের কথা শুনিয়াছিলেন, তাঁহারা সকলেষ্ট
কত আক্ষেপ করিয়াছেন । রাম সীতার মুখে সেইরূপ কত
আক্ষেপ শুনিবার প্রত্যাশা করিয়া আসিয়াছিলেন এবং তাঁহার
প্রশমনার্থ কত উপদেশ মনে মনে সঙ্কল্প করিয়া রাখিয়াছিলেন ।

কিন্তু সীতা একটি আক্ষেপের কথা বলিলেন না, একবার দর্শনথকে
 দ্বৈধ বলিলেন না, কৈকেয়ীর প্রতি কটাক্ষনিষ্ক্ষেপ করিলেন না,
 এমন কি, বামচন্দ্র যে জটাবকুল পবিবেন, ইহা গুনিয়াও শোকে
 বিদীর্ণ হইয়া পড়িলেন না । পরন্তু তিনি স্বীয় যৌবনকল্পনার
 মাধুরী দিয়া বনবাসকে এক সুরম্যচিত্রে আঁকিয়া ফেলিলেন,
 রাজত্বের স্মৃতি অতি তুচ্ছ মনে করিলেন । সাধুপুষ্পিত পদ্মিনীসঙ্কুল
 সরোবর, ফেননির্মলহাসিনী নদীর প্রবাহ, বনাস্তলীন শৈলখণ্ড,
 এই সকল দেখিয়া স্বামীব পার্শ্বে সোহাগিনী ভ্রমণ করিবেন, এই
 স্মৃতির আশায় যেন আকুল হইয়া উঠিলেন । সীতা স্বামীব সঙ্গে
 গিবিনির্বির দেখিয়া ও বনের মুক্তবায়ু সেবন করিয়া বেড়াইবেন,
 এই আনন্দের উৎসাহে বামেব বনগমনেব ক্লেশ ভাসিয়া গেদা,
 বামচন্দ্র প্রায় হতবুদ্ধি হইয়া দাঁড়াইয়া রহিলেন । “এই সুরম্য
 অযোধ্যার সমৃদ্ধ সৌধমালার ছায়া হইতে প্রিয়তম স্বামীর
 পাদচ্ছায়াই আমার নিকট অধিকতর গণ্য” সীতা দৃঢ়ভাবে ইহাই
 বলিলেন । এই আনন্দ শুধু অনভিজ্ঞতার ফল, বামচন্দ্র ভাবিলেন,
 সীতার নিকট বনবাসের কষ্ট বুঝাইয়া বলিলে তিনি নিবৃত্ত হইবেন ।
 কিন্তু যাহা তিনি অনভিজ্ঞ আনন্দের কল্পনা মনে করিয়াছিলেন—
 তাহা সাধবীর অটল পণ । বামচন্দ্র বনের কষ্ট তাঁহাকে সহস্র-
 প্রকারে বুঝাইতে লাগিলেন । সীতা কি কষ্টকে ভয় করেন ? ইহা
 তীর্থোন্মুখী রমণীর বৃথা উৎসৃক্য নহে, স্বামীব সঙ্গ ছাড়িয়া সাধবী
 থাকিতে পারিবেন না—এই তাঁহার স্থির সঙ্কল্প । বাম তখন বনেব
 ভীষণতার একটি চিত্র সীতার সম্মুখে উপস্থিত করিলেন ; কৃষ্ণ সর্প,

বনতরুর কণ্টকপূর্ণ ব্যাকুল শাখাগ্র, ফলমূল-জীবিকা এবং অনশন, পক্ষিল সরোবর, ব্যাঘ্র, সিংহ ও রাক্ষসগণের উৎপাত প্রভৃতি শত শত বিভীষিকা প্রদর্শন করিয়া সীতার ভীতি উৎপাদনের চেষ্টা পাইলেন। সীতা ঘৃণার সহিত সে সকল উপেক্ষা করিয়া বলিয়া উঠিলেন, “তুমি কি আমাকে তুচ্ছ শম্যাসজিনী মনে করিয়াছ,—

”ছামৎসেনমুতং বীরং সত্যব্রতমমুত্রতাম্ ।

সাবিজীমিব সাং বিদ্ধি ॥”

ছামৎসেন-পুত্র সত্যব্রতের অনুব্রত সাবিজীর আয় আমাকে জানিও” এবং পরে বলিলেন,—“আমি ব্রহ্মচর্য্য পালন করিয়া তোমার সঙ্গে বনে পর্য্যটন করিব। যাহারা ইন্দ্রিয়াসক্ত, তাহারা এই প্রবাসে কষ্ট পায়, আমরা কেন কষ্ট পাইতে যাইব ?” রাম তথাপি নানারূপ ভয়ের আশঙ্কা করিয়া তাঁহাকে প্রতিনিবৃত্ত করিবার প্রয়াসী হইলেন। সীতা ক্রোধাবিষ্টা হইয়া বলিলেন—“নিজের স্ত্রীকে পার্শ্বে রাখিতে ভয় পায়, এরূপ নারীপ্রকৃতি পুরুষের হস্তে কেন আমাকে পিতা সমর্পণ করিয়াছেন ?” ইহা হইতেও তিনি অধিকতর কুকথা রামকে বলিয়াছিলেন :—

”শৈলুয় ইব মাং রাম পরেভ্যো দাতুমিচ্ছসি ।”

স্রীজনশূলভ অনেক কমনীয় কথার সংঘটনও এখানে দৃষ্ট হয়—“তোমার সঙ্গে থাকিলে, তোমার স্ত্রীমুখ দেখিলে, আমার সকল জালা দূর হইবে, পথের কুশকণ্টক রাজগৃহের তুল্যজিন অপেক্ষাও আমি কোমলতর মনে করিব।” এইরূপ নানা বিনয় ও প্রেমসূচক কথা বলিয়া সীতা স্বামীর কণ্ঠলগ্ন হইয়া কাঁদিতে

লাগিলেন ; তাঁহার পদাদলের ছায় ছুটি চক্ষু জলভারে আচ্ছন্ন হইল ; তিনি স্বামীর সঙ্গে যাইতে না পারিলে প্রাণত্যাগ করিবেন, এই সঙ্কল্প জানাইয়া ব্রততীর ছায় রামের অঙ্গে হেলিয়া পড়িয়া বিমনা হইয়া অশ্রুপাত করিতে লাগিলেন । সাধবীর এই অশ্রুতপূর্ব দৃঢ়তা দর্শনে রাম বাহুদ্বারা তাঁহাকে আলিঙ্গন করিয়া বলিলেন,—

“ন দেবি তব হৃৎকেন স্বৰ্গমপ্যভিরোচয়ে ।”

এবং তাঁহাকে সঙ্গে যাইতে অনুমতি দিয়া বলিলেন, “তোমার ধনরত্ন যাহা কিছু আছে,—তাঁহা বিতরণ করিয়া প্রস্তুত হও ।” রমণীর অলঙ্কার-পেটিকা শত শত অদৃশ্য ও মৌন যক্ষে রক্ষা করিয়া থাকে, কিন্তু সীতা কেমন হৃষ্টমনে হার-কেয়ুর সখীগণকে বিলাইয়া দিতেছেন, তাহা দেখিবার যোগ্য । বশিষ্ঠপুত্র সুষঙ্কের পত্নীকে তিনি হেমমুদ্র, কাঞ্চী ও নানা মহার্ঘ দ্রব্য প্রদান করিলেন । সখীগণকে স্বীয় পর্য্যক, হেমখচিত আস্তবর্ণ এবং নানা অলঙ্কার প্রদান করিয়া মুহূর্ত্তের মধ্যে নিরাভরণা সুন্দরী বনবাসের জন্ত প্রস্তুত হইলেন । যখন রাম পিতামাতা ও সুহৃদগণের সমক্ষে জটাবন্ধল পরিধান করিলেন, তখন সীতার পরিধানের জন্ত কৈকেয়ী তাঁহার হস্তে চীরবাস প্রদান করিলে, সীতা সজলনেত্রে ভীতকণ্ঠে রামের দিকে চাহিয়া বলিলেন, “চীরবাস কেমন করিয়া পরিতে হয়, আমি জানি না, আমাকে শিখাইয়া দাও ।” স্নমন্ত্র যে দিন রথ লইয়া গঙ্গাতীর হইতে অযোধ্যায় প্রত্যাবর্ত্তন করেন, সে দিন তিনি সীতাকে বলিয়াছিলেন—“অযোধ্যায় কোন সংবাদ কি আপনার দিবার আছে ?” সীতা তখন কিছু বলিতে পারেন নাই, ছুটি

চক্ষু হইতে তাঁহার অজস্র অশ্রুবিম্ব পতিত হইয়াছিল। এই সকল অবস্থায় সীতার মূর্তি লজ্জাবতী লতাটির গ্রাগ, কিন্তু এই বিনয়নম্রা মধুবতায়িনীর চবিত্রে যে প্রথরতেজ ও দৃঢ়সঙ্কল্প বিদ্যমান, তাহার পূর্বাভাস ইতিপূর্বেই আমরা পাইয়াছি।

তার পর রাজকুমারদ্বয় ও রাজবধু বনে যাইতেছেন। যিনি রাজাস্তঃপুরীর অবরোধে সমস্তে রক্ষিতা, যাহার গৃহশিখরে শুক ও ময়ূর নৃত্য করিত ও হেমপর্য্যঙ্কে স্নকোমলচন্দ্রাচ্ছাদনশোভী আস্তরণ বিরাজিত থাকিত, নিদ্রিত হইলে যাহার রূপমাধুরী শুধু স্বর্ণদীপরাশি নির্নিমেষনেত্রে চাহিয়া দেখিত, আজ তিনি সকলের দৃষ্টিপথবর্ত্তিনী, পদব্রজে কণ্টকাকীর্ণ পথে চলিতেছেন, পদ্মপ্রস্থনের মত পাদযুগ, — তাহাতে অলক্তকরাগ মলিন হয় নাই, সেই পাদযুগা লীলানুপুরশব্দে এখনও বনপ্রদেশ মুখরিত করিয়া চলিতেছে, চিত্রকূটের প্রান্তবর্ত্তিনী হইয়া সীতা স্বাপদসঙ্কুল গহনে ক্রয়ণ রজনীতে ভীতা হইলেন, রামের বাহু-আশ্রিতা সীতার ভীত ও চকিত পাদক্ষেপ ক্রমশঃ মম্বর হইয়া আসিল। পরিশ্রান্ত হইয়া যখন ইজুদীমূলে তিনি নিদ্রিত হইয়া পড়িলেন, তখন তৃণশয্যাশায়িনীর সুন্দর বর্ণ আতপক্লিষ্ট ও অনশনজনিত মুখস্ত্রীর বিষয়তা দেখিয়া রামচন্দ্র অদৃষ্টকে ধিক্কার দিতে লাগিলেন। কিন্তু কষ্ট স্থায়ী হয় না, — প্রভাতে চিত্রকূটের শৃঙ্গে বনতরুর পুষ্পসমৃদ্ধি দেখাইয়া রামচন্দ্র সীতাকে আদর করিতে লাগিলেন, — সীতা সেই আদরে ও সোহাগে পুনরায় ফুল্লা হইয়া উঠিলেন, পদ্ম উত্তোমন করিয়া সীতা মন্দাকিনী-সলিলে স্নান করিলেন, তটিনীর মন্দমারুত-চালিত-তরঙ্গধ্বনি তাঁহার

নিকট সখীর আস্থানের স্থায় মৃদুমনোরম বোধ হইতে লাগিল,—
তিনি স্বামীব পাশে স্বভাবের রম্যশোভা দর্শন করিয়া অযোধ্যার
সুখ অকিঞ্চিৎকর মনে করিলেন ।

বনবাসের ত্রয়োদশ বৎসর অতিবাহিত হইল, রাজবধু বন-
দেবতার মত বহুফুল পবিয়া রামের মনে হর্ষ উৎপাদন করিতেন ;
কেবল একদিন রামের জ্যানিনাদকম্পিত শান্ত বনভূমির চাঞ্চল্য
দেখিয়া সাধবী রামচন্দ্রকে বলিয়াছিলেন, “তুমি অহেতুবৈর ত্যাগ
কর ; তুমি পারিত্রজ্য অবলম্বন করিয়া বনে আসিয়াছ, এখানে
রাক্ষসদিগের সঙ্গে শত্রুতা করা সময়োচিত নহে ; তোমার নিষ্কলঙ্ক
চরিত্রে পাছে নিষ্ঠুরতা বর্তে, আমার এই আশঙ্কা ।—”

“কদম্বাকলুষা বুদ্ধিজায়তে শত্ৰুসেবনাৎ ।

• পুনর্গতা ত্রয়োদ্বায়াং ক্ষত্রধর্মং চরিত্যসি ॥”

অঙ্গ-চর্চায় বুদ্ধি কলুষিত হয়, তুমি অযোধ্যায় কিরিয়া যাইয়া ক্ষত্র-
ধর্ম আচরণ করিও ।

কখনও ঋষিকল্পা অনস্থ্যার নিকট বসিয়া সীতা কথাবার্ত্তায়
নিযুক্তা থাকিতেন, কখনও গদগদনাদী গোদাবরীতীরে স্বীয় অঙ্কে
চ্যুস্তমস্তক মৃগয়াশ্রান্ত শ্রীরামচন্দ্রের মুখে ব্যঞ্জন করিতেন, কখন
সুকেশী তাহার কর্ণাভ্রদামিত চূর্ণকুস্তুগ কর্ণিকারপুষ্পদামে সাজাইয়া
দিতেন,—অযোধ্যার রাজলক্ষ্মী বনলক্ষ্মীর বেশে এই ভাবে স্বামীর
সঙ্গে সময় অতিবাহিত করিয়াছিলেন ।

স্বতীক্লখাধির সঙ্গে দেখা করিয়া রাম অগস্ত্যশ্রমে গমন করি-
লেন । তখন শীতকাল আসিয়া পড়িয়াছে—তুষারমিশ্র জ্যোৎস্না

ওঁ মৃচ্-সূর্য্য, নিষ্পাত্ত তরু ও যবগোধুমাধীর্ষ প্রান্তর বনের বৈচিত্র্য সম্পাদন করিয়াছে, বিরামরাক্ষসের হস্ত হইতে নিষ্কৃতি পাইয়া সীতা স্বামীর সঙ্গে ক্রমশঃ দক্ষিণাত্যের নিম্নপ্রদেশে উপস্থিত হইলেন । তীব্র বহুপিপ্লবীর গন্ধে বহুবাযু আকুলিত হইতেছিল ; শালিধান্তসকলের খজ্জুরপুষ্পাচ্ছত্বা পূর্ণতুল শীর্ষসমূহ আনন্দ হইয়া স্বর্ণবর্ণে শোভা পাইতেছিল । বনোন্নত মৈথিলী নদী-পুলিনের হিমাচ্ছন্ন প্রান্তরে, কাশকুম্মশোভিত বনাঙ্কে মুক্তবেণী পৃষ্ঠে দোলাইয়া ফলপুষ্পের সন্ধানে বেড়াইতে থাকিতেন, কখন বা তাপসকুমারীগণের নিকট স্পর্ধা করিয়া বলিতেন, “আমার স্বামী পরজীমাত্রকেই মাতৃবৎ গণ্য করেন ।” ধর্ম্মপ্রাণ স্বামীর গুণকীর্তন করিতে তাঁহার কণ্ঠ আবেগে উচ্ছ্বসিত হইয়া উঠিত । পঞ্চবটীতে উপস্থিত হইয়া সীতা একেবারে সঙ্গিনীশূন্য হইয়া পড়িলেন, সেখানে নিকটে কোন ঋষির আশ্রম ছিল না । এই স্থানে স্বপ্ননখার নাসাকর্ণচ্ছেদ ও রামের শরে খরদূষণাদি চতুর্দশসহস্র রাক্ষস নিহত হইল । দণ্ডকারণ্যের রাক্ষসগণের মধ্যে অভূতপূর্ব মনুষ্যভয়ের সঞ্চার হইল । অকম্পন রাবণের নিকট বলিয়াছিল,—“ভয়প্রাপ্ত রাক্ষসগণ যে স্থানেই পলাইয়া যায়, সেই স্থানেই তাহারা সম্মুখে ধনুষ্পাণি রাগের করাল মূর্তি দেখিতে পায় ।” মারীচ রাবণকে বলিয়াছিল—“বৃক্ষের পত্রে পত্রে আমি পাশহস্তযমসদৃশ রামমূর্তি দেখিতে পাই ।” স্বীয় অধিকারস্থ জনস্থানের এই অবস্থা শুনিয়া রাবণ সেই মুহূর্তে সীতাহরণোদ্দেশে দণ্ডকারণ্যভিমুখে প্রস্থান করিল ।

সীতা লক্ষ্মণকে তীব্র গঞ্জনা করিয়া তাড়াইয়া দিয়াছেন । মায়াবী মারীচ মৃত্যুকালে রামের কণ্ঠধ্বনির অবিকল অনুকরণ করিয়াছিল ; সেই আর্ত কণ্ঠধ্বনি শুনিয়া সীতা পাগলিনী হইলেন । লক্ষ্মণ রাক্ষসদিগের ছলনার বৃত্তান্ত বিলক্ষণ অবগত ছিলেন, সুতরাং সীতার কথায় আশ্রম ছাড়িয়া যাইতে স্মীকৃত হইলেন না । স্বামীর বিপদাশঙ্কাতুরা সীতা লক্ষ্মণের মৌন এবং দৃঢ়সঙ্কল্প কোন গূঢ় ও কুৎসিত অভিপ্রায়ের ছদ্মবেশ বলিয়া মনে করিলেন ; তখনও সীতার কণ্ঠে “কোথায় সীতা, কোথায় লক্ষ্মণ” এই আর্ত কণ্ঠের স্বর ধ্বনিত হইতেছিল ; উন্মত্তা মৈথিলী লক্ষ্মণকে “প্রচ্ছন্নচারী ভরতের দূত, কুঅভিপ্রায়ে ভ্রাতৃজায়া পশ্চাৎ অনুবর্তী” প্রভৃতি কণ্ঠের বাক্য বলিতে লাগিলেন । “আমি রাম ভিন্ন অন্য কোন পুরুষকে স্পর্শ করিব না, অগ্নিতে প্রাণ বিসর্জন দিব ।” এই সকল দুর্বাক্য শ্রবণ করিয়া লক্ষ্মণ একবার উর্দ্ধদিকে চাহিয়া দেবতাদিগের উপর সীতার রক্ষার ভার অর্পণ করিলেন এবং রোষক্ষুরিত অধরে আশ্রম ত্যাগ করিয়া রামের সন্ধানে চলিয়া গেলেন । তখন কাষায়বজ্রপরিহিত, শিখী, ছত্রী ও উপানহী পরিব্রাজক “ব্রহ্ম” নাম কীর্তন করিয়া সীতার সম্মুখে উপস্থিত হইল । রাবণ সীতাকে সম্বোধন করিয়া যে সকল কথা কহিল, তাহা ঠিক ঋষিজনোচিত নহে । কিন্তু সরলপ্রকৃতি সীতা অতর্কিত ছিলেন । তিনি ব্রহ্মশাপের ভয়ে রাবণের নিকট আত্মপরিচয় দিলেন এবং অতিথিবোধে তাঁহাকে আশ্রমে অপেক্ষা করিতে অনুরোধ করিয়া জিজ্ঞাসা করিলেন—

“একশচ দণ্ডকারণো কিমর্থং চবসি দ্বিধঃ।”

রাবণ বাক্যের আড়ম্বর না করিয়া একবারেই স্বীয় অভিপ্রায় ব্যক্ত করিল—“আমি রাক্ষসরাজ রাবণ, ত্রিকুটশীর্ষে লক্ষা আমার রাজধানী, তথায় নানা স্থান হইতে আমি যোড়শ শত সুন্দরী সংগ্রহ করিয়া আনিয়াছি, তোমাকে তাহাদের ‘অগ্রমহিষী’রূপে বরণ করিয়া লইব। দশরথ রাজা মন্দবীৰ্য্য জ্যেষ্ঠপুত্রকে সিংহাসন হইতে তাড়িত করিয়া ত্রিষ কনিষ্ঠপুত্র ভরতকে অভিষিক্ত করিয়াছেন, তাহাকে ভজনা করায় কোন লাভ নাই। ত্রিকুটশীর্ষস্থিতা বনমালিনী লক্ষার সুপুষ্পিত তরুচ্ছায়ায় আমার সঙ্গে বাস করিয়া তুমি রামকে আর মনেও স্থান দিবে না।” সীতাকে আমরা তাপসপত্নীগণের নিকট একটি সুকুমারী ব্রততীর ন্যায় দেখিয়াছি। তাহার সমাজ সুন্দর মুখখানি আতপতাপে দ্বিধা মান হইয়াছিল, কিন্তু সেই লজ্জিত ও মৃদু ভঙ্গীর মধ্যে যে প্রথর তেজ লুকায়িত ছিল, তাহার পূর্বাভাস আমরা সীতার বনবাস-সঙ্কল্পে দেখিয়াছি। কিন্তু এবার সেই তেজের পূর্ণবিকাশ দৃষ্ট হইল। রাবণ অমিততেজা মহাবীর—তাহার ভয়ে পঞ্চবটীর তরু-পত্র নিক্ষেপ হইয়া গিয়াছে, পাশ্বে গোদাবরীরস্রোত মন্দীভূত হইয়া পড়িয়াছে, অন্তচূড়াবলম্বী সূর্য্যও যেন রাবণের ভয়ে দিগ্বলয়ের প্রান্তে লুকাইয়া পড়িয়াছেন, এই ভয়ানক অসুর যখন পরি-ব্রাজকবেশ ত্যাগ করিয়া সহসা রক্তমাণ্য পরিয়া তাহার ঐশ্বর্য্য ও শক্তির গর্ব্ব করিতে লাগিল,—তখন সীতা দুক্বেশিয়ার ছায় কিংবা ছিন্নলতার ছায় ভুলুপ্ত হইয়া পড়িলেন না। যিনি লতিকার ছায়

কোমল, চীরবাস পরিতে বাইয়া যিনি সাশ্রুনেত্রে স্বামীর মুখের দিকে চাহিয়া অবসন্ন হইয়া পড়িয়াছিলেন, যিনি মৃদুভাষায় নিজের মনের কথা ব্যক্ত করিয়া রামের কর্ণে অমৃতনিষেক করিতেন, সেই তনুঙ্গী পুষ্পালঙ্কারশোভিনী সীতা সহসা বিছাল্লতার ছায় তেজস্বিনী হইয়া উঠিলেন । বাহার ভয়ে জগৎ ভীত, সতী তাহার ভীতিদায়ক হইয়া উঠিলেন । কে তাঁহার ফুলকুম্বকোমলরূপে এই বিজয়ন্ত্রী, এই তেজ প্রদান করিল ? কে তাঁহার ভাষায় এই ত্রুঙ্ক অগ্নির ছায় জ্বালাময় কথা বিচ্ছুরিত করিয়া দিল ?—“আমার স্বামী মহাগিরির ছায় অটল, ইন্দ্ৰতুল্য পরাক্রান্ত, আমার স্বামী জগৎপূজ্যচরিত্র-শালী, জগদ্বীতিদায়ক-তেজোদৃশ, আমার স্বামী সত্যপ্রতিজ্ঞ, পৃথু-কীর্তি ; রাক্ষস, তুমি বজ্রদ্বারা অগ্নি আহরণ করিতে ইচ্ছা করিয়াছ, জিহ্বা দ্বারা ক্ষুর লেহন করিতে চাহিতেছ, কৈলাস-পর্বত হস্তদ্বারা উত্তোলন করিতে চেষ্টা পাইতেছ । রামের জীকে স্পর্শ কর, এমন শক্তি তোমার নাই । সিংহে ও শৃগালে, স্বর্ণে ও সীসকে যে প্রভেদ, রামের সঙ্গে তোমার তদপেক্ষা অধিক প্রভেদ । ইন্দের শটীকে হরণ করিয়াও তোমার রক্ষা পাইবার সন্যোগ থাকিতে পাবে, কিন্তু আমাকে স্পর্শ করিলে নিশ্চয় তোমার মৃত্যু ।” বক্তৃ কেশ কলাপ সীতার তেজোদৃশ মুখের চতুর্দিকে তরঙ্গিত হইয়া পড়িয়াছে, দীপ্য গ্রীবা হেলাইয়া,—ফুলকমলপ্রভ রক্তিম বদনমণ্ডল উন্নমিত করিয়া সীতা যখন রাবণকে তীব্রভাষায় ভৎসনা করিলেন, তখন আমরা সতীর মূর্তি দেখিলাম । ভারতের শাসনের প্রধ্বনি ও অগ্নি চ্ছারায় স্বামীর পার্শ্বে বনকুলসুন্দর স্থিরপ্রতিজ্ঞ বদনে বিচ্ছুরিত যে

সতীত্বের স্ত্রী আগাদের চক্ষে রহিয়াছে, শাশানের অগ্নি যে স্ত্রী ভস্মা-
ভূত করিতে পারে নাই, ভারতের প্রত্যেক গ্রাম—প্রত্যেক নদী-
পুলিনকে এক অশরীরী পুণ্যপ্রবাহে চিরতীর্থ করিয়া রাখিয়াছে,
মরণে যে গরিমা সীমন্ত উদ্ভাসিত করিয়া হিন্দুরমণীর হিন্দুরবিন্দুকে
অক্ষয় সৌন্দর্য্য প্রদান করিয়াছে—আজি জীবনে সীতার সেই চির-
নমস্ত সতীমূর্ত্তি আমরা দেখিয়া কৃতার্থ হইলাম ।

রাবণ এই মূর্ত্তির ভৃত্য প্রস্তুত ছিল না ;—সে যতগুলি রমণীর
কেশাকর্ষণ করিয়া সর্বনাশিনী লঙ্কাপুরীতে লইয়া আসিয়াছে,
তাহাদের প্রত্যেকেই কত কাতরোক্তি ও বিনয় করিয়া তাহার হস্ত
হইতে নিষ্কৃতি ভিক্ষা করিয়াছে,—জীলোকের করুণ কণ্ঠধ্বনি
শুনিতো রাবণ অভ্যস্ত । কিন্তু এই অলৌকিক রূপলতার তাদৃশ
মূর্ত্তি কিছুমাত্র নাই,—পলাশদলসুন্দর চক্ষে একটি অশ্রু নাই ।
রাবণের ভীতিকর প্রভাব জীবনে এই প্রথমবার প্রতিহত হইল ।
যে জীবনকে ভয় করে, সে জীবননাশকে ভয় করিবে, কিন্তু সীতা
স্বীয় নিঃসহায় অবস্থা স্মরণ করিয়া বলিয়াছিলেন, “বন্ধনুই কর বা
বধই কর, আমার এ দেহ এখন অসাড় ;—রাক্ষস, এ দেহ বা
এ জীবন রক্ষা করা আমার আর উচিত নয় ।”

“ললাটে অকুটিং কুখী রাবণঃ প্রভাবাচ হ ।”

সীতার দর্পিত উক্তি শুনিয়া বিস্মিত রাবণ ললাট-অকুটিং-কুখিত
করিয়া বলিল—সে কুবেরকে জয় করিয়া পুষ্পকরথ আনিয়াছে,—
জগতের প্রকৃতিপুঞ্জ তাহাকে মৃত্যুর তুল্য ভয় করে,—

“অমুখ্যাম স মমো রাগো মম যুদ্ধে স মামুখঃ ।”

রাম আমার অঙ্গুলীর সমানও নহে,—কিন্তু বাধিতওয়া বৃথা সময় নষ্ট করা যুক্তিযুক্ত মনে না করিয়া সে বামহস্তে সীতার কেশমুষ্টি ও দক্ষিণ হস্তে তাঁহার উরুদেশ ধারণ করিয়া তাঁহাকে রথের উপর লইয়া গেল । সহসা সেই পঞ্চবটীর বনস্ত্রী যেন মলিন হইয়া গেল, তরুগুলি যেন নীরবে কাঁদিতে লাগিল, পক্ষীগুলি অবসন্ন হইয়া উড়িতে পারিল না,—বনক্ষম্মীকে রাবণ লইয়া গেল, সেই বিপুল অনুগোদপ্রদেশের বনরাজি হতস্ত্রী হইয়া পড়িল । সীতার আর্জ চীৎকারধ্বনি শুনিয়া সেই নির্জনে শুধু এক মহাজন লাগুড় লইয়া দাঁড়াইলেন । তাঁহার কেশকলাপ হংসপক্ষের ছায় শুভ্র হইয়া গিয়াছে, দণ্ডকারণ্যে বছবৎসর বাস করিয়া বার্ককে তিনি শীর্ণ হইয়া পড়িয়াছেন,—তিনি পরের কলহ মাথায় লইয়া রাবণের সঙ্গে যুদ্ধ করিয়া প্রাণ দিলেন । দত্ত জটায়ু, আজ এই হিন্দুস্থানে এমন কে আছেন—যিনি অস্ত্রায়ের বিরুদ্ধে দাঁড়াইয়া তাঁহার মত প্রাণ দিতে পারেন ?

সীতা আর্জনাৎ করিয়া বলিলেন,—“রাম, তুমি দেখিলে না, বনের মৃগপক্ষীও আমাকে রক্ষা করিতে ছুটিতেছে ।” যে কর্ণিকারপুষ্প সংগ্রহের জন্ত তিনি বনে বনে ছুটিতেন, সেই কর্ণিকারবন লক্ষ্য করিয়া বলিলেন—

•“ক্ষিপ্রং রামায় শংসকং সীতাং হরতি রাবণঃ ।”

হংসসারসময়ী আধর্ভশোভিনী গোদাবরীকে ডাকিয়া বলিলেন,—

“ক্ষিপ্রং রামায় শংস জং সীতাং হরতি রাবণঃ ।”

দিগম্বনাদিগকে জ্ঞতি করিয়া বলিলেন,—

“ক্ষিপ্তঃ রাগায় শংসধঃ সীতাঃ হরতি রাবণঃ ।”

রথ ক্রমশঃ লঙ্কার সন্নিহিত হইল, সীতা স্বীয় অলঙ্কারগুলি দেখ
হইতে ছুড়িয়া ফেলিতে লাগিলেন—তাঁহার চরণের নুপুর বিছ্যাতেব
মত, বক্ষোলম্বিত শুভ্র মুক্তাহার ক্ষীণ গজারেখার ছায়া, আকাশ
হইতে পতিত হইল, রাবণের পার্শ্বে তাঁহার মুখখানি দিবসে উদ্ভিত
চন্দ্রের ছায়া মলিন দেখাইতে লাগিল, সীতার রক্তকোষে বস্ত্রের
একাক্ষি রাবণের রথের পার্শ্বে উড়িতেছিল। সেই শোকবিমুঢ়া
সতীর ছুরবস্থা দেখিয়া সমস্ত জগৎ যেন ক্রুদ্ধ হইয়া মৌনভাবে
প্রকাশ করিল—“যে সংসারে রাবণ সীতাকে হরণ করিতে পারে,
সেখানে ধর্মের জয় নাই,—সেখানে পুণ্য নাই ।”

রাবণ সীতাকে লঙ্কাপুরীতে লইয়া আসিল। লঙ্কার জগতেব
বিলাসসম্ভার সমস্ত সংগৃহীত, চক্ষুর্গণের পরিভূষিত অত্যাধিক কিছু
কল্পনায় উপস্থিত হইতে পারে, লঙ্কার তাহার সমস্ত সম্মিলিত,
এই ঐশ্বর্যময়ী পুরী সীতাকে দেখাইয়া রাবণ বলিল,—“তুমি
আমার প্রতি প্রীত হও, এই সমস্ত ঐশ্বর্য তোমার পদপ্রান্তে,—
তোমার অশ্রুক্রিয় মুখপদ্মজ আমাকে পীড়াদান করিতেছে। তোমার
সুন্দর মুখ কেন শোকার্ত হইয়া থাকিবে? তোমার স্নিগ্ধ পল্লব-
কোমল পাদযুগলের তলে আমার মস্তক রাখিতেছি, রাবণ এমন
ভাবে অপরিচিত কোন রমণীর প্রেম ভিক্ষা করে নাই। তুমি আমার
প্রতি প্রসন্ন হও ।” সীতা এ সকল কথার কর্ণপাত করেন নাই।
তিনি বিমুঢ় হইয়া পড়িয়াছিলেন, রাবণের প্রতি বারংবার রোষ
দীপ্ত বিরক্ত চক্ষে চাহিয়া সীতা আরক্তগণ্ডে ও ক্ষুরিত অধরে

তাহাকে বলিলেন—“যজ্ঞমধ্যস্থিত ব্রাহ্মণের সম্ভ্রপুত অগ্ৰভাণ্ডমণ্ডিত বেদী স্পর্শ করিবে, চণ্ডালের কি সাধ্য ? রাক্ষস, তুমি নিজের মৃত্যু আকাজক্ষা করিতেছ ।” রাবণের দিকে ঘুরায় পৃষ্ঠ ফিরাইয়া সীতা মোননী হইয়া রহিলেন, অনবদ্যাদীর সমস্ত শরীর হইতে ঘণা ও অনৌকিক দীপ্তি বিচ্ছুরিত হইতে লাগিল । বাবণ অনন্তোপায় হইয়া রাক্ষসীদিগকে বলিল—“ইহাকে অশোকবনে দাইয়া যাও, বলে হউক, ছনে হউক, মিষ্টবাক্যে হউক, ভয়প্রদর্শনে হউক, ইহাকে আগার বশীভূত করিয়া দাও ।”

সেই অশোকবনের পুষ্পস্তবকনভ শাখা যেন ভূমিচুম্বন করিতে চাহিতেছে,—অদূরে বিশাল চৈত্যাশ্রমাদি, তাহার সহস্র স্ফটিক-স্তম্ভের প্রত্যেকটির উপরে এক একটি বায়বের প্রতিমূর্তি । নানা-বিচিত্র প্রতিমূর্তি-শোভিত উপবন । চম্পক, উদ্ভালক, সিদ্ধুবার ও কোবিদার বৃক্ষ অজস্র পুষ্পসঞ্চয়ে সেই বনটি সমৃদ্ধ করিয়া রাখিয়াছে । সুন্দর সুন্দর মণিখচিত সোপানপংক্তিতে সংবদ্ধ কৃত্রিম সরোবর তটান্তশোভী বহুতরুর পুষ্পপাতে ঈষৎ কল্পিত । এই রমণীয় উদ্যানে সীতার আবাসস্থান স্থির হইল । এই আরণ্য-দৃশ্যের পার্শ্বে বিষমমালিন্ত্রী সীতাদেবীর যে মূর্তি বাস্তবিক আঁকিয়াছেন, তাহা একান্ত নীরব মাধুর্য্যে, উৎকট রাক্ষসীগণের সাহচর্য্যে অটল সত্যত্বগর্ভে এবং করুণ শোকাঙ্গ দ্বারা আগাদিগের চিত্ত বিশেষরূপে আকৃষ্ট করে ।

তাহার সহচারিণীগণ কোন দুঃস্বপ্নদৃষ্ট যমালয়ের চরের ছায়া,— তাহারা বিভীষিকার জীবন্ত মূর্তি —কেহ একাক্ষী, কেহ দ্বিঅক্ষী,

কেহ শঙ্কুকর্ণা, কেহ ক্ষীতনামা, কেহ বা “ননাটোচ্ছাসনাসিকা” — তাহাদের পিঙ্গলচক্ষু অবিরত সীতাকে ভীতিপ্রদান করিতেছে । বিনতানামী রাক্ষসী বলিতেছে—“সীতে, তোমার স্বামিস্নেহেন পরাকাষ্ঠী দেখাইয়াছ, আর প্রয়োজন, নাই, এখন ‘রাবণং ভজ ভর্তারম্’, সম্মত না হইলে—

“সৰ্ব্বাঙ্গাং ভক্ষয়িষ্যামহে বয়ম্ ।”

লম্বিতস্তনী বিকটা রাক্ষসী মুষ্টি দেখাইয়া সীতাকে তর্জন করিতেছে, আর বলিতেছে—“ইন্দ্রের* সাধ্য নাই, এ পুরী হইতে তোমাকে রক্ষা করে,—দ্বীলোকের যৌবন অস্থায়ী—যত দিন যৌবন আছে, মদিরেফণে, তত দিন সুখভোগ করিয়া লও,—রাবণের সঙ্গে সুরমা উদ্যান, উপবন ও পর্বতে বিচরণ কর । অস্বীকৃত হইলে—

* “উৎপাটা বা তে হৃদয়ং ভক্ষয়িষ্যামি মৈথিলি ।”

কুরদর্শনা চণ্ডোদরী এ সময়ে “ভ্রামযস্তীং মহচ্চুলং” বিপুল শূন্য সীতার সম্মুখে ঘুরাইয়া বলিল —“এই ত্রাসোৎকম্পপয়োবরা হরিণ-শাবাকীকে দেখিয়া আমার বড় লোভ হইতেছে—ইহাও মকুৎ, প্লীহা ও ক্রোড়দেশ আমি উৎপাটন করিয়া ভক্ষণ করি ।” প্রথম রাক্ষসীও এই কথার অমুগোদন করিল এবং অজ্ঞামুখী বলিল, “মদ্য লইয়া আইস, আমরা সকলে ইহাকে ভাগ করিয়া খাই ।” তৎপরে শূর্ণনখা তাণ্ডবনৃত্য করিয়া বলিল—“ঠিক কথা, —‘সুরা চানীরতাং ক্ষিপ্রেম্ ।’”

এই বিভীষিকাপূর্ণ রাজ্যে উপবাসকুশা-মৈথিলী এই সকল

তর্জ্জন গুনিয়া “বৈর্যামুৎসজ্য রোদিতি ।”—নেত্রদুটি জলভারে আকুল হইল ; সুন্দরী বৈর্যাহীনা হইয়া কাঁদিতে লাগিলেন ।

সীতার সুন্দর মুখ অশ্রুকলঙ্কিত, যিনি ভূষণ পরিলে শিল্পীর শ্রম সার্থক হয়, তিনি ভূষণহীনা, যিনি চিরসুখাভ্যস্তা, তিনি চির-দুঃখিনী—

“সুখার্হা দুঃখসমুত্তা, গুণনার্হা মনোত্তা ।”

একখানি ক্লিন্ন কোষেবাস তাঁহার উপবাসকাল শ্রীঅঙ্গ ঢাকিয়া রাখিয়াছে । পৌর্ণমাসী জ্যোৎস্নার ছায় তিনি সমস্ত জগতের ইষ্টকুপিনী । শোকজ্বালে তাঁহাকে আচ্ছন্ন করিয়া রাখিয়াছে,—ধূমাচ্ছন্ন অগ্নিনিখাব ছায় তাঁহার রূপ প্রকাশ পাইয়াও প্রকাশ পাইতেছে না, সন্দিগ্ধ স্মৃতির ছায় সে রূপ অস্পষ্ট । অশোক-বৃক্ষে রক্ষিত নিঃসংজ্ঞদেহে ধ্যানমগ্নী কি চিন্তা করিতেছেন ? লক্ষার এই বিষম তেজোবিক্রম, এই অসামান্য ঐশ্বর্য্য,—শত যোজন দূরে জটাবন্ধকধারী ভ্রাতৃমাত্রসহায় রামচন্দ্র এই দুর্গম স্থানে আসিবেন কিরূপে ? রাক্ষসীরা একবাক্যে বলিতেছে, তাহা অসম্ভব হইতেও অসম্ভব । রাবণ তাঁহাকে দ্বাদশমাস সময় দিয়াছিল, তাহার দশমাস অতীত হইয়া গিয়াছে, আর দুই মাস পরে পাচকগণ রাবণের প্রাতবাসের (Break-fast) জন্য তাঁহার দেহ খণ্ড খণ্ড করিয়া ফেলিবে । সীতা এই নিঃসহায় রাক্ষসপুত্রীতে স্বর্ণগণের মুখ দেখিতে পান না, কেবল রাক্ষসীরা তাঁহাকে নানাবিধ অশ্রাব্য বিজ্ঞপ ও তাড়না করিতেছে । এদিকে রাবণ প্রায়ই মে স্থানে আসিয়া কখন ভয় দেখাইতেছে, কখন মধুরভাষায় বলি-

হেছে,—“তোমার সুন্দর অঙ্গেব সেখানেই আমার চক্ষু পতিত হয়, সেখানেই উহা আবদ্ধ হইয়া থাকে,—তোমার মত সর্ব্বাঙ্গসুন্দরী আমি দেখি নাই, তোমার চাক দন্ত এবং মনোহারী নয়নদ্বয় আমাকে উন্মত্ত করিয়া তুলিয়াছে। তোমার ক্লিন্ন কোয়েয়বাস খানি আমার চক্ষুর পীড়াদায়ক, লক্ষ্যের সমস্ত ঐশ্বর্য্য তোমার পদতলে, শ্রীলাসিনি, তুমি প্রসন্ন হও।” কিন্তু এই অনশনকুশা, শোকাগ্রপুৰিতনেত্রা, ক্লিন্ন কোয়েয়বসনা তাপসী ক্রোধবক্ত্রিগ-মুখে বলিলেন, “আমার প্রতি যে দুষ্টচক্ষে চাহিতেছ, তাহা এখনও কেন উৎপাটিত হইয়া ভূতলে পতিত হইল না! দশরথ রাজার শ্রুতবধু পুণ্যশ্লোক রামচন্দ্রের ধন্যপত্নীর প্রতি যে জিহবার এই সকল পাপ কথা বলিলে,—তাহা এখনও বিদীর্ণ হইল না কেন? তোমার কালকণী বাসচক্র আসিতেছেন, এই অপ্রমেন ঐশ্বর্য্য-শালিনী লক্ষা অচিরে চিব-অন্ধকাবে লীন হইবে।” এই বলিয়া ক্ষুব্ধিতাধরা সীতা সম্বল উপেক্ষার সহিত রাবণের দিকে পৃষ্ঠ ফিরাইয়া বসিয়া বহিলেন,—তাহার পৃষ্ঠলব্ধিত একমাত্র বেনী বাফসকুল-সংহারক মহাসর্পের দ্বারা অকুণ্ঠিত হইয়া রহিল।

রাবণ ক্রোধাক্ত হইয়া সীতাকে প্রহার করিতে উদ্যত হইল, তখন স্থলিতহেমমূত্রা, গদবিহ্বলিতাক্ষী, ধাতুগালিনীনাগী রাবণের স্ত্রী তাহাকে আলিঙ্গন করিয়া গৃহে লইয়া গেল।

ইহার পরে সীতার উপর রাগসীগণের যেরূপ তীব্র শাসন চলিল, তাহা অনুভব করা যাইতে পারে। কিন্তু সকল অত্যাচার-উৎপীড়ন সহিতে হইবে বলিয়া কে এই ক্লিন্নদেহা কোমল ব্রততীকে



অশোকবনে দীত

এই অসাধারণ ব্রতভোজোমণ্ডিত করিয়া রাখিয়াছিল ? কে এই ফুলসম রমণীকে শূলসম কাঠি প্রদান করিয়া তাঁহাকে রক্ষা করিয়াছিল ? কে এই অনশন, এই ছিন্নবাস, এই ভূশয্যাক্রিষ্ট নবনীতকোমল দেহের ভিতর এই অপূৰ্ণ অলৌকিক বিদ্যাতের শক্তি সঞ্চার করিয়া দিয়াছিল ? কোন্ স্বর্গীয় আশা অসম্ভব রামাগমন ও রাক্ষসধ্বংসের পূৰ্ণাভাস তাহার কর্ণে গুঞ্জিত করিয়া অশাস্তির মধ্যে তাঁহাকে কথঞ্চিৎ শাস্তিকণা প্রদান করিয়াছিল ? কে এই বিলাস ঐশ্বর্যকে ঘৃণা ও উপেক্ষা করিতে শিখাইয়া সীতাকে পবিত্র যজ্ঞাগ্নির ছায় সমুদ্দীপ্ত করিয়া আমাদের অন্তঃপুরের আদর্শ করিয়া রাখিয়াছে ? এই সকল প্রশ্নের এক কথায় উত্তর দেওয়া বাইতে পারে, তাহাতে আমাদের ভ্রমের আশঙ্কা নাই । এই দৈত্যের মধ্যে এই আশ্চর্য্য ঐশ্বর্য্য, এই কোমলতার মধ্যে এই অসম্ভব দৃঢ়তা যদ্বারা সঞ্চারিত হইয়াছিল, তাহার নাম বিশ্বাস । বিশ্বাস ব্রতের ফল অবশ্যভাবী, সীতা সেই বলে যেন দূর ভবিষ্যতের গর্ভ বিদারণ করিয়া পুণ্যের জয় প্রত্যক্ষ করিয়া এত তেজস্বিনী হইয়াছিলেন ।

কিন্তু অসামান্যবিপৎসঙ্কুল অবস্থায় নিপীড়ন সহ করিয়া ধৈর্য্য-রক্ষা করা সকলসময় সম্ভবপর হয় না । কখন কখন সীতা ভুলে পড়িয়া অস্বস্থ কাঁদিতে থাকিতেন ; তিনি চুঃখের সীমা দেখিতে না পাইয়া কত কি ভাবিতেন । কখন মনে হইত, রাবণ-কথিত ছুইমাস চািয়া গিয়াছে, স্থপকারগণ তাঁহার দেহ খণ্ডখণ্ড করিয়া রাবণের ভোজনের উপযোগী করিতেছে ; কখন মনে হইত,

চতুর্দশ বৎসর ও পূর্ণ হইয়া গিয়াছে, রাম হয় ও অযোধ্যায় ফিরিয়া গিয়াছেন ; বিশালনেত্রা রমণীগণের সঙ্গে তিনি আনন্দে কালাতিপাত করিতেছেন । এই কথা ভাবিতে তাঁহার হৃদয়ে দাক্ষ আঘাত লাগিত । তিনি বিগ্নমুখী হইয়া নিরাশ্রয়ভাবে চতুর্দিকে দৃষ্টিপাত করিতে থাকিতেন, তখন তাঁহার সৌন্দর্য্য প্রকাশ পাইয়াও যেন প্রকাশ পাইত না—

“পদ্মিনী পঙ্কজিহব নিভাতি ন নিভাতি চ ।”

কখন মনে হইত, রামচন্দ্র হয় ও তাঁহার জন্ত শোকাবুল হন নাই—তাঁহার হৃদয় যোগীর জায়—সংসারের জ্বলন্তুথের উদ্বেগ, তিনি পূজা ও ভালবাসা আকর্ষণ করেন, তিনি নিজে কাহারও জন্ত কখনও ব্যাকুল হন নাই—এই ভাবিতে তাঁহার হৃদয় ছুরছুর করিয়া উঠিত, তিনি আপনাকে একান্ত নিরাশ্রয় মনে করিতেন । কখন বা রামসীগণের তাড়না অসহ্য হইলে তিনি ক্রুদ্ধস্বরে বলিতেন—“রামসিগণ, তোমরা অধিক কেন বদ, আমাকে ছিন্নভিন্ন বা বিদীর্ণ করিয়া ফেল, অথবা অগ্নিতে দগ্ধ কর, আমি কিছুতেই রাবণের বশীভূত হইব না ।” এই ভাবে তিনি একদিন ছুঃখের প্রান্তসীমায় উপস্থিত হইয়াছিলেন, অশোকের একটি শাখা অবলম্বন করিয়া দাঁড়াইয়া তিনি ভাবিতেছিলেন, তাঁহার প্রাণ বড় ব্যাকুল হইয়া পড়িয়াছিল । এই সময় কে তাঁহাকে শিখণ্ডপা বৃক্ষের অগ্রভাগ হইতে চিবমধুর রামনাম শুনাইল, সেই নাম শুনিয়া অকস্মাৎ তাঁহার চিত্ত মগ্নিত হইয়া চক্ষের প্রান্তে অশ্রুকণা দেখা দিল । তিনি সজলনেত্রে বক্র কেশবাশির ভার এক হস্তে

অপমৃত করিয়া উদ্ধমুখে চিরেপ্তিত-দয়িত-নাগ-কীর্তনকারীকে দেখিতে লাগিলেন । অনাবৃষ্টিসন্তপ্ত পৃথিবী যেরূপ জলবিদূর জন্ত উৎকণ্ঠিতভাবে প্রতীক্ষা করে, মধুর রাগকথা শুনিবার জন্য তিনি সেইরূপ ব্যথা হইয়া অপেক্ষা করিলেন ।

হনুমান কৃতজ্ঞানি হইয়া বলিলেন, “হে ক্লিন্নকোষেয়বাসিনি, আপনি কে, অশোকের শাখা অবদাম্বন করিয়া দাঁড়াইয়াছেন ? আপনার পদাপলাশচক্ষু জলভারে আকুলিত হইয়াছে কেন ? আপনি কি বশিষ্ঠের ক্রী অরুন্ধতী,—স্বামীব সঙ্গে কলহ করিয়া এখানে আসিয়াছেন, কিংবা চন্দ্রহীনা হইয়া চক্রেয় রমণী পৃথিবীতে অবতীর্ণ হইয়াছেন ? আপনি যক্ষ, রক্ষ, বসু, হইদের কাহাব রমণী ? আপনি ভূমিস্পর্শ করিয়া রহিয়াছেন, আপনার অশ্রু-জল দেখা যাইতেছে, এজন্য আমার আপনাকে দেবতা বলিয়াও বোধ হইতেছে না । যদি আপনি বামেব পত্নী সীতা হন, ছুরাখা রাবণ যদি জনস্থান হইতে আনিয়া আপনার এ ছর্দশা করিয়া থাকে, তবে সে কথা বলিয়া আমাকে কৃতার্থ করুন ।” সীতা সংক্ষেপে নিজের পরিচয় দিয়া হনুমানকে সমীপবর্তী হইতে আজ্ঞা করিলে দূত নিয়ে অবতরণ করিলেন । তখন হনুমানকে দেখিয়া তিনি শঙ্কিত হইলেন,—সহসা মনে হইল, এ ত ছদ্মবেশাঙ্গী রাবণ নহে ? যিনি দয়িতের বংবাদপ্রাপ্তির আশায় ক্ষণপূর্বে উৎফুল্লা হইয়া উঠিয়াছিলেন, তিনি সহসা ভয়বিহ্বলা হইয়া পড়িলেন, ভয়ে অশোকের শাখা হইতে বাহুলতা স্থলিত হইয়া পড়িল, তিনি মূঢ়িকার উপর বসিয়া পড়িলেন—

“যথা যথা সর্গোপং য হনুমানুপসর্পতি ।

তথা তথা রাবণং সা তং সীতা পরিশঙ্কতে ।”

কিন্তু এই সন্দেহ দূর করা হনুমানের পক্ষে সহজ হইল ।
রামের সংবাদ পাইয়া সীতার মুখ প্রসন্ন হইয়া উঠিল, ক্রশাক্রশ
চক্ষু অশ্রুপূর্ণ হইল, তিনি একটি কথা নানা ইচ্ছিতে হনুমানের
নিকট বারংবার জানিতে চাহিলেন—রাম তাঁহার জন্ত শোকাতুর
হইয়াছেন কি না ? হনুমান্ তাঁহাকে জানাইলেন, “যিনি শিবির
হ্রায় অটল, তিনি শোকে উন্মত্ত হইয়া পড়িয়াছেন, তাঁহার
গাভীর্ঘ্য চূর্ণ হইয়া গিয়াছে । দিবারাত্রি তাঁহার শাস্তি নাই,—
কুসুমতরু দেখিলে উন্মত্তভাবে তিনি আপনার জন্ত কুসুম তুলিতে
যান,—পদ্মপ্রসূনগন্ধি মন্দমারুতের স্পর্শে মনে করেন, ইহা
আপনার মৃদু নিশ্বাস, জীলোকের প্রিয় কোন সামগ্রী দেখিলে
তিনি উন্মত্ত হইয়া আপনার কথা বর্ণিতে থাকেন, জাগরণে
আপনার কথা ভিন্ন আর কিছু বলেন না, আবার স্তম্ভ হইলেও—

সীতেন্তি মধুরাং বর্ণিৎ ব্যাহরন্ অতিবুধ্যতে ।”

তিনি প্রায়ই উপবাসে দিনযাপন করেন—

“ন মাংসং রাগবো ভুঙ্জে ন চৈব মধু মেবতে ।”

এই কথা শুনিতে শুনিতে সীতা আর সহ্য করিতে পারিলেন না,
সাক্ষাৎক্ষে বলিয়া উঠিলেন,—

“অমৃতং বিষমংপূজং ত্বয়া বানরভাষিতম্ ।”

তৎপরে হনুমান্ রামের করভূষণ অঙ্গুরীয় অভিজ্ঞানস্বরূপে

“গৃহীত্বা প্রেক্ষমাণা মা ভর্তৃঃ করবিভূষিতম্ ।

ভর্তারমিব সস্ত্রাণ্ড সী সীতা মুদিতাভবৎ ॥”

তখন সেই চারুমুখীর বহুদিনের ছুঃখ ঘুচিয়া যে আনন্দরেখায় গাওঁদয় উল্লসিত হইয়া উঠিয়াছিল, তাহা আমরা চিত্রিত করিতে পারিব না,—সেই অঙ্গুরীয় স্পর্শবশত বহুদিনের স্মৃতি, বহু স্মৃথ ছুঃখ, সেই গদ্যদনাদি গোদাবরীপুলিনের রামসঙ্গ, কত আদব ও স্নেহের কথা মনে পড়িল, তাহার কৃষ্ণপদ্মাস্ত চক্ষুর কোণ হইতে অজস্র অশ্রুবিन्दু পতিত হইতে লাগিল । হনুমান্ সীতাকে পৃষ্ঠে করিয়া রামের নিকট লইয়া যাইতে চাহিলে সীতা স্বীকৃত হইলেন না । “রাক্ষসেরা পশ্চাৎ অনুসরণ করিলে আমি সমুদ্রের মধ্যে পড়িয়া যাইব, আর স্নেহাপূর্বক আমি পরপুরুষ স্পর্শ করিব না ।”

তার একদিনের চিত্র মনে পড়ে,—রাক্ষসগণ নিহত হইয়াছে, সীতাকে বিভীষণ রামের নিকট লইয়া যাইতে আসিলেন । নানা রত্ন ও বিচিত্র বস্ত্র দেখিয়া পাংশুগুপ্তিতসর্বাঙ্গী সীতা বলিলেন—

“অমাত্য প্রষ্টুমিচ্ছামি ভর্তারং রাক্ষসেশ্বর ।”

হনুমান্ সীতার সঙ্গিনী রাক্ষসীদিগকে তাড়না করিতে গেলে ক্ষমাশীলা সীতা বারণ করিয়া বলিলেন, “প্রভুর নিয়োগে ইহারা যাহা করিয়াছে, ওজ্ঞাত ইহারা দণ্ডাই নহে ।

তাহার পর বিশাল সৈন্যসংঘের সম্মুখে রাম সীতাকে অতি কঠোর কথা বলিলেন, লজ্জায় লজ্জাবতী যেন মরিয়া গেলেন, কিন্তু তেজস্বিনীর মহিমা স্মৃতিত হইয়া উঠিল ;—রামের কঠোর উক্তি প্রাকৃতজনোচিত, ইহা বলিতে সাধবীর কণ্ঠ দ্বিধা কম্পিত

৫৩৭ নং—তিনি পবিত্র গদে আশেষ প্রাণে ও চান্দ্রমা মৃত্যুর ওষ্ঠ প্রস্তুত হইলেন এবং উদাত্ত আশ্রয় গার্জনা করিয়া অণোমুখে স্থিত স্বামীকে প্রদক্ষিণপূর্বক জগন্ত চিত্রায় প্রবেশ করিলেন ।

তৎপরে কবিতস্ববর্ণপ্রাতিমার দ্বায় এই দেবীকে উচ্চাচর্য্য অগ্নি রাগের হস্তে অর্পণ করিয়া বলিলেন,—“মিনি আজ্ঞাশুদ্ধা, তাঁহাকে । আর আমি কি শুদ্ধ করিব ।”

উত্তরকাণ্ডের শেষ দৃশ্যটি হৃদয়বিদারক,—বনে বিসর্জন দেও-
ষাব ভ্রাতৃ লক্ষ্মণ সীতাকে লইয়া গিয়াছেন, তীরকূহ বৃক্ষমালার
সুশোভিত সুন্দর গঙ্গার পুলিনে আসিয়া লক্ষ্মণ বালকের দ্বায়
কাঁদিতে লাগিলেন, লক্ষ্মণের কান্না দেখিয়া সীতা বিস্মিতা হইলেন,
এই সুন্দর গঙ্গার উপকূলে আসিয়া লক্ষ্মণের কোন্ মনোবাথা
জাগিয়া উঠিল বুঝিতে পারিলেন না,—“তুমি ছুঁ নাকি রামচন্দ্রের
মুখাবলি দেখ নাই, সেই ক্ষোভে কি কাঁদিতেছ ?”—অতর্কিত
সীতা এই প্রশ্ন করিলেন, কিন্তু শেষে তখন লক্ষ্মণ তাঁহার পাদমুখে
নিপতিত হইয়া বলিলেন, “আজ আমার মৃত্যু হইবোই মঙ্গল
হইত” এবং কঠোর বক্তব্যের অনুরোধে মম্বাচ্ছেদী বিসর্জনের
সংবাদ জানাইলেন,—তখন স্থির বিগ্রহের দ্বায় সীতা দাঁড়াইয়া
রহিলেন, হয়ত গঙ্গানীরসিক্ত তীরতরুর পুষ্পসারসমৃদ্ধ গন্ধবহ তখন
সীতার ললাটের স্বেদ ও চক্ষের অশ্রু মুচিবর ভ্রাতৃ তাঁহাকে ধীরে
ধীরে স্পর্শ করিতেছিল—গঙ্গার তীরে দাঁড়াইয়া পাশাণ প্রাতিমার
দ্বায় তিনি দুঃসহ সংবাদ সহ্য করিলেন, পরমুহুর্ত্তে বিকল হইয়া
লক্ষ্মণকে বলিলেন—“লক্ষ্মণ, রামচন্দ্রের সঙ্গে যে বনবাস আনন্দে

সহিয়াছিলাম, আজ রাম ছাড়া সেই বনবাস কেমন করিয়া সহিব ?” তাঁহার কপোলে অজস্র অশ্রুবিন্দু গড়াইয়া পড়িতে লাগিল, সীতা সেই অশ্রু মার্জনা না করিয়া বলিলেন, “ঋষিগণ যদি আগাকে জিজ্ঞাসা করেন তোমার কেন বনবাস হইয়াছে— আমি কি উত্তর দিব ? প্রভু, তুমি আগাকে নির্দোষ জানিয়াও আমায় এই বিপদ-সমুদ্রে ফেলিলে, আজ এই গদাগর্ভই আমার শাস্তির একমাত্র স্থান, কিন্তু আমি তোমার সন্তান ধারণ করিতেছি—এ অবস্থায় আত্মহত্যা উচিত নহে ।”

গদাগর্ভে দাঁড়াইয়া সীতা নীরবে অশ্রুমোচন করিতে লাগিলেন, এবং শেষে বলিলেন—

“পতির্হি দেবতানায়াঃ পতির্বন্ধুঃ পতিগুবঃ ।

প্রাণৈরপি প্রিয়ং ওস্ত্যক্ত্বৈঃ কার্য্যং বিশেষতঃ ॥”

“পতিই নারীগণের দেবতা, বন্ধু ও গুরু, তাঁহার কার্য্য আমার প্রাণাপেক্ষা প্রিয় ।” অশ্রুবদ্ধ গদগদকণ্ঠে লক্ষ্মণকে বলিলেন— “লক্ষ্মণ, এই দুঃখিনীকে পরিত্যাগ করিয়া যাও, রাজার আদেশ পালন কর ।”

ইহার অনেক দিন পবে একদা সমস্ত সভাসদ-পরিবৃত মহা-রাজ রামচন্দ্র সীতাকে পরীক্ষার জন্ত আহ্বান করিয়াছিলেন, — সে দিন, ক্রিয় কোষেয়বসনা করণাময়ী দুঃখিনী সীতা যুক্ত করে বলিলেন, “হে মাতঃ বসুন্ধরে, যদি আমি কারমনোবাক্যে পতিকে অর্চনা করিয়া থাকি, তবে আগাকে তোমার গর্ভে স্থান দাও ।”

সীতার কাহিনী, দুঃখ পবিত্রতা এবং ত্যাগের কাহিনী । এই

সতীচিত্র বাণীকি চিরজীবন্ত করিয়া রাখিয়াছেন। ইহার বিশাল আলেখ্য হিন্দুস্থানের প্রাতি গৃহে গৃহে এখনও স্রশোভিত। অলঙ্কিতভাবে সীতার পত্নীত্ব হিন্দুস্থানের পত্নীকুলের মধ্যে অপূৰ্ণ সতীত্ব-বুদ্ধির সঞ্চার করিয়া আগাদের গৃহস্থালীকে পবিত্র করিয়া রাখিয়াছে। নূতন সভ্যতার জোতে নূতন বিলাস-কলা-ময় চিত্র দেখিয়া যেন সেই স্থায়ী ও অমর আলেখ্যের প্রাতি আমরা অন্ধাধীন না হই! এস মাতা! তুমি সহস্র সহস্র বৎসর গৃহ-লক্ষীর ন্যায় হিন্দুর গৃহে, যে পুণ্যশক্তির সঞ্চার করিয়াছ—তাহার পুনরুদ্ধাপন কর, আবার ঘরে ঘরে তোমার জন্য মঙ্গলঘট প্রাতিষ্ঠিত হউক। তুমি ভারতবাসিনীদিগের লজ্জা, বিনয় ও দৈন্য, তুমি তাহাদিগের কঠোর সহিষ্ণুতায়, প্রাণের প্রাতি উপেক্ষায় ও পবিত্র আত্মসমর্পণের মধ্যে বিরাজ কর, তোমার স্নেহকোমল অন্তরক-রাগ-রঞ্জিত পাদযুগলের নুপুর-মুখর সঞ্চালনে গৃহে গৃহে স্বর্গীয় সতীত্বের বাকী ধ্বনিত হউক। তুমি আগাদের আদর্শ নহ, তুমি আগাদের প্রাপ্ত,—তুমি কবির সৃষ্টি নহ, তুমি ভগবানের দান। আগাদিগের নানা ছুঃখ ও বিড়ম্বনার মধ্যে তোমারই প্রতিচ্ছায়া অলঙ্ক্য ভাসিয়া বেড়ায় ও তাহাতেই সমস্ত দৈন্ত্য বুচিয়া আগাদের স্বল্প খাদ্য ও ছিন্ন কস্থার নিদ্রা পরম পরিতৃপ্তকর হইয়া উঠে।



হনুমান্ ।

যৌথ-পরিবারে পিতা, মাতা, ভ্রাতা এবং পত্নীর যেরূপ স্থান, ভৃত্য বা সচিবেরও সেইরূপই একটি স্থান ; এই বিচিত্র প্রীতির সম্বন্ধ ত্যাগের ভাবে মহিমাবিত হইয়া, গৃহধর্মকে কিরূপ অথও সৌন্দর্য্য প্রদান করিতে পারে,—রামায়ণকাব্যে তাহা উৎকৃষ্টভাবে প্রদর্শিত হইয়াছে ।

হনুমান্ প্রথমতঃ অঙ্গীষের সচিবরূপে রামলক্ষ্মণের নিকট উপস্থিত হন । ইনি সচিবোচিত সদগুণাবলীতে ভূষিত ; ইঁহার প্রথম আলাপ শ্রবণ করিয়াই রাম মুগ্ধচিত্তে লক্ষ্মণকে বলিয়াছিলেন—‘এ ব্যক্তিকে ব্যাকরণশাস্ত্রে বিশেষ পারদর্শী বলিয়া বোধ হয়, ইঁহার বহুকথার মধ্যে একটিও অপশব্দ শ্রুত হইল না’,—

“বহু বাহরতানেন ন কিঞ্চিদপশ্যন্তম্ ।”

“ঋক্, যজু ও সামবেদে পারদর্শী না হইলে এভাবে কেহ কথা কহিতে পারে না । ইঁহার মুখ, চক্ষু ও জ্ঞ দোষশূন্য এবং কঠোচ্চারিত বাণী হৃদয়হারিণী ।” অশোকবনে সীতার সঙ্গে পরিচয়ের প্রাক্কালে ইনি তাঁহার সহিত সংস্কৃতভাষায় কথোপকথন করিবেন কি না—মনে মনে বিতর্ক করিয়াছিলেন । সমুদ্রের তীরে জাম্ববান্ ইঁহাকে শাস্ত্রজ্ঞ পণ্ডিতগণের বরণীয় বলিয়া নির্দেশ করিয়াছিলেন ।

সুতরাং দেখা যাইতেছে, ইনি শাস্ত্রদর্শী ও সুপণ্ডিত ছিলেন ।

কিন্তু শুধু পাণ্ডিত্যই সচিবের প্রধান গুণ নহে, —অটল প্রভুভক্তিও তাঁহার অত্যাৱশ্যক গুণ ।

সুগ্রীব বাণীর ভয়ে জগৎ ভ্রমণ করিতেছিলেন । কোথায় প্রথরসৌরকরমণ্ডিত যবদ্বীপ, কোথায় রক্তিমগাভ ছলতিক্রম্য লোহিতসাগরের খজ্জুর ও গুবাকতরুপূর্ণ বেলাভূমি, কোথায় বা দক্ষিণসমুদ্রের সীমান্তস্থিত স্থির অল্লাবদীর জ্বালা পুষ্পিতক পর্বত—পৃথিবীর নানা দিগদেশে ভীতচিত্তে সুগ্রীব পর্যটন করিতেছিলেন । তখন যে কয়েকটি বিশ্বস্ত অনুচর সৰ্ব্বদা তাঁহার পার্শ্ববর্তী ছিলেন, তন্মধ্যে হনুমান্ সৰ্ব্বপ্রধান । সুগ্রীবের প্রতি অটল ভক্তির তিনি নানাকপে পরিচয় প্রদান করিয়াছেন । এস্থলে একটি দৃষ্টান্তের উল্লেখ করা যাইতেছে ।

সমুদ্রোপকূলে উপস্থিত হইয়া বানরসৈন্য এক সময়ে একান্ত হতাশ হইয়া পড়িল ; সীতাব সন্ধান পাওয়া গেল না—সুগ্রীবের নির্দিষ্ট একমাসকাল অতীত হইয়া গিয়াছে—অতঃপর সুগ্রীবের আদেশে তাহাদের শিরশ্ছেদ অবশ্যস্তান্বী, এই শঙ্কার বানরবাহিনী আকুল হইয়া উঠিল ;—তাহারা পরিশ্রান্ত, ক্ষুৎপিপাসাতুর, নিরাশা গ্রস্ত এবং মৃত্যুদণ্ডের ভয়ে ভীত । পিপাসার তাড়নায় ইতস্ততঃ পর্যটন করিতে করিতে তাহারা একস্থলে পদারেকুরক্তাঙ্গ-চক্রবাক-দর্শনে এবং জলভারার্জ-শীতলবায়ু-স্পর্শে কোন জনাশয় অদূরবর্তী বিবেচনায় আগ্রসর হইতে লাগিল । প্রাণের ভয় বিসর্জন দিয়া তাহারা বহুক্রোশব্যাপী এক গভীর অন্ধকারগুহার মধ্যে জবাধেমণে ঘুরিতে ঘুরিতে সহসা পৃথিবীনিম্নে এক সাধুপুষ্পিত বাণীবহন

মনোবগ রাজা আবিষ্কার করিয়া ফেলিল । সুবাতুষা নিবারণিত হইলে, তাহারা প্রাণের আশঙ্কায় পুনরায় বিকল হইয়া পড়িল । তখন যুবরাজ অঙ্গদ ও সেনাপতি তাঁর সমস্ত বানরবৃন্দকে স্মৃগীবের বিবন্ধে উত্তেজিত করিয়া তুলিলেন । তাহারা বলিলেন— “কিষ্কিন্দ্যায় ফিরিয়া গেলে ক্রুরপ্রকৃতি স্মৃগীবের হস্তে আমাদের মৃত্যু নিশ্চিত, এস আমবা এই সুরক্ষিত সুন্দর অধিত্যকায় সুখে বাস করি, আর স্বদেশে ফিরিয়া যাইবার প্রয়োজন নাই ।” সমস্ত বানরসৈন্য এই প্রস্তাব সমর্থন করিয়া বলিল—“স্মৃগীব উগ্রস্বভাব এবং রাম স্ত্রৈণ । নির্দিষ্টকাল অতীত হইয়াছে, এখন বাগেব প্রীতিব ভ্রাতৃ স্মৃগীব অবশ্যই আমাদিগকে হত্যা করিবে ।” হুমায়ূন স্মৃগীবকে ধর্মজ্ঞ বলিয়া উল্লেখ করাতে অঙ্গদ উত্তেজিত-কণ্ঠে বলিলেন—“যে ব্যক্তি জ্যেষ্ঠের জীবদশাতেই জননীসমা তৎপত্নীকে গ্রহণ করে, সে অতি জঘন্য ; বালি এই ছুরাচারকে রক্ষকরূপে দ্বারে নিয়োগ করিয়া বিলমধ্যে প্রবেশ করিয়াছিলেন, কিন্তু ঐ ছুট প্রস্তরদ্বারা গর্ভের মুখ আচ্ছাদন করিয়া আইসে, স্মৃগীব তাহাকে আর কিরূপে ধর্মজ্ঞ বলিব ? স্মৃগীব পাপী, কৃতঘ্ন ও চপল, সে স্বয়ং আমাকে যৌবরাজ্য প্রদান করে নাই, বীর রামই আমার যৌবরাজ্যের কারণ । রামের নিকট প্রতিশ্রুত হইয়া সে প্রীতিজ্ঞা বিস্মৃত হইয়াছিল—লক্ষ্মণের ভয়ে জানকীর অবৈয়নাগ আমাদিগকে প্রবেশ করিয়াছে, তাহার আবার ধর্মজ্ঞান কি ? সে স্বতিশাস্ত্রের বিধি লঙ্ঘন করিয়াছে—এখন জ্ঞাতিবর্গের মধ্যে কেহ আর তাহাকে বিশ্বাস করিবে না ।

সে গুণবান্ বা নিগুণ হউক, আমাকে সে হতা করিবে-আমি শত্রুপুত্র ।”

অঙ্গদের এই সকল কথায় বানরগণ অত্যন্ত উত্তেজিত হইয়া উঠিল, তাহারা ক্রমাগত বালির প্রশংসা ও সূগ্রীবের নিন্দাবাদ করিতে লাগিল ।

এই উত্তেজিত সৈন্যগুণীর মধ্যে হনুমান্ অটনাসঙ্কল্পাক্রুত । তিনি দৃঢ়স্বরে বলিলেন,—“যুবরাজ, আপনি মনে করিবেন না, এই বানরগণ্ডুলী লইয়া এই স্থানে আপনি রাজত্ব করিতে পারিবেন । বানরগণ চঞ্চলস্বভাব, তাহারা এখানে স্ত্রীপুত্রহীন হইয়া কখনই আপনার আজ্ঞাধীন থাকিবে না । আমি মুক্তকণ্ঠে বলিতেছি, এই জাম্ববান্, সুহোত্র, নীল এবং আমি, —আমাদিগকে আপনি সামদানাদি বাজপুণে কিংবা উৎকট দণ্ড দ্বারাও সূগ্রীব হইতে ভেদ করিতে পারিবেন না । আপনি ভারের বাক্যে এই গৰ্ভে অবস্থান নিরাপদ মনে করিতেছেন, কিন্তু দাম্পণ্যের বাণে ইহার বিদারণ অতি অকিঞ্চিৎকর ।”

বিপৎকালে এই ধৈর্য্য ও তেজ প্রকাশ করিয়া হনুমান্ বানর গণ্ডুলীকে আত্মকলহ ও গৃহবিচ্ছেদ হইতে রক্ষা করিয়াছিলেন ।

হনুমান্ সূগ্রীবের শুধু আজ্ঞাপালনকারী ভৃত্য ছিলেন না, সতত তাঁহাকে স্মরণ দ্বারা তাঁহার কর্তব্যবুদ্ধি প্রবুদ্ধ করিয়া দিতেন । জগদ্ভ্রমণকান্ত সূগ্রীবকে ইনিই, মাতঙ্গমূনির আশ্রম-সন্নিকটে ধ্যায়মুকপৰ্ব্বতে প্রবেশ বালির নিষিদ্ধ, ইহা বুঝাইয়া দিয়া-ছিলেন । বালিবধের পবে যখন বর্ষাক্ষরে শরৎকালের সূচনায়

গিবিনদীসমূহ মন্থরগতি হইল—তাহাদের পুদিনদেশ ধীরে ধীরে জাগিয়া উঠিল, সেই সিকতাভূমিশোভী শ্রাম সপ্তচ্ছদতরুর তরুণ পল্লব এবং অসন ও কোবিদারবৃক্ষের কুসুমিত সৌন্দর্য্য গগনা-লম্বিত হইয়া গিরিসান্নদেশে চিত্রপটের ছায় অঙ্কিত হইল, সেই সুখশরৎকালে কিক্কিদ্দ্যাপুরী রমণীগণের সমতালপদাঙ্গুর তন্ত্রীগীতে বিলাসের পর্য্যঙ্কে সুখস্বপ্নে বিভোর ছিল,—সুগ্রীবের শুক্ল প্রাসাদশেখর কাঞ্চীর নিম্নন এবং স্থলিত হেমশূভ্রের হিল্লোলো স্ফুটাবিষ্ট হইয়া পড়িয়াছিল । তখন কিক্কিদ্দ্যার গিরিগুহার একটি স্থানে ঋষনক্ষত্রের ছায় কর্তব্যেব স্থিচক্ষু জাগ্রত ছিল—তাহা বিলাসের মোহে ক্ষণেকের ডাঙ ও আচ্ছন্ন হয় নাই, তাহা সতত প্রভুব হিতপন্থার প্রতি স্থিৰদৃষ্টি ছিল । লক্ষ্মণের কিক্কিদ্দ্যাপ্রবেশের বহু পূর্বে, শবৎকাল পড়িতে না পড়িতে, হুম্মান্ সুগ্রীবকে রামের সঙ্গে তাহার প্রতিশ্রুতির কথা স্মরণ করাইয়া দিয়াছিলেন । সমস্ত বানরবাহিনীকে বাগকার্য্যে সমবেত করিবার জন্য আদেশ বাহির করিয়া লইয়াছিলেন । সে আদেশ এই—

“ত্রিপঞ্চরাত্রাদুর্দ্ধং যঃ প্রাপুয়াদিহ বানরঃ ।

তস্য প্রাণান্তিকো দণ্ডো নাত্র কার্য্য বিচারণা ।”

‘যে বানর পঞ্চদশ দিবসের পবে কিক্কিদ্দ্যায় উপস্থিত হইবে, তাহার প্রাণদণ্ড হইবে—ইহাতে আর বিচারবিবেচনা নাই ।’

ইহার পরে রোষক্ষুরিতাধরে লক্ষ্মণ কিক্কিদ্দ্যায় প্রবেশ করিলেন । বিলাসী সুগ্রীব বিপৎ সম্যকরূপে উপলব্ধি না করিয়া জুরকটাক্ষে অঙ্গদের দিকে চাহিয়া বলিয়াছিলেন—

मर्त्यथा। सुकर्म गिरां दुष्कर्म प्रतिपालनम् ॥”

সুতরাং দেখা যাইতেছে, ইন্দুগান্ স্ত্রীবিবেকে শুভমঙ্গলা দ্বারা
অন্তায়পথ হইতে সাবধানে রক্ষা করিতেন,—শুধু আদেশ শ্রবণ ও

প্রতিপালন করিয়া যাইতেন না । এদিকে স্মগ্রীবের বিরুদ্ধে কোন ষড়্‌যন্ত্র হইলে একাকী তিনি একশতের মত দৃঢ় হইয়া দাঁড়াইয়া তাহা নিবারণ করিতেন—স্মগ্রীবের বিপৎকালে তাঁহার সমস্ত ক্লেশের সমধিকভাগ নিজে বহন করিতেন,—কিষ্কিন্ধ্যার বিলাস-হিল্লোল তাঁহার চক্ষুর সম্মুখে প্রবাহিত হইয়া যাইত, তিনি স্বীয় কর্তব্যে বদ্ধলক্ষ্য চক্ষু ক্ষণেকের জন্যও বিলাসমোহাচ্ছন্ন হইতে দিতেন না ।

স্মগ্রীবের এই কর্তব্যনিষ্ঠ ভূঁত্য, শাস্ত্রদর্শী শুভাকাজ্ঞী সচিব, রামচন্দ্রের সঙ্গে প্রথম সাক্ষাতের পরেই তাঁহার গুণমুগ্ধ ও একান্ত পক্ষপাতী হইয়া পড়েন ।

রামলক্ষ্মণকে প্রথম দর্শন করিয়াই তাঁহার যে হৃদয়োচ্ছ্বাস হইয়াছিল, তাহা তাঁহার প্রথম আলাপেই প্রকাশ পাইতেছে—

“বিশাল চক্ষুর দৃষ্টিতে পম্পাতীরবর্তী বৃক্ষরাজি দেখিতে দেখিতে যাইতেছেন—আপনারা কে ? আপনাদের বাহু আয়ত, স্রুত ও পরিঘোপগ—আপনারা দুইজনে সমস্ত পৃথিবী জয় করিতে সমর্থ । আপনাদের স্নলক্ষণ দেহ সর্বভূষণধারণোপ্য—আপনারা ভূষণহীন কেন ?”

রাম স্মগ্রীবের মৈত্রী স্থাপিত হইল । স্মগ্রীব যখন সমস্ত মৈত্র্য সীতার অন্বেষণে প্রেরণ করেন, তখন রাম হুম্মান্‌কে স্বীয়-নামাঙ্কিত অম্লুরীয়কটি অভিজ্ঞানস্বরূপ সীতার জন্ত দিয়াছিলেন, তাঁহার মন তাঁহাকে বুঝাইয়া দিয়াছিল—এ কার্যে হুম্মান্‌ই সফলতা লাভ করিবেন ।

নানাদিগ্দেশ যুরিয়া সৈন্তবৃন্দ সীতার কোন খোঁজই পাইল না ; বন্ধুর পর্ণপুষ্পহীন এক গিরিগুহা অতিক্রম করিয়া তাহারা সমুদ্রের তীরে উপনীত হইল । এই সময়ে তাহারা অনশনে প্রাণত্যাগ সঙ্কল্প করিয়া অবসর হইয়া পড়িয়াছিল, —মহা অটায়ুর কনিষ্ঠ ভ্রাতা সম্প্রতি তাহাদিগকে সীতার সন্ধান বলিয়া দিল— সীতা দূর সমুদ্রের পারে লক্ষাপুরীতে আছেন, বানরগণের মধ্যে কেহ সেইখানে না গেলে সীতার সংবাদ পাওয়া অসম্ভব ।

সমুদ্রের তীরে দাঁড়াইয়া তাহারা বিষয়ে, ভয়বিহ্বলচক্ষে অপার জলরাশি দেখিতে লাগিল । মেঘের সঙ্গে চূর্ণতরঙ্গ মিশিয়া গিয়াছে—সীমাহীন বিশাল সরিৎপতির তাত্ত্ব-নর্তন দূর-পাটল-আকাশস্পর্শী,—উন্মাদনময় ফেনিল আবর্তরাশি । তাহারা ভয়-ব্যথিত হইয়া পড়িল, — কে এই অবধিশূন্য মহাসাগর উত্তীর্ণ হইবে ? শরভ, মৈন্দ, দ্বিবিদ প্রভৃতি সেনাপতিগণ একে একে দাঁড়াইয়া উঠিলেন এবং অক্ষুটবাক্ অনন্ত জলরাশির কলকলোল শুনিয়া স্তম্ভিত হইয়া বসিয়া পড়িলেন । অঙ্গদ দাঁড়াইয়া বলিলেন— “পরপারে যাইতে পারি, কিন্তু ঘিরিয়া আসিতে পারিব কি না, সন্দেহ ।” নৈরাশ্রবিহ্বল ভয়গ্রস্ত বানরবাহিনী সমুদ্রোপকূলে সমবেত হইয়া যে যাহার পরাক্রমের ইয়ত্তা করিতে লাগিল, কিন্তু সেই অনিলোদ্ধৃত ভ্রান্ত উন্মিসঙ্কল বিপুল জলাশয় উত্তীর্ণ হইবার সাধ্য কাহারও নাই—ইহাই বিদিত হইল । বানরসৈন্তের মধ্যে হনুমান্ মৌনভাবে একস্থানে উপবিষ্ট ছিলেন,—বানরগণের নানা আশঙ্কা ও বিক্রমসূচক আলাপ তিনি নিঃশব্দে শুনিতেছিলেন—

নিজে কোন কথাই বলেন নাই ; জাম্ববান্ তাঁহার দিকে চাহিয়া বলিলেন—

“বীর বানরলোকস্থ সৰ্ব্বশাস্ত্রবিদাং বর ।

তুষ্ণীমেকান্তগাপ্তিত্য হুম্মান্ কিং ন জল্পসি ॥”

“বানরগণের মধ্যে সৰ্ব্বশ্রেষ্ঠ বীর, সৰ্ব্বশাস্ত্রবিৎ পণ্ডিতগণের শ্রেষ্ঠ হুম্মান্, তুমি একান্ত মৌনভাব অবলম্বন করিয়াছ কেন ? এই বিষয় সৈন্যদিগকে আর কে উৎসাহ দিয়া কথা বলিবে—তুমি ভিন্ন এ কার্যের ভার আর কে লইতে পারে ?”

হুম্মান্ শুধু আহ্বানের জন্ত অপেক্ষা করিতেছিলেন, এ কার্য যে তাঁহারই,—তিনি তাহা জানিতেন । জাম্ববানের কথার উত্তর না দিয়া তিনি সচল হিমাচলের স্থায় ক্ষুদ্রভাবে সমুখান করিয়া যাত্রার জন্ত প্রস্তুত হইলেন । অসীম সাহস ও স্বীয়শক্তিতে বিপুল আস্থা তাঁহার ললাটে একটি প্রদীপ্ত শিখা অঙ্কিত করিয়া দিল ।

কি ভাবে তিনি সমুদ্র উত্তীর্ণ হইয়াছিলেন, তাহা কবিকল্পনায় জড়িত হইয়া আমাদের চক্ষে অস্পষ্ট হইয়া পড়িয়াছে । বহুক্রোশ-ব্যাপী সমুদ্র তিনি বহু ক্লম্ব ও বিপদ সহ করিয়া উত্তীর্ণ হইয়াছিলেন—তিনি পথে বিভ্রামের জন্ত মৈনাকপৰ্ব্বতের রম্য একটি শৃঙ্গ সম্মুখে প্রসারিত দেখিতে পাইয়াছিলেন, কিন্তু প্রভুকার্য সম্পাদন না করিয়া বিভ্রাম করিতে তিনি ইচ্ছা করেন নাই ; তিনি বলিয়াছিলেন—

“যথা রাঘবনির্গূঢ়ঃ শরঃ খসনবিজ্রগঃ ।

গচ্ছেৎ তদ্বৎ গমিয়াসি লঙ্কাং রাবণপালিতাম্ ॥”

প্রকৃতই তিনি রাগকরনিম্মুক্ত শবের ছায় দাক্ষাভিমুখে ছুটিয়াছিলেন ।
রাগের ইচ্ছার মূর্ত্তমান্ বিগ্রহের ছায় আশুগতি হনুমান্ দাক্ষাপুরীতে
উপস্থিত হইলেন ।

দাক্ষায় পৌছিয়া হনুমান্, সরদা, খজ্জুর ও কর্ণিকারবৃক্ষপূর্ণ
বেদাভূমির অদূরে রক্তবর্ণ প্রাচীরের উচ্চৈ সপ্ততল হস্ত্যরাজির
উচ্চশীর্ষ দেখিতে পাইলেন । পৰ্ব্বতশীর্ষস্থিত ছুৰ্গম দাক্ষাপুরীর
অতুল বৈভব ও বিক্রম এবং ছুৰ্গাদিব সংস্থান দেখিয়া হনুমান্ ভীত
হইলেন । যে উৎসাহে তিনি পুরীতে প্রবেশ করিয়াছিলেন, সে
উৎসাহ যেন সহসা দগিয়া গেল, সুরক্ষিত দাক্ষার প্রভাব দেখিয়া
তিনি চিন্তিত হইয়া পড়িলেন—তাহার মুখে সহসা আশঙ্কার কথা
উচ্চারিত হইল—

“ন হি যুদ্ধেন বৈ লঙ্ক শকা জেতুং সুরৈরপি ।

০ ইমান্ব্যবিসমাং লঙ্কাং ছুৰ্গাং রাবণপালিতাম্ ।

আপ্যপি স্তমহাবাহঃ কিং করিষ্যতি রাঘবঃ ।”

‘এই দাক্ষা দেবগণও যুদ্ধে জয় করিতে পারেন না । রাবণরক্ষিত
এই ছুৰ্গম, ভীষণ দাক্ষাপুরীতে রাগচন্দ্র উপস্থিত হইয়াই বা কি
করিবেন ।’ যাহার ঐক্য বিশ্বাস—

“ন হি রাগগমঃ কশ্চিদ্বিনাশে জিনশেমপি ।”

—‘দেবগণের মধ্যেও কেহ রাগের তুল্য নহেন,’ তাহার আটন
বিশ্বাসের মূলে যেন একটা আঘাত পড়িল । দাক্ষার বহির্দেশে সুরক্ষিত
নীপ, প্রিয়ঙ্গু ও করবীতরু যেখানে শ্রেণীবদ্ধ হইয়া শোভিত ছিল,
হনুমান্ সেই দিকে চাহিয়া একবার দীর্ঘনিশ্বাস ত্যাগ করিলেন ।

রাত্রিকালে রাবণের শবাগৃহে যখন তাহাকে নিদ্রিতাবস্থায় তিনি চোরেব ছায় সন্তর্পণে দেখিয়াছিলেন, তখনও তাঁহার নির্ভীক চিত্তে ভয়ের সঞ্চার হইয়াছিল । হস্তিদন্তনির্মিত উজ্জ্বলস্বর্ণমণ্ডিত খট্টায় মহার্ঘ আস্তরণ বিস্তারিত, তাহার এক পার্শ্বে শুভ্র চন্দ্রমণ্ডলের ছায় একটি ছত্র—তন্নিম্নে মহাবলশালী উগ্রমূর্তি রাবণ প্রমুখ —তাহাকে দেখিয়া—

“* * * পরমোদ্বিগ্নঃ মোহপাসপ্পং সূভীতবৎ ।”

উদ্বিগ্নভাবে হুম্মান্ ভীতচিহ্নে কিঞ্চিৎ অপমৃত হইলেন । অশোকবনে সীতার সম্মুখে উপস্থিত রাবণকে দেখিয়াও তাঁহার মনে এইরূপ ভয়ের সঞ্চার হইয়াছিল—

“স তথাপুত্রতেজাঃ মনু নির্ধূতস্তস্ত তেজসা ।

পক্ষে শুহ্মাশ্বরে সন্তো মতিমান্ সংবৃতোহভবৎ ॥”

উগ্রমূর্তি রাবণের তেজে তাড়িত হইয়া তিনি শিংশপাবৃক্ষের শাখাপল্লবে লুক্কায়িত হইয়া রহিলেন । কোন মহাকার্য্যে হস্তক্ষেপ করিবার প্রাক্কালে, উদ্দেশ্যের বিরটিভাব এবং প্রবল প্রতিপক্ষের কথা মনে করিয়া সময়ে সময়ে এইরূপ ভয় হওয়া স্বাভাবিক, কিন্তু হুম্মানের উন্নত কর্তব্যবুদ্ধি তাঁহাকে শীঘ্রই উদ্বোধিত করিয়া তুলিল । তাঁহার দাক্ষ্যপরিদর্শনব্যাপারে তিনি কত চিন্তা ও নৈর্য্যের সহিত অগ্রসর হইয়াছেন, বাণীকি তাহার ইতিহাস দিয়া গিয়াছেন ।

প্রাক্ষণ্যভাবে, তাঁহার বিপদের সম্ভাবনা আছে এবং বৈদেহীর সঙ্গে সাগন্ধ্যকার তাঁহার পক্ষে ছুঁচট হইতে পারে—

“যাতয়ন্তীহ কার্ধ্যাণি দূতাঃ পণ্ডিতমানিনঃ ।”

পাণ্ডিত্যের অহঙ্কারে অনেক সময়ে দূতগণ কার্য্য নষ্ট করিয়া থাকে—সুতরাং স্পর্ধা পরিত্যাগপূর্ব্বক চণ্ডাবেশে তিনি রাত্রিকালে লক্ষা অমুসন্ধান করিবেন, ইহাই স্থির করিয়া প্রতীক্ষা করিতে লাগিলেন ।

শটনঃশটনঃ নিশীথিনী আসিয়া লক্ষার প্রতি বিলাসপ্রকোষ্ঠে প্রমোদ-দীপাবলী জালিয়া দিল ; হুম্মান্ রাবণের বিশাল পুরীতে রমণীবৃন্দের বিচিত্র আমোদপ্রমোদ প্রত্যক্ষ করিলেন । পান-শালায় শর্করাসব, ফলাসব, পুষ্পাসব প্রভৃতি বিবিধপ্রকার সুরা বৃহৎ স্বর্ণভাজনে সজ্জিত ছিল ; রাবণ এবং তাহার জীগণ কুকুটের মাংস, দধিসিক্ত বরাহমাংস কতক আহার করিয়া কতক ফেলিয়া রাখিয়াছে ; অন্ন ও দ্রবণপাত্র এবং নানাপ্রকার অর্দ্ধভক্ষিত ফল চতুর্দিকে প্রক্ষিপ্ত রহিয়াছে ; নৃত্যগীঃক্লাস্তা অঙ্গনাগণের অগম-লুলিত দেহ হইতে বসন ঝলিত হইয়া পড়িয়াছে ; নানাস্থান হইতে আহৃত রমণীবৃন্দ পরস্পরের ভুজস্বত্রে গ্রথিত হইয়া বিচিত্রকুসুম-খচিত মাল্যের ভ্রায় দৃষ্ট হইতেছে ; একটু দূরে স্তম্ভরীশ্রেষ্ঠা লক্ষা-পুরীশ্বরী প্রসুত্বে মন্দোদরীর স্বর্ণপ্রতিমায়া ভ্রায় কান্তি দেখিয়া তিনি মনে করিলেন, এই সীতা । তাহার চেষ্টা কৃতার্থ হইল ভাবিয়া তিনি আনন্দে সাক্ষ্যেন্ত হইলেন ।

কিন্তু পরক্ষণেই মনে হইল, রামবিরহিতা সীতা এভাবে স্পৃহা থাকিতে পারেন না,—এরূপ ভ্রষণ ও পরিচ্ছদ, এরূপ সৌম্য শান্তির ভাব পতিপরায়ণা সীতার পক্ষে অসম্ভব । আবার হুম্মান্ বিমর্ষ হইয়া খুঁজিতে লাগিলেন । কোনস্থানেই তিনি নাই ।

হায়, সীতা কি রাবণকর্তৃক হত হইবার সময় স্বর্গের একটি স্থানিত মুক্তাহারের ছায় সমুদ্রে পড়িয়া গিয়াছেন, অথবা পিঞ্জরাবদ্ধ শারিকার ছায় অনশনে প্রাণত্যাগ করিয়াছেন ? রাবণের উৎপীড়নে হয় ত বা তিনি আত্মহত্যা করিয়া থাকিবেন । যে রামচন্দ্র তাঁহার শোকে উন্মত্ত হইয়া অশোকপুষ্পগুচ্ছকে আলিঙ্গন দিতে ধাবিত হন, রাত্রিদিন যাহার চক্ষে নিদ্রা নাই, স্বপ্নেও যাহার মুখ হইতে ‘সীতা’ এই মধুরবাক্য নিঃসৃত হয়, সেই বিরহবিধুর প্রভুর নিকট হুম্মান্ কি বলিয়া উপস্থিত হইবেন ? উর্ধ্বময় ক্রীড়োন্মত্ত মহাবীরধির বেলাভূমিতে যে বিশাল বানরবাহিনী তাঁহার মুখ হইতে সীতার সংবাদ পাইবার জন্য উৎকণ্ঠিত হইয়া আকাশপানে তাকাইয়া আছে,—তাহাদের নিকট তিনি যাইয়া কি বলিবেন ? অনুসন্ধানশ্রান্ত হুম্মানের মনের উপর নৈরাশ্রের একটা প্রবল আঘাত আসিয়া পড়িল, কিন্তু কিয়ৎকাল পরে আশা আসিয়া তাঁহার হস্ত ধরিয়া উঠাইল ; কার্য্য অসম্পূর্ণ রাখিয়া একপ নৈরাশ্র অবলম্বন কাপুরয়ের লক্ষণ, আমি আবার অনুসন্ধান করিব, হয়ত আমার দেখা ভাল হয় নাই । হুম্মান্ লক্ষার বিচিত্র হর্ষাসমূহ ও বিচিত্র কাননরাজি পুনরায় পর্য্যটন করিয়া অন্বেষণ করিতে লাগিলেন, আশার মুছমুছে যেন তিনি পুনরায় উজ্জীবিত হইয়া উঠিলেন । রক্ষঃপ্রাণীদের সমস্ত স্থান তিনি তন্নতন্ন করিয়া খুঁজিলেন, কিন্তু সীতাকে দেখিতে পাইলেন না । রক্ষঃপুরীর বিশালতা তাঁহার নিকট শূণ্যময় বলিয়া বোধ হইল । কোথায়ও সীতা নাই—সীতা জীবিত নাই,—হুম্মান্ গভীর-নৈরাশ্র-মগ্ন হইয়া ক্লান্ত-পাদক্ষেপে

কোথায় যাইবেন, স্থির করিতে পারিলেন না । “রাণপুত্রদ্বয় এবং বামরবাহিনী আমার প্রাণক্ষায় আছে, আমি তাহাদের উদ্যত আশামঞ্জরী ছিন্ন করিতে পারিব না । রামচন্দ্র নিরাশ হইয়া প্রাণত্যাগ করিবেন, লক্ষ্মণ স্বয়ং অগ্নিতুল্য শরদ্বারা নিজে ভস্মীভূত হইবেন—সুগ্রীবের মৈত্রী বিফল হইবে ;—আমার প্রত্যাগমনে এই সকল বিভ্রাট অবশ্যভাবী ।” এই ভাবিয়া হনুমান্ অবসন্ন হইয়া পড়িলেন ; কখনও বা রাবণকে বধ করিবার জন্ত ক্রোধে উন্মত্ত হইয়া উঠিলেন,—কখনও বা স্থির করিলেন—

“চিতাং কুত্বা প্রবেক্ষ্যামি ।”

‘প্রজ্বলিত চিতায় প্রাণ বিসর্জন দিব’ ; “কিংবা সাগরোপকূলে অনশনে দেহত্যাগ করিব,—

“শরীবং ভক্ষয়িত্যপি বায়সাঃ স্বাপদানি চ ।”

‘আমার শরীর কাক ও স্বাপদগণ ভক্ষণ করিয়া ফেলিবে ।’ কখনও বা ভাবিলেন, “আমি বামপ্রান্ত্র অবলাঘনপূৰ্ব্বক বনে বনে জীবন কাটাইব ।”

প্রভুর কার্য্য অথবা কর্তব্যানুষ্ঠানের যে ব্যগ্রতা হনুমানের চরিত্রে দৃষ্ট হয়, অত্ৰ কোথায়ও তাহা দেখা যায় না । রামচন্দ্র বলিয়াছিলেন—

“যাহি ভূত নিযুক্তঃ সন্ ভর্তৃকর্ম্মণি হৃদয়ে ।

কুর্য্যাৎ তদনুরাগেণ তমাহঃ পুরুষোঃস্ম ॥”

‘যিনি প্রভুকর্তৃক হৃদয় কার্য্যে নিযুক্ত হইয়া অনুরাগের সঙ্গে তাহা সম্পূর্ণ করেন,—তিনি পুরুষশ্রেষ্ঠ । হনুমান্ প্রাণপণে এবং অমু-

রাগের সহিত রামের কার্য্য করিয়াছিলেন । প্রভুসেবার এই উন্নত আদর্শ ধর্ম্মভাবে পরিণত হইয়া থাকে । হুম্মান্ বিপুল শারীরিক শ্রম পণ্ড হইল দেখিয়া অধ্যাত্মশক্তির উদ্বোধনে চেষ্টিত হইলেন ।

“আমি নৈরাশ্রগণ হইলে বহু ব্যক্তির আশা বিফল হইবে । বহু ব্যক্তির শান্তিস্থখ আমার সফলতার উপর নির্ভর করিতেছে, সুতরাং চিত্তপ্রবেশ বা বানপ্রস্থ অবদ্বন্দ্বন আমার পক্ষে উচিত হয় না । আমার উপর যে হুম্মান্ আশা অর্পিত, তাহার সাধনে যেন আমার কোন ক্রটি না হয় ।” “সুতরাং,—

“ইহৈব নিয়তাহারো বৎস্তামি নিয়তেজিয়ঃ ।”

‘এই স্থানেই আমি ইন্দ্রনিরোধপূর্ব্বক সংমতাহারী হইয়া প্রতীক্ষা করিব ।’ তখন করজোড়ে হুম্মান্ ধ্যানস্থ হইয়া রহিলেন, তাঁহার মুখ মূঢ় বিকম্পিত হইয়া এই শ্লোক উচ্চারণ করিল—

“নমোহস্ত বামায় সলঙ্গায়
দেবো চ তৈশ্চ জনকাজ্জায় ।
নমোহস্ত রুদ্রেঐষমানিলোভো ।
নমোহস্ত চন্দ্রাগ্নিসরুদ্রগণেশঃ ॥”

‘রাগ, দাক্ষণ, মীতা, রাজ, যম, ইন্দ্র প্রভৃতিকে নমস্কার করিলেন এবং—“নমস্কৃত্য সূগ্রীবায় চ”—সূগ্রীবকে নমস্কার করিয়া ধ্যানিবৎ স্থির হইয়া রহিলেন । যখন তাঁহার নির্মল কর্তব্য বুদ্ধিতে ও কর্তব্যসত্যিযু প্রকৃতিতে এইরূপ ধর্ম্মের প্রতি নির্ভরের ভাব সম্পূর্ণ জাগিয়া উঠিল, তখন সহসা অশোক বনের তরুশ্রেণীর শাখায়মান দৃশ্যাবলীর প্রতি তাঁহার চক্ষু নিপতিত হইল ।

এখানে হনুমান্ সাধারণ ভূতা নহেন—সাধারণ সচিব নহেন, এখানে তিনি প্রভুভক্তির সিদ্ধতপস্বী, তপঃপ্রভাব তাঁহার পূর্ণ-মাজায় ছিল । রাবণের অন্তঃপুরে তিনি যখন দেখিতে পাইলেন, স্থানিতহারা কোন রমণী অর্কনগদেহে অপর একটি সুন্দরীকে আনিঙ্গন করিয়া আছে, কোন স্নানক্ষণা রমণীর দেহশষ্টি হইতে চেলাঞ্চল উড়িয়া গিয়াছে—নিজ্জিতাবস্থায় স্বাসবেগে কাঁটারও চারবৃন্দ পষোবরের উপর মুক্তাহার ঈষৎ ছুনিও হইতেছে, সেই ঈষৎ কম্পিত দেহলতা মন্দানিদান্চানিত একখানি চিত্রের স্থায় দেখা যাইতেছে, আবার কোন রমণী ভুজাস্তরমংদগ বীণাকে গাঢ়রূপে পরিরন্তণ করিয়া অসংবৃত কেশপাশে প্রসুপ্তা হইয়া আছে—তখন—

“জগাম মহতীং শঙ্কং ধর্মমাকসশক্তিতঃ ।

পরদারাবরোধস্তু প্রসুপ্তস্ত নিরৌক্ষণম্ ।”

অন্তঃপুরের প্রসুপ্তপবস্ত্রী দর্শনে ধর্ম লুপ্ত হইল, এই চিন্তায় হনুমান্ অভিভূত হইয়া পড়িলেন ।

‘ইদং খলু সমাতার্যং ধর্মলোপং করিষ্যতি ।’

আজ নিশ্চয়ই আগার ধর্ম লুপ্ত হইল—এই আশঙ্কার হনুমান্ বিকল হইলেন ; কিন্তু তিনি তন্নতন করিয়া স্নানদয় অন্বেষণ করিয়া দেখিলেন—তথায় কোন কলঙ্কের রেখা পড়ে নাই ।

“ন তু মে মনসা কিঞ্চিৎ বৈকৃত্যমুপপদাতে ।”

“মনে। হি হেতুঃ সর্কসমিগ্রিমাণাং প্রবর্তনে ।

শুভাশুভাসবস্থায় তচ্চ মে স্মবাবস্থিতম্ ।”

‘আমার চিতে বিকারের দোশ নাই ; মনই ইন্দ্রিয়গণের পাপ-
পুণ্যের প্রবর্তক,—কিন্তু আমার মন শুভসঙ্কল্পে দৃঢ় ।’—“আর
বৈদেহীকে অনুসন্ধান করিতে হইলে, রমণীবৃন্দের মধ্যেই করিতে
হইবে—তাহার উপায়ান্তর নাই ।”

এই তাপসচরিত্র রাগকার্য্যে আপনাকে উৎসর্গ করিয়াছিলেন,
তাঁহার কার্য্যসিদ্ধির ইহাই প্রাক-সূচনা । হুম্মান্ অশোকবনে
সীতার স্থান, উপবাসলীর্ণ, ক্লিন্নকষায়বাসিনী মূর্তি দেখিয়াই বুঝিয়া-
ছিলেন,—রাবণ সহস্রকাপে শক্তিসম্পন্ন হউক—তাঁহার রক্ষা নাই ;
ইনি দাক্ষ্য পক্ষে কানরজনীস্বরূপিণী । বামের অমোঘ বাণ যদি
প্রভাবশূন্য হয়, এই সাধবী তপঃপ্রভাব তাঁহাতে তীক্ষ্ণতা প্রদান
করিবে । সীতা আপনিই আপনাকে রক্ষা করিতে সমর্থ—অপর
সহায় উপলক্ষ মাত্র, সীতা—“রক্ষিতা স্মেন শীলেন ।” ধর্ম্মনিষ্ঠ
হুম্মান্ ধর্ম্মবল কি, তাহা জানিতেন ; এইজন্যই সীতাকে দেখিয়া
তাঁহার সমস্ত আশঙ্কা দূরীভূত হইল,—আত্মপক্ষেব বলের উপর
প্রবল আস্থা জন্মিল ।

এই নৈতিক পবিত্রতা আমরা কিঙ্কিয়া হইতে প্রত্যাশা করি
নাই । যেখানে বালির গুহা মহিমাম্বিত রাজা স্বীয় কনিষ্ঠের বধুকে
হরণ এবং জীঘৃষিত কলহে লিপ্ত হইয়া মায়াবীকে হত্যা করেন,
যেখানে রাগমুখা মহাপ্রাজ্ঞ সূগ্রীব জ্যেষ্ঠের জীবিতকালেই সেই
জ্যেষ্ঠের পত্নীকে স্বীয় প্রমোদশব্যায় আকর্ষণ করিয়াছিলেন,
যেখানে পাতিব্রতের অপূর্ণ অভিনয় করিয়া অতিরিক্ত পানে
মুক্তলজ্জা তারা সূগ্রীবের অঙ্কশায়িনী হইতে কিছুমাত্র বিধাবোধ

করেন নাই—সেই কিক্ষিপ্যাপুরীতে উগ্রতাপা, তীক্ষ্ণনৈতিকবুদ্ধি-সম্পন্ন, কর্তব্যার্থো সত্তা জাগ্রতচক্ষু, কলুষহীন, বিলাসমোহ-বর্জিত ও বিপদে অকুণ্ঠিত দাণ্ড্যভক্তির অবতার হুগমান্কে আগ্রা প্রত্যাশা করি নাই ।

পূর্বেই উল্লেখ করা হইয়াছে, নানাপ্রকারে সীতার অল্পসন্ধান করিয়াও যখন হুগমান্ বিফল হইলেন, তখন তিনি অদ্যাত্মশক্তির বিকাশ করিতে চেষ্টা করিলেন । দৈহিক শ্রম পণ্ড হইয়াছিল । তখন উন্নত-কর্তব্য-বুদ্ধি-প্রণোদিত হইয়া তিনি তাপসবৃত্তি অবলম্বন করিলেন, এই বৃত্তির উন্মেষ করিবার উপযোগী সাধনা ও পবিত্র জীবন তাঁহার ছিল ।

তিনি এবার প্রফুল্ল, তাঁহার শ্রম এবার সার্থক হইবে,—সাক্ষ্যলোর পূর্বভরসা তিনি মনে পাইলেন । অশোকবনে থাইয়া তিনি শিঃপাবৃক্ষ হইতে সীতাকে প্রথম দেখিতে পাইলেন,—সীতা সুখারী অথচ দুঃখসন্তপ্তা, মণ্ডনারী—অমণ্ডিতা, তিনি উপবাসকুশা, পঙ্কদিগ্ধা পদ্মিনীর স্থায়—“বিভাতি ন বিভাতি চ” প্রকাশ পাইয়াও প্রকাশ পাইতেছেন না ;—তাঁহার ছুটি চক্ষু অশ্রুপূর্ণ, পরিধান ছিল কোষেরবাস,—তাঁহার চতুর্দিকে উৎকট শব্দের স্থায় একাকী, শঙ্কুকণী, লম্বিতস্তনী, ধ্বস্তকেশা, বিকট রাজসীমূর্তি,—নারকীয় পরিবার যেন একটি স্বর্গীয় সূর্যমাকৈ পরিবেষ্টন করিয়া রহিয়াছে—কিন্তু সেই দীনা তাপসীমূর্তিতে অপূর্ব ধৈর্য্য স্ফুটিত—

“নাতার্থং কুস্তাতে দেবী গংগেব জলরাগমে ।”

‘জলদাগমে গঙ্গার ছায় ইনি ক্ষোভরহিত ।’ যখন রাক্ষসীরা আসিয়া কেহ শূল দ্বারা তাঁহার গীহা উৎপাটন করিতে চাহিল,— হরিজটা, বিকটা, বিনতা প্রভৃতি বিরূপা চেড়ীবৃন্দের মধ্যে কেহ বা তাঁহাকে “মুষ্টিমুদ্যম্য তর্জ্জতি”, কেহ বা “ভ্রামরতি মহৎ শূলং”— কেহ কেহ বা মাংসলোলুপ শ্বেনপক্ষীর ছায় তাঁহার প্রতি উন্মুখ হইয়া তাণ্ডবলীলা প্রকট করিতে লাগিল, তখন একবার সীতার সেই স্নগম্ভীর ধৈর্য্যের বাঁধ টুটিয়া গিয়াছিল,—তিনি “ধৈর্য্যমুৎসজ্জা রোদিতি”—ধৈর্য্যত্যাগ করিয়া কঁাদিতে লাগিলেন । আবার যখন রাবণ নানাপ্রকার লোভপ্রদর্শনেও তাঁহাকে বশীভূত করিতে অসমর্থ হইয়া মুষ্টিপ্রহার করিতে অগ্রসর হইল,—ধাত্রমালিনী আসিয়া রাবণকে ফিরাইয়া লইয়া যাইতে চেষ্টা করিল—তখনও সীতার ধৈর্য্য অপগত হইল, রক্ষোহস্তে অপমানিতা সীতা ধূলি-লুপ্তিতা হইয়া কঁাদিতে লাগিলেন । কিন্তু এই উৎকট বিপদরাশির মধ্যেও তিনি পবিত্র যজ্ঞাগ্নির ছায় স্বীয় পুণ্য-প্রভায় দীপ্ত ছিলেন, তাঁহার অশ্রুসিক্ত মুখে স্বর্গের তেজ স্ফুরিত হইতেছিল । হুম্মান্ এই বিপত্তা সাধবীর প্রতি পূজকের ছায় ভক্তির চক্ষে দৃষ্টিপাত করিতে লাগিলেন, তাঁহার দুই চক্ষু অশ্রুপূর্ণ হইয়া উঠিল ।

হুম্মান্ শিশুপাবুক্ষারূঢ় ছিলেন, কি উপায়ে সীতার সহিত কথাবার্তা কহিবেন, প্রথমতঃ তাহা ভাবিয়া স্থির করিতে পারিলেন না । হঠাৎ উপস্থিত হইলে সীতা তাঁহাকে দেখিয়া ভীত হইবেন, রাক্ষসগণ তাঁহাকে ধরিয়া ফেলিবে—তাঁহার সীতার সঙ্গে সাংক্ষাৎ-কারের পূর্বেই সমূহ গোলযোগ উৎপন্ন হইবে । চেড়ীগণ যখন

ত্রিভট্টার স্বপ্নবৃত্তান্ত শুনিবার জন্ত সীতাকে ছাড়িয়া একটু দূরে গিয়াছে, শেষ রজনীতে বিনিদ্র সীতা অশোকতরুর শাখা অবলম্বন করিয়া দাঁড়াইয়া আছেন, সুকেশীর বক্র কেশগুচ্ছ তাঁহার কর্ণান্তভাগে বিলম্বিত হইয়া পড়িয়াছে, তখন হনুমান্ শিংশপাবৃক্ষ হইতে মৃদুস্বরে রামের ইতিহাস কীর্ত্তন করিতে লাগিলেন ; সহসা অনির্দিষ্ট স্থান হইতে আশাতীতরূপে প্রিয় রামকথা শুনিয়া সীতার গাও বাহিয়া অবিরলধারে জল পড়িতে লাগিল,—তিনি স্বীয় সুন্দর মুখমণ্ডল ঈষৎ উন্নমিত করিয়া অশ্রুপূর্ণচক্ষু শিংশপাবৃক্ষের উর্দ্ধদিকে দৃষ্টি করিলেন—তাঁহার কৃষ্ণ ও বক্র কেশান্তগুচ্ছ নিবিড়ভাবে তাঁহার মুখপদ্ম ঘিরিয়া পড়িল । তখন কে এই উষর, মরুভূতুল্য স্থানে শীতল গন্ধবহের আবির্ভাবের ছায় রামের সংবাদ লইয়া তাঁহার নিকট দাঁড়াইল ? কে ওই নতজানু, কৃতাজলি ও অভিবাক্তনশীল হইয়া তাঁহাকে অমৃততুল্য বাক্যে বলিল—

“ক। নু পদ্মপলাশাক্ষি ক্লিন্নকৌশেয়বাসিনি ।

অন্নশ্র শাখামালয়া তিষ্ঠসি ভ্রমনিদ্রিতে ॥

কিমর্থং তব নেত্রাভ্যাং বারি প্রবতি শোকজগৎ ।

পুণ্ডরীকপলাশাভ্যাং বিপ্রকীর্ত্তিবোধকং ॥”

হে পদ্মপলাশাক্ষি, ক্লিন্নকৌশেয়বাসিনি অনিদ্রিতে, আপনি কে, অশোকের শাখা ধরিয়া দাঁড়াইয়া আছেন ? পদ্মপলাশদল হইতে নীরবিন্দু পতনের ছায় আপনার দুইটি সুন্দর চক্ষু হইতে অশ্রু পড়িতেছে কেন ?

হনুমানের আগমনে সীতার নিবিড় বিপদরাশির অন্ত হইবে—

এই আশার সূচনা হইল,—জাঁবার অশোকবনের চিত্রখানিতে যেন একটি কিরণ-রেখা প্রবেশ করিয়া তাহা উজ্জ্বল করিয়া দিল । কিন্তু হুমায়ূনকে নিকটবর্তী দেখিয়া প্রথমতঃ রাবণভ্রমে সীতা আতঙ্কিত হইয়াছিলেন ; সেই আশঙ্কায় তাঁহার কুন্দপুত্র অঙ্গুলি-গুলি অশোকের শাখা ছাড়িয়া দিল ; তিনি দাঁড়াইয়াছিলেন, ভয়ে অবসন্ন হইয়া পড়িলেন ; সেই ভয়ের মধ্যেও তিনি একটু আনন্দ পাইয়াছিলেন ; এক এক বার মনে করিতেছিলেন, ইহাকে দেখিয়া আমার চিত্ত স্থষ্ট হইতেছে কেন ?

হুমায়ূন তখন তাঁহার প্রতীতির জন্ত রামের সমস্ত ইতিহাস তাঁহাকে শুনাইলেন—শ্রামবর্ণ বাম এবং “সুবর্ণচ্ছবি” লক্ষ্মণের দেহ-সৌষ্ঠব সমস্ত বর্ণন করিলেন—তখন সীতার বিবাস হইল, হুমায়ূন রামের দূত । বিপৎ-সমুদ্রে পতিতা সীতা সেই শেষরাত্রে যেন কূল পাইলেন,—আশার নক্ষত্র কালরজনী ভেদ করিয়া কিরণদান করিল । কাদিতে কাদিতে সীতা হুমায়ূনকে শত শত প্রণয় করিলেন,—রামের কার্য্যকলাপ, তাঁহার অভিপ্রায়—সমস্ত জানিয়া সীতা পুলকাক্ষ বর্ণন করিতে লাগিলেন । হুমায়ূনের নিকট রামের নাগাঙ্কিত অঙ্গুরীয়ক ছিল—তাহা তিনি অভিজ্ঞানস্বরূপ আনিয়াছিলেন ; কিন্তু এ পর্য্যন্ত তিনি তাহা দেন নাই, সাধারণ দূত সেই অঙ্গুরীয়ক দ্বারাই কথোপকথনের মুখবন্ধ করিত, কিন্তু হুমায়ূন সেই বাহ্যচিহ্নের উপর ততটা মূল্য আরোপ করেন নাই । তাঁহার পরিচয়ে সীতার সম্পূর্ণ প্রতীতি উৎপাদন করিয়া শেষে অঙ্গুরীয়কটি দিয়াছিলেন ।

সীতার নিকট হইতে অভিজ্ঞানস্বরূপ চুড়ামণি লইয়া তিনি বিদায় হইলেন, কিন্তু রাবণের সৈন্তবল, সভা ও মন্ত্রণাদি সম্বন্ধে বিশেষরূপে সমস্ত তথ্য অবগত না হইয়া প্রত্যাবর্তন করা তিনি উচিত মনে করিলেন না। এ সম্বন্ধে স্মরণীয় কি রাম তাঁহাকে কোন উপদেশই দেন নাই—তথাপি তাঁহার দৌত্য সম্পূর্ণরূপে সফল করিবার জন্য রাবণের সঙ্গে সাক্ষাৎ করা আবশ্যিক মনে করিলেন। তিনি যদি তৎকালের মত ফিরিয়া যান, তবে তাঁহার জগজ্জয়ী মহাপ্রতাপশালী প্রভু রামচন্দ্রের ভৃত্যের যোগ্য কার্য্য করা হয় না, এই চিন্তা করিয়া তিনি অশোকবনের তরুলতা উৎপাটন করিয়া লক্ষাবাসীদিগের দৃষ্টি আকর্ষণ করিতে লাগিলেন। তাহারা যাইয়া রাবণকে সংবাদ দিল, “কে একটা মহাশক্তিবর বীর অশোকবন ভগ্ন করিয়া রাক্ষসগণকে ভয় দেখাইতেছে—সে বহুক্ষণ সীতার সঙ্গে কথোপকথন করিয়াছে।” রাবণ ক্রুদ্ধ হইয়া তাঁহাকে ধৃত করিবার আদেশ প্রচার করিল, বহু রাক্ষসসৈন্ত নষ্ট করিয়া হনুমান ধরা দিলেন। রাবণের সভায় আনীত হইলে তাঁহাকে প্রশ্ন করা হইল—তিনি বিষ্ণু, ইন্দ্র, কিংবা কুবের, ইহাদের মধ্যে কাহার দূত ?

হনুমান্ বলিলেন—

“ধনদেন ন মে সখ্যং বিষ্ণুনা নান্মি চোদিতঃ ।”

কেনচিদ্রামকার্ষোণ আগতোহন্মি তবাস্তিকম্ ॥”

“আমার কুবেরের সঙ্গে সখ্য নাই, বিষ্ণুও আমাকে পাঠান নাই, আমি রামের কোন কার্য্যের জন্য এখানে উপস্থিত হইয়াছি।”

এই সভায় রাবণের অতুল ঐশ্বর্য ও বিপুল প্রতাপ দেখিয়া হুম্মান্ বিস্মিত হইয়াছিলেন, কিন্তু যেরূপ নির্ভীকভাবে তিনি রাবণকে ধর্মসম্বন্ধে উপদেশ দিয়াছিলেন, সেই উপদেশ অবহেলা করিলে লক্ষার ভাবী বিনাশ অবশ্যস্তাবী, ইহা স্পষ্টরূপে নির্দেশ করিয়া রাবণপ্রদত্ত মৃত্যুদণ্ডের জন্ত যেরূপ অবিচলিত সাহসে তিনি দাঁড়াইয়াছিলেন—তাহাতে আমরা তাঁহার কর্তব্য-কঠোর অটল-সঙ্কল্পাক্রান্ত মূর্তির আভাস পাইয়া চমৎকৃত হই। তিনি ত্রিলোক-বিজয়ী সত্যাকারের সম্মুখে ধর্মের কথা ধর্মযাজকের মত কহিয়া-
ছিলেন,—পরিণামদর্শী বিজ্ঞের স্থায় ভাবব্যতীর চিত্র আঁকিয়া দেখাইয়াছিলেন এবং ফলাফল তুচ্ছ করিয়া কর্তব্যনিষ্ঠার দৃঢ়-
ভিত্তিতে বীরের স্থায় দাঁড়াইয়াছিলেন,—ক্রুদ্ধ রাবণ যখন তাঁহার উপর মৃত্যুদণ্ডের আদেশ প্রদান করিল, তখনও তাঁহার উজ্জল উদগ্ররূপ অবিচলিত ছিল,—তাঁহার প্রশস্ত ললাট একটুও ভয়-
কুঞ্চিত হয় নাই। বিভীষণের উপদেশে তাঁহার অপর প্রকার দণ্ডের ব্যবস্থা হইল।

হুম্মান্ যখন সাগর অতিক্রম করিয়া তাঁহার পথপ্রেক্ষী বানর-
গণুলীর নিকট সীতার সংবাদ লইয়া উপস্থিত হইলেন, তখন
সেই নিরাশা-বিশীর্ণ মৃতকল্প কপিকুল এক বিশাল আনন্দকলারবে
জাগিয়া উঠিল, তাহারা নাচিয়া গাহিয়া তাঁহার অভ্যর্থনা করিল।

হুম্মান্ বহুকষ্ট সহ্য করিয়া কর্তব্য সমাধা করিয়াছিলেন।
আজ একদিনের জন্ত বন্ধুগণের সঙ্গে আনন্দ-উৎসবে যোগদান
করিলেন,—সেই আনন্দোচ্ছ্বাসে সমুদ্রের উপকূল টগমল করিতে

লাগিল। স্নগ্ৰীবের আদেশ-রক্ষিত মধুবনে যাইয়া তাহারা একটি শাবন বা ঘূর্ণাবর্তের স্থায় পতিত হইল, মধুবনপ্রহরী দধিগুথ বানর তাহাদিগকে বাধা দিতে যাইয়া প্রহার-জর্জরিত দেহে পলায়ন করিল।

তখন হুম্যান্ একদিনের জন্ত বন্ধুজনের সঙ্গে মধুবনে মধুফলাস্বাদনে প্রমত্ত হইলেন। সকলে মিলিয়া তাহারা উৎসবের দিন কি ভাবে বঞ্চন করিয়াছিল, বাণীকি তাহা বিস্তৃতভাবে বর্ণন করিয়াছেন—

“গায়ন্তি কেচিৎ প্রহসন্তি কেচিৎ ।

নৃত্যন্তি কেচিৎ প্রণমন্তি কেচিৎ ।”

কেহ গান করিতে লাগিল, কেহ হাসিতে লাগিল, কেহ নাচিতে লাগিল, কেহ বা প্রণাম করিতে লাগিল।

কর্তব্যের কঠোর আশ্রিত্যের পর এই প্রমোদচিত্র কি সুন্দর !

হুম্যান্ লঙ্কায় শুধু সীতাকে দেখিয়া আইসেন নাই, তিনি লঙ্কাসম্বন্ধে রামকে যে সকল কথা জানাইয়াছিলেন, তাহাতে তাঁহার স্মৃতি স্মৃতিত হইয়াছে। হুম্যান্ জিজ্ঞাসিত হইয়া রামকে লঙ্কাসম্বন্ধে বলিয়াছিলেন,—

“লঙ্কাপুরী হস্তী, অশ্ব ও রথে পূর্ণ, উহার কপাট দৃঢ়বন্ধ ও অর্গলযুক্ত, উহার চতুর্দিকে প্রকাণ্ড চারিটি দ্বার আছে। ঐ দ্বারে বৃহৎ প্রস্তর, শর ও যন্ত্রসকল সংগৃহীত রহিয়াছে। প্রতি-পক্ষসৈন্য উপস্থিত হইবামাত্র তদ্বারা নিবারিত হইয়া থাকে। ঐ দ্বারে যন্ত্রসজ্জিত লৌহময় শত শত শতগ্নী আছে। লঙ্কার চতুর্দিকে

স্বর্ণপ্রাচীর, উহা গণিরত্বখচিত ও ছলজ্বা। উহার পরই একটি ভয়ঙ্কর পরিখা আছে। উহা অগাধ ও নক্রকুন্তীরপূর্ণ। প্রত্যেক দ্বারে এক একটি বিস্তীর্ণ সেতু দৃষ্ট হইয়া থাকে। উহা যত্নলব্ধিত, প্রতিপক্ষীয় সৈন্য উপস্থিত হইলে ঐ যত্নদ্বারা সেতু রক্ষিত হয় এবং শত্রুসৈন্য ঐ যত্নবলেই পরিখায় নিক্ষিপ্ত হইয়া থাকে। লঙ্কায় নদীদুর্গ, পর্বতদুর্গ ও চতুর্বিধ কৃত্রিম দুর্গ আছে। ঐ পুরী দূর-প্রসারিত সমুদ্রের পারে। সমুদ্রে নৌকার পথ নাই, উহার চতুর্দিক্ নিরুদ্দেশ।”

হনুমান্ শুণীর সম্মান জানিতেন। রাবণকে দেখিয়া হনুমানের মনে প্রগাঢ় শ্রদ্ধার উদ্ভেক হইয়াছিল; তাহার ধর্মশূন্যতা-দর্শনে তিনি দুঃখিত হইয়াছিলেন, কিন্তু সচল হিমাদ্রির স্থায় সমুদ্রতদেহ রাক্ষসরাজের প্রতাপ দেখিয়া হনুমান্ বলিয়া উঠিয়াছিলেন—

“অহো রূপমহো ধৈর্যমহো মহিমহো ছাতিঃ ।

অহো রাক্ষসরাজস্ত সর্বলক্ষণযুক্ততা ॥

যদ্যধর্মো ন বলবান্ শ্রাদ্ধয়ং রাক্ষসেশ্বরঃ ।

শ্রাদ্ধয়ং স্বরলোকস্ত সশত্রুস্তাপি রক্ষিতা ॥”

‘ইহার কি অপূর্ব রূপ, কি ধৈর্য্য, কি শক্তি, কি কাঙ্ক্ষা, সর্বক্ষেত্র কি সুলক্ষণ! যদি ইনি অধর্মশীল না হইতেন, তবে সমস্ত দেব-তারা, এমন কি ইন্দ্রও ইহার আশ্রয়ভিক্ষা করিতে পারিতেন।’ রামচন্দ্রকে হনুমান্ বলিয়াছিলেন—

“রাবণ যুদ্ধার্থী, কিন্তু ধীরস্বভাব ও সাবধান, তিনি স্বয়ংই সতত সৈন্য পর্য্যবেক্ষণ করিয়া থাকেন।”

রাণায়ণের সর্বত্র হনুমান্ আশা ও শান্তির কথা বহন করিয়া আনিয়াছেন । অশোকবনে সীতা যখন চেড়ীগণপীড়িতা হইয়া দুঃখে চরমসীমায় উপস্থিত হইয়াছিলেন,—যখন লঙ্কাপুরী কাল-রজনীর মত তাঁহাকে গ্রাস করিয়া অবসন্ন করিয়া ফেলিয়াছিল, তখন শুভ অঙ্গুরীয়কের অভিজ্ঞান লইয়া হনুমান্ তাঁহাকে নৈরাশ্র-সমুদ্র হইতে আশার তরণীতে উত্তোলন করিয়াছিলেন । রাম যখন বিরহখিন্ন হইয়া মরুভূর উত্তপ্তবায়ু-পীড়িত পাছের গ্রাণ সীতার সংবাদের জন্য উন্মুখ হইয়াছিলেন,—বানরসৈন্তগণ যখন স্ত্রীধ-কৃত প্রাণদণ্ডের ভয়ে গুঞ্চমুখে সকাঁতর নৈরাশ্রে সমুদ্রের উর্দ্ধচর দাত্যহ ও টিট্টিভপক্ষীর গতিতে কোন সুসংবাদের প্রত্যাশা করিয়া আশঙ্কাপীড়িত হইয়াছিল—তখন হনুমান্ অমৃতৌষধির গ্রাণ সুবার্ত্তা বহন করিয়া আনিয়া নৈরাশ্রের রাজ্য আশার কল-কোলাহলে মুখরিত করিয়াছিলেন । আর যেদিন চতুর্দশবৎসরান্তে ফলমূলাহাবী ও অনশনক্লশ রাজর্ষি ভরত নন্দীগ্রামের আশ্রমে ভ্রাতৃপাত্ৰকা-বিভূষিত সন্তকে রামের প্রত্যাগমনের প্রতীক্ষায় আকুল হইয়া পড়িয়াছিলেন, চতুর্দশবৎসরান্তে রাম ফিরিয়া না আসিলে—“প্রবেক্ষ্যামি হতাশনং” অগ্নিতে প্রাণ বিসর্জন দিতে যিনি কৃতসঙ্কল্প ছিলেন—সেই আদর্শ ভ্রাতা—রাজর্ষির ঘোর আশা ও আশঙ্কার দিনে তাঁহাকে সাদরে সন্তাষণ করিয়া বৃদ্ধব্রাহ্মণবেশী হনুমান্ বলিয়াছিলেন—

“বসন্তং দণ্ডকারণো যং ত্বং চীরজটাধরম্ ।

অনুশোচসি কানুৎসং স ত্বং কুশলমব্রবীৎ ॥”

“রাজন্, আপনি দণ্ডকারণ্যবাসী চীরজটাধর যে জ্যেষ্ঠভ্রাতার জন্ত অল্পশোচনা করিতেছেন, তিনি আপনাকে কুশল জিজ্ঞাসা করিয়াছেন।” স্মৃতরাং যখনই আমরা হনুমানকে দেখি, তখনই তিনি আমাদের প্রিয়দর্শন। অত্যন্ত বিপদের মধ্যে তিনি আশার সংবাদে উৎসাহিত করিয়াছেন—তিনি বিপদভঞ্নের পূর্বাভাসের মত উদয় হইয়াছেন, কিন্তু পরের বিপদ দূর করিতে যাইয়া তিনি নিজেকে কত বিপদাপন্ন করিয়াছেন, ভাবিলে ত্যাগের মহিমায় তাঁহার চিত্র সমুজ্জ্বল হইয়া উঠে।

রামচন্দ্র অযোধ্যায় প্রত্যাগমন করিয়া স্ত্রীবি ও অঙ্গদকে মণিময়হার এবং অন্যান্য আভরণ প্রদান করিলেন। সীতাদেবী তখন স্বীয়কণ্ঠলব্ধিত উজ্জ্বল মুক্তাহার খুলিয়া রামের প্রতি দৃষ্টিপাত করিলে রাম বলিলেন, “তুমি এই হার যাহাকে দিয়া সুখী হও, তাহাকেই উহা দান কর।” সেই বহুমূল্য হার উপহার পাইয়া হনুমান্ আপনাকে কৃতার্থ মনে করিলেন।

হনুমানের এই কয়েকটা গুণের কথা বাণীকি লিখিয়াছেন—
ধৈর্য্যমিশ্র তেজ, নীতির সহিত সরলতা, সামর্থ্য ও বিনয়, গম্ভীর পৌরুষ ও বুদ্ধি ; পরস্পরবিরোধী গুণরাশি তাঁহার চরিত্রে সম্মিলিত হইয়াছিল এবং তিনি তাহাদের সকল গুলিকেই কর্তব্যানুষ্ঠানে নিযুক্ত করিতে পারিয়াছিলেন।

ভরত, লক্ষ্মণ, কৌশল্যা, দশরথ প্রভৃতি সকলেরই রামের প্রতি অনুরাগ সহজে কল্পনা করা যায়,—ইহারা রামের স্বগণ ; কিন্তু কোথাকার এক বর্ষরদেশের অনুরক্ত মৃত্তিকায় এই ভক্তিকুসুম

অসাধনে উৎপন্ন হইল—তাহা আমবা আশাতীতরূপে পাইয়া সবিষ্ময়ে দর্শন করি। বিভীষণ ও সুগ্রীবের মৈত্রী হনুমানের প্রভুভক্তির তুল্য গভীর নহে এবং তাঁহাদের সৌহার্দে আদান প্রদানের ও স্বার্থের ভাব আছে, কিন্তু হনুমানের ভক্তি সম্পূর্ণ অহেতুকী। পরবর্ত্তী হিন্দুগণ তাঁহার এই ভক্তিভাবের প্রতিই বিশেষরূপে লক্ষ্যস্থাপন করিয়াছেন, কিন্তু আমাব বোণ হয়, ভক্তি অপেক্ষাও উন্নত কর্তব্যের প্রেবণাই তাঁহাকে অধিকতররূপে কার্য্যে প্রবর্ত্তিত করিয়াছে।

যে কাজের ভাব তিনি লইতেন, প্রাণপণে তিনি তাহা সমাধা করিতেন,—কিছুতে সেই কার্য্য উৎকৃষ্ট ভাবে সম্পন্ন করিতে পারিতেন, মনে মনে সর্বদা তাহাই আনোচনা করিতেন—এইজন্যই আমবা প্রতি পাদক্ষেপে তাঁহাকে বিতর্ক করিয়া অগ্রসব হইতে দেখিতে পাই—কোথায়ও কর্তব্য-সাধনে কোন ছিদ্র বহিয়া গেল কি না—তাঁহার কোন্ পন্থা অবগত নীয়, ইহা তিনি দার্শনিকের স্থায় মনে মনে বিচার করিয়া স্থির করিয়াছেন এবং শেষে সংকল্প-রূঢ় হইয়া বীরের স্থায় দাঁড়াইয়াছেন। আর একটি বিশেষ কথা এই যে কর্তব্য সম্পাদনের সময় স্বীয় সুখভোগ বা কার্য্যের ফলাফল তাঁহার আদৌ বিচার্য্য ছিল না, গীতায় যে নিকাম কর্ম্মের আদর্শ সংস্থাপিত হইয়াছে হনুমান্ তাহারই জীবন্ত উদাহরণ—এই নিকাম কর্তব্য-বুদ্ধিই প্রকৃতরূপে ভগবদাস্ত্রভাব, এই জন্যই বৈষ্ণবেরা তাঁহাকে আপনাব করিয়া লইয়াছেন। তাঁহার সেবা সম্পূর্ণ অহেতুকী—সেই সেবা স্মৃতি মধ্যে—অনুবাগের বাহ্য

উচ্ছ্বাস বা ভক্তির আড়ম্বর দৃষ্ট হয় না। যাহাবা প্রেম বা ভক্তির উচ্ছ্বাসে কার্য্য করেন—তাহাদের কার্য্য প্রাণপণে নির্বাহিত হয় কিন্তু, সেই উচ্ছ্বাসিত অনুষ্ঠানগুলি মধ্যে মধ্যে ভ্রমাত্মক হইয়া পড়িবার আশঙ্কা থাকে, হুম্মানের কার্য্যগুলির মধ্যে সেরূপ উৎসাহ নাই—তাহা সূক্ষ্ম আত্মানুসন্ধান ও কঠোর বিচার-প্রসূত। তিনি আত্মানুসন্ধান সম্যাসী মত নিজে নির্নিপুণ থাকিয়া অতিশয় কঠোর কর্তব্যের পথে বিচরণ করিয়াছেন। সে কর্তব্য সম্পাদনে তিনি সূত্রীবেব সম্বন্ধেও যেকণ দৃঢ়হস্ত, বাগের আদেশ পালনেও তাহাই। বাগীকি অঙ্কিত হুম্মান্ চিত্রের উজ্জ্বল কপালে প্রজ্জ্বল জ্যোতি নিঃসৃত হইতেছে ও তাহার হস্ত সবদে কর্তব্যের হাল ধরিয়া আছে—তাহার চিত্ত কামনাশূন্য, তাহার দৃষ্টি বিলাসহীন এবং তীক্ষ্ণভাবে ভবিষ্যৎদর্শী, তিনি ঋষির গ্রাম স্বীয় চরিত্রের কঠোর বিচারক, ত্যাগী এবং স্থিরদাক্ষ্য। এই সুকন গুণের পূজাব ভগ্ন কিস্কিন্দ্যাব অনার্য্য বীরববেব উদ্দেশ্যে আৰ্য্যাবর্ত্তে শত শত মন্দির উত্থিত হইয়াছে এবং এই জগ্ন ভবভূতি লক্ষ্যণেব মুখে হুম্মানকে “আৰ্য্য হুম্মান্” বলিয়া সম্বোধন করিতে দ্বিধা বোধ করেন নাই।

